

PENYATA DEWAN

PERSIDANGAN PERTAMA (PERASMIAN) PENGGAL KEEMPAT DEWAN UNDANGAN NEGERI YANG KE-13 PADA 11 APRIL 2016

HADIR:

BIL.	NAMA	ADUN
1.	YANG DIPERTUA DEWAN UNDANGAN NEGERI, NEGERI SEMBILAN: Y.B. Dato' Dr. Haji Awaludin bin Said, D.S.N.S., A.N.S., P.M.C.	Kota
2.	MENTERI BESAR NEGERI SEMBILAN: Y.A.B. Dato' Seri Utama Haji Mohamad bin Haji Hasan, S.P.N.S., D.S.N.S., P.S.D., D.S.S.A., A.N.S.	Rantau
3.	Y.B. Dato' Haji Hasim bin Rusdi, D.P.N.S., D.M.S.M., P.P.T., J.P., A.N.S., A.M.N., P.M.C., P.J.K.	Labu
4.	Y.B. Dato' Manickam a/l Letchuman, D.P.N.S., P.M.C., P.J.K.	Jeram Padang
5.	Y.B. Dato' Haji Ismail bin Lasim, D.S.N.S., A.N.S., P.M.C.	Senaling
6.	Y.B. Dato' Norhayati binti Omar, D.S.N.S., P.M.C., P.J.K.	Pilah
7.	Y.B. Dato' Haji Shamshulkahar bin Haji Mohd. Deli, D.P.N.S., P.M.C., P.J.K.	Serting
8.	Y.B. Dato' Zaifulbahri bin Idris, D.P.N.S., D.N.S., P.J.K.	Chembong
9.	Y.B. Dato' Haji Jalaluddin bin Haji Alias, D.P.N.S., P.G.D.K., D.N.S., J.P.	Pertang
10.	Y.B. Dato' Haji Tun Hairudin bin Abu Bakar, D.P.N.S., J.P., P.M.C., P.J.K.	Bagan Pinang
11.	Y.B. Dato' Abd. Razak bin Ab. Said, D.P.N.S., P.M.C., P.J.K.	Gemas
12.	Y.B. Dato' Haji Abu Ubaidah bin Dato' Haji Redza, D.P.N.S., J.P.	Ampangan
13.	Y.B. Dato' Haji Lilah bin Haji Yasin, D.S.N.S.	Palong
14.	Y.B. Dato' Haji Mohammad Razi bin Haji Kail, D.S.N.S.	Juasseh
15.	Y.B. Dato' Abd. Samad bin Haji Ibrahim, D.P.N.S., D.N.S., J.P., P.M.C., P.J.K.	Seri Menanti
16.	Y.B. Dato' Haji Yunus bin Rahmat, D.S.N.S., D.M.S.M., K.M.N., J.P., P.J.K.	Klawang
17.	Y.B. Dato' Haji Ishak bin Ismail, D.S.N.S., J.P., K.M.N., A.M.N.	Lenggeng
18.	Y.B. Tuan Mohd. Razi bin Mohd. Ali, D.N.S., P.M.C.	Sungai Lui
19.	Y.B. Tuan Haji Abu Samah bin Mahat, D.N.S., A.N.S., P.M.C.	Johol

BIL.	NAMA	ADUN
20.	Y.B. Tuan Mohd. Ghazali bin Abd. Wahid, D.N.S., A.N.S., P.M.C.	Paroi
21.	Y.B. Tuan Haji Abdul Rahman bin Mohd. Redza	Lingga
22.	Y.B. Tuan Mohd. Isam bin Mohd. Isa, D.N.S., A.N.S., P.J.K.	Gemencheh
23.	Y.B. Tuan Loke Siew Fook	Chennah
24.	Y.B. Tuan Haji Aminuddin bin Haji Harun	Sikamat
25.	Y.B. Tuan Cha Kee Chin	Bukit Kepayang
26.	Y.B. Tuan Gunasekaren a/l Palasamy	Senawang
27.	Y.B. Tuan Chai Tong Chai	Chuah
28.	Y.B. Tuan Ean Yong Tin Sin	Lukut
29.	Y.B. Tuan Yap Yew Weng	Mambau
30.	Y.B. Tuan Ng Chin Tsai	Temiang
31.	Y.B. Tuan Ravi a/l Munusamy	Port Dickson
32.	Y.B. Tuan Veerapan a/l Superamaniam	Reparah
33.	Y.B. Puan Mary Josephine Prittam Singh	Rahang
34.	Y.B. Tuan Chew Seh Yong	Bahau
35.	Y.B. Tuan Siow Kim Leong	Lobak
36.	Y.B. Tuan Arul Kumar a/l Jambunathan	Nilai

**HADIR MENGIKUT FASAL 37(3) UNDANG-UNDANG
TUBUH KERAJAAN NEGERI SEMBILAN**

1. Y.B. SETIAUSAHA KERAJAAN NEGERI, NEGERI SEMBILAN
(Dato' Haji Mat Ali bin Hassan, D.P.N.S., D.P.T.J., J.M.N., P.A.T., A.M.T.)
2. Y.B. PENASIHAT UNDANG-UNDANG NEGERI, NEGERI SEMBILAN
(Y.B. Dato' Iskandar Ali bin Dewa, D.P.N.S., A.M.P.)
3. Y.B. PEGAWAI KEWANGAN NEGERI, NEGERI SEMBILAN
(Dato' Haji Tahar bin Haji Sudin, D.P.N.S.)

PEGAWAI BERTUGAS

1. SETIAUSAHA DEWAN UNDANGAN NEGERI, NEGERI SEMBILAN
(Encik Mohd. Amin bin Ludin, A.N.S.)
2. PENOLONG SETIAUSAHA
(Encik Ahmansah bin Ahmad)

BENTARA DEWAN

1. Encik Abdul Muhammin bin Shamsudin

URUSETIA OPERASI

1. Encik Nor Adzman bin Alias
2. Encik Abd. Halim bin Zakaria
3. Puan Azean binti Ariffin
4. Puan Haslina binti Haji Abu Hassan
5. Puan Rozita binti Zakaria
6. Encik Khairul Azizi bin Abd. Aziz
7. Cik Nur Baizura binti Osman
8. Cik Shima Affiza binti A. Manap
9. Encik Noor Hazreen bin Jamlus
10. Encik Muhammad Firdaus bin Abd. Halim
11. Puan Zaiton binti Aziz
12. Encik Mohd. Hafiz bin Zainudin
13. Encik Shamsul bin Md. Zin
14. Encik Arman bin Pilus
15. Encik Mohd. Soffian bin Sharif

[Setiausaha Dewan mengumumkan ketibaan Y.B. Yang Dipertua Dewan]

Setiausaha Dewan: Yang Berhormat Yang Dipertua Dewan.

[Persidangan dimulakan pada jam 10.05 pagi]

Setiausaha Dewan: Persidangan Pertama (Perasmian) Penggal Keempat, Dewan Undangan Negeri Yang Ke-13. Susunan Mesyuarat.

1. MEMBACA DOA

Setiausaha Dewan: Perkara pertama, Membaca Doa. Dipersilakan Yang Berhormat ADUN Johol.

[Y.B. ADUN Johol telah membacakan doa di bawah Peraturan 9, Peraturan-Peraturan dan Perintah-Perintah Tetap Dewan Negeri]

2. PERUTUSAN YANG BERHORMAT YANG DIPERTUA DEWAN

Setiausaha Dewan: Perkara kedua, Perutusan Yang Berhormat Yang Dipertua Dewan.

Y.B. Yang Dipertua Dewan: Bismillahirrahmanirrahim. Assalamualaikum w.b.t. dan salam sejahtera. Alhamdulillah, segala puji bagi Allah, selawat dan salam ke atas junjungan Nabi Muhammad s.a.w. Yang Amat Berhormat Dato' Seri Utama Haji Mohamad bin Haji Hasan; Menteri Besar Negeri Sembilan Darul Khusus, Yang Berhormat ahli-ahli Majlis Mesyuarat Kerajaan Negeri, ahli-ahli Yang Berhormat, ketua-ketua jabatan, Dato'-Dato', Datin-Datin, tuan-tuan dan puan-puan hadirin yang dihormati sekalian. Saya mengambil kesempatan ini untuk mengucapkan selamat datang ke Persidangan Pertama yakni Perasmian, Penggal Keempat, Dewan Undangan Negeri, Negeri Sembilan Yang Ke-13 dan akan berlangsung selama dua hari bermula pada hari ini, Isnin sehingga esok, Selasa, 12 April 2016.

Ahli-ahli Yang Berhormat sekalian, sebentar lagi kita akan mendengar Titah Ucapan dan perasmian persidangan penggal pertama, penggal ke, Persidangan Pertama Penggal Keempat, Dewan Undangan Negeri, Negeri Sembilan Yang Ke-13 oleh Duli Yang Maha Mulia Yang

di-Pertuan Besar Negeri Sembilan. Justeru itu, saya menyeru semua yang hadir di Dewan yang mulia, khususnya ahli-ahli Yang Berhormat supaya mengikuti serta memberi tumpuan sepenuh perhatian kepada Titah Ucapan Baginda yang menjadi fokus serta hala tuju pembangunan Negeri Sembilan bagi tahun 2016 dan seterusnya.

Di samping itu, titah ucapan Ke Bawah Duli Tuanku juga adalah merupakan amanat serta ingatan yang dizahirkan oleh Baginda yang perlu dihayati oleh semua pihak. Justeru itu, saya meminta kepada semua pihak, terutamanya ahli-ahli Yang Berhormat meletakkan bahawa Titah Ucapan Baginda itu adalah titah yang telah ditetapkan dan diperkenankan oleh Baginda dalam menyampaikan ucapan perasmian pada hari ini.

Kepada ketua-ketua jabatan, di samping mengambil titah ucapan Duli Yang Maha Mulia Yang di-Pertuan Besar Negeri Sembilan, serta perbahasan yang diambil oleh, bahagian oleh ahli-ahli Yang Berhormat, sila ambil tindakan susulan mengenai isu-isu yang dibangkitkan di Dewan ini demi kepentingan rakyat. Sekian, wabillahitaufik walhidayah, assalamualaikum w.b.t.

3. **PERINGATAN MESYUARAT**

Setiausaha Dewan: Perkara ketiga, Peringatan Mesyuarat Mengesahkan Peringatan Mesyuarat Kali Ketiga (Belanjawan) Penggal Ketiga, Dewan Undangan Negeri, Negeri Sembilan Yang Ke-13 yang telah diadakan pada 27, 30 November dan 1 Disember 2015.

Y.B. Yang Dipertua Dewan: Ahli-ahli Yang Berhormat sekalian, Peringatan Mesyuarat Kali Ketiga (Belanjawan) Penggal Ketiga, Dewan Undangan Negeri, Negeri Sembilan Yang Ke-13 yang telah diadakan pada 27, 30 November dan 1 Disember 2015 telah pun diedarkan salinannya. Oleh itu, ada apa-apa teguran?

Y.B. ADUN Chennah: Dato' Yang Dipertua, saya merujuk kepada Penyata Rasmi, muka surat 235 dan muka surat 236 tertinggal daripada Penyata Rasmi.

Y.B. Yang Dipertua Dewan: Muka surat berapa Yang Berhormat?

Y.B. ADUN Chennah: Muka surat 235 dan muka surat 236.

Y.B. Yang Dipertua Dewan: Apakah tegurannya?

Y.B. ADUN Chennah: Tertinggal, tidak ada dalam buku.

Y.B. Yang Dipertua Dewan: Ada. Ahli Yang Berhormat, Penyata Rasmi ada di depan saya, ada mempunyai muka surat 235 dan

Y.B. ADUN Chennah: Dalam buku saya tak ada. 235 dan 236.

Y.B. Yang Dipertua Dewan: Mintak diganti

Y.B. ADUN Chennah: Sebab YB ADUN Bahau mintak Yang Berhormat ADUN Serting tarik balik. ADUN Serting cakap "tarik apa ini". Lepas tu, tak ada lagi.

Y.B. Yang Dipertua Dewan: Yang mana tertinggal Yang Berhormat?

Y.B. ADUN Chennah: Muka surat 235 dan 236.

Y.B. Yang Dipertua Dewan: Tak ada, Yang Berhormat tidak ada?

Y.B. ADUN Chennah: Tak ada, dalam buku ni tak ada.

Y.B. Yang Dipertua Dewan: Saya mintak, urusetia tolong gantikan.

[Petugas Dewan menukar Penyata Rasmi Y.B. ADUN Chennah dengan naskah yang baru]

Y.B. Yang Dipertua Dewan: Ahli-ahli Yang Berhormat yang lain ada muka surat yang disebutkan. Yang lain tak bawa? Oleh itu, okay Yang

Berhormat, ada? Sekiranya tidak ada lagi teguran, diharap seorang ahli mencadang dan seorang ahli menyokong supaya disahkan.

Y.A.B. ADUN Rantau: Dato' Yang Dipertua, saya mohon mencadangkan supaya Peringatan Mesyuarat tersebut disahkan.

Y.B. ADUN Labu: Dato' Yang Dipertua, saya bangun menyokong cadangan tersebut.

Y.B. Yang Dipertua Dewan: Ahli-ahli Yang Berhormat, yang bersetuju Peringatan Mesyuarat ini disahkan, sila angkat tangan [semua 35 orang ahli Yang Berhormat yang hadir bersetuju], yang tidak bersetuju, yang berkecuali? Peringatan Mesyuarat ini disahkan.

[Peringatan Mesyuarat Kali Ketiga (Belanjawan) Penggal Ketiga, Dewan Undangan Negeri, Negeri Sembilan Yang Ke-13 yang telah diadakan pada 27, 30 November dan 1 Disember 2015 disahkan tanpa pindaan dan Y.B. Yang Dipertua Dewan menandatangani Peringatan Mesyuarat tersebut.]

4. TITAH UCAPAN DIRAJA

Setiausaha Dewan: Perkara keempat, Titah Duli Yang Maha Mulia Yang di-Pertuan Besar Negeri Sembilan Darul Khusus.

Y.B. Yang Dipertua Dewan: Ahli-ahli Yang Berhormat sekalian, tuan-tuan dan puan-puan, sebentar lagi Duli Yang Maha Mulia Yang di-Pertuan Besar Negeri Sembilan akan menyampaikan titah baginda dalam Dewan yang mulia ini. Dan sekarang Dewan ditangguhkan sebentar untuk keberangkatan tiba Ke Bawah Duli Tuanku.

[Persidangan Dewan ditangguhkan seketika]

[Y.B. Yang Dipertua Dewan meninggalkan Galeri Persidangan]

[Setiausaha Dewan mengumumkan setiap kali ketibaan Yang Teramat Mulia Tunku Besar Tampin, Y.T.M. Undang Luak Rembau dan Y.T.M. Undang Luak Sg. Ujong]

[Seterusnya Setiausaha Dewan mengumumkan keberangkatan tiba D.Y.M.M. Yang di-Pertuan Besar Negeri Sembilan dan D.Y.M.M. Tunku Ampuan Besar Negeri Sembilan]

Y.B. Yang Dipertua Dewan: Mengadap Ke bawah Duli Yang Maha Mulia Yang di-Pertuan Besar Negeri Sembilan, ampun Tuanku, Patik memohon perkenan Ke Bawah Duli Tuanku untuk melafazkan Titah kepada sidang hadirin di dalam Dewan yang mulia ini. Mohon perkenan Tuanku.

[Y.A.B. ADUN Rantau menyembahkan Teks Titah Ucapan DiRaja kepada D.Y.M.M. Yang di-Pertuan Besar Negeri Sembilan]

[Titah ucapan D.Y.M.M. Yang di-Pertuan Besar Negeri Sembilan adalah seperti di Lampiran A]

[Y.A.B. ADUN Rantau mengambil semula Teks Titah Ucapan]

Y.B. Yang Dipertua Dewan: Menjunjung kasih tuanku. Ahli-ahli Yang Berhormat sekalian, Dewan ditangguhkan. Dewan akan disambung semula pada hari Selasa, 12 April 2016 bersamaan 4 Rejab, 1437 Hijrah mulai jam 9.00 pagi.

Keberangkatan Duli Yang Maha Mulia Yang di-Pertuan Besar Negeri Sembilan serta Duli Yang Maha Mulia tuanku, Tunku Ampuan Besar Negeri Sembilan. Diikuti oleh Dato' Undang Yang Empat serta Tengku Besar Tampin.

[Persidangan Dewan Undangan Negeri ditangguhkan pada jam 11.06 pagi]

PENYATA DEWAN

PERSIDANGAN PERTAMA (PERASMIAN) PENGGAL KEEMPAT DEWAN UNDANGAN NEGERI YANG KE-13 PADA 12 APRIL 2016

HADIR:

Bil.	NAMA	ADUN
1.	YANG DIPERTUA DEWAN UNDANGAN NEGERI, NEGERI SEMBILAN: Y.B. Dato' Dr. Haji Awaludin bin Said, D.S.N.S., A.N.S., P.M.C.	Kota
2.	MENTERI BESAR NEGERI SEMBILAN: Y.A.B. Dato' Seri Utama Haji Mohamad bin Haji Hasan, S.P.N.S., D.S.N.S., P.S.D., D.S.S.A., A.N.S.	Rantau
3.	Y.B. Dato' Haji Hasim bin Rusdi, D.P.N.S., D.M.S.M., P.P.T., J.P., A.N.S., A.M.N., P.M.C., P.J.K.	Labu
4.	Y.B. Dato' Manickam a/l Letchuman, D.P.N.S., P.M.C., P.J.K.	Jeram Padang
5.	Y.B. Dato' Haji Ismail bin Lasim, D.S.N.S., A.N.S., P.M.C.	Senaling
6.	Y.B. Dato' Norhayati binti Omar, D.S.N.S., P.M.C., P.J.K.	Pilah
7.	Y.B. Dato' Haji Shamshulkahar bin Haji Mohd. Deli, D.P.N.S., P.M.C., P.J.K.	Serting
8.	Y.B. Dato' Zaifulbahri bin Idris, D.P.N.S., D.N.S., P.J.K.	Chembong
9.	Y.B. Dato' Haji Jalaluddin bin Haji Alias, D.P.N.S., P.G.D.K., D.N.S., J.P.	Pertang
10.	Y.B. Dato' Haji Tun Hairudin bin Abu Bakar, D.P.N.S., J.P., P.M.C., P.J.K.	Bagan Pinang
11.	Y.B. Dato' Abd. Razak bin Ab. Said, D.P.N.S., P.M.C., P.J.K.	Gemas
12.	Y.B. Dato' Haji Abu Ubaidah bin Dato' Haji Redza, D.P.N.S., J.P.	Ampangan
13.	Y.B. Dato' Haji Lilah bin Haji Yasin, D.S.N.S.	Palong
14.	Y.B. Dato' Haji Mohammad Razi bin Haji Kail, D.S.N.S.	Juasseh
15.	Y.B. Dato' Abd. Samad bin Haji Ibrahim, D.P.N.S., D.N.S., J.P., P.M.C., P.J.K.	Seri Menanti
16.	Y.B. Dato' Haji Yunus bin Rahmat, D.S.N.S., D.M.S.M., K.M.N., J.P., P.J.K.	Klawang
17.	Y.B. Dato' Haji Ishak bin Ismail, D.S.N.S., J.P., K.M.N., A.M.N.	Lenggeng
18.	Y.B. Tuan Mohd. Razi bin Mohd. Ali, D.N.S., P.M.C.	Sungai Lui
19.	Y.B. Tuan Haji Abu Samah bin Mahat, D.N.S., A.N.S., P.M.C.	Johol

Bil.	NAMA	ADUN
20.	Y.B. Tuan Mohd. Ghazali bin Abd. Wahid, D.N.S., A.N.S., P.M.C.	Paroi
21.	Y.B. Tuan Haji Abdul Rahman bin Mohd. Redza	Lingga
22.	Y.B. Tuan Mohd. Isam bin Mohd. Isa, D.N.S., A.N.S., P.J.K.	Gemencheh
23.	Y.B. Tuan Loke Siew Fook	Chennah
24.	Y.B. Tuan Haji Aminuddin bin Haji Harun	Sikamat
25.	Y.B. Tuan Cha Kee Chin	Bukit Kepayang
26.	Y.B. Tuan Gunasekaren a/l Palasamy	Senawang
27.	Y.B. Tuan Chai Tong Chai	Chuah
28.	Y.B. Tuan Ean Yong Tin Sin	Lukut
29.	Y.B. Tuan Yap Yew Weng	Mambau
30.	Y.B. Tuan Ng Chin Tsai	Temiang
31.	Y.B. Tuan Ravi a/l Munusamy	Port Dickson
32.	Y.B. Tuan Veerapan a/l Superamaniam	Reparah
33.	Y.B. Puan Mary Josephine Prittam Singh	Rahang
34.	Y.B. Tuan Chew Seh Yong	Bahau
35.	Y.B. Tuan Siow Kim Leong	Lobak
36.	Y.B. Tuan Arul Kumar a/l Jambunathan	Nilai

**HADIR MENGIKUT FASAL 37(3) UNDANG-UNDANG
TUBUH KERAJAAN NEGERI SEMBILAN**

1. Y.B. SETIAUSAHA KERAJAAN NEGERI, NEGERI SEMBILAN
(Dato' Haji Mat Ali bin Hassan, D.P.N.S., D.P.T.J., J.M.N., P.A.T., A.M.T.)
2. Y.B. PENASIHAT UNDANG-UNDANG NEGERI, NEGERI SEMBILAN
(Y.B. Dato' Iskandar Ali bin Dewa, D.P.N.S., A.M.P.)
3. Y.B. PEGAWAI KEWANGAN NEGERI, NEGERI SEMBILAN
(Dato' Haji Tahar bin Haji Sudin, D.P.N.S.)

PEGAWAI BERTUGAS

1. SETIAUSAHA DEWAN UNDANGAN NEGERI, NEGERI SEMBILAN
(Encik Mohd. Amin bin Ludin, A.N.S.)
2. PENOLONG SETIAUSAHA
(Encik Ahmansah bin Ahmad)

BENTARA DEWAN

1. Encik Abdul Muhaimin bin Shamsudin

URUSETIA OPERASI

1. Encik Nor Adzman bin Alias
2. Encik Abd. Halim bin Zakaria
3. Puan Azean binti Ariffin
4. Puan Haslina binti Haji Abu Hassan
5. Puan Rozita binti Zakaria
6. Encik Khairul Azizi bin Abd. Aziz
7. Cik Nur Baizura binti Osman
8. Cik Shima Affiza binti A. Manap
9. Encik Noor Hazreen bin Jamlus
10. Encik Muhammad Firdaus bin Abd. Halim
11. Puan Zaiton binti Aziz
12. Encik Mohd. Hafiz bin Zainudin
13. Encik Shamsul bin Md. Zin
14. Encik Arman bin Pilus
15. Encik Mohd. Soffian bin Sharif

Setiausaha Dewan mengumumkan ketibaan Y.B. Yang Dipertua Dewan.

[Persidangan dimulakan pada jam 9.00 pagi]

1. **MEMBACA DOA**

Setiausaha Dewan: Perkara pertama, Membaca Doa. Dipersilakan Yang Berhormat ADUN Johol.

[Y.B. ADUN Johol telah membacakan doa di bawah Peraturan 9, Peraturan-Peraturan dan Perintah-Perintah Tetap Dewan Negeri]

2. **PERUTUSAN YANG BERHORMAT YANG DIPERTUA DEWAN**

Setiausaha Dewan: Perkara kedua, Perutusan Yang Berhormat Yang Dipertua Dewan.

Y.B. Yang Dipertua Dewan: Bismillahirrahmanirrahim. Assalamualaikum w.b.t. dan salam sejahtera. Alhamdulillah, segala puji bagi Allah, selawat dan salam ke atas junjungan Nabi Muhammad s.a.w.

Yang Amat Berhormat Dato' Seri Utama Haji Mohamad bin Haji Hasan; Menteri Besar Negeri Sembilan Darul Khusus, Yang Berhormat ahli-ahli Majlis Mesyuarat Kerajaan Negeri, ahli-ahli Yang Berhormat, ketua-ketua jabatan, Dato'-Dato', Datin-Datin, tuan-tuan dan puan-puan hadirin yang dihormati sekalian. Persidangan Pertama Penggal Keempat, Dewan Undangan Negeri Sembilan Yang Ke-13 disambung semula.

Sebelum itu, saya ingin membuat beberapa teguran mengenai soalan, soalan lisan dan juga soalan bertulis. Secara rambangnya didapati bahawa kualiti dan mutu soalan tidak banyak berubah. Dan kurang menyentuh perkara-perkara yang berkaitan dengan dasar yang menjadi tujuan dan fokus kepada ahli-ahli Yang Berhormat. Yang kedua, terdapat juga kecenderungan soalan yang berulang-ulang, walaupun penjelasan dan jawapan ke atas perkara tersebut telah pun diberikan oleh pihak kerajaan. Dan ada juga soalan yang berulang di mana soalan lisan dikemukakan dan juga terdapat soalan yang sama dalam soalan bertulis. Itu adalah beberapa perkara yang menyentuh tentang soalan-soalan yang telah disampaikan kepada Dewan ini. Sekian, selamat bersidang.

3. MEMBENTANGKAN KERTAS DEWAN

Setiausaha Dewan: Perkara ketiga, Membentangkan Kertas Dewan.

Y.B. Yang Dipertua Dewan: Ahli-ahli Yang Berhormat sekalian, dimaklumkan tiada Kertas Dewan untuk dibentangkan di persidangan kali ini.

4. MEMBENTANGKAN LAPORAN DAN PENYATA KEWANGAN

Setiausaha Dewan: Perkara keempat, Membentangkan Laporan Dan Penyata Kewangan.

Y.B. Yang Dipertua Dewan: Ahli-ahli Yang Berhormat sekalian, dimaklumkan bahawa tiada Laporan atau Penyata Kewangan yang dibentangkan di persidangan kali ini.

5. PERTANYAAN-PERTANYAAN

5.1 Pertanyaan-Pertanyaan Yang Berkehendakkan Jawapan Lisan

Setiausaha Dewan: Perkara kelima, Pertanyaan-Pertanyaan. Pertanyaan-pertanyaan yang berkehendakkan jawapan lisan.

Y.B. Yang Dipertua Dewan: Saya persilakan Ahli Dewan Undangan Negeri Klawang.

Y.B. ADUN Klawang: Assalamualaikum w.b.t., selamat pagi Dato' Yang Dipertua, soalan saya yang nombor 1.

Y.A.B. ADUN Rantau: Dato' Yang Dipertua, dalam soal perumahan di negara kita ini, ia memang diakui bahawa ia adalah merupakan keutamaan yang diberikan oleh kerajaan untuk memastikan supaya isu perumahan ini dapat disempurnakan supaya rakyat di negara ini sekurang-kurangnya dapat memiliki rumah kediaman. Ini merupakan keutamaan kerajaan baik di peringkat persekutuan mahupun di peringkat negeri. Tambahan pulak, dengan keadaan pasaran

perumahan sekarang ini menjadi topik utama di dalam masyarakat kerana masalah kenaikan harga rumah dan harta tanah yang mendadak dalam beberapa tahun kebelakangan ini, telah menyebabkan ramai daripada ahli masyarakat di negara ini dan juga di negeri ini di dalam keadaan, dalam kategori yang boleh dikategorikan tidak mampu untuk memiliki rumah ataupun membeli rumah. Ini disebabkan oleh lonjakan harga di pasaran, di mana harga rumah telah naik dengan begitu mendadak sekali disebabkan oleh banyak faktor. Faktor kenaikan bahan-bahan pembinaan, faktor kenaikan kos tenaga buruh dan yang paling ketara sekali adalah disebabkan oleh faktor permintaan itu sendiri. Jadi bila permintaan melonjak mengatasi tawaran yang ada dalam pasaran, ditambah pulak oleh, disebabkan oleh harga bahan-bahan mentah pembinaan dan juga kos buruh meningkat, maka dengan secara tersendirinya harga rumah di negara dan juga di negeri ini naik. Ditambah pulak oleh harga harta tanah yang melambung, maka ia telah menjadi sebagai satu faktor utama mengapa terjadinya masalah kenaikan harga rumah di dalam negeri kita.

Oleh yang demikian, Dato' Yang Dipertua, kerajaan baik di peringkat Pusat maupun di peringkat negeri, telah pun menggubal beberapa dasar. Dasar yang mana ia dibuat selaras dengan hasrat untuk melihat supaya rakyat Malaysia masih lagi mampu membeli rumah dan sekurang-kurangnya mereka boleh memiliki rumah, sebiji rumah dalam sa, seumur hidup mereka. Apa yang menjadi persoalan sekarang ialah, kemampuan untuk mempunyai rumah. Dalam soal ini, kerajaan tidak melihat dari segi faktor umur, ya. Kalau dilihat soalan ini, umur 40 tahun ke bawah. Tetapi lebih menjurus kepada dasar yang dibuat untuk kita melihat kategori masyarakat itu sendiri iaitu masyarakat yang berkemampuan, memang tidak menjadi persoalan, tapi masyarakat yang berpendapatan sederhana dan berpendapatan rendah adalah merupakan golongan yang diberikan keutamaan dan sedang dilihat sebagai kategori yang perlu dibantu oleh kerajaan.

Maka kajian dibuat, terdapatlah beberapa kategori yang digolongkan masyarakat Malaysia ini. Masyarakat yang mampu, masyarakat yang mempunyai kedudukan kewangan yang mantap, yang mereka ini berdikari dan wujud satu golongan iaitu kategori yang baru dibuat iaitu mengkategorikan rakyat ini, apa yang dipanggil sebagai B40 iaitu di bawah 40 peratus. Yang mana 40 ratus, 40 peratus ke bawah rakyat Malaysia yang telah pun ditinjau dan telah pun dilihat, dan telah pun dikaji, mereka ini tergolong dalam golongan yang mempunyai masalah, yang mempunyai kekangan untuk mereka mampu membeli rumah ataupun memiliki rumah. Maka ini merupakan golongan yang diberikan tumpuan, golongan yang diberikan keutamaan oleh kerajaan, setelah mengenal pasti bahawa inilah golongan yang benar-benar

mempunyai dan mengalami masalah untuk mereka sama ada nak memiliki rumah ataupun menyewa rumah.

Maka Dato' Yang Dipertua, beberapa dasar dibuat oleh Kerajaan Persekutuan, agensi-agensi kerajaan sendiri dan jugak oleh jabatan-jabatan, terutamanya di bawah Kementerian Perumahan Dan Kerajaan Tempatan, yang telah pun mengadakan berbagai-bagai dasar, memperbaiki dasar yang sedia ada dan me, mengemukakan beberapa dasar ataupun telah pun membuat dasar-dasar baru supaya golongan B40 ini diberikan keutamaan dan diberikan keistimewaan untuk mereka membeli rumah. Kita kata, keistimewaan kerana ada beberapa faktor ataupun ada beberapa dasar yang dibuat, sehingga kerajaan memberikan bantuan deposit rumah 20 peratus. Haa itu merupakan keistimewaan.

Memang kita dah banyak, Dato' Yang Dipertua, kalau kita pergi ke negara-negara lain, kita membaca dasar-dasar negara lain berkenaan dengan isu perumahan, memang kita tak akan jumpa satu dasar yang begitu baik, satu dasar yang begitu mesra rakyat, yang mana sehingga nak beli rumah pun, bayaran deposit pendahuluan pun diberikan. Ini merupakan satu dasar yang mana perlu semua pihak melihatnya sebagai dasar yang amat baik, yang telah pun digubal, yang telah pun dibuat semata-mata untuk memberikan peluang kepada golongan-golongan yang disebutkan tadi, yang dikategorikan tadi, mampu memiliki rumah.

Maka dasar dan jabatan-jabatan yang ada, dan agensi-agensi yang ada telah pun memulakan langkah termasuklah Kerajaan Persekutuan itu sendiri, Dato' Yang Dipertua, di bawah Jabatan Perdana Menteri, yang mana tidak terkecuali jugak B40 ini kategorinya tergolong jugak Pegawai Kerajaan sendiri yang berumur, muda lagi, yang baru memulakan kerjaya, yang mereka berpangkat sederhana dan bergaji sederhana. Mereka jugak tak ketinggalan dikategorikan sebagai golongan yang diberikan tumpuan dan keutamaan. Maka rumah-rumah seperti rumah-rumah harga rendah (RHR) masih lagi dibuat oleh, oleh Kementerian Perumahan Dan Kerajaan Tempatan.

Seperti, kalau saya sebut, di Negeri Sembilan ini, projek yang telah pun disiapkan dan sedang dibuat seperti di Kampung Seliau Jaya di Taman Seliau Jaya, 150 buah rumah telah dibina oleh kerajaan di bawah Kementerian Perumahan Dan Kerajaan Tempatan, dengan harga pembinaannya tidak kurang daripada 130 ribu, tetapi dijual kepada mereka yang benar-benar memerlukan rumah, golongan yang telah pun kita kenal pasti, yang telah kita saring, yang telah pun kita lihat mereka ini mereka yang merupakan golongan yang menjadi tumpuan, dijual sebanyak 35 ribu ringgit saja. Jadi, ini merupakan satu lagi

langkah, Dato' Yang Dipertua, yang tak dapat, terdapat di mana-mana negara.

Yang sedang dibina sekarang ini sebut, 100 buah rumah lagi di Tanah Merah *estate*. Haa ini jugak merupakan rumah yang dibina oleh Kementerian Perumahan Kerajaan Tempatan khusus untuk pekerja-pekerja estet. Yang di Seliau Jaya pun dulu, yang dibina pun khusus untuk pekerja estet di sana, yang telah pun terpaksa meninggalkan estet mereka kerana perubahan dasar tuan punya estet daripada tanaman getah kepada tanaman kelapa sawit. Maka mereka terpaksa keluar ataupun diberhentikan. Dan mereka ini yang telah lama tinggal di estet sana. Lebih kurang dua ke tiga generasi, Dato' Yang Dipertua, mereka tidak ada tempat untuk pergi. Jadi inilah dasar yang dibuat oleh kerajaan untuk membela rakyat. Yang di Tanah Merah pun begitu jugak, Tanah Merah Estate kita bina, dalam keadaan yang sama, tapi rupa bentuk yang lebih menarik lagi supaya ia akan menjadi sebagai kawasan tumpuan ataupun tempat kependudukan yang baru.

Ada dua tempat lagi yang sedang dalam proses tender, Dato' Yang Dipertua, dan akan dibina jugak dalam tahun ini. Iaitu lagi 500 biji di kawasan Chembong, dan 100 biji di kawasan Rantau, kerana ada tanah kerajaan yang mereka mahu bina. Dan beberapa lagi tempat yang telah pun kita kenal pasti, sedang berunding dengan pihak keraja, Kementerian Perumahan Kerajaan Tempatan. Itu berkenaan dengan Jabatan Perumahan ataupun di Kementerian Perumahan Kerajaan Tempatan.

Ada agensi-agensi lain, Dato' Dipertua, yang terus membina, seperti SPNB (Syarikat Perumahan Negara Berhad) dengan berbagai-bagai skim yang mereka buat. Yang khusus, yang paling popular sekali ialah Skim Perumahan Mesra Rakyat, iaitu membina rumah kepada mereka yang mempunyai tapak tanah, yang mempunyai tempat untuk dibina, menggantikan Skim Perumahan Rakyat yang dulu dibina. Dulu kita ada rumah rakyat kita panggil, tapi dah tak ada lagi. Sekarang ini dibina Rumah Mesra Rakyat yang mana lebih selesa, lebih cantik, yang lebih sesuai untuk didiami, Dato' Yang Dipertua, dan itu di antaranya. Tetapi berbagai, ada lima enam kategori pembangunan perumahan di bawah SPNB itu sendiri, tapi yang paling popular adalah Perumahan Mesra Rakyat.

Begitu jugak dengan agensi-agensi lain. Bah, bahkan Dato' Yang Dipertua, di Jabatan Perdana Menteri itu sendiri sedang mengadakan satu skim perumahan khusus untuk pegawai-pegawai kerajaan ataupun perumahan pegawai kerajaan. Dan kita di Negeri Sembilan jugak menyambut baik dan akan mengambil bahagian di dalam isu perumahan untuk pegawai kerajaan ini iaitu kita sedang dalam proses

keluluan, kelulusan Kebenaran Merancang. Saya rasa tak ada masalah Dato' Dipertua, iaitu tanah seluas 45 ekar kepunyaan MBI di Bandar Baru Sendayan, Dato' Yang Dipertua. Ini tanah yang premium, dan kita telah bersetuju di peringkat MBI untuk kita bekerjasama untuk membina ru, kawasan seluas 45 ekar ini, boleh jadi dapat lebih kurang 300 lebih buah rumah, untuk kita bina rumah ataupun pembinaan Skim Perumahan Pegawai Kerajaan ini, Dato' Yang Dipertua. Jadi, ini antara yang berbagai-bagai agensi, jabatan yang telah pun mengambil bahagian.

Dan apa yang paling, yang nak saya sebut di sini Dato' Dipertua, ialah kerajaan telah pun mengemukakan di Dewan yang mulia ini, dalam Dewan yang mulia ini, pada penggal, pertengahan penggal tahun lepas, iaitu Dasar Perumahan Kerajaan Negeri Sembilan itu sendiri. Ini merupakan sesuatu yang unik, Dato' Yang Dipertua, satu-satunya Kerajaan Negeri yang mempunyai dasar perumahannya sendiri. Bukan bermakna kita tidak mahu bersama dengan Kerajaan Pusat, tetapi memandangkan keadaan, masalah kerumitan rakyat berkenaan dengan isu perumahan ini, telah menyebabkan Kerajaan Negeri Sembilan mengemukakan satu dasar untuk kita lihat supaya rakyat di bawah golongan, kategori B40 ini mampu dan boleh memiliki rumah.

Sela, selama ini, Dato' Dipertua, selama lebih 40 lebih tahun, Dasar Perumahan Negara adalah mengikut dasar yang sedia ada, yang telah pun ada selama 40 lebih tahun. Tetapi Dasar Perumahan Negara yang ada Dato' Yang Dipertua, dia tidak begitu rencam, tidak begitu fokus untuk meneliti keadaan semasa. Dia merupakan satu dasar panduan secara umum sahaja iaitu pemaju dikehendaki untuk membina 30 peratus rumah ma, rumah, rumah kos rendah. Itu sahaja. Dan dengan *bumiputera quota*, ataupun kuota untuk bumiputera sebanyak 30 peratus. Kebanyakan penduduk, walaupun mereka ini bawah kategori B40, Dato' Yang Dipertua, mereka tidak begitu mahu ataupun mereka tidak mahu memiliki rumah kos rendah kerana rumah kos rendah ini tidak sesuai lagi. Rumah kos rendah terutamanya dalam bentuk rumah *flat*, rumah yang bertingkat, rumah 1 bilik, 1 bilik air, Dato' Yang Dipertua, memang menyusahkan, dan tidak lagi praktikal.

Sementelahan pulak, kita sekarang berada lagi di ambang Negara Maju, iaitu proses mencapai status Negara Maju pada tahun 2020. Apakah kita mesti mahu tersangkut di dalam kepompong lama pemikiran kita, iaitu kita sentiasa bercakap pasal rumah kos rendah? Kerana pada pengamatan kita, pengamatan saya, tidak ada rumah-rumah kos rendah di dalam negara-negara maju, semuanya rumah, serendah-rendahnya adalah rumah mampu milik. Jadi kita kena *migrate* ataupun kita kena berhijrah kepada satu pemikiran baru, bahawa di Negeri Sembilan, kita tidak mahu lagi melihat rakyat Negeri Sembilan, waima, ataupun

mereka ini berstatus fakir ataupun miskin, duduk dalam rumah yang 1 bilik, seperti rumah burung merpati.

Dan pada kita punya pengamatan, bahawa kompleks-kompleks perumahan seperti ini akhirnya akan menjadi sebagai satu tempat yang mendatangkan banyak masalah, masalah masyarakat. Kita dah lihat dah, Dato' Dipertua, seperti di Ampangan, seperti di Jalan Templer, seperti di Lobak dan macam-macam lagi. Ini tidak lagi sesuai, Dato' Yang Dipertua, iaitu rumah 1 bilik yang didiami oleh keluarga yang mempunyai anak, maka ia tidak lagi boleh diterima pakai di Negeri Sembilan.

Itu sebabnya, kita di Negeri Sembilan membentangkan dan telah pun meluluskan satu dasar, Dewan ini telah pun bersetuju iaitu Dasar Perumahan Kerajaan Negeri Sembilan yang mana semua pemaju-pemaju di Negeri Sembilan yang nak memajukan kawasan harta tanah mereka, melebihi 10 ekar, mereka ini dimestikan, diwajibkan untuk membina 50 peratus daripada jumlah unit yang nak dibina itu dalam bentuk Rumah Mampu Milik, *affordable homes*. *50 percent of the total unit they going to develop must be in the form of affordable homes*, dengan izin. Tak ada, *non-negotiable*, tidak ada kita tolak ansur. Haa itu sebabnya kita telah pun mengemukakan ini.

Dan alhamdulillah, walaupun terdapat banyak rungutan dan tentangan, Dato' Yang Dipertua, tetapi akhirnya, kita punya dasar ini diterima dengan begitu baik oleh semua pihak. Pemaju akhirnya mereka dapat melihat bahawa skim ini memang baik kerana mereka tidak lagi dikenakan untuk membina rumah harga murah, 30 peratus ataupun *low cost house* 30 peratus, tetapi dikenakan 50 peratus Rumah Mampu Milik dengan kategori-kategori masing-masing. Yang mana kategori A-nya, minimum 15 peratus mestilah tidak melebihi 80 ribu. Jadi Dato' Dipertua, ini merupakan sesuatu yang amat menggembirakan semua pihak. Pembeli pun nak beli, pemaju rasa tidak rugi kerana 30 peratus membina rumah *low cost* pada keadaan sekarang ini, dengan harga harta tanah yang tinggi, mereka akan rugi.

Itu sebabnya Dato' Yang Dipertua, banyak pemaju-pemaju yang pada ketika dulu, mereka dikenakan untuk membina 30 peratus rumah *low cost* ini, tidak membinanya, Dato' Yang Dipertua. Mereka mintak supaya ia membinanya di peringkat akhir. Tetapi akhirnya mereka langsung tak bina. Dan apa yang malang sekali, seperti yang pernah saya sebut dalam Dewan yang mulia ini, tanah tersebut dijual kepada pihak ketiga. Dan di atas kelalaian kita, penjawat awam, kita tak cop tanah tersebut sebagai lot rumah kos rendah, maka tanah tersebut terjual, ditukar milik, dipindah milik, exco luluskan. Dan tanah tersebut, yang sepatutnya tempat untuk membina rumah *low cost*

akhirnya terlelong, dan tidak ada rumah *low cost* yang dibina. Banyak, ada tiga empat kes yang kita kesan, yang akhirnya mengecewakan kita. Kita buat silap, kita tak buat kerja dengan baik, akhirnya kita terperangkap dengan kelalaian kita sendiri.

Apa yang kita buat sekarang Dato' Yang Dipertua, ialah rumah-rumah mampu milik ini, lotnya, terutamanya kita punya lot bumiputera akan kita *stamp*-kan iaitu lot ini adalah untuk rumah mampu milik dan rumah untuk bumiputera. Dan dalam pada itu, memandangkan kepada struktur kependudukan dan jugak permintaan, rumah *low cost* ini Dato' Dipertua, dan jugak struktur keadaan sekarang, Kerajaan Negeri Sembilan telah mem, meningkatkan kuota daripada 30 peratus kepada 50 peratus. Banyak orang cakap, banyak pemaju datang, mengatakan bahawa susah nak jual untuk lot bumiputera, yang sedia ada pun tak boleh jual, tetapi kita dah buat satu *case study*, Dato' Yang Dipertua, yang sekarang ni di Port Dickson. Kita buat di Kampung Sunggala, ataupun di simpang empat di Sunggala, hampir 86 peratus rumah tersebut dijual kepada bumiputera. Tidak timbul soal tak boleh jual.

Tetapi kita jugak tidak akan begitu rigit, jika ada masalah, jika ada keskes yang mana tidak boleh dijual, maka kita akan memberikan kelonggaran-kelonggaran untuk lot-lot ini dilepaskan untuk kita bagikan mereka untuk menjual dan menjadikannya lot bebas, ataupun kerajaan sekarang sedang menteliti, meneliti, Kerajaan Negeri sedang meneliti untuk mewujudkan skim kita sendiri, iaitu Skim Dana Harta kita sendiri. Iaitu dengan dana kemampuan yang kita ada, kita memikirkan supaya terutamanya lot-lot kedai, lot-lot komersial Dato' Yang Dipertua, lot-lot bumiputera yang tidak terjual ini, akan dibeli oleh dana harta, seperti di bawah Majlis Agama Islam. Majlis Agama Islam telah pun memulakan, membeli lot-lot ini, lot-lot bumiputera ini Dato' Yang Dipertua, untuk mengekalkan kadar peratusan pemilikan bumiputera di Negeri Sembilan khususnya yang paling penting ialah dalam bentuk komersial dan rumah-rumah yang strategi tempatnya, Dato' Yang Dipertua. Ini sedang kita gubal dan akan kita lihat dia punya kajian daya mampunya, ataupun dia punya *feasibilities studies wether or not this is a viable project or not*, dengan izin. Jadi ini sedang kita buat.

Jadi Dato' Dipertua, inilah dia, dasar kerajaan yang sedang dan akan terus kita buat untuk kita memberikan kemudahan dan memberikan peluang kepada rakyat yang di bawah kategori yang boleh mampu sendiri untuk membeli. Kadar faedah yang diberikan, bank-bank yang sama-sama mengambil bahagian, Dato' Dipertua, ada pulak yang *flexi homes*, yang dipanggil sebagai *my flexi homes, my first home*, macam-macam dibuat oleh jabatan-jabatan yang mana ianya semata-mata adalah untuk memberikan peluang kepada anak muda, kepada

golongan B40 yang bawah 40, ataupun yang kurang mampu dan macam-macam lagi.

Saya yakin Dato' Dipertua, yang penting sekali ialah dasar-dasar seperti di Negeri Sembilan, kita buat Dasar Perumahan Kerajaan Negeri Sembilan yang memestikan pembinaan 50 peratus rumah mampu milik. Ini adalah suatu yang, Dato' Yang Dipertua, yang saya, ataupun yang Kerajaan Negeri Sembilan sifatkan sebagai suatu jaminan jangka panjang. Satu jaminan, *this is*, satu jaminan kepada rakyat Negeri Sembilan bahawa pada satu-satu ketika, bahawa akan ada Rumah Mampu Milik yang perlu dan mesti dibina. Ini jaminan yang di, yang dihantar, *it's a very strong message that we are giving, that is a guaranteed at any one time*, dengan izin, bahawa akan ada rumah mampu milik yang dibina. Maka orang tidak akan berlumba-lumba nak pergi beratur, pukul 3:00 pagi, pukul 5:00 pagi nak beli rumah. Dengan nak wujudnya permintaan yang mendadak begitu, ia akan melonjakkan harga rumah.

Jadi, pasaran harta tanah di Negeri Sembilan ini nampaknya Dato' Yang Dipertua, selama 6 bulan ini kita buat kajian, pasaran harta tanah tidak lagi menunjukkan lonjakan harga yang begitu meningkat. Dia dah mula mendatar Dato' Yang Dipertua, kerana orang ramai dah faham, orang ramai dah tahu bahawa memang akan ada Rumah Mampu Milik dan dia jugak akan menyekat aktiviti-aktiviti spekulasi. Aktiviti spekulasi yang mana kita telah meningkatkan kuota bumiputera, kita mewajibkan Rumah Mampu Milik. Kalau dia beli dulu, rumah yang tidak dikategorikan sebagai mampu milik, dia beli Dato' Dipertua, guna lima enam nama, dia beli 300 ribu, dia simpan 1 tahun, dia jual 500 ribu. Dan orang terpaksa beli kerana rumah tak ada. Rumah Mampu Milik dah tak ada. Yang ada cuma rumah *low cost*. Orang tak nak duduk rumah *low cost*. Tapi bila, pada setiap ketika, akan ada pembinaan Rumah Mampu Milik, orang tidak akan terpaksa, ataupun orang tidak akan tergesa-gesa untuk membeli rumah yang kadang-kadang di luar kita punya kemampuan berfikir. *Just beyond comprehension*, Dato' Yang Dipertua dengan izin, bahawa harga rumah adalah tidak munasabah.

Jadi ini yang kita sedang buat di Negeri Sembilan. Dan kita yakin ianya satu dasar yang baik. Dan kita berharap supaya Kerajaan Pusat akan jugak melihat dasar ini sebagai dasar kebangsaan. Mewajibkan semua pemaju membina Rumah Mampu Milik dan kita tak usahlah lagi tersangkut dalam pemikiran lama iaitu untuk terus membina rumah-rumah *low cost* yang mana ia tidak, amat tidak sesuai untuk diduduki oleh, terutamanya mereka yang ada keluarga. Dato' Yang Dipertua, terima kasih.

Y.B. ADUN Klawang: Terima kasih Yang Amat Berhormat ADUN Rantau yang memberikan penjelasan begitu panjang lebar. Satu perkara Dato' Yang Dipertua, dengan perancangan dan Dasar Perumahan Negeri Sembilan cukup menarik, malah ianya menjadi ikutan dan turutan daripada negeri-negeri yang lain. Satu perkara lagi, ingin saya tanya di dalam Dewan yang mulia ini, adakah cadangan Kerajaan Negeri Sembilan untuk membina rumah wakaf bagi golongan-golongan yang langsung tidak mempunyai pendapatan dan di dalam, dikategorikan sebagai golongan asnaf dan sebagainya. Terima kasih.

Y.A.B. ADUN Rantau: Dato' Yang Dipertua, saya nak ucap terima kasihlah kepada Klawang kerana mengingatkan saya. Saya lupa nak cakap tadi. Ada lagi satu usaha yang sedang difikirkan di peringkat pemikiran Dato' Dipertua, dan di atas kertas sekarang, iaitu untuk kita mengadakan seperti yang telah pun saya, ataupun kerajaan ataupun Majlis Agama Islam-lah sebenarnya, Majlis Agama Islam telah sebutkan bahawa kita sedang merangka satu dasar baru iaitu untuk membina rumah-rumah wakaf. Ini bukan wakaf, kalau kita cakap rumah wakaf *kek kubur* kan? Haa ini bukan rumah *kek kubur*. Ini rumah wakaf iaitu berasaskan kepada kita punya Perbadanan Wakaf yang telah ditubuhkan di bawah Majlis Agama Islam, Dato' Yang Dipertua. Kita melihat bahawa ramai jugak asnaf fakir dan miskin ini yang tergolong dalam B40 yang saya sebutkan tadi itu, yang boleh kita bantu. Dan dalam masa yang sama pulak, Majlis Agama Islam telah pun kita mengumpulkan semua tanah wakaf di Negeri Sembilan ini.

Tanah wakaf di Negeri Sembilan ini banyak, Dato' Yang Dipertua, tetapi dulunya pakai wakaf nama saja. Dia pakai wakaf begitu saja. Jadi kita telah buat satu *exercise* ataupun, dengan izin, satu gerak kerja iaitu kita telah mengumpulkan semua tanah wakaf. Kita dah ukur halus, kita telah pun buat menggunakan juru ukur – juru ukur berlesen. Setakat sekarang ni hampir 98 peratus, semua tanah wakaf di Negeri Sembilan telah pun dapat kita kategorikan, telah pun kita ukur halus. Dan daripada situ, kita telah melihat satu statistik kepunyaan wakaf di Negeri Sembilan. Dan daripada situ kita lihat jugak bahawa ada jenis tanah wakaf yang di Negeri Sembilan ini, yang berunsurkan wakaf umum, ya. Dia bukan wakaf persuku, wakaf ni dia banyak, banyak, banyak kategori Dato' Yang Dipertua. Wakaf khusus misalnya, wakaf itu adalah khusus untuk buat masjid saja. Haa itu wakaf khusus. Wakaf khusus untuk buat rumah anak yatim, itu wakaf khusus. Tapi ada jenis wakaf jugak yang dia berwakaf sebagai wakaf umum. Dia bagi kepada Majlis Agama Islam dan ia tidak mempunyai apa orang kata, tidak ada syarat-syarat yang, yang, yang, yang tertentu. Wakaf umum.

Jadi kita tinjau dan kita lihat ada tanah-tanah wakaf di sekitar kawasan Seremban, di sekitar pekan-pekan, bandar-bandar lain di Negeri Sembilan, ada tanah wakaf. Maka kita telah pun melihat ini sebagai satu peluang untuk Perbadanan Wakaf di bawah Majlis Agama Islam untuk bersama-sama menjayakan kerajaan, dasar kerajaan untuk kita mengurangkan tekanan permasalahan perumahan di Negeri Sembilan iaitu untuk kita masuk ke dalam pihak iaitu memasuki pihak untuk kita sebagai *the supply side*, Dato' Dipertua ya. Kita akan memperbanyak rumah-rumah supaya dia tawarannya akan lebih banyak daripada permintaan ataupun kita boleh buat suatu orang kata keadaan yang, yang sama.

Jadi tanah wakaf ini seperti ada di Bandar Seremban, Dato' Dipertua, ada satu dua tanah di Paroi, di Rasah, kita melihatnya sebagai satu peluang untuk kita bina melalui duit zakat yang ada. Kita alhamdulillah, Dato' Yang Dipertua, seperti titah Duli Yang Maha Mulia Yang di-Pertuan Besar Negeri Sembilan semalam, setiap tahun kutipan zakat Negeri Sembilan memecahkan rekod iaitu mendapat memungut setiap tahun bertambah-tambah. Dan tahun lepas zakat yang dipungut oleh Pusat Zakat, yang diserahkan ke Baitulmal sebanyak [RM]4 juta.

Jadi, saya ataupun Majlis Agama Islam melihat ini sebagai suatu tanggungjawab untuk kita bukan saja bagi dalam bentuk kewangan setiap bulan, bagi dalam bentuk barang makanan kepada asnaf fakir dan miskin, tapi masalah asas mereka jugak ialah masalah perumahan. Maka kita sedang dan telah pun melihatnya sebagai satu peluang untuk kita menjalankan tanggungjawab untuk menyediakan perumahan kepada mereka yang mempunyai masalah ini untuk kita bina rumah. Misalnya kita bercadang nak membina rumah bertingkat, *town house* ke, rumah bertingkat ke, di Rasah tersebut, di atas tanah 1.6 ekar untuk kita bina rumah makaf, rumah wakaf dan kita akan masukkan mereka-mereka yang dikategorikan sebagai fakir, Dato' Yang Dipertua.

Tapi kita tidak akan jual. Ini rumah wakaf, kita tidak akan jual, kita akan dudukkan mereka di sana sehingga mereka ini dapat kita keluarkan, bukan bermakna kita masuk rumah wakaf dia tutup cerita. Kita jugak mengambil inisiatif untuk kita mengeluarkan mereka ini daripada asnaf fakir, asnaf miskin. Banyak bantuan-bantuan kita bagi, dan telah banyak kita dapat keluarkan mereka-mereka yang dulunya di bawah kategori fakir, sekarang dah tak ada lagi kerana mereka telah kita ban, bagi bantuan berniaga. Ada satu keluarga yang kita beri bantuan berniaga, belikan dia modal untuk berniaga jual burger. Hari ini dia dah keluar dah Dato' Yang Dipertua. Bahkan, saya yakin beliau dah boleh pulak mengeluarkan zakat. Jadi ini yang kita sedang buat, sedang kita rangka.

Dan kepada Klawang tadi, haa ini yang sedang kita rangka. Dan rumah-rumah wakaf ini kita akan kaji, buat kajian kemungkinannya dari segi kemampuan Perbadanan Wakaf sendiri, di bawah Majlis Agama Islam. Kerana kita jugak perlu melihat pengurusan zakat ini adalah tertakluk kepada asnaf yang lapan. Kita tidak boleh pulak nanti terlampaui banyak kepada satu asnaf saja sehingga mencacatkan kita untuk kita terus, untuk kita membahagikan kepada asnaf yang lain. Tetapi itu memang dia ada, dan boleh jadi Dato' Yang Dipertua, besar kemungkinan ia akan menjadi kenyataan dalam masa dua ke tiga tahun akan datang. Inshaa Allah, terima kasih Dato' Yang Dipertua.

Y.B. ADUN Klawang: Terima kasih Yang Amat Berhormat ADUN Rantau. Dato' Yang Dipertua, soalan saya yang nombor 2.

Y.B. ADUN Serting: Dato' Yang Dipertua, jawapan ini juga bagi menjawab soalan lisan daripada ADUN Repah dan juga ADUN Chuah yang bertajuk "Wabak Denggi". Bilangan kes denggi di Negeri Sembilan pada tahun 2015 ialah sebanyak 2,454 kes dengan 2,436 kes demam denggi dan 18 demam denggi berdarah. Di mana sebanyak 1,759 kes dilaporkan di Daerah Seremban, 210 di Daerah Tampin, 162 kes di Daerah Port Dickson, 107 kes di Daerah Jempol, 73 kes di Daerah Kuala Pilah, 66 kes di Daerah Rembau dan 37 kes dilaporkan di Daerah Jelebu. Terdapat penurunan kes denggi sebanyak 34.2 peratus berbanding tempoh yang sama pada tahun 2014.

Dato' Yang Dipertua, sehingga 29 Februari 2016 sebanyak 525 kes dilaporkan di Daerah Seremban, 53 kes di Port Dickson, 48 di Daerah Tampin, 24 kes di Daerah Rembau, 16 di Daerah Jempol, 15 di Daerah Kuala Pilah dan 14 kes dilaporkan di Daerah Jelebu. Jumlah terkumpul kes denggi di Negeri Sembilan bagi tahun 2016 sehingga 29 Februari ialah sebanyak 695 kes dengan 694 kes adalah demam denggi dan 1 demam denggi berdarah.

Manakala bagi kes malaria di Negeri Sembilan pada tahun 2015 ialah sebanyak 18 kes di mana 4 kes dilaporkan di Daerah Seremban, 4 di Port Dickson, 4 kes di Daerah Jempol, 3 kes di Daerah Jelebu, 2 kes di Daerah Kuala Pilah dan 1 kes di Daerah Tampin. Manakala sehingga 12 Februari 2016 sebanyak 1 kes saja dilaporkan iaitu di Daerah Kuala Pilah.

Dato' Yang Dipertua, antara langkah-langkah tindakan yang telah diambil untuk membanteras wabak denggi dan malaria adalah seperti pemusnahan tempat pembiakan aedes di pelbagai premis-premis kediaman, pembinaan, tanah lapang bagi mencari dan memusnahkan

punca pembiakan. Yang kedua menjalankan aktiviti membunuh larva nyamuk di tempat-tempat takungan air bagi membunuh jentik-jentik membiak. Seterusnya menjalankan aktiviti kajian serangga entomologi khususnya di kawasan wabak dan juga *hot spot* dan menentukan kaedah kawalan yang perlu diambil.

Melakukan aktiviti semburan pengasapan bagi membunuh nyamuk yang membawa virus denggi di lokaliti kes dan juga wabak denggi. Menjalankan aktiviti promosi ksehatan ya, kepada masyarakat melalui pelbagai media termasuklah penggunaan media cetak dan juga elektronik. Seterusnya memperkasa masyarakat melalui aktiviti gotong-royong dan juga program COMBI terutamanya di semua kawasan wabak dan kawasan berisiko tinggi denggi. Setakat ini sebanyak 531 lokaliti di Negeri Sembilan mempunyai COMBI dan 235 KRT juga telah menujuhkan COMBI.

Selain itu juga, dibuat penguatkuasaan di bawah akta pemusnahan serangga dan juga pembawa penyakit termasuklah pengeluaran kompaun dan pendakwaan kes di mahkamah. Seterusnya juga, kita mengaktifkan jawatankuasa wabak denggi daerah yang dipengerusikan oleh Pegawai Daerah dengan memfokuskan kepada aktiviti penghapusan tempat-tempat pembiakan aedes. Dan juga bekerjasama dengan pelbagai agensi lain seperti pihak PBT, PDRM, SWCorp, Pendidikan dan seterusnya untuk sama-sama bergabung bagi membanteras ya, gejala denggi ini.

Manakala Dato' Yang Dipertua, langkah-langkah khusus untuk pencegahan malaria. Iaitu menetapkan KPI bagi malaria iaitu tiada kes tempatan ya, untuk jangkitan daripada manusia kepada manusia di mana setiap kes 1 malaria tempatan akan dianggap wabak. Kemudian menjalankan pengambilan sampel darah secara aktif di kawasan rumah kongsi, kilang, ladang, kampung tradisional dan juga perkampungan Orang Asli. Semua pesakit malaria perlu mendapat rawatan di hospital bagi memastikan semua kes malaria menerima rawatan lengkap.

Seterusnya langkah yang diambil ialah membuat klasifikasi kes iaitu pecahan lokaliti mengikut keutamaan kes bagi menetapkan klasifikasi kawalan seperti berikut: iaitu Kawasan Merah – kawasan yang mempunyai lebih dari 1 kes daripada 1,000 penduduk. Kawalan dijalankan setiap 6 bulan dalam masa 3 tahun. Begitu juga di Kawasan Kuning – kawasan yang mempunyai 1 kes daripada 1,000 penduduk. Kawalan dijalankan setiap 6 bulan dalam masa 3 tahun. Dan juga aktiviti sembilan, semburan Residu iaitu racun serangga berjadual di lokaliti merah dan kuning. Di samping pembekalan kelambu berubat ya, kepada penduduk yang terlibat.

Dato' Yang Dipertua, manakala lokaliti hijau, aktiviti kawalan adalah ditentukan oleh pergerakan pendatang asing dan kehadiran vektor malaria. Langkah seterusnya ialah menjalankan kajian serangga, menentukan sesuatu lokaliti itu mempunyai vektor nyamuk Anopheles. Dan juga langkah seterusnya iaitu melantik duta di kalangan penduduk di setiap daerah di Negeri Sembilan. Iaitu peranan duta ini ialah memaklumkan kepada jabatan keluar masuk pendatang dan juga pekerja asing di kawasan setempat bagi tujuan saringan kesihatan. Dan juga memaklumkan kepada jabatan sekiranya perlu untuk sebarang ceramah ataupun kempen kesedaran malaria di kawasan setempat. Dato' Yang Dipertua.

Y.B. ADUN Klawang: Terima kasih ADUN Serting. Dato' Yang Dipertua, nampaknya di Negeri Sembilan ini agak serius ya, demam dengan ini merebak terutama di kawasan Seremban. Pembiasaan nyamuk ni nampaknya di kawasan-kawasan air bersih. Saya ingin tahu, adakah usaha untuk kita mempergan, melipatgandakan kempen untuk membersihkan air yang bersih daripada pembiasaan nyamuk ini? Dan kalau ianya menjadi punca kepada rebakan penyakit demam dengan ini, saya ingin tahu adakah penguatkuasaan, langkah-langkah penguatkuasaan yang serius, yang telah diambil di dalam membendung permasalahan penularan penyakit demam dengan ini. Terima kasih.

Y.B. ADUN Serting: Dato' Yang Dipertua, dari segi Jabatan Kesihatan, memang memberi penekanan kepada bukan sahaja dari segi kawalan, pencegahan dan juga aktiviti bersepodu melibatkan semua agensi dalam usaha untuk kita membanteras wabak dengan ini dan juga sekaligus dalam usaha kita bersama untuk memastikan bahawa Negeri Sembilan ini bebas dengan. Itulah sasaran kita. Jadi dalam hal itu juga, walaupun berbagai usaha telah dibuat, penguatkuasaan ya, terpaksa diambil ya, untuk sebagai langkah pencegahan ya, untuk mengingatkan masyarakat iaitu di bawah Akta Pemusnahan Serangga Pembawa Penyakit di mana penguatkuasaan diambil. Iaitu, contohnya sekiranya satu-satu tempat itu didapati berpotensi untuk menjadi tempat pembiasaan nyamuk aedes, amaran dan notis kerja-kerja pembersihan akan dikeluarkan. Begitu juga sekiranya dijumpai pembiasaan nyamuk aedes di satu-satu tempat, kompaun RM500.00 boleh dikeluarkan dan mesti dijelaskan dalam tempoh 14 hari. Dan sekiranya ia gagal dilaksanakan, tindakan mahkamah akan diambil dan akan didenda tidak melebihi 10 ribu ataupun penjara tidak melebihi 2 tahun. Jadi be, selain daripada itu juga, premis-premis sekiranya didapati terlibat, ia juga boleh diarah tutup.

Dato' Yang Dipertua, sebagaimana kita sedia maklum ya, usaha-usaha pencegahan, kawalan dan juga aktiviti daripada Jabatan Kesihatan, agensi-agensi yang lain ya, dan juga komuniti setempat melalui COMBI, pelbagai aktiviti ya, pencegahan kita buat melalui gotong royong. Tetapi perkara pokok, perkara asas yang penting, walaupun pelbagai usaha dibuat oleh kementerian, jabatan, agensi-agensi yang terlibat secara bersepadu, perkara asas yang paling penting di sini ialah kesedaran masyarakat kita. Kalau sebahagian kelompok daripada kita berusaha bersungguh-sungguh melaksanakan usaha mencegah wabak denggi ini, dan ada sekelompok daripada masyarakat kita ya, tidak bertanggungjawab ya, terus ya, melanggar, terus tidak mematuhi arahan-arahan khususnya ya, melakukan aktiviti yang memboleh membawa kepada pembiakan nyamuk aedes, yang ini akan ya, melambatkan usaha kita ya, untuk meminima ataupun membebaskan Negeri Sembilan ini bebas dari denggi.

Justeru itu, di Dewan yang mulia ini, marilah kita sama-sama ya, meningkatkan, memberi penerangan, mengajak masyarakat kita supaya mempunyai tahap kesedaran dan juga tanggungjawab yang tinggi bahawa betapa pentingnya ya, semua lapisan masyarakat mempunyai kesedaran untuk sama-sama ya, bertanggungjawab khususnya untuk membebaskan Negeri Sembilan daripada wabak denggi ini.

Jadi sukacita juga saya di sini memaklumkan bahawa mulai semalam, hingga pada bulan Mei ini, di kementerian, di seluruh negara akan dijalankan operasi banteras aedes secara besar-besaran di seluruh negara, yang mana fokus dibagi ataupun penumpuan dibagi kepada kawasan wabak yang tidak terkawal, ataupun yang, kawasan yang sentiasa berulang ataupun di kawasan *hot spot*, Dato' Yang Dipertua.

Y.B. ADUN Klawang: Dato' Yang Dipertua, terima kasih kepada ADUN Serting. Soalan saya yang nombor 3.

Y.A.B. ADUN Rantau: Dato' Yang Dipertua, berkenaan dengan permasalahan yang dihadapi oleh masyarakat sekarang ini, kerajaan boleh mengatakan bahawa ia masalah masyarakat kerana ia telah pun menjadi semacam satu isu yang merupakan sebagai perbualan hangat oleh masyarakat. Selain daripada denggi tadi, judi siber haram dan jugak dadah ini merupakan satu ancaman dalam masyarakat kita.

Dato' Yang Dipertua, saya bercakap tentang judi siber haram dulu. Judi siber haram ini Dato' Yang Dipertua, dia merupakan suatu yang telah beberapa kali saya sebut dalam Dewan yang mulia ini. Inilah

merupakan suatu sindiket yang besar yang mana ia beroperasi bukannya daripada dalam negara mahupun dalam negeri, tapi ia merupakan sindiket daripada peringkat antarabangsa. Yang mana dia punya moden-nya bukannya di sini. Dia di luar negara yang kita tak tahu di mana. Cuma dia buat *download* saja, ataupun cuma *online* saya Dato' Yang Dipertua. Dan ia menyebabkan banyak orang yang terlibat yang mahu menjadi sebagai pengajur kepada judi haram ini, dan melibatkan ramai orang. Sehingga ia menjadi sebagai masalah masyarakat sekarang. Ramai orang yang tak mampu bayar sewa rumah. Ramai orang tak mampu untuk bayar elektrik, bayar api. Dan akhirnya terpaksa dipotong dan masyarakat tersebut, keluarga tersebut dalam keadaan yang kucar ko, kucar kacir terpaksa keluar daripada rumah yang sewa. Terpaksa rumah dilelong. Macam-macam Dato' Yang Dipertua. Disebabkan oleh masalah judi haram ini.

Jadi apa yang kita buat di Negeri Sembilan dan jugak di peringkat Persekutuan jugak Dato' Dipertua, kita telah pun menubuhkan satu pasukan petugas membanteras judi siber haram ini. Kita letakkannya sebagai suatu status yang tinggi, yang dipengerusikan sendiri oleh Yang Berhormat Setiausaha Kerajaan kita, dan jugak semua ketua-ketua agensi penguatkuasa dalam Negeri Sembilan untuk kita pastikan suatu gerak kerja membanteras masalah judi siber haram ini dapat kita lakukan dengan secara yang terbaik mungkin.

Makanya Dato' Yang Dipertua, kita telah buat banyak, beberapa dasar-dasar pentadbiran, arahan-arahan pentadbiran telah pun kita keluarkan terutamanya macam seperti apa yang kita katakan, tidak ada lagi lesen-lesen pusat hiburan keluarga di Negeri Sembilan yang boleh dikeluarkan oleh PBT. Dan pusat hiburan keluarga yang ada pun tidak akan boleh diperbaharui.

Maka di Dewan yang mulia ini Dato' Yang Dipertua, saya boleh berijaminan bahawa 2016 ini tidak ada lagi pusat hiburan keluarga yang berlesen di Negeri Sembilan ya. Tahun 2015 dulu ada yang tunggu sampai hujung tahun kerana permit-permit ini mengikut tahunan, setiap tahun diperbaharui. Maka tidak ada lagi yang diperbaharui. Kerajaan Negeri menyatakan bahawa 2016 ini tidak ada pusat hiburan keluarga. Baik yang baru ataupun yang lama yang ada di Negeri Sembilan.

Tetapi Dato' Yang Dipertua, apa yang berlaku ialah pusat judi haram ini kadang-kadang beroperasi di tempat yang sama. Dan itu sebabnya kadang-kadang persepsi masyarakat kepada pihak berkuasa dia katakan, ada lagi pusat hiburan keluarga. Padahal lesen itu dah tak ada lagi. Jadi, ini asas yang diambil alih oleh pasukan petugas membanteras judi siber haram ini iaitu membuat tinjauan, membuat pemantauan,

mengambil segala maklum balas daripada masyarakat dan pemantauan yang dilakukan oleh agensi dan penguatkuasa sendiri termasuklah Polis-nya, termasuk PBT-nya.

Dan kita jugak telah pun bersama-sama melalui Jabatan Hal Ehwal Agama Islam, penguatkuasa mereka, datang untuk sama-sama memastikan dalam satu pasukan bersepadu, *National Blue Ocean Strategy*, dengan izin, untuk kita pastikan pasukan dibuat penguatkuasaan secara bersama. Dato' Yang Dipertua, maka pada setakat Januari sampai hujung bulan Mac, Dato' Yang Dipertua, kita telah buat pemantauan, membuat tinjauan dan membuat risikan kepada 1,313 premis. Kita tinjau. Kita tak boleh terus serbu Dato' Yang Dipertua, kerana kita kadang-kadang kita tak tahu. Dan pulak sekarang mereka lebih pandai. Dia lebih pandai lagi Dato' Yang Dipertua.

Haa ini menjawab soalan daripada Chennah, menjawab soalan daripada Sikamat, menjawab soalan daripada Senawang jugak ya, ya, tiga soalan. Mereka ini lebih. Dia lebih cerdik kadang-kadang pada kita. Dia walaupun dah tak ada lagi lesen pusat hiburan keluarga, tapi mereka apa yang dipanggil sebagai buat *café*. Dia bagi satu *tablet* macam ni, dia bagi kredit, bayar 100.00 ringgit, masuk dalam ni, kredit. Dato' Yang Dipertua, tak ada dia punya *hardisk* dalam ni, susah kita nak buktikan mereka ini terlibat dalam judi haram. Dia *switch off* saja, dah tak boleh nak buat apa sebab tidak ada langsung apa orang kata, dia punya *application* yang ada dalam tu. Dia cuma dia *download*-kan situ, dia bila *off*, dia habis. Itu sebabnya kadang-kadang susah.

Daripada 1,313 pemantauan dan jugak tinjauan yang dibuat oleh pasukan petugas, termasuk agensi kuatkuasa keselamatan dan macam-macam Dato' Dipertua, kita buat, telah pun berjaya, berjaya. Serbuan yang berjaya 64 serbuan. 64 serbuan dan kita berjaya menangkap 69 pemain. Bukan pemain bola sepak, pemain judi ya. Pemain ya, 69 kita tangkap dan 165 rampasan telah kita dapat buat iaitu dia punya *hardware*-lah, dia punya komputer-komputer.

Tapi masalah kita Dato' Dipertua, ialah untuk kita membuktikan bahawa ia melakukan satu kesalahan jenayah judi kerana kita tak boleh buat. Melainkan pakar judi yang benar-benar pakar, yang boleh menentukan mereka itu sedang bergiat ataupun sedang melakukan satu perjudian siber. Haa itu kekangan kita, tak ramai. Kita tak ramai pakar judi. Itu sebabnya kalau Dato' Yang Dipertua dapat baca dalam surat khabar, dalam 4 bulan, 5 bulan yang lalu, saya selaku Pengerusi Majlis Agama Islam mintak kerjasama supaya dipertimbangkan penguatkuasa Jabatan Hal Ehwal Agama Islam dilatih sebagai pakar judi. Bunyinya tak berapa baik kan? Dilatih sebagai pakar judi. Iaitu mereka jugak boleh menjadi sebagai orang, sebagai di, dibagikan,

dikategorikan sebagai orang yang boleh, pakar rujuk. Tapi saya takut kadang kita latih ustaz ni *kang*, ustaz tu pulak *leno* dalam tu, payah jugak kan. Dia pulak *lelan* dalam pusat itu. Haa jadi ini mesti orang yang mempunyai iman yang kuatlah ya. Iman yang kukuh, dilatih menjadi seorang pakar judi. Dia boleh tahu, dia buat serbuan, dia tengok, dia tahu, dia boleh kategorikan ini, kita kategori, kategori judi ataupun tidak. Kita tak tahu. Dato' Yang Dipertua, kalau suruh saya buat ahli dalam pasukan petugas pun saya tak tahu. Yang saya tahu 7 loceng tu betullah kan? Itu dululah, kita tahu. 7 loceng, 7 anggur apa semua kita tahu. Tapi kalau sekarang ni, dah lebih canggih lagi ya, dia punya perjudian siber ini ya. Tapi kalau YB Senawang rasanya dia memang pakar jugaklah tu ya. Boleh sama-sama turut hadir dalam kita punya pasukan petugas.

Tapi apa yang nak saya bagitahu di sini ialah, di Negeri Sembilan kita dah buat. Jangan bagi, jangan masyarakat mempunyai pandangan, masyarakat mempunyai persepsi yang tak betul kepada kerajaan, yang tak betul kepada pihak berkuasa. Kata kita tak buat apa-apa, lesen masih ada. Itu sebabnya saya nak, saya nak perteguhkan tadi, saya nak *stress-kan* situ tadi, Dato' Yang Dipertua, 2016 tidak ada lagi operasi pusat hiburan keluarga ya. Tidak ada lagi. Kita dah tak benarkan lagi, kita dah buat arahan pentadbiran kepada Pihak Berkuasa Tempatan. Kerajaan Negeri buat arahan ini bahawa Pihak Berkuasa Kerajaan Tempatan tidak boleh lagi mengeluarkan Lesen Pusat Hiburan Keluarga dan jugak tidak boleh memperbaharui lesen yang sedia ada. Jadi itu sebabnya, pada 2016, saya, Kerajaan Negeri Sembilan boleh jamin Dato' Yang Dipertua, tidak ada lagi pusat hiburan keluarga. Kalau ada buat, maknanya dia membuat di atas premis yang sama, tapi bukannya lagi merupakan premis yang berlesen.

Jadi Dato' Yang Dipertua, ini sedang kita tinjau. Ucap terima kepada pihak berkuasa yang sentiasa bekerja bertungkus lumus, dapat maklumat daripada orang ramai. Orang ramai memberikan maklumat. Kita akan tinjau dan kita akan buat pemeriksaan. Kita akan buat bermacam-macam cara, akhirnya daripada tinjauan, pemantauan kepada 1,313 premis, 64 merupakan serbuan yang berjaya. Serbuan yang berjaya maknanya kita dapat membuktikan dan kita telah tahan peniaga, penjaga dia, 60 lebih orang pemain, dan kita merampas.

Masalah Dato' Yang Dipertua, nak buktikan, nak simpan, Dato' Dipertua, kita dah tak ada tempat lagi dah. Balai Polis Sikamat, dalam Sikamat punya DUN, dia punya patut tempat barang, simpan barang kes, kes-kes yang lain, tapi dipenuhi dengan komputer, Dato' Yang Dipertua. Kita tak boleh nak lupuskan kerana ini merupakan barang kes. Ini jugak masalah, Dato' Dipertua, dan memang. Tetapi kita tidak akan mencari apa-apa juga alasan untuk kita tidak terus berusaha

membanteras judi siber ini kerana seperti yang saya mulakan tadi, ia adalah merupakan babit kepada masalah masyarakat. Ia akan menjadi punca masalah masyarakat. Itu judi siber.

Dadah, pun sama, Dato' Dipertua. Lagi banyak kerajaan belanja, lagi banyak orang hisap dadah. Dia punya *yield curve* dengan *cost curve* dia, Dato' Yang Dipertua, kalau kita ikut *corporate sector*, *they have to be go down*, terpaksa turun. Tapi *the more we spend, the more* orang hisap dadah. Saya pun dah tak tahu. Tapi apa yang penting kita buat sekarang ialah iaitu kita telah membuat suatu, orang kata pemikiran yang baru, Dato' Dipertua, iaitu dadah ini tidak akan dapat kita *contain*, tidak akan dapat, dengan izin, tidak akan dapat kita pantau dengan baik dan tidak merebak, ataupun tak dapat kita kurangkan jika tidak ada penyertaan daripada masyarakat. Kalau setakatkan AADK terhegeh-hegeh, polis terhegeh-hegeh Dato' Yang Dipertua, inilah ceritanya, inilah yang akan berlaku bahawa penyalahgunaan dadah akan terus berlaku.

Itu sebabnya kita telah buat suatu apa yang dipanggil *pilot project*, dengan izin, iaitu kita mahu supaya penyertaan masyarakat itu sendiri amat perlu. Masyarakat memainkan peranan, bukan lagi agensi penguatkuasa. Kita buat di Sungai Buluh di Jelebu, kawasan tersebut dulu banyak orang penghisap penagih dadah. Kita buat, kita pastikan JKK dia, masjid dia, perkumpulan wanita dia, orang kampung dia, semua menyertai dan mereka sebagai orang yang bersama-sama untuk memastikan penyalahgunaan dadah ini dapat dikurangkan. Jelas sekali Dato' Yang Dipertua, di Sungai Buloh tidak ada penagih baru dan penagih berulang. Ini dapat kita jadikan sebagai satu *pilot project*. Dan kita nak bangunkan di Negeri Sembilan. Negeri Sembilan akan menjadi negeri pertama.

Dan kita sekarang berunding dengan pemimpin-pemimpin akar umbi. Bahkan kita akan adakan pertandingan dan macam-macam lagi iaitu masyarakat mesti memainkan peranan. Kalau dulu Dato' Yang Dipertua, kalau penguatkuasa ataupun polis, ataupuan AADK datang ke kampung, orang marah. "Nak menangkap orang" dia kata. Kita sorokkan orang yang menghisap dadah, ataupun menyalahgunakan dadah. Tak mengaku ada ahli keluarga kita yang menyalahgunakan dadah. Ini tak boleh berterusan. Kalau ini terus belaku, kalau masyarakat terus melindungi dan terus tidak mahu bekerjasama, kita punya asas untuk kita memerangi penyalahgunaan dadah tidak akan berjaya. Jadi, di Negeri Sembilan kita buat satu pemikiran baru, supaya masyarakat menjadi sebagai penguatkuasa. Masyarakat menjadi sebagai ahli untuk bersama-sama mengurangkan dan memerangi masalah dadah. Penguatkuasa datang membantu. Penguatkuasa datang untuk

memberikan sokongan. Jadi ini akan kita buat Dato' Yang Dipertua, dan *pilot project* kita berjaya.

Dan di samping itu, kita akan teruskan kita punya dasar apa yang dipanggil pun dasar, untuk mengurangkan tahap ketagihan iaitu dengan kita terus kita punya projek, *methadone project*. *Methadone* ini adalah pil dadah *methadone* yang dibuat, berjaya di Tampin, Klinik Tampin, Dato' Yang Dipertua, yang mana ia menjadi sebagai sumber rujukan bukan saja dalam negara, tetapi sumber rujukan di peringkat antarabangsa, WHO pun datang Dato' Dipertua, melihat kejayaannya. Iaitu penagih dadah tidak lagi terpaksa memecah rumah, penagih terpaksa, tak lagi terpaksa mencuri apa-apa Dato' Yang Dipertua, kerana untuk membeli dadah, tetapi kerajaan membuat orang kata, memberikan dadah *methadone*, pil *methadone* ini secara percuma dengan kita mempunyai dos-dos yang kita kawal. Dan kita akan melihat perkembangannya. Dan daripada masa ke semasa, kita akan mengurangkan *dosage* dia, dengan izin Dato' Dipertua, dan akhirnya mereka itu akan, dia punya tahap ke, keinginan untuk mereka mengambil dadah yang lebih kuat akan berkurang Dato' Dipertua. Nampaknya berjaya dan kita akan terus pastikan supaya ini menjadi sebagai asas kepada kita untuk memerangi dadah.

Indeks jenayah di Negeri Sembilan, Dato' Dipertua, kalau boleh jugak saya katakan di negara, banyak berasaskan kepada, yang berasaskan kepada jenayah dadah. Pecah rumah, rugut, pencuri basikal, motosikal, macam-macam, semuanya bila kita periksa, mereka yang melakukan jenayah ini Dato' Yang Dipertua, adalah mereka yang terlibat dengan penyalahgunaan dadah. Jadi ini yang sedang kita buat. Dan kita memang amat bersyukur dan saya nak rekodkan di sini ucapan terima kasih kita kepada masyarakat dan kepimpinan di, masyarakat di Sungai Buluh di Jelebu kerana berjayanya projek yang kita buat ini. Dan dia akan menjadi sebagai projek rujukan untuk kita buat, untuk kita menjayakan program pembanterasan anti penyalahgunaan dadah di malay, di, di, di Negeri Sembilan. Dan kalau boleh nanti menjadi sebagai dalam Malaysia. Terima kasih.

Y.B. ADUN Chennah: Soalan tambahan. Dato' Dipertua, tadi Yang Amat Berhormat mengatakan bahawa serbuan-serbuan terhadap pusat-pusat perjudian siber itu, tangkapannya kepada pemain-pemain judi. Masalahnya ialah kita perlu menangkap pengusaha-pengusaha pusat-pusat perjudian itu. Kalau hanya dapat membanteras ataupun menangkap pemain-pemain saja, ia tidak berkesan.

Yang keduanya, walaupun pusat hiburan keluarga, lesennya ditarik balik tetapi seperti apa yang dikatakan, modus operandi pusat-pusat

perjudian siber ini telah bertukar kepada kafe sekarang. Saya ingat, kita dah memantau ni, pusat-pusat perjudian ini. Tengok *signboard* mereka kita sudah tahu bahawa ini kafe yang betul-betul menjual *coffee* ataupun kafe yang berjudi. Di Seremban banyak, di mana-mana di seluruh Negeri Sembilan, di jalan-jalan besar. Ini bukannya di jalan-jalan yang orang tak nampak. Ini di jalan-jalan besar. Di Rahang, di mana-mana, di Sikamat, di mana-mana banyak, Port Dickson.

Jadi saya tanya, mengapakah kalau kita tahu bahawa kafe ini modus operandinya ialah untuk menjalankan perjudian, apakah tidak pihak kerajaan Negeri mengambil tindakan yang lebih tegas. Kafe, lesen kafe itu juga ditarik balik untuk menutup kafe-afe ini. Dan saya harap ini tindakan yang benar-benar diambil tindakan yang serius. Sebab bagi saya, bagi kita ni terlalu berleluasa. Masalah perjudian ini terlalu berleluasa. Mereka bukak seolah-olah mereka boleh melak, melakukan aktiviti perjudian ini dengan di, diizinkan. Dan saya harap pihak kerajaan mengambil tindakan yang tegas dengan menutup jugak kafe-afe ini. Terima kasih.

Y.A.B. ADUN Rantau: Dato' Yang Dipertua, memang saya amat setuju dengan Chennah kerana modus operandinya telah pun berubah. Kita tutup pusat hiburan keluarga, dia merupakan kafe seperti yang saya katakan tadi, duduk, dia minum teh, dia pegang *tablet*, macam memang *highclass* punya kafelah Dato' Yang Dipertua. Sorang, setiap orang pakai, pakai *tablet* macam semua orang nak buat PhD-lah Dato' Dipertua ya. Tapi sebenarnya mereka berjudi. Mereka dibagikan kredit dalam dia punya *tablet*. Bayar 100 dapat kredit 100. Ini kita tahu, Dato' Dipertua. Saya tahu. Saya boleh jadi penguatkuasa Dato' Yang Dipertua, sebab tahu, sebab saya dilatih dan diajar oleh pihak berkuasa. Tapi saya taknaklah jadi penguatkuasa kan, nanti susah pulak orang.

Apa yang disebut oleh Chennah tadi, memang betul. Haa itu sebabnya sekarang kita telah mintak supaya PBT dan jugak pihak berkuasa yang lain, lesen-lesen kafe ini bila nak diperbaharui, kita mesti tengok dia ada dapur ke tidak. Apa maknanya kafe tak ada *kitchen*, kafe *apo bondo* kan. Jadi, jadi sekarang ni nak memperbaharui, ataupun nak membuat kafe, mereka mesti ada kelengkapan dapur. Dapur mesti ada. Maknanya mesa, mereka mesti ada benda-benda macam ni. Dan kita akan pantau, ya. Kita tak boleh pulak, ramai jugak orang yang membuat perniagaan secara jujur, amanah Dato' Dipertua. Kita tak boleh nak kata lepas ni masalah judi siber, tak ada lagi kafe di Negeri Sembilan. Nanti orang kata apa Negeri Sembilan ini, semua tak ada kan. Pun payah jugak. Nanti Yang Berhormat jugak yang meloncat-loncat. Kita boleh ni, kalau setuju Dewan hari ini, ini adalah merupakan

kuasa yang tertinggi di negeri. Kalau kita tutup semua kafe ini hari, boleh kita tutup

Y.B. ADUN Chennah: Yang Berhormat, kita ingat, tahu boleh bezakan kafe mana yang betul jual kopi, mana kafe yang berjudi

Y.A.B. ADUN Rantau: Itu sebabnya saya katakan tadi, kita akan periksa.

Y.B. ADUN Chennah: jangan sampai memperbaharui lesen. Saya rasa kita perlu pan, pantau sekarang. Dan kalau betul-betul kafe itu berjudi, tarik balik terus.

Y.B. Yang Dipertua Dewan: Yang Berhormat sila

Y.A.B. ADUN Rantau: Kita

Y.B. Yang Dipertua Dewan: kena tunggu jawapan.

Y.A.B. ADUN Rantau: Kita, ya, kita pantau dan kita akan melihat. Salah satu kriterianya mesti ada dapur, ya. Mesti ada dapur dan kelengkapan dapur untuk mereka *operate* sebagai, tinggal lagi Dato' Dipertua, seperti yang saya sebut tadi, mudah kita bercakap. Tapi untuk kita mengambil tindakan. Tindakan kepada tuan punya memang ada. Kita dah tangkap orang penjaga dia, 60 lebih orang jugak, ya. Pemain-pemain pun kita tangkap, penjaga pun kita tangkap.

Tapi Dato' Yang Dipertua, saya ingin nak menyatakan di sini nanti Yang Berhormat Chennah pun boleh setuju agaknya dalam Parlimen. Pihak Peguam Negara sedang, di atas ke, di atas, di peringkat akhir untuk menggubal satu penggubalan undang-undang baru supaya satu penggubalan akta perjudian haram ini Dato' Dipertua, dapat digubal. Kerana judi haram ini satu perkara baru. Dalam negara kita, akta Parlimen dah, dah lapuk. Enakmen di peringkat negeri pun dah lapuk. Jadi kita perlu perbaharui untuk kita dapat pastikan supaya pengumpulan, penumpuan kuasa tersebut dapat diberi kepada satu

Sekarang ini kuasanya bersepah-sepah Dato' Dipertua. Kuasa PBT setakat ada yang ada, kuasa polis setakat yang ada, kuasa pihak lain

yang ada. Bahkan sekarang ini di Negeri Sembilan, kita telah mintak kerjasama daripada agensi lain seperti TNB, seperti SAINS, kalau didapati, kita syak tapi susah kita nak buat tangkapan, kita mintak supaya letriknya kita potong, kita mintak supaya airnya kita potong. Haa ini, ini kita sedang buat, dan kita buat lakukan. Tetapi kita juga mempunyai batas-batas perundangan Dato' Yang Dipertua. Kekangan-kekangan yang perlu kita *observe*, dengan izin, yang perlu kita perhatikan supaya tindakan kita ini tidak pulak melangkaui batasan perundangan yang ada, yang boleh menyebabkan kita nanti terperangkap dan dibawak pulak ke mahkamah di atas sebab kita melanggar hak-hak yang ada di peringkat tuan punya dan yang lain-lain.

Bahkan sekarang ini kita sedang meneliti untuk kita mengambil tindakan kepada tuan punya kedai. Sekarang ini kita kepada operator. Tapi jika didapati ya, tuan punya premis menyewakan kepada orang itu dan orang A ini, misalnya, melakukan aktiviti perjudian ataupun aktiviti yang terlarang, maka tuan punya premis jugak boleh kita ambil tindakan. Ini perkara-perkara yang sedang kita kumpulkan dan sedang kita perhatikan untuk kita letakkan dalam satu perundangan yang baru, Dato' Yang Dipertua, untuk kita pastikan perundangan yang ada dapat dikemas kini dan dapat dikuatkuasakan. Terima kasih.

Y.B. Yang Dipertua Dewan: Saya persilakan ADUN Nilai.

Y.B. ADUN Nilai: Dato' Yang Dipertua, saya mengu, mengemukakan soalan nombor, soalan pertama.

Y.B. ADUN Pertang: Dato' Yang Dipertua [terdapat gangguan sistem suara], *you switch off* Port Dickson, PD, PD. Dato' Yang Dipertua, bayaran sumbangan kubur oleh pemaju kepada Pihak Berkuasa Tempatan adalah merupakan sebahagian daripada elemen dan syarat yang dikenakan kepada semua pemaju perumahan yang terlibat di dalam sesuatu kawasan pembangunan perumahan.

Keperluan penyediaan kemudahan awam, tanah perkuburan di dalam permohonan Kebenaran Merancang adalah selaras dengan garis panduan penyediaan kemudahan awam yang telah ditetapkan oleh Jabatan Perancang Bandar Dan Desa. Suka saya nyatakan bahawa tanah perkuburan ini adalah merupakan sebahagian ataupun salah satu elemen yang kita namakan sebagai tempat kemudahan awam.

Pembangunan yang pesat yang telah melakukan penga, penglahiran manusia seramai 5,000 ke atas memerlukan kawasan tanah perkuburan oleh pemaju-pemaju tertentu. Maka dengan itu, pemaju-pemaju berkenaan dikenakan bayaran sebanyak 1,000.00 ringgit bagi setiap rumah untuk kawasan-kawasan yang menjana penduduk seramai 5,000 ke 10,000 orang. Walau bagaimanapun, sekiranya pihak pemaju dapat menyediakan tahah perkuburan di kawasan pembangunan yang dicadangkan, maka bayaran sumbangan itu boleh dikecualikan. Terima kasih Dato' Dipertua.

Y.B. ADUN Nilai: Dato' Yang Dipertua, soalan tambahan. Adakah Kerajaan Negeri dalam beberapa tahun ini mempunyai sebarang peracangan ataupun ada merizabkan sebahagian tanah untuk, untuk tujuan perkuburan di beberapa tempat? Ada atau tidak, menggunakan dana atas nama, yang dipungut atas nama kubur iaitu 1,000.00 ringgit dan jugak kos, untuk kos rendah 500.00 ringgit.

Y.B. ADUN Pertang: Dato' Dipertua, kerana itu sudah saya jelaskan tadi bahawa kawasan tanah perkuburan ini adalah merupakan sebahagian daripada elemen yang kita kenal pasti sebagai kemudahan awam. Tetapi oleh kerana ada beberapa kawasan pem, pembangunan di beberapa kawasan perumahan yang kadang kala kita mengambil kira dari segi sensitiviti masyarakat dan penduduk di kawasan berkenaan, kerana itu pihak Kerajaan Negeri terpaksa mengenal pasti kawasan-kawasan yang sesuai untuk dilakukan ataupun bagi pembinaan kawasan-kawasan kubur bagi kaum-kaum yang tertentu. Kerana itu wang yang kita kutip ataupun sumbangan kubur oleh pihak pemaju yang dikenakan oleh dua sahaja Majlis Perbandaran. Yakni Majlis Perbandaran Port Dickson, eh, Majlis Perbandaran Nilai dan Majlis Perbandaran Seremban sahaja. Dan akan digunakan bagi menyediakan kemudahan kubur bagi masyarakat dan penduduk bagi kawasan berkenaan.

Tentunya kawas, Kerajaan Negeri mengambil kira kawasan-kawasan penempatan yang mencukupi bagi masyarakat dan juga penduduk bagi sesuatu kawasan dan juga terpaksa mengambil kira tentang sensitiviti masyarakat dan nilai harga tanah bagi kawasan-kawasan yang berkenaan. Saya juga nyatakan di Dewan yang mulia ini, setakat sekarang, kita tidak menghadapi sebarang masalah berkaitan dengan penyediaan dan tempat tanah kubur bagi masyarakat di kawasan-kawasan tertentu. Dan kita akan kaji dari masa ke semasa tentang kesesuaian tempat dan kawasan yang boleh kita sediakan bagi kegunaan dan juga, kawasan kubur yang mencukupi bagi kawasan-kawasan pem, pembinaan yang, yang saya maksudkan. Terima kasih.

Y.B. ADUN Nilai: Dato' Yang Dipertua, soalan saya 1. 1.2 iaitu berapakah jumlah kutipan, tidak dijawab. Kalau boleh, boleh jawab melalui jawapan bertulis.

Y.B. ADUN Pertang: Dato' Yang Dipertua, kutipan sumbangan kubur telah kita lakukan sejak tahun 2012 sehingga 2015. Hanya oleh dua Majlis Perbandaran yakni Majlis Perbandaran Seremban dan Majlis Perbandaran Nilai. Majlis Perbandaran Nilai kita mula kutip pada tahun 2013 sehingga 2015. Nilai 2,514,000.00 dan juga Majlis Perbandaran Seremban sebanyak 1.9 juta. Yang total kedua-dua Majlis perbandaran ini 4.5 juta sepanjang tempoh 2012 sehingga 2015. Terima kasih.

Y.B. Yang Dipertua Dewan: Soalan seterusnya Yang Berhormat.

Y.B. ADUN Nilai: Saya kemukakan soalan nombor 2.

Y.A.B. ADUN Rantau: Dato' Yang Dipertua, berkenaan dengan pekerja asing di negeri kita. Memang itu menjadi sebagai subjek ataupun perkara yang sentiasa di dalam radar Kerajaan Negeri, Dato' Dipertua. Ini kerana, menjadi hasrat Kerajaan Negeri nak melihat, walaupun kita, orang kata nak membangunkan negeri Dato' Dipertua, memang itu keutamaan kita, nak bangunkan Negeri Sembilan dalam *blue print* yang besar, seperti yang titah Duli Yang Maha Mulia Tuanku semalam. Termasuklah apa yang dipanggil kawasan tumpuan pembangunan di *Malaysian Vision Valley*, dengan izin, daripada Nilai sampai Port Dickson, pembangunan Lembah Kelang yang besar, *The extended of the Greater Klang Valley*, dengan izin. Macam-macam ada dalam tu, ada 6 kluster semua Dato' Dipertua, kluster perindustrian, kluster ITD (Integrated Transport District), yang mana nanti HSR ataupun *highspeed rail*, dia tak berhenti di Stesen Seremban, Dato' Dipertua. Dia akan berhenti di kawasan dekat dengan Labu ataupun Nilai. Itu akan kita sebagai *connectivity* kepada KLIA. Kluster *education* dan jugak *sports*, kluster pelancongan.

Pembangunan yang berlaku amat pesat ini Dato' Yang Dipertua, perlu kita pantau jugak kerana kita tak mahu nanti pengisianya dipenuhi oleh warga asing. Ini yang kita lihat. Itu sebabnya keutamaan kita, kalau kebelakangan ini Dato' Dipertua lihat bahawa banyak industri yang datang ke Negeri Sembilan ini bukan merupakan industri yang berasaskan kepada buruh. Bukannya *labor intensive* punya, punya industri. Tapi industri yang berasaskan teknologi tinggi, yang memberi

pekerjaan kepada teknologi tinggi, Dato' Yang Dipertua, dan tak ramai orang. Macam Coca Cola misalnya, macam Kellogg's, Safran, dan macam-macam kilang lagi. Dan beberapa buah industri yang lain yang sedang dalam perundingan yang akan dibuka di Negeri Sembilan ini.

Kita mengalu-alukan industri yang membawa teknologi tinggi, modal yang tinggi dan memerlukan orang kata, pengetahuan yang tinggi. Tak ramai bekerja. Kalau di Safran tu, yang membuat brek kapal terbang di Sendayan tu Dato' Yang Dipertua, semua 40 lebih orang jurutera saja bekerja. Itu pun banyak bekerja dalam ka, apa ni, *quality control* ataupun jaminan kualiti mereka sahaja. Di Coca Cola pun begitu, di Kellogg's pun begitu dan yang lain-lain.

Kita nak melihat Dato' Dipertua, supaya pembangunan, kemajuan di Negeri Sembilan akan kita lonjakkan, dalam masa yang sama kita tak mahu pulak diisi oleh mereka yang daripada luar negara. Bukan kita anti pekerja asing, tetapi kita tidak mahu, Dato' Dipertua, kedatangan mereka ini merupakan, mendatangkan masalah kepada kita. Dan kita pun sedang mengkaji cara mana iaitu jika ada industri yang nak membawa ramai pekerja asing, Dato' Dipertua, kita nak pastikan mereka jugak diletakkan dalam kawasan kediaman yang mereka khaskan untuk mereka. Supaya mereka ini tidak menjadi sebagai masalah kepada masyarakat setempat.

Jadi, alhamdulillah Dato' Yang Dipertua, walaupun dah nampak ramai, yang ramainya Dato' Dipertua ialah sektor pembuatan dan sektor perladangan dan jugak sektor pembinaan, Dato' Dipertua. Ada lebih kurang 40 lebih ribu orang di Negeri Sembilan yang berdaftar sebagai pekerja asing. Kita pun telah mengeluarkan arahan pentadbiran, pihak kerajaan telah bertemu dengan persatuan, Persatuan Pekilang-Pekilang Malaysia (FMM) sektor Negeri Sembilan, mengeluarkan arahan pentadbiran, Dato' Dipertua, iaitu kita tidak mahu ada kilang-kilang ataupun industri yang menggajikan, *on best effort basis* dengan, dengan, dengan izin Dato' Dipertua, *on best effort basis*, dia tidak melebihi 50 peratus dia punya pekerja asing di satu-satu masa. Kalau dulu Dato' Dipertua, sebelum kita mengeluarkan arahan pentadbiran ini, ada syarikat-syarikat besar yang menggajikan, menggunakan tenaga buruh asing ini, Dato' Dipertua ataupun pekerja asing, hampir 80 lebih peratus. Jadi ini yang nak kita tangani supaya ia akan dapat memberi peluang pekerjaan kepada anak tempatan, satu.

Nombor 2 ialah buruh asing ataupun pekerja asing ini kadang-kadang dia mendatangkan masalah kepada penduduk setempat kerana terdapatnya perbezaan budaya, perbezaan macam-macam. Ada orang yang marah dengan, dengan kerajaan, hantar *Whatsapp*, hantar apa dengan saya, ini tiga empat tahun dululah. Kerana ada pekerja asing

yang, dia memang budaya ni, dia makan, dia makan anjing Dato' Dipertua. Dia tangkap anjing. Itu sebabnya di kawasan tersebut anjing liar memang dah tak ada lagi, ya. Dia tangkap dan dia makan kerana budayanya mereka makan anjing ya. Saya tak payah sebutlah dari negara mana. Tetapi agaknya Dewan ini tahu. Mereka makan anjing, tak ada masalah kerana itu budaya mereka. Jadi terpaksa pulak, tuan punya anjing ini sekarang takut, terpaksa rantai anjing, elok jugak tu Dato' Dipertua ya, kerana masalah anjing. Besok saya hantar ke Rasah Jaya, banyak anjing situ, dia duduk ramai-ramai, *settle* satu perkara kan. Tak payah masalah.

Dato' Yang Dipertua ini isu budaya dan macam-macam. Dan kita tidak mahu ianya akan menjadi masalah kepada masyarakat kita. Peluang pekerjaan, satu. Kita tak mahu peluang pekerjaan diambil ataupun dirampas daripada anak tempatan. Nombor 2, kehadiran mereka. Kalau dalam kerja kilang ni, masih lagi mereka dalam keadaan yang terkawal, Dato' Dipertua. Tapi banyak pekerja asing dalam keadaan sektor perladangan misalnya. Sektor pembinaan. Mereka kadang-kadang dah tak kerja seperti apa yang ada dalam permit mereka, Dato' Dipertua. Mereka dah lari daripada majikan. Tetapi mereka tak pulang. Mereka berada dalam negara kita dan mereka buat kerja, macam-macam kerja. Dan bagi mereka negara ini adalah syurga. Mereka tak akan pulang ke negara masing-masing. Jadi ini masalah kepada kita.

Dan kita dapat negara kita terlampaui longgar dengan asas dan jugak dasarnya. Di Negeri Sembilan, kita nak pastikan supaya kita mengenakan sekatan-sekatan dan jugak penguatkuasaan yang berterusan. Itu sebabnya penguatkuasa-penguatkuasa daripada agensi-agensi kerajaan, jabatan-jabatan terus berjalan untuk memeriksa mereka di hujung minggu dan di tempat-tempat yang selalu digemari, didatangi, dikunjungi oleh pekerja ini, akan kita terus membuat pemeriksaan. Dan akan menangkap mereka yang tidak mempunyai permit. Menangkap mereka yang permit telah luput.

Dan masalah di sini, Dato' Yang Dipertua, ialah mereka datang secara sah. Tetapi mereka tinggal lebih masa. Mereka tak mahu pulang, ya. Jadi mereka ini menjadi sebagai pendatang tanpa izin. Kalau di sempadan kita, di perairan kita, angkatan tentera dan jugak pihak maritim dan jugak polis mengawal persisiran pantai, Dato' Dipertua, memang tak ada tangkapan kerana mereka dah tak masuk lagi secara tidak sah. Mereka datang secara sah tetapi mereka tidak pulang dan inilah menjadi masalah kepada kita.

Sektor pembinaan pun begitu jugak Dato' Dipertua, terpaksa menggunakan tenaga asing kerana mereka ini mempunyai ketahanan

diri membina, membuat pembinaan. Dan ianya tidak digemari oleh penduduk tempatan. Jadi kita mempunyai masalah, dilema Dato' Dipertua, di kiri kita terpaksa mengurangkan kehadiran mereka, di kanan pulak, kebergantungan sektor-sektor tertentu terutamanya perladangan dan jugak pembinaan kepada tenaga buruh asing dan jugak kepentingan dalam sektor, sektor perkilangan Dato' Dipertua. Jadi 41,000 daripada jumlah tenaga kerja 434,000 di Negeri Sembilan, belum, tak sampai, tak sampai 10 peratus Dato' Dipertua, kalau dari segi peratusan.

Tapi kita melihatnya dari segi sektor. Sektor perkhidmatan, ramai ya. Jadi mengapa sektor perkhidmatan ini ramai menggunakan tenaga asing. Jadi ini perlu kita lihat dan kita akan lihat dan kita akan buat perbincangan dengan mereka-mereka yang terlibat dalam sektor perkhidmatan. Apa masalah, pihak hotel tak sepatutnya menggunakan tenaga buruh asing. *Petrol pump* ataupun *pump-pump station* menggunakan tenaga asing. Jadi, ini akan kita lihat Dato' Dipertua. Kita faham sektor pem, pembuatan, sektor perladangan dan sektor perkilangan dan sektor pembinaan. Tapi sektor perkhidmatan jugak nampaknya ramai menggunakan tenaga asing yang sepatutnya ia tidak boleh berlaku.

Jadi Dato' Dipertua, memang kita buat dan kita dah ada arahan pentadbiran, tidak boleh lebih, melebihi 50 peratus dan kita akan mengkaji setiap satu. Ada jugak yang melebihi, ada jugak yang kurang, dan ini akan terus kita pantau dan kita akan menjalankan kerjasama dengan Persatuan Pekilang-Pekilang Malaysia Negeri Sembilan untuk kita berunding dengan semua industri. Dan perladangan pun kita akan bersama dan kita akan bersama-sama mengenal pasti masalah yang mereka hadapi. Terima kasih Dato' Dipertua.

Y.B. ADUN Nilai: Dato' Yang Dipertua, saya mengemukakan soalan nombor 3.

Y.A.B. ADUN Rantau: Dato' Yang Dipertua, ini, kutipan hasil mengikut pokok ni Dato' Dipertua, kita buat di atas satu asas pertimbangan kemanusiaan ya. Banyak orang menceroboh tanah kerajaan. Jadi, kita nak suruh dia keluar, nak rampas tanah, ataupun macam mana. Jadi hasil daripada pemantauan kita, hasil daripada penilaian kita, kita buat satu dasarlah ya, supaya mereka ini membayar apa yang dipanggil sebagai tol tahunan kepada kerajaan. Daripada kita nak merampas pokok durian dia dah 15 tahun, 20 tahun kan. Dia tanam secara haram Dato' Yang Dipertua, dia meneroka tanah kerajaan secara haram.

Tetapi ini tidak pulak memberi jaminan, ataupun memberikan, membukak pintu seluas-luasnya kepada mereka untuk meneroka tanah secara haram. Jadi, kita jugak akan mengambil, mengambil tindakan seperti yang kita buat di sempadan Negeri Sembilan dengan Pahang. 2 – 3 ribu ekar tanah kita diteroka secara haram, ditanam kelapa sawit. Haa itu kita ambil tindakan dan kita membuang segala pokok-pokok kelapa sawit dan kita tanam hutan semula Dato' Yang Dipertua. Tetapi ada yang kita dah, tepi rumah dia, belakang rumah dia, dekat kampung dia, dia tanam pokok tapi tanah, tanah kerajaan. Dia mintak, kita tak bagi. Jadi kita *charge* dia satu pokok 50.00 ringgit ke, 20.00 ringgit, terpulanglah, pokok yang mengeluarkan hasil ke, pokok kelapa sawit ke, ya.

Tapi kita sedang mengkaji dari semasa ke semasa sama ada tanah, dasar ini akan kita teruskan ataupun kita tinjau semula. Tapi asasnya Dato' Yang Dipertua, ialah mereka ini meneroka tanah tersebut secara haram. Jadi kita mesti kenakan mereka denda. Kita tak mahu panggil denda, tetapi mereka membayar atas asas kita katakan mengutip hasil. Dan hasil tersebut dibagi kepada kita jugaklah ya. Pokok durian, kita *charge* tak tahulah berapa, ada 10.00 ringgit, ada 5.00 ringgit, ada 20.00 ringgit. Atas asas perikemanusiaan. Itu sajalah. Kalau tidak Dato' Dipertua, kerajaan akan mengambil balik tanah tersebut.

Ramai ni orang menceroboh tanah, menceroboh tanah sesuka hati saja kan. Jadi yang mana satu. Apakah kita akan merampas. Tapi kalau kita merampas pun kita nak buat apa. Dalam pada itu, kita belum ada apa-apa, kita tak ada rancangan atas tanah tersebut, melainkan jika kita mempunyai rancangan, tanah tersebut diterokai dah 20 – 30 tahun, tapi kita kerajaan dah bercadang nak buat sekolah misalnya, kita dah bercadang nak buat dewan orang ramai misalnya, maka kita akan ambil balik tanah tersebut. Tapi selagi kita belum ada rancangan, Dato' Yang Dipertua, maka kita buat apa yang dipanggil sebagai dasar yang menang-menanglah ya, *win-win situation*. You bayarlah sikit, you bayar. Bayar hasil pokok berdasarkan satu pokok berapa ringgit. Tapi ini jugak dikaji dari masa ke semasa.

Y.B. Yang Dipertua Dewan: Ahli-ahli Yang Berhormat sekalian, masa bagi pertanyaan-pertanyaan lisan telah pun tamat. Semua soalan lisan yang tidak dijawab pada hari ini akan diberi jawapan secara bertulis.

5.2 Pertanyaan-Pertanyaan Yang Berkehendakkan Jawapan Bertulis

Setiausaha Dewan: Pertanyaan-Pertanyaan Yang Berkehendakkan Jawapan Bertulis. Dipersilakan Yang Amat Berhormat ADUN Rantau.

Y.A.B. ADUN Rantau: Dato' Yang Dipertua, saya bangun membentangkan jawapan-jawapan pertanyaan yang telah diberitahu terlebih dahulu seperti yang dibentangkan kepada ahli-ahli Yang Berhormat sekalian. Terima kasih.

Y.B. Yang Dipertua Dewan: Ahli-ahli Yang Berhormat sekalian, jawapan-jawapan bagi Pertanyaan Bertulis adalah dibentangkan.

6. USUL

“Bahawa Dewan ini mengambil ketetapan menjunjung kasih Ke Bawah Duli Duli Yang Maha Mulia Yang di-Pertuan Besar Negeri Sembilan atas Titah Ucapan Baginda bagi merasmikan Pembukaan Penggal Keempat, Dewan Undangan Negeri, Negeri Sembilan Yang Ke-13”.

Setiausaha Dewan: Perkara keenam, Usul.

Y.B. ADUN Seri Menanti: Bismillahirrahmanirrahim. Assalamualaikum w.b.t. Yang Berhormat Dato' Yang Dipertua, Yang Amat Berhormat ADUN Rantau selaku Menteri Besar Negeri Sembilan serta rakan-rakan Yang Berhormat dari pihak kerajaan dan jugak dari pihak pembangkang. Saya bangun di Dewan yang mulia ini, pada pagi ini, yang permai ini untuk membentangkan usul menjunjung kasih kepada Duli Yang Maha Mulia Yang di-Pertuan Besar Negeri Sembilan atas titah ucapan perasmian Persidangan Pertama Penggal Keempat Dewan Undangan Negeri Sembilan.

Semalam kita sama-sama mendengar dengan tekun titah ucapan Yang di-Pertuan Besar Negeri Sembilan yang sarat dengan maklumat tentang hala tuju pembangunan yang sedang dilaksanakan oleh Kerajaan Barisan Nasional untuk kepentingan rakyat dan negeri. Sesungguhnya titah ucapan tuanku yang bernas ini dipenuhi dengan kata-kata nasihat dan teguran serta harapan besar baginda untuk melihat pembangunan

dan kemajuan di Negeri Sembilan dapat dilonjakkan ke tahap yang tinggi.

Dato' Yang Dipertua, Duli Yang Maha Mulia Tuanku telah menggariskan dengan jelas bahawa Kerajaan Barisan Nasional ini telah meletakkan asas yang kukuh dalam rancangannya memajukan negeri ini berpaksikan kepada 2 matlamat penting. Iaitu pertamanya kemakmuran negeri dan jugak kesejahteraan rakyat. Kerajaan Barisan Nasional ini yang mencecah usia dia 59 tahun pada tahun ini, kian menghampiri 6 dekad, telah membuktikan kemampuannya dalam mentadbir bagi memakmurkan negeri dan mensejahterakan rakyat. *Track record* sepanjang pemerintahan selama ini, telah menunjukkan bahawa kami di pihak kerajaan telah mengotakan apa yang kami ak, kami janjikan.

Dato' Yang Dipertua, sebagaimana di sebuah negeri lain yang diperintah oleh Kerajaan Barisan Nasional, di negeri ini, Kerajaan Negeri Sembilan juga sentiasa berusaha untuk membangunkan negeri ini agar ekonomi dapat tumbuh dan berkembang dengan sihat. Tidak dapat dinafikan bahawa dalam menempuh keadaan cabaran ekonomi masa kini yang diakibatkan oleh kejatuhan harga minyak di pasaran antarabangsa serta kejatuhan nilai Ringgit suatu ketika dulu, kerajaan terpaksa berdepan dengan beberapa kekangan. Dalam keadaan ini, walaupun kerajaan terpaksa mengambil langkah-langkah, ini bukanlah memberi beban kepada rakyat. Untuk menambah hasil pendapatan negeri, Kerajaan Negeri tidak, tidak menaikkan cukai sebaliknya mencari sumber pendapatan baru agar rancangan-rancangan kemajuan dapat diteruskan.

Kalau kita lihat, kalau kita dengar titah ucapan Duli Yang Maha Mulia Tuanku semalam menyebut, merasakan, me, melafazkan rasa sukacita baginda ya, terhadap, terhadap rancangan-rancangan yang telah diatur oleh Kerajaan Barisan Nasional. Saya tak dengar pun ya, rasa dukacita tuanku terhadap perancangan-perancangan yang telah, yang kita rancang dan yang telah kita laksanakan. Baik sekali dari segi kutipan zakat, yang telah disebut oleh Yang Amat Berhormat ADUN Rantau tadi, iaitu hampir kepada 100 juta pada tahun lepas. Saya yakin pada tahun ini, pungutan zakat kita akan melebihi ya, paras 100 juta, inshaa Allah.

Dan seterusnya dari segi kecemerlangan pendidikan dan jugak perkembangan ataupun pertumbuhan ekonomi kita, kita melihat kepada petunjuk KDNK kita, KDNK Negeri yang 5 tahun berturut-turut sentiasa meningkat. Dari segi pelaburannya kita melihat kepada 1.7 bilion lebih pelaburan ya, pada tahun lepas yang mele过asi daripada kita punya KPI kita. Dan jugak dasar perumahan yang memberi satu tumparan ya, kepada negeri-negeri lain bahawa Negeri Sembilan telah mula menterjemahkan tahun lepas dasar perumahan yang sentiasa

memberi pembelaan kepada rakyat. Yang diberikan keutamaan, Rumah Mampu Milik sebanyak 50 peratus dalam projek ataupun di dalam pembangunan projek perumahan di negeri ini. Dan kita ucapkan tahniah kepada kerajaan kerana sentiasa prihatin tentang kepayahan ataupun kesusahan untuk memiliki rumah yang, yang sentiasa meningkat harga. Dan dengan adanya dasar ini maka dapat kita mengawal, dapat kita memberikan perhatian kepada, kepada mereka-mereka yang berpendapatan sederhana.

Dasar pendidikan jugak ya, di Negeri Sembilan dan dengan dasar pendidikan yang diamalkan di Negeri Sembilan, menjadikan negeri ini sebuah ya, sebuah lembah ilmu. Sudah tentunya selaras dengan hasrat Kerajaan Negeri sendiri untuk melahirkan lebih ramai golongan cerdik pandai dan berilmu serta berkemahiran tinggi. Hari ini kejayaan demi kejayaan menyerlahkan kehebatan anak-anak Negeri Sembilan di bumi beradat ini.

Melalui inisiatif Kerajaan Negeri yang memperkenalkan insentif Anugerah Siswa Cemerlang amat berkesan sekali. Dari setahun ke setahun golongan pelajar cemerlang, bilangan siswazah dalam kalangan anak-anak negeri memperoleh, memperolehi Ijazah Kelas Pertama di universiti awam tempat, tempatan telah meningkat dengan ramai sekali. Kesemuanya ini adalah dilaksanakan sebagai langkah persediaan dalam memastikan generasi pelapis yang bakal menjadi pemimpin masa depan dalam memasti, adalah dalam kalangan mereka yang berilmu. Pada masa yang sama jugak, golongan muda berkemahiran tinggi yang sedang diwujudkan sekarang diharapkan dapat melonjakkan lagi prestasi kemajuan Negeri Sembilan ke suatu tahap setanding kemajuan di peringkat nasional.

Sesebuah negeri atau negara yang kaya dengan khazanah dan sumber alam semula jadi tidak akan mampu mempertahankan keka, keja, kejayaan jika masyarakatnya tidak berilmu dan tidak berkemahiran sehingga perlu bergantung kepada bantuan kepakaran pihak luar. Akhirnya negara akan jadi miskin, dan ha, dan hasilnya dikaut oleh pihak asing. Kami di pihak kerajaan tidak rela melihat rakyat menjadi seperti ayam di kepuk mati kelaparan, itik di air mati kehausan.

Dalam hubungan ini, kami amat berbangga dengan prestasi cemerlang Negeri Sembilan dalam bidang pendidikan di semua peringkat pada masa ini. Sesungguhnya kejayaan-kejayaan seperti inilah yang menjadikan Barisan Nasional unik dalam mendekatkan pemerintahannya di Negeri Sembilan khususnya yang tidak dimiliki oleh mana-mana parti lain di negara ini. Oleh itu, untuk memastikan rakyat terus terbela, tidak dapat tidaknya kerajaan inilah juga yang

harus dipertahankan oleh rakyat Negeri Sembilan pada setiap kali pilihan raya termasuklah pilihan raya yang akan datang ini.

Rakyat di Negeri Sembilan pada hari ini jugak amat bertuah kerana masih memiliki seorang lagi pemimpin Barisan Nasional yang sentiasa berusaha memenuhi aspirasi rakyat dalam usaha membangun dan memajukan negeri kita ini. Pelantikan Yang Amat Berhormat ADUN Rantau sebagai Menteri Besar Negeri Sembilan sejak 12 tahun yang lalu merupakan anugerah kepada negeri ini kerana beliau mempunyai pengalaman yang luas di dun, di dunia korporat. Berbekal pengalaman inilah kita melihat kemajuan demi kemajuan sedang diarahkan tanpa jemu oleh beliau dan rakyatnya. Kini, dia telah mengasaskan pula satu wawasan, rancangan pembangunan jangka panjang yang sedang dilaksanakan iaitu Pelan Pembangunan Negeri Sembilan Moden 2045. Yang, yang telah, yang telah sama-sama kita saksikan pembentangannya pada sesi bajet ya, bulan November tahun lalu.

Yang Berhormat Dato' Yang Dipertua, kita, di negara kita, kita ada Wawasan 2020 yang meletakkan matlamat menjadikan negara kita Malaysia, sebuah negara maju pada tahun 2020. Yang akan, inshaa Allah ya, akan kita capai dalam kurang 4 tahun lagi. Wawasan Negeri Sembilan Moden 2045 pula, merupakan rancangan pembangunan 30 tahun dari tahun 2015 hingga ke tahun 2045 untuk menjadikan Negeri Sembilan sebuah negeri moden pasca tahun 2020. Saya suka mengingatkan kepada semua bahawa sesung, sungguhpun sektor swasta akan menjadi pemacu kepada pencapaian Negeri Sembilan Moden 2045 ini, Kerajaan Barisan Nasional memberi jaminan bahawa ia akan terus memastikan Dasar Jaringan Keselamatan Sosial tetap menjadi teras dalam semua rancangan pembangunan agar semua golongan masyarakat akan dapat menikmati kemajuan dan tidak tercincir dalam arus pemodenan ini. Ini lebih-lebih lagi untuk masa depan generasi anak cucu kita yang akan datang, yang akan mewarisi negeri ini.

Saya mengucapkan tahniah dan syabas kepada Kerajaan Negeri kerana telah pun melancarkan Dasar Perumahan Negara yang secara terus, secara langsung memastikan pembelaan kepada rakyat di Negeri Sembilan ini. Bercakap tentang kepentingan rakyat, saya yang menggalas amanah sebagai wakil rakyat ini ingin mengambil kesempatan di Dewan yang mulia ini, untuk memberi peringatan kepada pihak swasta jugak agar sentiasa berada di landasan yang sama seperti aspirasi kerajaan dan aspirasi rakyat dalam pembangunan dan kemajuan yang diharapkan.

Ada jugak yang kita lihat ya, syarikat ataupun swasta yang hanya melepaskan batuk di tangga, hanya menumpukan pembangunan ya, di

bandar-bandar. Seperti kita tengok ya, pihak telekomunikasi atau pihak telco kalau di jalan Seremban ke Kuala Pilah, masuk saja Kuala Pilah, kita lihat jalur, kalau kita bukak internet kita melihat kepada jalur lebar kita, kita akan menghadapi masalah. Makna dia telco-telco ini, sama ada Celcom, Maxis dan sebagainya ni tidak mengikut aspirasi Kerajaan Negeri. Jadi meme, merencatkan pembangunan yang ada ini. Saya harapkan ya, pihak telco ini sentiasa bersama-sama dengan landasan kita. Bersama-sama dengan gerabak ataupun bersama-sama dengan kereta api yang kita bawa.

Dato' Yang Dipertua, rancangan pembangunan 2015 ini, hingga 2045, menjadikan Negeri Sembilan sebuah negeri moden pasca 2020 ini akan menjadikan sebuah, akan menjadikan Negeri Sembilan sebuah metropolitan. Dato' Dipertua, saya juga berharap limpahan dan kemajuan dalam sektor perumahan ini dapat ya, dinikmati oleh para penduduk kawasan luar bandar agar kawasan penempatan di seluruh negeri akan menjadi lebih terancang dan lebih tersusun. Harapan ini sejajar dengan matlamat Negeri Sembilan Moden 2045 untuk mentransformasikan kawasan luar bandar menjadi Desa Amaya yang mampan dan dapat memberi sumbangan bermakna kepada pertumbuhan ekonomi negeri dan jugak negara kita.

Saya difahamkan oleh Yang Amat Berhormat ADUN Rantau, satu Dasar Pembangunan Luar Bandar ya, akan di, akan dikemukakan bagi membela rakyat luar bandar ataupun mereka-mereka yang berada di luar bandar. Ini akan membuktikan bahawa Kerajaan Barisan Nasional bukan saja menumpukan pembangunan di luar ban, di dalam bandar, tetapi jugak begitu prihatin dengan pembangunan-pembangunan di luar bandar.

Dato' Yang Dipertua, Negeri Sembilan Moden 2045 merupakan pelan jangka panjang, komprehensif bagi merancakkan ekonomi dan sekaligus boleh menjana peluang-peluang kerja untuk golongan muda khususnya. Salah satu projek utama ke arah Negeri Sembilan Moden 2045 yang selalu kita sebutkan iaitu MVV ataupun *Malaysia Vision Valley*, yang akan menjelmakan sebuah kawasan bandar raya moden merangkumi 3 bandar utama, Seremban, Nilai dan jugak Port Dickson. Bandar raya moden inilah yang akan membentuk sebuah wilayah ekonomi baru yang berperanan sebagai pusat pentadbiran dan kegiatan pembangunan utama. Dalam perancangan ini, kerajaan akan memastikan bahawa bukan sahaja masyarakat dalam kawasan terlibat akan mendapat peluang ekonomi yang lebih baik, malah kerajaan juga akan memastikan bahawa limpahan dan kepesatan pembangunan kawasan ini akan turut dima, dinikmati oleh masyarakat di sekitar atau di sekelilingnya.

Saya amat berkeyakinan sekali bahawa pembangunan infrastruktur yang akan dilaksanakan untuk pembangunan MVV ini akan juga membuka peluang ekonomi kepada penduduk setempat. Kemudahan perhubungan juga sudah tentu akan melancarkan pergerakan penduduk, barang dan perkhidmatan yang akhirnya merancakkan lagi aktiviti ekonomi. Begitu jugak dengan kawasan pinggir bandar atau pekan-pekan yang akan dibangunkan sebagai pusat ekonomi khusus akan akhirnya menjadi hab kepada MVV ataupun *Malaysia Vision Valley*. Dalam erti kata yang lain pembangunan dalam, dalam Negeri Sembilan moden 2045 yang lengkap dengan segala kemudahan prasarana ini bukan sahaja melibatkan golongan penduduk malah ia juga akan melibatkan banyak kawasan berpotensi menjadi bandar moden bertaraf antarabangsa.

Saya membayangkan bahawa Negeri Sembilan akan pada tahun 2045 menjadi pusat metropolitan yang setanding dengan kebanyakan kota raya terkemuka dunia. Saya mewakili kelab kerajaan, penyokong kerajaan ingin memberi setinggi penghargaan kepada Yang Amat Berhormat ADUN Rantau. Saya lafazkan dengan sebaris pantun iaitu

*Anak pak mat gadis pingitan, suara alunan di tepi jalan,
Yang Amat Berhormat ADUN Rantau layak digelarkan intelek
pemodeenan Negeri Sembilan*

Marilah sama-sama kita berdoa agar Negeri Sembilan yang kita cintai ini akan terus maju, aman dan makmur. Sebelum mengakhiri usul ini, izinkan saya sekali menjunjung kasih [gangguan sistem suara] sebelum, sebelum mengakhiri usul ini, izinkan saya sekali lagi menjunjung ke atas Duli Yang Maha Mulia Tuanku Yang di-Pertuan Besar Negeri Sembilan atas kesudian baginda merasmikan Persidangan Pertama Penggal Keempat, Dewan Undangan Negeri.

*Kaki lenguh perlu berehat,
Makan dokong di atas bangku
Titahnya penuh pandangan dan nasihat
Saya menyokong titah Duli Tuanku.*

Sekian, terima kasih. Dato' Yang Dipertua, saya mohon mencadangkan.

Y.B. Yang Dipertua Dewan: Silakan untuk penyokong.

Y.B. ADUN Klawang: Terima kasih Yang Berhormat Dato' Yang Dipertua Dewan. Saya, bismillahirrahmannirrahim. Izinkan saya mengambil bahagian di dalam ucapan yang telah dipanjangkan,

diutarakan usul menjunjung kasih titah ucapan Diraja dalam, terhadap perasmian Dewan pada hari semalam.

*Bunga sekuntum di atas para,
Diambil dara pakai di kepala,
Assalamualaikum dan salam sejahtera,
Izinkan Klawang memulakan bicara.*

Yang Berhormat Dato' Yang Dipertua, yang dikasihi Yang Amat Berhormat ADUN Rantau bersama rakan-rakan Yang Berhormat di sebelah pihak kerajaan dan juga pembangkang. Klawang ingin bersama-sama menyatakan sokongan di atas titah ucapan, usul titah ucapan Diraja pada hari semalam. Di sini sebagaimana yang telah dibawa oleh Yang Berhormat ADUN Seri Menanti sebentar tadi, jelas menunjukkan bahwasanya Negeri Sembilan telah mencapai tahap pembangunan yang amat membanggakan. Duli Yang Maha Mulia Tuanku Yang di-Pertuan Besar telah menyatakan kepuashatan baginda di atas pencapaian dan jugak pembangunan yang telah dibawa, hala tuju pembangunan yang telah dibawa oleh kerajaan.

Ke Bawah Duli Yang Maha Mulia Tuanku dalam menyampaikan titah baginda ada menyatakan bahawa setiap rakyat perlu menjunjung tinggi dan menghayati prinsip-prinsip di dalam Rukun Negara. Pembentukan prinsip keluharan, keluhuran perlumbagaan dan prinsip kedaulatan undang-undang adalah satu pengukuhan kepada matlamat utama kewujudan Perlumbagaan Persekutuan. Perlumbagaan tersebut selaku dokumen penting yang menjadi tunjang kepada negara seharusnya terpelihara. Ianya menggariskan perimeter serta tanggungjawab sebuah negara kepada rakyatnya dan tanggungjawab kepada negara.

*Dari Tanjung Tuan ke Pengkalan Kempas,
Dalam perjalanan nampak tempua,
Perlumbagaan Persekutuan ibarat kompas,
Jadikan pedo, panduan ke atas, kepada semua.*

Yang Berhormat Dato' Yang Dipertua Dewan, izinkan saya untuk menghargai beberapa inisiatif berterusan kerajaan yang dilancarkan. Kerajaan tetap komited dengan pembaharuan dalam semua bidang dan aspek kehidupan selaras dengan kehendak dan aspirasi rakyat yang ingin kehidupan yang dikualiti, yang berkualiti dan lebih baik untuk mereka dan generasi akan datang. Mungkin kupasan menyokong usul menjunjung kasih ke atas titah ucapan Duli Yang Maha Mulia Yang di-Pertuan Besar Negeri Sembilan sebentar tadi yang telah diusulkan oleh ADUN Seri Menanti begitu terhad untuk dikongsi bersama di dalam Dewan yang mulia ini, di atas faktor masa dan sebagainya.

Namun, ianya merupakan satu imbasan dan jugak panduan bagi rakyat menilai prestasi yang telah dipacu oleh ketua dan pemimpin yang kita sayangi, yang menerajui Negeri Sembilan iaitu Yang Amat Berhormat ADUN Rantau, yang tanpa terfikir oleh mana-mana pihak untuk meletakkan Negeri Sembilan sebagai satu negeri yang maju bagi tempoh 30 tahun yang akan datang.

*Makan lepat ditiram duku,
Di waktu petang hari semalam,
Kalau dilipat sekecil kuku,
Bila dibentang sebesar alam.*

Inilah pedoman yang dibuat, yang diambil kira untuk melihat dan membawa Negeri Sembilan ke arah kemajuan yang tidak terfikir oleh kita. Walaupun *negoghi kocik, kocik* tapi pemikiran pemimpinnya cukup besar. Di tahap global yang di tahap antarabangsa ya. Tidak terfikir oleh kita apatah lagi macam saya duduk di ulu ya. Kawasan *jelobak jelebu, tuai padi tiga tangai, kok kono komat Jelobu*, tak mati badan merasai. Jelebu mengalami susutan pertumbuhan penduduk. Ramai nikah, tiap-tiap musim cuti sekolah kita lintang pukang nak pergi hadir ke majlis-majlis berkenaan. Tetapi kadar pertumbuhan dan kelahiran penduduknya -0.1. Mungkin mereka kahwin di Jelebu, tapi melahirkan anak di luar. Kita kena kaji kenapa jadi begitu.

Dato' Yang Dipertua, *Malaysia Vision Valley* (MVV). Kerajaan telah menyusun pelbagai gender pembangunan ke atas dan kemakmuran negeri, dan kesejahteraan rakyat meliputi 4 komponen atau matlamat penting yang saling melengkap iaitu kecekapan untuk memastikan pencapaian pertumbuhan ekonomi yang pesat, pembahagian kekayaan yang adil meliputi pembasmian kemiskinan dan pengurangan jurang perbezaan pendapat, pendapatan mapan menjamin pembangunan kini tidak mengancam kehidupan generasi akan datang dan pengupayaan rakyat terutama golongan muda, golongan mudah terancam seperti golongan miskin yang ada juga dikategorikan sebagai B40, yang disebut oleh Yang Amat Berhormat ADUN Rantau.

Pelan kerajaan untuk membawa perubahan dalam bentuk pembangunan yang holistik, dinamik dan berdaya saing telah membawak kepada satu bentuk pembangunan kawasan pertumbuhan ekonomi baru, *Malaysia Vision Valley* (MVV) di sebelah barat Negeri Sembilan. MVV merupakan satu pembangunan pemodenan terancang, melibatkan keluasan tanah lebih kurang 108,000 hektar dari Nilai, Seremban hingga ke Port Dickson. Yang akan menjadi pemangkin kepada teras, transformasi pembangunan Negeri Sembilan dan

merupakan salah satu inisiatif yang akan memperteguh ketahanan ekonomi negeri dan juga negara.

Segala pembangunan ekonomi haruslah bersifat inklusif di mana limpahan pembangunan di kawasan MVV seharusnya memberi impak positif di kawasan luar bandar sebagai pemilik modal kepada tenaga dan sumber kekayaan asli menerusi perancangan jangka panjang pasca 2020, Rangka Rancangan Jangka Panjang Negeri Sembilan Moden 2015 – 2045, yang telah dibentangkan oleh Yang Amat Berhormat ADUN Rantau, dengan berteraskan prinsip anjakan yang telah disusun lebih awal oleh kerajaan. Adalah diharapkan pembangunan tersebut akan mendatangkan manfaat yang optimum bukan sahaja daripada segi agihan pendapatan lebih sama rata, tetapi juga mengubah kawasan luar bandar menjadi lebih baik untuk pelaburan serta tempat kediaman yang menarik dengan menikmati semua kemudahan asas, infrastruktur dan jugak perkhidmatan sosial yang berkualiti.

*Rakan podian pergi berlima,
Duduk berjemur di tepi bahtera,
Visi Negeri Sembilan Moden 2045,
Negeri makmur rakyat sejahtera.*

Yang ini nak diterjemahkan. Kita berharap penjawat awam dan jugak kakitangan kerajaan memahami dasar ini supaya ianya dapat dilaksanakan dengan betul dan tepat. Dasarnya cukup elok, pelaksanaannya pun tentulah perlu elok supaya rakyat yakin dengan apa yang telah didasarkan di dalam Dewan yang mulia ini, dan dilaksanakan dengan baik di peringkat akar umbi. Sebab itu tuan, ahli-ahli Yang Berhormat menjadi pemangkin sebagai tenaga, untuk menjadi pemangkin kepada perlaksanaan dasar bersama dengan kakitangan kerajaan di peringkat daerah.

Jadi, di dalam kesempatan ini, Yang Berhormat Dato' Yang Dipertua Dewan, Jelebu merayu supaya jawatan Pegawai Daerah Jelebu itu, yang jugak merangkap Yang Dipertua Dewan, Yang Dipertua Majlis Daerah, mintak maaf, dapat diisi segera. Kerana banyak perkara yang tidak dapat dilaksanakan sekarang. Ahli Majlis tak boleh bermesyuarat. Projek-projek tak boleh dilaksanakan dan sebagainya. Cukup-cukuplah, setakat hari ini, hampir sebulan ya, untuk Jelebu tidak ada ketua pentadbir daerah. Kita merayu bagi pihak rakyat di kampung, Dato' Yang Dipertua, kalau tidak marah dia nanti ya. Dia dengar Apak bercakap, dan mereka akan bertanya kenapa tidak bangkitkan soal ini. Mohon ambil tindakan segera, Yang Berhormat Dato' Yang Dipertua Dewan.

Disebutkan jugak oleh Yang Berhormat ADUN Seri Menanti sebentar tadi, telekomunikasi dan ICT. Saya amat menghargai inisiatif dan pelaburan berterusan kerajaan untuk mewujudkan rangkaian kemudahan dan perkhidmatan tele, telekomunikasi dan ICT bagi menyokong dan menyumbang secara langsung kepada pertumbuhan ekonomi serta meningkatkan kualiti taraf hidup dan produktiviti rakyat dalam usaha memperkuuhkan asas bagi mencapai ekonomi berasaskan pengetahuan penggunaan ICT secara strategik akan menjadi semakin penting.

Dalam hubungan ini, Dato' Yang Dipertua, usaha perluasan infrastruktur di kawasan luar bandar bagi meluaskan akses kepada perkhidmatan dan kemudahan ICT haruslah dipergiatkan. Ini membolehkan masyarakat luar bandar mendapat akses informasi dan menyertai peluang baharu yang diwujudkan oleh ekonomi berasaskan pengetahuan secara adil dan saksama. Kemudahan ICT ini juga akan dapat menjadikan kawasan luar bandar lebih menarik kepada golongan belia untuk terus tinggal di luar bandar dan mendapat pekerjaan yang setanding melalui usaha-usaha pertanian yang bernilai tinggi.

Kalau kita berjalan ke seluruh Negeri Sembilan, Dato' Yang Dipertua, masih lagi kita dapati kawasan-kawasan yang tidak diliputi dengan talian telefon mudah alih. Kerana ini menjadikan halangan kepada sesuatu tindakan bagi mempercepatkan perancangan yang nak dilaksanakan. Terutamanya di sekolah-sekolah di kawasan-kawasan pedalaman, ICT ini cukup penting kerana tanpa internet, tentulah usaha untuk pihak sekolah bagi melaksanakan perkara-perkara yang berhubung kait dengan pembelajaran mereka akan terganggu. Saya merayu supaya pihak kerajaan dapat berbincang dengan kementerian yang berkenaan supaya ianya dapat dilaksanakan di seluruh daerah-daerah terutamanya di Daerah Jelebu yang jugak menjadi tumpuan kepada pelancong-pelancong luar dengan adanya *homestay* dan sebagainya, tentulah ianya memerlukan kemudahan yang terkini.

Dato' Yang Dipertua, masyarakat Orang Asli perlu jugak kita sebut dan kita sentuh. Dan ia merupakan rakyat kepada Duli Yang Maha Mulia Tuanku Yang di-Pertuan Besar Negeri Sembilan dan jugak merupakan penduduk yang perlu diberikan tumpuan oleh pihak kerajaan.

*Pergi ke pasar hanya berjalan,
Di pagi Selasa ada persidangan,
Jaminan Yang Amat Berhormat Menteri Besar Negeri Sembilan,
Orang Asli sentiasa ada dalam radar kerajaan.*

Tahniah Dato' Seri. Antara negeri yang bertindak bagi memberikan keyakinan di kalangan masyarakat Orang Asli tentang *tompek duduk*

dio, kampung *dio*, kawasan rayau *dio*, *kobon* dan ladang *dio*. Negeri Sembilan-lah antaranya yang telah mengambil tindakan yang agak ke depan untuk melaksanakan dan menggazetkan perkampungan Orang Asli. Saya ucapkan tahniah kepada Yang Berhormat ADUN Rantau selaku Menteri Besar di atas usaha yang cukup dihargai oleh masyarakat Orang Asli. Bercakap di mana-mana perkampungan Orang Asli, Batin-Batin ni cukup berpuas hati. Dan mereka meng, menyarankan supaya tindakan untuk memberikan kawasan, menggazetkan kawasan rayau dan jugak perkebunan mereka, ladang-ladang dapat dilaksana. Mungkin di kawasan Chennah umpamanya banyak dan ramai, Orang Asli pun ramai mengundi Barisan Nasional, tapi tidak mengundi pembangkang mungkin, ketika itu. Ianya harus dibela. Perumahannya, pendapatan mereka, sumber pendapatan mereka.

Dan saya merakamkan terima kasih kepada pihak RISDA dan juga FELCRA di atas kebenaran Jabatan Hutan Negeri Sembilan telah membenarkan usaha untuk menanam getah di Kampung Kelaka dan Kampung Baner Tengkoh di DUN Klawang kerana di dalam usaha untuk memberikan pendapatan yang berkekalan kepada isi rumah yang ada di kedua-dua dan ketiga kampung berkenaan, ianya mungkin di dalam jangka panjang dapat menjamin pendapatan bagi golongan masyarakat Orang Asli.

Begitu jugak dengan peranan Jabatan KEMAS yang telah membuka, membuka kelas-kelas tadika di setiap kampung-kampung Orang Asli kerana KEMAS ingin melaksanakan dasar pembelajaran kepada semua masyarakat Orang Asli dan jugak masyarakat kita di seluruh Negeri Sembilan.

Dan apa yang kita nak lihatkan, Dato' Yang Dipertua, ialah masyarakat Orang Asli ini merupakan pendapat, masyarakat yang kurang menekankan soal kebersihan dan sebagainya. Tentulah jabatan, pegawai-pegawai JAKOA dituntut untuk memban, membantu dan membimbing mereka yang berkenaan supaya lebih dapat menjamin dan menjaga kebersihan. Dan punca air yang bersih haruslah dipertingkatkan salurannya kepada golongan perkampungan masyarakat Orang Asli ini.

Kelestarian pembangunan sosio budaya komuniti Orang Asli memerlukan suatu mekanisma yang lestari agar dapat mele, melestarikan sosio budaya mereka supaya amalan tradisi mereka dapat dikekalkan dan dipulihara untuk generasi akan datang. Kawasan hutan simpan dan penempatan mereka boleh dijadikan sebagai destinasi pelancongan yang berteraskan eko pelancongan serta boleh digabung jalin dengan keunikan budaya masyarakat Orang Asli dengan hasrat

mereka juga boleh menikmati impak yang baik daripada sektor tersebut. Usaha-usaha ini boleh dilakukan dalam pelbagai cara termasuklah melalui penyertaan secara individu maupun komuniti secara keseluruhan.

Dato' Yang Dipertua, dalam bidang pendidikan pula, alhamdulillah selama 5 tahun berturut-turut Negeri Sembilan kekal berada dalam kelompok 5 teratas bagi peperiksaan-peperiksaan utama. Dalam hubungan ini saya amat menghargai Dasar Lembah Ilmu yang dilaksanakan oleh kerajaan bagi melahirkan golongan cerdik pandai di kalangan anak-anak Negeri Sembilan. Pendidikan merupakan elemen penting dalam peningkatan pertumbuhan ekonomi negara. Pendidikan dapat meningkatkan ilmu dan menjurut, menjurus kepada peningkatan skil kelahiran pekerja skil rendah, skil sederhana dan skil tinggi penting dalam ekonomi yang berorientasikan pembuatan dan perkhidmatan. Dalam usaha mewujudkan sebuah negeri moden 2045, modal insan menjadi aspek kritikal dalam menjana transformasi dalam aspek ekonomi, pendidikan, sosial dan sebagainya.

Pembangunan luar bandar memerlukan modal insan yang mereasisi, merealisasikan pelaksanaan yang ingin dilaksanakan oleh pihak kerajaan. Pembangunan modal insan ini juga bagi mengurangkan jurang antara bandar dan luar bandar, dalam aspek ekonomi, pembangunan infrastruktur, jurang digital dan sebagainya. Bagi merealisasikan matlamat tersebut, saya amat berharap agar Dasar Lembah Ilmu di luar bandar turut dipelbagaikan dan digalakkan lagi menerusi pengwujudan institusi latihan yang menjadikan latihan kemahiran dalam perkhidmatan yang bersesuaian dan relevan serta boleh dipasarkan.

Dato' Yang Dipertua, Jelebu sesuai untuk didirikan institusi pengajian tinggi. Kalau boleh *kok di tompek* lain dah kurang kawasan yang boleh dibina, dipersilakan untuk datang ke Jelebu bagi membantu sama pertumbuhan penduduk di kawasan berkenaan. Lembah ilmu termasuklah Jelebu, daerah yang cukup sunyi dan boleh didirikan institusi pengajian tinggi ini. Kolej Komuniti yang sedia ada telah pun dapat dilaksanakan dasar dan juga visi mereka, dan begitu ramai anak-anak tempatan dan jugak daripada luar Daerah Jelebu yang datang belajar di kawasan Kolej Komuniti berkenaan.

Pertanian, walaupun pendekatan, penekanan diberikan terhadap pembangunan sektor perindustrian dan perkhidmatan, sebagaimana yang disebutkan oleh Yang Amat Berhormat Dato' Seri Menteri Besar kita, yang ditekankan pertanian supaya orang-orang di Negeri Sembilan tidak keputusan, putus bekalan. Makanya pembangunan pertanian di sektor pertanian ini begitu diutamakan. Namun kerajaan tidak mengabaikan sama sekali sektor pertanian dan jugak pembuatan ini,

yang selama ini menjadi teras utama ekonomi negeri yang berkaitan dengan penduduk tempatan.

Pembangunan TKPM (Taman Kekal Pengeluaran Makanan) harus dilipatgandakan usaha kerana terbukti bahwasanya TKPM-TKPM yang ada di seluruh Negeri Sembilan ini telah berjaya membekalkan sebahagian daripada keperluan makanan masyarakat di Negeri Sembilan. Ternakan, begitu jugak yang ruminan dan bukan ruminan, telah menjelaskan bahwasanya pembekalan makanan di Negeri Sembilan tidak perlu mendapat banyak import daripada luar. Walau bagaimanapun, tumpuan kepada usaha untuk memperbanyakkan pengeluaran hasil sayuran dan buah-buahan akan dapat dilipatgandakan.

Dato' Yang Dipertua, Dasar Perumahan Negeri begitu panjang lebar telah disebutkan oleh Yang Amat Berhormat Dato' Seri ADUN Rantau, tahniah, Dato' Seri. Dan orang kampung memang berharap supaya ianya dapat dilaksanakan sampai ke Jelebu. Di Jelebu orang-orang kita memerlukan perumahan terutamanya di kawasan-kawasan di luar bandar ya. Supaya kawasan pembangunan perumahan ini sebagaimana yang dirancangkan oleh kerajaan dapat dilaksanakan dengan baik. Keperluan rumah bagi golongan-golongan yang ber, telah berkeluarga begitu mendesak. Dan saya menyarankan supaya beberapa kawasan yang telah dikenal pasti di Daerah Jelebu akan dapat dibangunkan sama oleh, yang disebutkan oleh Yang Amat Berhormat Dato' Seri Menteri Besar tadi, supaya dibangunkan perumahan PR1MA, RMR, PPR dan sebagainya, akan dapat jugak dibawak ke Jelebu kerana di Jelebu jugak memerlukan tempat untuk mereka dapat berkampung dan jugak mempunyai perumahan.

Tahniah di atas beberapa kawasan yang telah diputuskan dan akan dibina dengan kawasan-kawasan perumahan di Simpang Durian, di Gelang, di Klawang, kawasan Jerlin, dan jugak di Kampung Chennah. Tak lupa jugak di Kampung Chennah. Walaupun ahli Yang Berhormat Chennah mungkin kurang memikirkan soal kemudahan masyarakat di kawasan Chennah, kita tolong fikirkan sama, Yang Berhormat, okay.
Dato' Yang Dipertua,

*Mandi di laguna Bandar Segar,
Duduk makan di tepi paya,
Jangan guna perkataan luar bandar,
Kena guna Desa Amaya.*

Haa, sekarang kita nak, nak berubah ya. Cukuplah kawasan perumahan luar bandar, kata Desa Amaya. Hebat, nampak menarik kerana, Dato' Yang Dipertua, Negeri Sembilan perlahan-lahan mencapai tahap

kejayaan dan kecemerlangan. Masyarakat di Negeri Sembilan cukup berpuas hati dan mempunyai kerjasama yang cukup baik dengan pihak pentadbiran di peringkat daerah. Dan saya mohon supaya kakitangan kerajaan di peringkat daerah akan dapat terus melipatgandakan usaha bagi memajukan masyarakat di masa-masa yang akan datang.

Dato' Yang Dipertua, saya menyokong ucapan dasar yang telah disampaikan, titah ucapan Tuanku yang telah dibawa oleh Yang Berhormat ADUN Seri Menanti. Terima kasih.

Y.B. Yang Dipertua Dewan: Ahli-ahli Yang Berhormat sekalian, usul ini sudah dicadang dan disokong. Sebelum saya benarkan untuk perbahasan, saya ingin ambil kesempatan ini untuk memberi sedikit petua kepada ahli-ahli Yang Berhormat. Mengikut Peraturan-Peraturan dan Perintah-Perintah Tetap Dewan pada Perkara 26.2, ada menyatakan bahawa "pada akhir sesuatu bahasan, maka perkara yang dibahaskan itu hendaklah dikemukakan oleh Yang Dipertua, dan bolehlah diundi untuk mengangkat tangan dan keputusannya hendaklah diisytiharkan oleh Yang Dipertua".

Oleh itu, ahli Yang Berhormat, kelonggaran yang dapat dalam peraturan ini ialah perkataan "bolehlah". Tetapi saya mengambil pandangan selaku Yang Dipertua, mengikut Perkara 33.3 iaitu perkara-perkara yang berkaitan dengan, seperti yang saya bacakan, keputusan Yang Dipertua berkenaan dan, dengan tafsiran sebarang peraturan-peraturan tetap ini atau sebarang perkara yang lazim diamalkan akan menjadi muktamad, dan Yang Dipertua bolehlah dari semasa ke semasa mengeluarkan petua-petuanya berkenaan perkara tersebut.

Mengikut peraturan ini, saya ingin sedikit memberi petua iaitu sesiapa yang telah mengambil bahagian dalam sesuatu perbahasan, seperti perbahasan usul menjunjung kasih ke titah, titah ucapan tuanku ini adalah wajar dan munasabah, bukan wajib. Wajar dan munasabah ahli-ahli Yang Berhormat menzahirkan, menzahirkan pendirian ahli Yang Berhormat kerana Yang Berhormat telah mengambil bahagian dalam perbahasan, telah mengambil masa dalam Dewan ini. Jadi, pada akhirnya nanti, hanya tiga saya mintak daripada ahli Yang Berhormat, memilih antara tiga keputusan tersebut. Dengan itu, sekarang dikemukakan usul ini untuk dibahaskan, terima kasih. Saya, silakan.

Y.B. ADUN Chennah: Terima kasih Dato' Yang Dipertua, kerana mengizinkan saya untuk mengambil bahagian untuk usul menjunjung kasih titah Duli Yang Maha Mulia Yang di-Pertuan Besar Negeri Sembilan. Saya bagi pihak rakyat di kawasan DUN Chennah, dan rakan-

rakan Pakatan Harapan untuk merakamkan bahawa kami menjunjung setinggi-tinggi kasih Ke Bawah Duli Yang Maha Mulia Yang di-Pertuan Besar Negeri Sembilan di atas titah ucapan baginda pada semalam.

Titah ucapan baginda memang komprehensif dan meliputi 15 bab yang telah pun disampaikan pada semalam, dalam Dewan yang mulia ini. Namun apa yang malang dan mendukacitakan ialah sidang Dewan pada kali ini tidak memberikan penghormatan yang secukupnya kepada titah ucapan baginda kerana hanya memperuntukkan satu hari sahaja untuk membahaskan titah ucapan baginda.

Sepatutnya dalam sesi perasmian dan selepas tuanku memberikan titah ucapan, masa yang secukupnya untuk ahli-ahli Yang Berhormat untuk berbahas, untuk membincangkan apa yang telah dititahkan oleh tuanku sepantutnya diberikan satu kebebasan, satu peluang yang mencukupi untuk ahli-ahli Yang Berhormat untuk berhujah. Saya tak faham mengapa hanya diperuntukkan satu hari, dihadkan kepada satu hari. Ini kali kedua istiadat ataupun sesi perasmian hanya dihadkan hari bersidang untuk satu hari.

Di DUN Melaka baru-baru ini, DUN Melaka lebih kecil daripada kita, hanya 28 DUN, ADUN, pun memperuntukkan tiga hari untuk membahaskan sesi perasmian. Apakah rasionalnya kita menghadkan hari persidangan untuk sesi perasmian. Apakah persidangan ini tidak memberikan apa-apa manfaat. Saya tak faham Dato' Yang Dipertua, mengapa perlu hanya satu hari dan tidak diberikan masa yang secukupnya, sekurang-kurangnya 3 atau 4 hari untuk kami membahaskan titah ucapan tuanku.

Di Parlimen pada minggu lepas, telah pun meluluskan pindaan terhadap peraturan tetap, iaitu *standing orders* untuk membawa reformasi kepada Parlimen untuk memperkenalkan masa soalan Menteri setiap hari Selasa dan Khamis, hanya diberikan notis sehari, tak perlu notis panjang, 2 bulan dari, kepada Menteri untuk bertanya soalan. Dan so, menteri menjawab dalam 2 minit. Dan memperkenalkan Kamar Khas ataupun *Second Chambers*, untuk memberikan ruang dan peluang kepada semua ahli Dewan Rakyat untuk membahaskan usul-usul tergempar dan juga ucapan-ucapan penangguhan.

Tetapi saya amat kesal, bahawa walaupun pelbagai cadangan telah pun kami sampaikan dalam Dewan yang mulia ini untuk membawa pembaharuan dan perubahan kepada Dewan Undangan Negeri, tetapi masih tak ada perubahan, cara mempengurus, cara menguruskan soalan-soalan masih tak ada perubahan. Dato' Yang Dipertua pagi tadi menegur bahawa ada soalan yang berulang-ulang. Saya harap Dato' Yang Dipertua juga memberikan teguran kepada pihak yang menjawab,

jangan memberikan jawapan yang berulang-ulang. Saya nampak hari ini, Klawang mengambil 1 jam. Klawang seorang mengambil 1 jam daripada pukul 9:00 hingga pukul 10:00 untuk soalan-soalan lisan beliau. Beliau telah menidakkan hak ahli-ahli Yang Berhormat lain untuk mengemukakan soalan. Soalan saya tak naik. Saya tahu yang saya berada di giliran yang keempat, tetapi oleh kerana soalan yang dikemukakan oleh Klawang itu mengambil masa yang begitu panjang untuk dijawab, soalan pertama telah mengambil masa selama 35 minit, maka saya punya soalan tak naik, tak dapat dijawab. Ini saya rasa amat mendukacitakan bahawa perlunya ada perubahan dalam sistem perjalanan dalam Dewan un, Dewan yang mulia ini.

Dan berkenaan dengan soalan-soalan bertulis. Saya juga ingin merakamkan bahawa saya amat tidak berpuas hati dengan cara pengurusan soalan-soalan bertulis. Beberapa soalan bertulis saya telah ditolak ataupun dijawab bahawa perkara tersebut di bawah bidang kuasa peringkat Kerajaan Persekutuan. Dato' Yang Dipertua, beberapa soalan ini walaupun dia berkait dengan jabatan persekutuan tetapi saya bukannya bertanyakan kepada bidang kuasa. Saya hanya nak mendapatkan statistik.

Umpamanya senarai perjawatan pegawai-pegawai jabatan-jabatan persekutuan di seluruh Negeri Sembilan. Yang keduanya jumlah kutipan GST di Negeri Sembilan bagi tahun 2015. Saya bukan bertanyakan berapakah, apakah kadar akan ada dinaikkan ataupun diturunkan. Saya hanya tanya jumlah kutipan. Jumlah kutipan itu kita nak tanya supaya kita nak tahu berapakah sumbangan GST daripada rakyat Negeri Sembilan kepada Kerajaan Persekutuan supaya kita boleh menggunakan hujah ini untuk mem, memperjuangkan lebih banyak peruntukan untuk rakyat Negeri Sembilan.

Kalau *argument* bahawa soalan GST ini adalah di bawah bidang kuasa peringkat Kerajaan Persekutuan. Maka saya nak tanya, apakah kita tanya berkenaan dengan indeks jenayah pun tak boleh dijawab. Sebab polis di bawah Kerajaan Persekutuan. Apakah kita tanya pasal hospital tak boleh dijawab sebab hospital pun di bawah Kementerian Kesihatan. Tetapi saya tak nampak pendekatan ataupun pendirian Kerajaan Negeri tidak konsisten. Indeks jenayah jawab, tetapi GST tak boleh jawab. Saya nak tanya kutipan GST.

Satu lagi saya nak tanya ialah bilangan penerima BR1M. Saya tanya berapa penerima BR1M di Negeri Sembilan. Jawapan diberikan adalah "data penerima BR1M adalah sulit dan terhad. Ianya adalah tertakluk di bawah *Personal Data Act 2010*". Saya tak pernah dengar di Parlimen bahawa soal BR1M ini di bawah *data protection act*. Kalau *argument* begini, maka kita tanya bilangan penerima JKM pun tak boleh, tak, tak

boleh jawab. Kita tanya bukannya siapa yang menerima. Saya tak tanya nama. Saya hanya tanya statistik untuk kita mengetahui, menganalisa berapakah ramai rakyat Negeri Sembilan yang di bawah pendapatan 4,000.00 supaya kita boleh membahaskan dasar-dasar sosio ekonomi kepada golongan B40 ini. Jadi saya tak faham mengapa soalan-soalan sebegini diberikan layanan sebegitu. Tak ada satu pendirian yang konsisten daripada pihak Kerajaan Negeri dari segi memberikan jawapan kepada soalan-soalan yang dibangkitkan oleh ahli yang, ahli Dewan yang mulia ini.

Dato' Dipertua, berkenaan dengan Jelebu. Saya telah membangkitkan satu isu yang banyak diperkatakan oleh masyarakat di Jelebu iaitu penebangan hutan yang amat berleluasa di Bukit Tangga. Berdekatan dengan hutan jeram, apa ni, Hutan Lipur Jeram Toi. Dan baru-baru ini, beberapa minggu yang lepas, saya tun, saya pun telah pergi membawa rakan-rakan wartawan untuk meninjau keadaan di sana. Memang penebangan hutan yang amat berleluasa. Sesiapa yang melalui di antara, jalan di antara Seremban ke Kuala Klawang, sudah tentunya melihat apa yang berlaku di sana, penggondolan hutan yang berleluasa. Saya tak pasti Yang Berhormat Klawang nampak ke tidak. Mungkin Yang Berhormat Klawang ni tidur sepanjang jalan. Bukaklah mata sikit untuk nampak, untuk tengok hutan yang sedang tergondol di Bukit Tangga tersebut. Nak celah mintak, saya bagi.

Y.B. ADUN Klawang: Dato' Yang Dipertua, Klawang ambil tahu. Malah Klawang lebih awal daripada DUN Chennah, yang menceroboh kawasan Klawang untuk memberikan penjelasan kepada masyarakat. Lengkap dengan fakta dan sebagainya, untuk memberikan penjelasan bahwasanya penebangan itu adalah secara sah dan di atas tanah milik dan juga tanah kerajaan. Tetapi Chennah cuba memberikan maklumat yang salah kepada mereka yang berkenaan.

Y.B. ADUN Chennah: Yang pertamanya Yang Berhormat Klawang, yang mempersoalkan mengapakah penebangan hutan itu, bukan saja saya. mantan menteri, mantan Ahli Parlimen Jelebu, bos kepada Yang Berhormat Klawang, Tan Sri Rais Yatim, pun beliau tulis dalam *Facebook*-nya, beliau sedih, cukup sedih melihat pembalakan yang haram berlaku di Jelebu ni. Begitu banyak hutan ditebang

Y.A.B. ADUN Rantau: Dato' Yang Dipertua, mohon

Y.B. ADUN Chennah: pokok-pokok ditebang.

Y.A.B. ADUN Rantau: Mohon saya mencelah. Mohon saya mencelah. Mohon mencelah ya. Adaah tidak benar mengatakan bahawa penebangan di Bukit Tangga itu penebangan haram. Itu tak betul kerana seperti yang telah dijelaskan bahawa penebangan di Bukit Tangga itu ada 2. Satu di tanah persendirian, tanah yang milik persendirian. Mereka nak mengusahakan tanah mereka. Jadi Dato' Yang Dipertua, mahu tak mahu, kita bagi jugak permit. Kerana daripada kayu tersebut dibawak keluar secara haram, kerana tanah mereka, ataupun kayu itu dibakar ataupun *just reput* begitu saja. Kita keluarkan permit, sekurang-kurangnya ada pendapatan, royalty kepada kerajaan. Itu satu.

Nombor 2, penebangan pokok hutan di Bukit Tangga itu adalah untuk memberi laluan kepada jajaran TNB ataupun laluan, laluan TNB daripada Lenggeng ke Gopeng, ke Yong Peng. Maka kita kena bagi *Right-of-Ways*, dengan izin Dato' Yang Dipertua, selebar 70 meter untuk mereka lalu. Dan kawasan tersebut perlu ditebang, diterangkan untuk dibina laluan letrik yang berkuasa tinggi. Dan kerana ini tidak boleh lalu di kawasan penempatan. Lalu di hutan. Jadi kita jugak berikan tanah tersebut kerana di bawah akta tenaga, Dato' Yang Dipertua, negara kita, kita mesti bagi laluan kepada mereka. Jadi kita tenderkan Dato' Dipertua, dengan, dengan secara sah. Dan hasilnya dapat kepada kerajaan. Tidak timbul soal penebangan balak secara haram ya.

Y.B. ADUN Chennah: Dato' Yang Dipertua, saya faham, saya tahu bahawa ada projek TNB di sana. Tetapi seperti yang dikatakan ada juga tanah milik persendirian yang menebang pokok dan hutan di sana. Saya rasa pihak Kerajaan Negeri tak boleh mengatakan bahawa oleh kerana tanah itu milik persendirian, maka Kerajaan Negeri tak boleh buat apa-apa. Mengikut Seksyen 70A, Akta Jalan, Parit Dan Bangunan 1974, kalau tak silap saya, mana-mana pihak yang ingin membuat kerja-kerja tanah termasuk menebang pokok perlu mendapat kebenaran atau kelulusan daripada Pihak Berkuasa Tempatan. Itu sudah tentunya Kerajaan Negeri ada hak, ada kuasa untuk melarang

Y.A.B. ADUN Rantau: Dato' Dipertua, mohon.

Y.B. ADUN Chennah: ataupun tidak memberikan kebenaran

Y.A.B. ADUN Rantau: Chennah mohon mencelah.

Y.B. ADUN Chennah: kepada menebang pokok tersebut.

Y.A.B. ADUN Rantau: Mohon mencelah. Kawasan yang disebut itu, dia bukan di kawasan Pihak Berkuasa Tempatan. Ini kawasan di luar kawasan Pihak Berkuasa Tempatan. Dia di kawasan hu, tanah kampung yang mana dia adalah kawasan tanah sendiri. Dia tidak memerlukan apa-apa Kebenaran Merancang dan apa-apa Dato' Dipertua. Terima kasih.

Y.B. ADUN Chennah: Saya rasa jawapan diberikan itu adalah mengelirukan kerana apakah kata, mana-mana hutan itu boleh ditebang sesuka hati kalau itu tanah milik persendirian. Saya rasa Yang Amat Berhormat, Kerajaan Negeri Sembilan ini bernasib baik kerana Negeri Sembilan, keraja, Negeri Sembilan ini tidak ada NGO-NGO alam sekitar yang, yang aktif. Yang bising hanya ADUN Chennah. NGO-NGO tak bising pun. Kalau di Pulau Pinang, 16 batang pokok itu dipindahkan daripada jalan untuk membuat jalan, pun riuh satu negara. Ini kita nampak penebangan itu begitu berleluasa. Orang-orang kampung amat tak berpuas hati. Tetapi seolah-olah dibenarkan.

Jadi saya, saya tak fahamlah kalau ini *stand* yang diambil oleh pihak Yang Amat Berhormat Menteri Besar bahawa kata Kerajaan Negeri tak ada kuasa. Seolah-olah kalau di kawasan-kawasan kampung, di kawasan-kawasan hutan ini, kalau itu tanah milik persendirian, mereka boleh membuat sesuka hati mereka. Kerajaan Negeri tak boleh, tak boleh melarang sebarang apa yang berlaku di sana. Adakah itu pendirian daripada pihak Kerajaan Negeri?

Y.A.B. ADUN Rantau: Dato' Yang Dipertua, saya tak kata tak, tak ada kuasa. Tetapi saya katakan, dia di luar bidang kuasa Kerajaan Negeri ataupun PBT kerana tanah masing-masing. Besok pagi saya nak tebang pokok manggis di rumah saya, saya tak perlu mintak kebenaran daripada Kerajaan Negeri. Apakah ini merupakan suatu sekatan kepada hak asasi untuk kita menebang pokok kelapa di rumah kita, ataupun kita nak buat apa-apa di tanah kita. Dan kalau ianya di dalam kawasan pengawasan Pihak Berkuasa Tempatan, memang dia perlu mengemukakan cadangan untuk pembangunan. Tetapi ini di luar. Dan mereka nak buat projek pertanian misalnya, mereka nak menebang pokok, menggantikan pokok, itu memang terpulang.

Tetapi jika ianya melebihi, kawasannya melebihi, keluasannya melebihi sesuatu had yang dibuat, maka yang perlu dirujuk adalah Jabatan Alam Sekitar. Tetapi tidak ada timbul soal Kebenaran Merancang ataupun

mintak kebenaran. Dan tidak timbul soal kata tadi, kita tak ada berkuasa. Kuasa itu masih ada tetapi terkekang di atas sebab keluasan tanah ataupun di luar kawasan bidang pengawasan pihak berkuasa, Dato' Dipertua.

Y.B. ADUN Chennah: Dato' Dipertua, ini bukan soal pokok manggis. Ini soal hutan berdekatan dengan Hutan Simpan Kekal. Itu yang kita mintak. Pihak-pihak yang berkuasa itu perlu lebih bertanggungjawab. Saya tak, apa ni, saya tak mengambil apa ni, pendirian bahawa pihak Kerajaan Negeri tak ada kuasa langsung. Pihak Jabatan Alam Sekitar, pihak, jabatan persekutuan, Jabatan Perhutanan, Jabatan Alam Sekitar sudah tentunya ada bidang kuasanya untuk memastikan perkara-perkara seperti ini tidak berlua, berlaku dengan berleluasa.

Jadi saya haraplah, pihak masyarakat mendengarlah, kalaulari ini pendirian daripada pihak Kerajaan Negeri, tak apa. Kita akan bagitahu kepada ma, masyarakat kampung di Jelebu bahawa Kerajaan Negeri kata mereka tak ada bidang kuasa untuk melarang daripada penebangan pokok di kawasan itu. Maka dibiarkan penggondolan hutan di sana. Dato' Dipertua

Y.A.B. ADUN Rantau: Dato' Dipertua, mintak saya mencelah.

Y.B. ADUN Chennah: Dato' Dipertua, ini, ini *floor* saya.

Y.A.B. ADUN Rantau: Dia bukan hutan, dia bukan kawasan

Y.B. ADUN Chennah: Duduklah Yang Amat Berhormat.

Y.A.B. ADUN Rantau: hutan Dato' Yang Dipertua. Itu kawasan tanah persendirian. Kita mesti faham antara kategori tanah

Y.B. ADUN Chennah: Dato' Dipertua, ini *floor* saya.

Y.A.B. ADUN Rantau: hutan ataupun persendirian. Tanah yang dibuat itu di tanah, tanah persendirian. Jadi itu sebabnya kita memberi permit kepada dia untuk mengeluarkan hasil dia. Itu bidang kuasa kita. Mereka tak boleh keluarkan hasil jika tidak ada permit ataupun tidak

ada kebenaran. Ini bukan tanah hutan Dato' Dipertua. Tanah hutan, itu yang *Right-of-Ways* TNB tersebut. Itu tanah hutan. Tapi yang, yang dibuat, yang longgokan kayu yang diambil gambar itu di tanah persendirian. Itu kita perlu faham Dato' Yang Dipertua.

Y.B. ADUN Chennah: Itu, Dato' Dipertua, Menteri Besar, Yang Amat Berhormat Menteri Besar juga kata permit dikeluarkan. Maksudnya ada kebenaran daripada pihak Kerajaan Negeri.

Y.A.B. ADUN Rantau: Dato' Yang Dipertua, saya nak jelaskan di sini, kita bukan apa. Permit itu dikeluarkan untuk dia mengeluarkan hasil untuk

Y.B. ADUN Chennah: Saya faham.

Y.A.B. ADUN Rantau: mengalihkan kayu daripada

Y.B. ADUN Chennah: Mengapa permit itu dikeluarkan?

Y.A.B. ADUN Rantau: tempat mereka. Jadi ini bukan soalnya mengatakan, itu sebab saya katakan tadi kita kuasa kekangan. Mereka boleh tebang Dato' Yang Dipertua, tetapi mereka tak boleh alihkan daripada tempat kawasan mereka keluar, nak jual ataupun tidak. Daripada kayu tersebut reput, ataupun dibakar, ataupun dikeluarkan secara curi, lebih baik kita keluarkan permit untuk mereka dapat menjual dan kita mendapat hasil. Itu sebabnya kita katakan kita keluarkan permit, Dato' Yang Dipertua.

Y.B. ADUN Chennah: Maksudnya Kerajaan Negeri membenarkanlah. Okay. Maksudnya memberikan permit itu membenarkanlah.

Y.A.B. ADUN Rantau: Bukan membenarkan untuk mengeluarkan

Y.B. ADUN Chennah: Saya faham, tetapi maksudnya

Y.A.B. ADUN Rantau: Dato' Yang Dipertua.

Y.B. ADUN Chennah: Kerajaan Negeri membenarkan

Y.A.B. ADUN Rantau: Dato' Yang Dipertua.

Y.B. ADUN Chennah: perkara itu berlaku.

Y.A.B. ADUN Rantau: Dato' Yang Dipertua, saya nak terangkan di sini
.....

Y.B. ADUN Chennah: Kalau tidak memberikan permit

Y.A.B. ADUN Rantau: dia dah tebang Dato' Yang Dipertua.

Y.B. ADUN Chennah: mengeluarkan hasil dia tak boleh, dia tak payah tebang pokok.

Y.A.B. ADUN Rantau: Dia dah tebang Dato' Yang Dipertua.

Y.B. ADUN Chennah: Sebab pokok tak guna.

Y.A.B. ADUN Rantau: Dia dah tebang, kita bagi permit untuk mereka alihkan. Dia dah tebang.

Y.B. Yang Dipertua Dewan: Ahli, ahli Yang Berhormat. Saya faham. Saya duduk depan ni saya lagi faham. Saya amat faham bahawa tanah tu, tanah persendirian, saya faham tanah tu berhampiran dengan hutan, dia bukan kawasan hutan. Dan kebetulan telah ditebang. Kita ada dua pilihan, selepas tebang nak buat apa? Bakar, biar reput ataupun boleh dijual, tapi pihak mereka tak boleh jual walaupun tanah persendirian, dia tak boleh jual kecuali mendapat permit. Haa itu fahaman saya. Jadi itu amat jelas bagi saya bahawa tuan tanah ini mempunyai hak, Kerajaan Negeri jugak ingin mengambil kesempatan supaya jangan pulak benda ini dibakar. Itu akan merugikan hasil. Jadi, saya tak nampak kesalahannya. Dan saya pun tak nampak ADUN Chennah terlampau nak beremosi dalam hal ini.

Y.B. ADUN Chennah: Saya bukan beremosi.

Y.B. Yang Dipertua Dewan: Tak perlu kita jadikan ini sebagai politik.

Y.B. ADUN Chennah: Dato' Yang Dipertua.

Y.B. Yang Dipertua Dewan: Tak perlu dijadikan isu politik

Y.B. ADUN Chennah: Dato' Yang Dipertua.

Y.B. Yang Dipertua Dewan: tetapi jadikan sebagai isu pentadbiran.

Y.B. ADUN Chennah: Dato' Yang Dipertua, sepatutnya mempergerusikan mesyuarat, bukannya memberikan jawapan dan perbahasan, dan bukannya berbahas.

Y.B. Yang Dipertua Dewan: Jadi, ADUN Chennah mintak masuk terus ke perkara lain.

Y.B. ADUN Chennah: Ya memang saya nak masuk ke perkara lain, Dato' Yang Dipertua. Berkenaan dengan isu Rumah Mesra Rakyat di Simpang Durian. Saya pun pernah membangkitkan perkara ini dalam persidangan Dewan yang lepas. Dan saya nak tanya kepada pihak yang berhor, kepada pihak Kerajaan Negeri, tadi memang saya ada soalan lisan berkenaan dengan perkara ini. Syarat-syarat kelayakan untuk mendapatkan permohonan lot-lot Rumah Mesra Rakyat di Simpang Durian ini. Saya mendapat aduan bahawa ada lebih 15 pemohon miskin yang penduduk, merupakan penduduk asal di Kampung Simpang Durian yang masih belum menduduk, mendapat apa-apa rumah, tidak memiliki apa-apa rumah sendiri, yang sudah berumah tangga. Mereka memohon tidak dapat.

Orang kampung bertanya-tanya apakah kriteria untuk memohon Rumah Mesra Rakyat ini. Yang mereka lihat, dapa, daripada senarai yang mendapat itu ada, adalah, ada di kalangan pemohon yang berjaya adalah daripada tempat-tempat lain. Mereka tertanya-tanya apakah kriteria sebenarnya. Apakah ada campur tangan politik dari segi

proses permohonan dan kelulusan kepada penduduk-penduduk kampung.

Y.B. ADUN Klawang: Jangan tuduhlah.

Y.B. ADUN Chennah: Saya bukan tuduh, ini soalan. Saya tanya soalan sama ada ini ada campur tangan politik kepada proses permohonan. Jadi ni perlu diperjelaskan. Dan saya juga tanya, supaya senarai nama itu dimaklumkan kepada penduduk-penduduk kampung supaya lebih *transparent*, penduduk-penduduk kampung tahu siapa yang dapat, siapa yang gagal, siapa yang lulus. Itu supaya mereka tahu siapa sebenarnya pemohon yang telah berjaya mendapat rumah-rumah di sana, rumah-rumah mesra rakyat. Dan saya harap ini dapat diberikan satu penjelasan, satu jawapan.

Dan juga pembelaan kepada penduduk-penduduk miskin yang gagal mendapat rumah tersebut kerana penduduk-penduduk ini adalah daripada rakyat golongan miskin. Dan dikatakan bahawa Dasar Perumahan adalah untuk membela rakyat. Jadi kita perlu membela rakyat yang miskin, yang tidak dapat, mampu untuk membeli rumah daripada pihak swasta. Dan mereka memerlukan Rumah Mesra Rakyat ini untuk mendirikan rumah tangga atau meneruskan kehidupan mereka.

Dato' Yang Dipertua, saya juga nak menyentuh sedikit berkenaan dengan SOP ataupun garis panduan untuk memberikan bantuan semasa bencana. Baru-baru ini berlaku bencana ribut di Ampangan, di Sikamat, di Bandar Seremban. Dan entah mengapa, kita pun tak faham, kawasan di Sikamat, kawasan di Ampangan, khususnya beberapa kawasan seperti Taman Jujur dan di kawasan Ampangan, merupakan tempat-tempat ataupun kawasan-kawasan hitam yang sering dilanda taufan. Dah beberapa kali berlaku. Baru-baru ini beberapa minggu lepas berlaku menjadi huru hara kerana banyak pokok tumbang, dan banyak rumah-rumah ter, terjejas. Ada lebih kurang 200 lebih keluarga yang terjejas. Atap-atap bumbung-bumbung terbang dan sebagainya.

Apa yang saya nak katakan di sini ialah, proses penyampaian bantuan ataupun proses membaiki rumah-rumah ini. Walaupun saya difahamkan bahawa kerajaan ada melantik kontraktor-kontraktor untuk membantu membaiki atap-atap bumbung-bumbung rumah tersebut. Dan kadang-kadang apabila taufan itu kuat, maka banyak rumah yang terjejas, kontraktor-kontraktor yang dilantik oleh kerajaan ini kadang-kadang dia tak sempat untuk membaiki kesemua rumah yang terjejas. Kadang-kadang mengambil masa 2 – 3 minggu. Kalau

atap sudah terbang, bumbung sudah terbang, nak tunggu 2 minggu untuk dibaiki, amat payah kepada penduduk di sana kerana mereka tak ada bumbung untuk apa ni, menutup rumah mereka. Kalau hujan lebat berlaku lagi, maka amat lagi teruk lagi kepada kehidupan mereka.

Saya ingin mencadangkan kepada pihak Kerajaan Negeri untuk melihat, untuk membuat satu garis panduan, satu SOP yang lebih berkesan untuk membantu mangsa-mangsa bencana seperti ini. Mungkin satu cara yang saya nak cadangkan kepada pihak Kerajaan Negeri ialah kalau mana-mana pembaik, pembaikan rumah yang tidak melebihi 1,000.00 ringgit bolehlah mereka mungkin melantik kontraktor sendiri untuk buat. Dan selepas itu mungkin mereka boleh ada satu proses untuk menuntut semula bantuan daripada pihak Kerajaan Negeri. Rationya mungkin kita tetapkan di bawah 1,000.00 ringgit. Kalau terlalu banyak itu mungkin disalahgunakan. 1,000.00 ringgit maka mereka perlu mengemukakan bukti-buktii seperti IC, laporan polis, gambar dan sebagainya. Dan boleh dituntut semula dengan kadar yang cepat.

Sebab saya mendapat makluman bahawa kadang-kadang bayaran ataupun *claim* daripada keraja, pihak kerajaan untuk bil-bil tersebut ini mengambil masa beberapa bulan. Kontraktor-kontraktor juga mengalami masalah modal pusingan kerana kadang-kadang mengambil beberapa bulan untuk mendapat balik bayaran tersebut. Saya harap perkara ini dapat dimudahcarakan. Dan supaya bantuan-bantuan ini dapat disampaikan dengan lebih cepat dan pantas kepada mangsa-mangsa bencana, khususnya mangsa-mangsa bencana ribut.

Begitu juga untuk *responds team*. Pada hari itu, pada hari Jumaat tersebut, banyak pokok tumbang di, di kawasan-kawasan sekitar Ampangan dan Sikamat. Dan memang kereta-kereta nak melalu, nak melalui jalan-jalan tersebut pun tak boleh. Dan saya harap *responds team* ini dapat dipertingkatkan. Saya faham ada kekangan dari segi jentera dan juga infrastruktur, juga mungkin jentera-jentera, mesin-mesin tak cukup dan sebagainya. Sudah tiba masanya bahawa kita tahu bahawa di Seremban ini adalah tempat-tempat yang selalu berlaku masalah bencana taufan ini, ribut ini dan maka mungkin mesin-mesin yang diperlukan perlu ditambah. Dan pihak Kerajaan Negeri boleh berbincang ataupun mengarahkan Pihak Berkuasa Tempatan untuk menempah mesin-mesin tersebut.

Dan sekiranya perlu, juga perlu ada satu *backup plan*, memberikan *outsource* ataupun melantik kontraktor-kontraktor luar, kontraktor swasta, sampingan untuk membantu membersihkan ataupun menebang pokok-pokok yang tumbang. Dan ini boleh ban, boleh membantu supaya *responds team* tersebut dapat menye, menjalankan

tugas mereka dengan lebih cepat, dengan lebih pantas apabila berlaku sesuatu bencana itu.

Dato' Dipertua, saya ingin juga menyentuh sedikit berkenaan dengan masalah pengangkutan awam darat. Walaupun di Negeri Sembilan ini kita telah pun memperkenalkan myBAS, satu bas bergilir-gilir. Dan Kerajaan Persekutuan melalui SPAD (Suruhanjaya Pengangkutan Awam Darat) telah menyalurkan peruntukan yang banyak untuk menghidupkan ataupun melaksanakan program bas berhenti-henti ini.

Tetapi mas, rungut, rungutan daripada rakyat, aduan daripada rakyat bahawa perkhidmatan myBAS ini masih tidak efisyen. Banyak tempat, walaupun ada perjalanan bas tersebut, tetapi yang pertamanya masa tak tepat. Kadang-kadang mungkin ada masalah dengan pemandu dan sebagainya. Bas itu tak berjalan pada waktu yang ditetapkan. Dan kadang-kadang penduduk-penduduk terpaksa menunggu dengan lebih lama untuk perkhidmatan bas tersebut.

Saya mencadangkan kepada pihak Kerajaan Negeri supaya menubuhkan satu unit khas untuk memantau perkhidmatan bas ini dan supaya memastikan MyBAS ini mesti menepati KPI-nya dan mesti ada keefisyenannya. Kalau apa-apa perkhidmatan yang tidak memuaskan itu, perlu ada satu sistem untuk mungkin mengurangkan bayaran kepada mereka, denda kepada mereka dan sebagainya. Dan supaya, kerana kerajaan telah memberikan subsidi yang banyak melalui wang rakyat untuk memberikan subsidi, bayaran kepada syarikat ini untuk menjalankan perkhidmatan bas bergilir-gilir. Adalah tanggungjawab kepada mereka untuk memastikan perkhidmatan itu dijalankan dengan efisyen, dengan baik dan supaya setiap rakyat mendapat manfaat daripada perkhidmatan pengangkutan awam darat ini.

Dato' Dipertua, yang akhirnya saya nak menggulung dengan memetik, saya amat tertarik dengan satu petikan, satu perenggan yang disampaikan oleh Duli Yang Maha Mulia Yang di-Pertuan Besar semalam. Dan saya memetik, saya *quote* daripada perenggan 5, "Memetik kepada titah Almarhum Nenda Beta, Seri Paduka Baginda Yang di-Pertuan Agong yang pertama, Tuanku Abdul Rahman Ibni Almarhum Tuanku Muhammad pada 12 September 1959 di Istiadat Perasmian Persidangan Parlimen yang pertama Persekutuan Tanah Melayu selepas kemerdekaan, Baginda menitahkan bahawa Perlembagaan Persekutuan adalah pelindung, penjaga kepada *Rule of Law* dan ianya melindungi integriti, tidak terikat dengan sebarang pengaruh serta melindungi kebebasan Mahkamah, para Hakim dan Pegawai Undang-Undang serta Ahli-ahli Suruhanjaya yang bertanggungjawab ke atas sebarang pelantikan dan penguatkuasaan".

Saya merasakan bahawa titah ucapan tuanku ini, petikan ini amat bermakna supaya nak beliau, baginda nak menasihatkan ahli-ahli suruhanjaya, penguatkuasa-penguatkuasa undang-undang supaya menjalankan tugasnya, tanggungjawab mereka dengan penuh berintegriti tanpa apa-apa ketakutan ataupun be, mem, pilih kasih.

Satu isu yang melanda negara kita, Dato' Dipertua. Kita tidak boleh lari daripada isu bahawa dalam dua tiga tahun ini, negara kita dilanda dengan satu skandal yang besar iaitu skandal kewangan 1MDB. Yang telah menjadi perbualan seluruh dunia. Malaysia menjadi perhatian un, di dunia. Berbagai siasatan terhadap skandal ini dijalankan. Ini sedikit sebanyak akan menjelaskan negeri kita jugak. Kerana kalau 1MDB ini menyebabkan keyakinan pelabur hilang kepada Malaysia, dan persepsi kepada Malaysia amat buruk, dan menyebabkan nilai matawang dan sebagainya terjejas, maka Negeri Sembilan juga akan terjejas. Kalau Malaysia terjejas, Negeri Sembilan juga akan terjejas.

Baru-baru ini PAC telah menya, telah membentangkan laporan PAC di Parlimen. Dan pelbagai fakta-fakta yang kukuh telahpun dibentangkan bahawa memang benar ada penyelewengan dana yang besar dalam 1MDB. Sekarang ini, pihak yang bertanggungjawab mesti menyiasat dan juga mengambil tindakan undang-undang terhadap mereka yang bertanggungjawab termasuklah pengurusan tertinggi, Lembaga Pengarah, dan Pengurus Lembaga Penasihat iaitu Perdana Menteri, yang perlu dipertanggungjawabkan. Siasat dan ambil tindakan kalau ada unsur-unsur kesalahan termasuklah Perdana Menteri kalau terlibat dalam skandal tersebut.

Jadi saya harap nasihat yang telah disampaikan oleh Yang di-Pertuan Besar Tuanku dapat juga didengar oleh semua pegawai-pegawai penguatkuasa, termasuklah pegawai-pegawai daripada SPRM kerana ini jugalah satu kenyataan yang dikeluarkan oleh Majlis Raja-Raja pada bulan Oktober yang lepas.

Dato' Dipertua, saya harap cadangan-cadangan ini dapat diambil kira. Dan juga pandangan saya berkenaan dengan perjalanan Dewan yang seperti yang saya katakan pada permulaan perbahasan saya, dapat diambil kira. Kita harap semua, seperti yang dikatakan dititahkan oleh tuanku bahawa perbahasan kita dalam Dewan yang mulia ini perlu mengutamakan kesejahteraan rakyat, kepentingan rakyat. Dan memang itu juga adalah hasrat kami sebagai ahli Dewan yang mulia ini, untuk membawa permasalahan-permasalahan, isu-isu rakyat kepada perhatian pihak Kerajaan Negeri. Inilah satu-satunya forum kepada kita yang telah diberikan mandat oleh rakyat untuk bersuara. Jadi, perlunya peluang dan ruang yang secukupnya diberikan kepada ahli-ahli Dewan yang mulia ini untuk menyampaikan pandangan mereka.

Jangan ada sesekali ada sekatan, ada unsur-unsur, taktik-taktik yang cuba melengah-lengahkan masa supaya soalan-soalan kita tak payah, tak, tak perlu dijawab. Dan juga ada usaha untuk memendekkan hari-hari persidangan supaya peluang untuk perbahasan di kalangan ahli yang Dewan mulia ini disingkatkan ataupun dipendekkan.

Jadi saya harap pihak Dato Yang Dipertua, dapat mengambil kira pandangan-pandangan ini, dan mengambil tindakan yang sewajarnya untuk memastikan Dewan yang mulia ini mempunyai penghormatan yang tertinggi daripada rakyat Negeri Sembilan. Sekian, terima kasih.

Y.B. Yang Dipertua Dewan: Terima kasih Yang Berhormat. Silakan.

Y.B. ADUN Palong: Terima kasih Dato' Yang Dipertua, bagi pihak seluruh rakyat Palong, saya mengambil kesempatan ini untuk merakamkan ucapan terima kasih, menjunjung kasih di atas keberangkatan Duli Yang Maha Mulia Yang di-Pertuan Besar Negeri Sembilan, Tuanku Muhriz almarhum Tuanku Munawir yang telah pun berangkat untuk merasmikan persidangan kita.

Dato' Yang Dipertua, sejarah yang panjang dititahkan oleh Ke Bawah Duli Tuanku sehingga merdeka, kuasa yang dulunya ada kepada Raja-Raja Melayu diserahkan kepada kita. Khususnya kita ahli-ahli Dewan, kerajaan yang memerintah. Namun demikian, kuasa rakyat itu masih lagi menjadi kuasa yang paling besar. Sebagai contoh tadi, disebutkan 1MDB bahawa itu adalah merupakan audit rakyat. Di mana ahli-ahli dalam PAC itu terdiri daripada wakil-wakil rakyat, wakil rakyat Barisan Nasional, wakil rakyat PKR, DAP, PAS dan juga wakil-wakil rakyat daripada parti yang lain. Membuat kajian tentang 1MDB yang menjadi isu kepada rakyat dan juga kerajaan. Dan hasilnya telahpun dibentangkan dalam Parlimen, daripada juru audit rakyat ini, menunjukkan bahawa Yang Amat Berhormat Perdana Menteri tidak pernah langsung ditunjukkan kesalahannya, salah lakunya di dalam 1MDB

Y.B. ADUN Chennah: Yang Berhormat Palong, saya rasa dalam laporan tidak ada sebut bahawa Yang Amat Berhormat

Y.B. ADUN Palong: Duduk dulu.

Y.B. ADUN Chennah: Perdana Menteri tidak ada tanggungjawab.

Y.B. ADUN Palong: Dengar dulu saya cakap.

Y.B. ADUN Chennah: Lembaga Penasihat ataupun Pengurus Lembaga Penasihat adalah Perdana Menteri. Dan beliau menandatangani semua dokumen, semua perjanjian berkenaan

Y.B. ADUN Palong: Biar saya habis dulu.

Y.B. ADUN Chennah: dengan transaksi.

Y.B. Yang Dipertua Dewan: Yang Berhormat, pencelahan tak dibenarkan tadi.

Y.B. ADUN Palong: Saya boleh bagi celah, tapi biar saya terangkan dulu. Tidak ada satu langsung yang menunjukkan Yang Amat Berhormat Perdana Menteri menyalahgunakan kuasanya di dalam 1MDB yang menjadi isu kononnya 42 bilion itu hilang, dia tidak hilang, dia dalam bentuk hutang. Yang kedua, 2.6 bilion yang kononnya masuk dalam akaun Perdana Menteri, itu juga dibuktikan oleh juruaudit rakyat, PAC dalam Parlimen bahawa ianya bukan merupakan kehilangan daripada 1MDB, tetapi setelah dikaji oleh kerajaan, dan juga jawatankuasa, 2.6, tunggu dulu [merujuk kepada Y.B. ADUN Chennah yang bangun] 2.6 bilion itu adalah merupakan sumbangan daripada kerabat Diraja Arab Saudi.

Soalnya Dato' Yang Dipertua, dapatkan daripada juru audit rakyat, PAC ini tidak pula membelakangkan tentang mungkin ada berlakunya penyelewengan-penyelewangan daripada mereka yang bertanggungjawab. Bukan daripada penasihat, yang tidak ada kuasa untuk mengambil bahagian untuk mentadbir 1MDB. Kalau itu berlaku, maka siasatan secara terperinci kepada mereka-mereka yang melakukan kesalahan, kalau ada dalam 1MDB, mesti dibuat dan mesti diambil tindakan undang-undang. Haa itu laporan daripada PAC.

Y.B. ADUN Chennah: Dato' Yang Dipertua, Yang Berhormat Palong, yang pertamanya Yang Berhormat Palong sudah baca ke belum laporan ini? Laporan ini tidak menyentuh, tidak menyatakan bahawa kesimpulannya bahawa 2.6 bilion itu bukannya daripada 1MDB. Tak ada sebarang kesimpulan tersebut untuk membersihkan nama Yang

Amat Berhormat Perdana Menteri. Yang keduanya ialah dalam artikel memorandum syarikat tersebut

Y.B. ADUN Palong: Masa tak banyak, saya dah faham.....

Y.B. ADUN Chennah: Pengerusi Lembaga Penasihat adalah Perdana Menteri yang menandatangani segala dokumen dan transaksi yang melibatkan 1MDB. Apa-apa wang yang dikeluarkan daripada 1MDB yang dipinjam dan dikeluarkan kepada pihak lain mesti melalui lem, Pengerusi Lembaga Penasihat iaitu Perdana Menteri. Apakah itu tidak ada tanggungjawab kepada Perdana Menteri?

Y.B. ADUN Palong: Tafsiran yang dibuat oleh mana-mana rakyat adalah merupakan tafsiran yang bebas, laporan ini sudah dikeluarkan dan kita telah pun membuktikan bahawa Yang Amat Berhormat Datuk Seri Najib tidak langsung terlibat dalam penyelewengan 1MDB.

Dato' Yang Dipertua, kembali kepada titah

Y.B. ADUN Chennah: Itu kesimpulan Palong saja.

Y.B. ADUN Palong: Titah ucapan Ke Bawah Duli Yang Maha Mulia Yang di-Pertuan Besar Negeri Sembilan, satu titah yang sangat baik untuk negeri dan rakyat jelata sekalian. Dan Ke Bawah Duli Tuanku menggariskan tentang *vision* kita, masa depan kerajaan. Dan di antaranya yang menarik perhatian saya ialah berkaitan dengan pembangunan Negeri Sembilan Moden.

Dato' Yang Dipertua, 26 tahun yang lalu, kita telah melancarkan Wawasan 2020. Di mana negara akan menjadi sebuah negara maju, rakyat berpendapatan tinggi. Negeri Sembilan juga sama. Kita melancarkan Wawasan 2020, Negeri Sembilan maju, rakyat juga berpendapatan tinggi. Oleh yang demikian Dato' Yang Dipertua, apa yang disebut dalam titah tuanku ini, tuanku mintak kita ahli-ahli Dewan ini berdebat, bagi pandangan, idea yang bernas, ber, berhujah secara intelektual, supaya mengupas berkaitan dengan sejauh mana pencapaian Wawasan 2020 kita ini. Tuanku mintak inilah landasan kita. Disebut tentang landasan. Maknanya tanah lembangan kita nak melompat, membuat lejangan dan lompatan Negeri Sembilan Moden.

Oleh yang demikian, Dato' yang Dipertua, banyak dia punya fakta-fakta yang menunjukkan kedudukan Negeri Sembilan sekarang. Saya tak cukup masa untuk menghujah panjang, tapi izinkan saya Dato' Yang Dipertua, menyentuh tentang beberapa perkara yang perlu saya ambil sebagai indikatornya.

Pertamanya Dato' Yang Dipertua, berkaitan dengan wajah Negeri Sembilan sekarang. Wajah Negeri Sembilan sekarang kalau kita tengok laporan yang dibuat oleh Jabatan Perdana Menteri, Jabatan Perangkaan kita, bahawa kadar kelahiran kita dalam 2020 ni, kita buat perbandingan di antara Malaysia dengan Negeri Sembilan. Ini penting Dato' Yang Dipertua, sebagaimana yang dinasihatkan oleh Ke Bawah Duli Tuanku, kerana inilah indikator kita. Malaysia 20.4, 24 peratus. Negeri Sembilan cuma 23.7 peratus. Maknanya kadar kelahiran Negeri Sembilan lebih rendah daripada Malaysia. Bukan sahaja *Jelobu*, seluruh Negeri Sembilan.

Yang kedua modal insan yang berada dalam keadaan tenaga yang produktif. Umur 15 sampai 64 tahun. Malaysia 69.2 peratus, Negeri Sembilan cuma 68.1 peratus. Maknanya dari segi produktiviti kita pun rendah daripada Malaysia.

Yang ketiga, haa yang ini Negeri Sembilan *monang*. Malaysia kalau kita tengok yang berumur 65 tahun, 6.8 peratus, Negeri Sembilan 8.3 peratus, *monang* Negeri Sembilan daripada Malaysia. *Makno* eh Dato' yang Dipertua, Negeri Sembilan jadi negara, negeri tua menjelang 10 kebelakang ini. 10 tahun dulu tak macam tu. 10 tahun kebelakangan ini, Negeri Sembilan jadi negeri tua, apa sebab? Barang kali kurang kerja untuk anak-anak, untuk bekerja di Negeri Sembilan. Dia lebih ramai bekerja di Kuala Lumpur, bekerja di Selangor, bekerja di Melaka. Menjadikan kedudukan Negeri Sembilan menjunam 10 tahun kebelakang ini berbanding daripada Selangor, dah jadi nombor 1. Melaka tadi potong pulak Negeri Sembilan, dah jadi nombor 2. Negeri Sembilan pulak menjunam ke bawah, dah jadi nombor *corot*.

Dato' Yang Dipertua, inilah wajah kita. Inilah fakta-fakta yang perlu kita ambil untuk membuat lojangan Negeri Sembilan Moden ini supaya dia dapat berdiri di tempat kita yang sebenarnya. Yang berada sekarang ini. Dato' Yang Dipertua, macam mana ini boleh berlaku? Negeri Sembilan-lah yang paling *dokek* dengan KLIA. Negeri Sembilan-lah yang paling dengan hampir dengan Kuala Lumpur. Negeri Sembilan ni, *ompek* lorong jalan eh daripada Seremban sampai ke Pelabuhan Kelang. Kalau nak tengok Putrajaya tu *sebolah yo* pulak pusat pentadbiran kita. *Bertompek kito tang siniya, tedonga* ke Putrajaya. Tapi kenapa jadi macam ni, Yang Amat Berhormat? Kenapa jadi macam ni?

Kalau kita tengok pulak tentang apa yang disebut oleh Jabatan Perdana Menteri berkaitan dengan, Jabatan Perangkaan yang dikeluarkan, berkaitan dengan kedudukan kewangan kita, kekayaan kita pulak. Tadi *beghobot-ghobot* pasal balak. *Tah manolah poi* duit ni saya pun tak tahu lah. Dalam ke, purata pendapatan bulanan isi rumah di Negeri Sembilan, berbanding dengan purata pendapatan bulanan isi rumah Malaysia, tahun 2014 Malaysia 6141, Negeri Sembilan cuma 5271. Maknanya kita berbeza 871. Pada tanggal 2014. 2020 dia menjunam lagi. Kita anggarkan unjur, unjuran daripada Jabatan Perdana Menteri, Malaysia 10540, Negeri Sembilan cuma 7960. Maknanya berbeza, kekurangan kita 2580. Maknanya Dato' Yang Dipertua, Negeri Sembilan ini juga semakin miskin perbandingan eh. Kalau 10 tahun dulu lebih kurang, kita tengok statistik dia, sekarang ini dalam 10 tahun kebelakangan ini dia dah menjadi sebuah negeri miskin berbanding daripada Malaysia.

Saya nak mengingatkan ini kerana kebanyakan dasar-dasar yang digunakan dalam Malaysia Moden ini, ataupun Negeri Sembilan Moden ini, kita menggunakan dasar daripada Putrajaya. Kalau Putrajaya tu lebih kaya, Negeri Sembilan lebih miskin. Maknanya dasar Putrajaya mesti ada satu perkara yang mesti dimasukkan keistimewaan nya melalui dasar Negeri Sembilan Moden.

Dato' Yang Dipertua, saya nak sentuh sikit je, tentang berkaitan dengan apa yang disebut sebagai kedudukan, kedudukan rakyat kita pulak. Haa rakyat kita pun kalau kita tengok statistik yang dikeluarkan ini pun, dia pun makin bertambah kurang. Dia semakin bertambah kurang Dato' Yang Dipertua. Jadi kalau kita tengok lanskap pendapatan rakyat kita, kalau kita tengok 10 tahun kebelakangan ini, KDNK Perkapita 2009, Malaysia 27929, Negeri Sembilan cuma 26950. 2014 – 36165, Negeri Sembilan 35967. Tetapi yang menakutkan saya, dia semakin renggang, jurang pendapatan kita berbanding daripada Malaysia.

Dato' Yang Dipertua, Negeri Sembilan Moden. Saya menyokong. Cuma saya nak cadangkan supaya Dato' Dipertua, rancangan kita ini bermula daripada 2021. Kita, kita cuba capai Wawasan 2020 kita ni dulu kerana data-data itu nanti, akan kita kumpulkan untuk membuat lompatan Negeri Sembilan Moden. Kita lihat titah tuanku semalam, dalam cadangan jangka panjang nak bagikan *Malaysian Valley*, bandar, lepas tu Desa Amaya. Saya tak bimbang pasal *Malaysian Valley*, sekarang ni pun dia dah ada 5 bilion, Dato' Yang Dipertua. Yang saya bimbangkan Desa Amaya sebab saya orang Palong. Luar bandar. Desa Amaya luar bandar.

Yang pertama, tafsiran luar bandar, Desa Amaya ini, saya nak mintak bahagian perancangan ini lihat betul-betul. Pertama, jangan hanya

menyebut Desa Amaya itu kampung tradisi. Hakikat kita di Negeri Sembilan ini, Desa Amaya kita, pertama kampung tradisi, sebelah daripada Negeri Sembilan ini adalah rancangan tanah FELDA. Jadi maknanya dalam membangunkan Desa Amaya ne, me, Negeri Sembilan Moden, jangan pulak dilupakan, masukkan perancangan daripada FELDA ini supaya dapat mesra rancangan yang kita nak buat, antara kemudahan yang kita nak buat dapat kita mesrakan antara kampung tradisi dengan rancangan tanah FELDA. Yang ini tertinggal. Saya nak mintak dimasukkan. Tak tahuhah macam mana dia tertinggal. Ini *sapo punyo kojo?* Mestilah Setiausaha Kerajaan Negeri Sembilan. *Diolah* yang *punyo Kojo.* *Kang ngoba* pulak Dato' Lilah *bonci naa kek* Setiausaha, apa ni, tapi kalau nak tengok Negeri Sembilan jadi negeri tua, haa dialah *punyo kojo* tu. *Dongan seboleh eh* tu.

Dato' Yang Dipertua, perkara yang kedua. Di mana Desa Amaya? Desa Amaya ini *lotak eh kek Jolobu, lotak eh kek Pilah, membuto kojo eh* [merujuk kepada YB. ADUN Juasseh]. *Lotak eh kek Jompo, lotak eh dokek naa, coghok Gemoncheh naa. Tersandar yo deh* [merujuk kepada YB. ADUN Gemencheh]. Situlah kebanyakan Desa Amaya. *Longgeng* tu kawasan bandar. Kalau kita tengok macam mana pakar-pakar pembangunan daripada Putrajaya, pakar-pakar pembangunan daripada Unit Perancangan Ekonomi Negeri Sembilan, kita bertuah kerana dapat pengarah-pengarah Negeri Sembilan yang sangat bijak dan memandang jauh ke hadapan. Yang tak bagus *eh SS* je. Pengarah ni semua bagus. Dia melontarkan idea termasuk pakar-pakar daripada universiti.

Saya cukup suka pakar-pakar universiti ini bagi pandangan dia, kerana dia orang yang bijaksana. Dia, latar belakang pendidikan dia pun PhD, doktor-doktor semua. Apa dia kata? Nak membangunkan Desa Amaya mesti ada katalis, mesti ada pemangkin. Apa pemangkin yang ada? Yang paling penting ialah lebuh raya 4 lorong daripada Seremban, lalu ke Talang, lalu ke UiTM Boteng, Kuala Pilah, keluar ke Bandar Seri Jempol. Ini katalis. Ini pemangkin. Dengan adanya pemangkin ini besok, baru kita baca tentang dia punya perancangan Desa Amaya, limpahan daripada lebuh raya ini nanti sudah tentulah yang menunggu ialah rancangan tanah FELDA di Gemencheh, rancangan tanah FELDA di *Seghoting*, rancangan tanah FELDA di Lui, rancangan tanah FELDA di Palong. 16 skim FELDA di Palong. Boleh menawarkan kawasan industri yang lebih murah.

Apa yang disebut oleh Yang Amat Berhormat Perdana Menteri tentang transformasi luar bandar iaitu mentron, mentransformasikan kemudahan ini dengan membawak ataupun membolehkan syarikat-syarikat swasta melabur di kawasan luar bandar. Kalau ada *highway* ini baru dia nak datang, baru boleh *buek* industri *dokek* Negeri

Sembilan Timur, baru ada limpahan Desa Amaya dia. Jangan pulak adakan rancangan ini nak diangkat lebuh raya ini 30 tahun yang ke depan, Palong tak setuju.

Zaman Khalifah Saidina Omar dulu dia *ghoma* jalan malam, Dato' Yang Dipertua, dia jumpa ibu miskin anak-anak *eh* ramai, tapi takde *topong* nak dimasak. *Ghobuihlah* batu, sampai anak *eh* lapar, tapi *tido sobab* terlampau *lamo* nunggu batu tak masak-masak. Jadi maknanya, kita jangan didodoikan macam tu. Saya nak, Palong nak sekarang buat lebuh raya. Apa sebab Yang Amat Berhormat tak boleh buat lebuh raya sekarang? Dulu tanya tentang jajaran, saya dah bagitahu jajaran. Tanya tentang peruntukan, saya kata buat TOL, bayar tol, tak apa. Sebab kita ada pilihan. Pilihan jalan Seremban – Terachi – Kuala Pilah. Haa itu jalan jangan dimatikan. Jadikan jalan pelancongan. *Moli tolo* itik *sodap* situ, *moli* daging salai bagus situ, *moli*, macam-macam disalailah situ. Termasuk *memboli potai*. Bukan main seronok. Damai kepala berhenti situ, borak dengan makcik tu, dia tak *kona* Dato' Lilah wakil rakyat, cukup seronok. Pakai kain pelikat, *boli potai* kek makcik tu. Masa tulah orang-orang daripada Kuala Lumpur berhenti situ, *boli potai samo*. *Dio burak sado dio, dio tak kona kito, dio pun nutuh Mentor Bosar, "tah apo kojo Mentor Bosar ni, highway tak buek-buek".* Saya nyampaikan je.

Dato' Yang Dipertua, itu katalis. Saya juga mendengar pandangan-pandangan pakar ini berkaitan dengan RTC. Kalau kita tengok 2015 dulu, ada 7 saya ingat RTC dah dibuat. Banyak RTC ni dah dibuat. Kemudian yang saya tertarik hati tentang RTC ini, Dato' Yang Dipertua, kalau dikumpulkan oleh Jabatan Perdana Menteri, dia punya statistiknya ni, dah 21 juta rakyat kita datang ke RTC dan UTC. Bayangkan 21 juta, kalau dia belanja 10.00 ringgit dia seorang, 21 juta belanja 10.00 ringgit seorang berapa duit *eh*? 210 juta tak, duit *eh*. Jadi maknanya dia akan menjadi katalis.

Tu sebab dulu saya cadang *dokek Jompo*. Yang Amat Berhormat bawak ke *tompek* lain. *Tah manolah diubuh eh*, saya belum melawat. Tapi pandangan pakar daripada Putrajaya, pakar daripada Negeri Sembilan, pakar daripada universiti, dia kata mesti buat kawasan Desa Amaya supaya dia menjadi katalis. Oleh yang demikian, dalam Dewan yang mulia ini saya nak tanya Yang Amat Berhormat Rantau, bila nak ganti RTC *Jompo* ni? *Toghangkan*.

Y.B. Yang Dipertua Dewan: Yang Berhormat, masa.

Y.B. ADUN Palong: Masa *habih ye*. *Last sekali*. Menjurus kepada mikro, maknanya yang lebih kecil. Saya sangat tertarik hati pandangan

yang dibagi oleh Profesor Dr. Asmadi Haris, dan rakan-rakannya daripada Universiti USIM [berlaku gangguan sistem suara]. Dia nak sabotaj Dato' Lilah *beghonti copeklah* tu. Ini pakar daripada universiti Dato' Yang Dipertua. Bagus Dr. Asmadi ni. Dia kata, nak bangunkan satu komponen yang kecil dalam kampung, luar bandar, Desa Amaya, dia bagi contoh kalau boleh bangunkan Dewan Undangan Negeri di Desa Amaya, kawan-kawan ni *sodar* diri, kita ni adalah merupakan wakil-wakil rakyat Desa Amaya. *Sodar* diri *kito* ni. Jangan nak mengampu je. *Sodar* diri kita ni. Bahawa kita ni adalah merupakan wakil rakyat Desa Amaya. Kata Dr. Asmadi, nak membangunkan desa as, Desa Amaya di Dewan Undangan Negeri, juga mesti ada katalis. Saya cukup tertarik dengan SWOT *analysis* yang dibawak oleh Dr. Asmadi.

Dato' Yang Dipertua, SWOT *analysis* ini saya buat di Palong 2 tahun sudah. Saya bahas dalam Dewan ni. Kertas ni dihantar pada Unit Perancang, dihantar pada Kerajaan Negeri. SS tolak. Pakar daripada universiti, cakap pandangan Dato' Lilah tu bagus, SS kata tak bagus. Ini perkara, Dato' Yang Dipertua, macam mana bagus pun rancangan, kalau dari segi orang yang sangat berkuasa, Yang Amat Berhormat Rantau berkuasa, Setiausaha Kerajaan Negeri berkuasa, dia ni semua tak membantu *research* dan *development* yang kita buat, Desa Amaya ke, Negeri Sembilan apa ke, dia akan menjadi bertambah tua, tua, tua, tua, tua. Dato' Yang Dipertua, saya menyokong.

Y.B. ADUN Lenggeng: Dato' Yang Dipertua, saya mohon keizinan untuk menyambung perbahasan. Saya ucap ribuan terima kepada Dato' Yang Dipertua, kerana membenarkan saya mengambil bahagian.

Ahli Yang Berhormat: *Smash.*

Y.B. ADUN Lenggeng: Ini bukan badminton. Tapi, yelah bak kata ahli dari Chennah tadi, saya pun merasa keraguan jugak. Sidang Dewan ini bersidang bukan hari-hari. Dia dalam tempoh-tempoh tertentu. Mengapa persidangan ini dibuat untuk satu hari saja. Hari itu saya secara kebetulan saya berjumpa kawan-kawan di Parlimen, di Parlimen, kalau Persidangan Parlimen mengambil masa 3 minggu. Dan di Parlimen, elaun harian untuk seorang Ahli Parlimen nak hadir 500.00 ringgit. Kita di Dewan Undangan Negeri ini baru 75.00 ringgit. Kalau buat seminggu pun, betul tak Yang berhormat Chennah, 500.00, Parlimen kan, haa 500.00. Sekali dia bersidang, dia punya *claim* haa, tuntut apa tu, dia punya elaun tu 6,000.00 – 8,000.00. Kita sehari 75.00 ringgit. Nak tampal tayar kereta saya pun tak cukup. Jadi, elok jugak

lain kali dikaji. Bila sidang Dewan, apa salahnya 3 hari, 4 hari ke, ataupun satu minggu. Kalau tak ada nak bercakap, kita tidur, apa salahnya kan. Jadi, itulah kita kaji benda ni.

Dato' Yang Dipertua, saya pun tengok ucapan Duli Yang Maha Mulia Yang di-Pertuan Besar Negeri Sembilan pun kali ini, saya pun cukup, cukup bernas ucapannya, haa. Dia nyebut Undang Tubuh Kerajaan Negeri Sembilan dalam ucapan. Kita Negeri Sembilan ni berlainan daripada negeri lain. Hanya Negeri Sembilan saja mengikut Undang Tubuh Kerajaan Negeri, ada sistem Yang di-Pertuan Besar dan Undang Luak Yang Empat. Mintak maaflah ahli Yang Berhormat daripada Johol, apa yang berlaku di Johol.

Saya tengok macam mana boleh pemecatan nak dibuat di Johol. Kerana seorang Undang itu boleh dipecat kalau ditangkap khalwat ataupun Ibu Soko dia *nolak dio*. Saya tengok Undang Johol tu nak *buek* khalwat, berjalan tak *tontu*. Nak tengok, jadi tak betul sistem ni. Jadi saya kaji macam mana pulak macam ni.

Dan baru ni saya tengok pulak, pelantikan haa, Undang Jelebu, eh eh eh saya cakap, ini condong ke *Ponghot*. Sebab yang memilih tu Penghulu Mukim di Lenggeng. Saya tahu perangai dia, kontraktor pun dimintaknya komisen. Jadi macam mana, nak berlaku macam ni, tuan-tuan jangan main-main cerita adat ni tau.

Dulu Dato' Hasan Malek tak percaya cakap saya. Yang Berhormat Ahli Parlimen Kuala Pilah. Lagi 2 minggu nak Hari Raya dulu, saya balik rumah mertua saya di Kuala Pilah. Isteri saya dalam kereta. Bila saya sampai simpang di Pekan Kuala Pilah, ke kanan ke Tampin, ke kiri ke Bahau, daripada tengah daripada Seremban, saya lihat kain rentang Selamat Hari Raya daripada Yang Berhormat Ahli Parlimen Kuala Pilah cukup besar, iaitu gambar dia dengan gambar isteri dia. Saya beritahu isteri saya "nampak gaya ni, masuk bulan raya besok, Yang Berhormat Ahli Parlimen Pilah ni gugur sebagai menteri ni". Isteri saya tanya saya "abang mana tahu?" kata dia. "Eh eh, kau tak tahu ke sumpahan tanah mengandung". Di tanah mengandung Kuala Pilah tu ada sumpahan, ya. Tidak boleh seorang pemimpin tempatan mempamerkan gambar isterinya bersama melainkan kalau dia Yang di-Pertuan Besar Negeri Sembilan. Ahli Yang Berhormat Ahli Parlimen Kuala Pilah, isterinya orang Pahang. Bila ditunjuknya gambar *eh* tu, segala roh-roh orang perempuan di tanah mengandung akan mengamuk "tak *ado betino* lain *ko*, nak kau *lotak* gambar orang luar kau *lotak*". Dia marah, marah tu yang gugur tu haa. Haa dia kalau, kalau macam sayalah *lotak* gambar, tak salah bini saya orang Pilah. Yang Berhormat Pilah *kono* faham tu tau. Ni *nuntut kek Tok Lombago* ni.

Kemudian dulu timbul, saya nasihatkan apa, Datuk Mukhriz, bekas Menteri Besar Kedah. Bila saya dengar isterinya ada membahasakan isteri Perdana Menteri, saya sendiri beritahu Datuk Mukhriz, *you* jaga ini sumpahan tanah mengandung ni. Isteri Datuk Mukhriz orang Melang, Kuala Pilah. Isteri Perdana Menteri, orang *Senanti*, ikut perbilangan pantang larang tanah mengandung, perempuan tanah mengandung tak boleh mengutuk perempuan yang lebih *tuo* daripada *dio*. Datin Rosmah lebih *tuo* daripada isteri Datuk Mukhriz. Haa kan jatuh Mukhriz haa. Tuan-tuan *kono* tau pantang larang, tau.

Semalam saya bila pen, perasmian Dewan oleh Yang di-Pertuan Besar, saya tengok tuan-tuan semua mengangkat sembah. Ada orang tanya saya “kita pandang Dato”, Dato’ sorang je yang tak angkat sembah”. Saya tak boleh mengangkat sembah kepada tuanku selagi Undang Luak Sungai Ujong ada di situ, sebab dia waris saya. Saya lebih tua daripada dia. Kalau saya angkat sumpah, saya tumbang. Sebab tu bila ada orang bawak saya kes bankrap ke mahkamah dulu, tak *lut*. Sebab saya tau menjaga diri.

Tapi nak sebut di mahkamah, dah alang kepalang menyebut, bila saya sampai ya kat mahkamah dulu, ramai orang-orang tua *complaint* kat saya, “To’, Dato’ dalam Dewan tolong sebut To’, kata dia. “Hakim ni tak adil”. “Eh, apa pulak hakim tak adil?”. “Lif ada untuk hakim, *kito* orang *tuo-tuo* ni tak ada lif daripada bawah nak naik tingkat atas”. Mahkamah sepatutnya adil. Mahkamah, tinggi tengok dia tak ada apa, tak ada lif. Jadi yang jadi saksi, jadi apa, selalunya orang tua-tua, umur 70an, tak ada, yang ada lif untuk hakim. Jadi tak betullah. Sepatut, jadi Kerajaan Negeri beritahu Jabatan Kehakiman bahwasanya Mahkamah Tinggi Seremban tak ada lif, orang tua-tua rasa tak seronok, walhal mahkamah kena adil. Dia kena adakan lif. Ni yang ada lif untuk hakim. Hakim tu banyak muda-muda, perempuan lenggang lenggok punggung eh pun cantik lagi. Jadi, tulah dia.

Ahli Yang Berhormat: Pandanglah bondo lain.

Y.B. ADUN Lenggeng: Eh, memandang perempuan, pandang *muko* marah *deh*, pandang perempuan kalau pandang belakang, pandang punggung tak marah dia *doh*. Dulu, tau, tau tak masa saya kecik-kecik dulu, tahun 70an dulu, *kok* ada orang perempuan yang ada belakang ni, masa tu kita tengok anak dara kampung, “wuih cantik eh budak tu aii”. Sekarang kita tak sebut cantik *deh*, “wuih cantik eh baju eh hai”. Sebab sekarang dah ada duit untuk beli baju yang mahal. Dulu-dulu baju mahal tak ada, cantik perempuan tu nampak. *Camnialah* haa, semua baju cantik-cantik. *Ghoman eh tak ado bona ni doh*.

Dato' Yang Dipertua, saya anak sebut pasal harga rumah ni. Tuan-tuan, ahli Yang Berhormat nak marah saya marahlah. Sebab, contohnya di Nilai, apa dipanggil MVV. MVV, *Malaysian Vision Valley*, *valley*, apa tu. Nak buat kat Nilai. Bayangkan harga rumah teres di Nilai tu 50 ribu Sime Darby buat jual. Dulu masa Sime Darby beli tanah, saya penilainya. Tanah tu beli 20 sen sekaki dulu tu. Tanah *agriculture*, dengan izin. Sekarang ni bila dibuat rumah teres, tanah tu dijual 55.00 ringgit ke 60.00 ringgit sekaki. Bayangkan. Bayangkan kalau rumah teres di Nilai harga 500 ribu, seorang budak nak beli haa, rumah tu haa, kalau budak Melayu-lah 90 peratus pinjaman, kalau bukan Melayu haa, 75 peratus. Kita cerita soal budak Melayu dulu, 90 peratus. 10 peratus dia kena letak bayar tunai. Harga rumah 500 ribu. 10 peratus dah 50 ribu. Kalau pinjaman 450 ke bank tiap-tiap bulan dia kena bayar 4,800.00. Untuk melayakkan 4,800.00 pendapatan mesti 3 kali. Lebih kurang 14,200.00. Bayangkan.

Pasal apa kerajaan tak berani beritahu Sime Darby, nak lulus tak lulus, projek perumahan kau harga ikut kita punya analisa. Ini tak. Saya tengok, mintak maaf, Matrix Concept dia bagi tanah-tanah, majukan tanah kerajaan, pasal apa PKNNS tak diarahkan buat rumah. Dulu tahun 70an, PKNNS yang diarah, PKNNS sebagai agensi kerajaan, dia tak payah membuat keuntungan. Dia membuat rumah untuk rakyat pasal apa tak apa, hari ini PKNNS sendiri *dormant*, dengan izin. Tak bertindak, tak ber apa. *Engineer* dia ada, semua ada, pasal apa bagi.

Owh, syarikat swasta ni kadang dia bagi komisen. Saya pemaju dulu. Saya mahkamah apa, mahkamah ni, Persekutuan saya juru apa, penilai rujukan. Bila Yang Berhormat daripada Chennah tadi dengan bertengkar tadi, Yang Berhormat daripada Palong, pasal kes 1MDB, saya senyum je. Isu 1MDB pun saya terlibat penilainya. Kes tanah di Pulau Pinang pun saya terlibat. Kes, kalau diperbandingkan penilaian kes penilaian tanah di Pulau Pinang tu lagi dahsyat. Apa yang berlaku di belakang tabir. Tapi ini bukan tempatlah, saya nak bercerita. Kalau tuan-tuan nak saya bercerita, belanja saya minum teh, saya ceritalah habis-habis. Saya tak minum di *coffee house*. Saya minum di warung. Sebab kalau minum di *coffee house*, orang-orang pengundi saya akan terkejut, "eh dia dah berubah ke?" Dia biasa minum kat warung, kat warung tu murah. Bila pengundi saya datang, saya belanja tak banyak. Minum di hotel, bankraplah saya.

Jadi, harga rumah ni kena *control* ya. Saya tengok ada rumah yang nak dibuat di Seremban ni, rumah banglo 2 tingkat, dia jual 1.3 ke 1.5, analisa penilaian saya baru 800 ribu. Pemaju tak kan buat rumah kalau dia tak boleh untung. Dia punya jarak keuntungan tu 30 ke 40 peratus. Semua pemaju ni semua pembohong. Dalam ni tak ada yang jadi pemaju, mana tau ada jadi pemaju. Pemaju ni semua pembohong. Jadi

jangan percayalah kalau dia kata harga ni naik, harga ni naik, semua dia nak buat untung. Sebab tu kalau orang Melayu jadi pemaju biasanya bini dia lebih dari satu. Tengoklah kebanyakan pemaju Melayu.

Saya nak nyebut, cerita tadi cerita pasal pembangunan MVV. Saya nak bercerita kawasan pilihan raya saya, ada satu Datin daripada Seremban, dia dah beli 7 lot tanah orang kampung di kawasan bukit Lenggeng. Dia perlu lagi 3 lot untuk membuat kawasan resort dan buat ni, tempat membela kuda. Dia mohon tanah kerajaan 3 lot, kerajaan boleh tolak walaupun Jawatankuasa Tanah Daerah luluskan. Pasal apa ditolak, bagilah orang perempuan, orang Negeri Sembilan. Dia dah beli, dia guna duit dia sendiri beli orang kampungnya tanah 7 lot. Dia perlu 3 lot. Pasal apa tak ditolong?

Ada satu tanah di dalam kawasan saya, di kawasan Daching, Datuk Nazri Aziz menulis surat sokongan agar, dia beritahu saya buat kawasan tu untuk bangunan untuk storkan barang-barang kerajaan. Kurang-kurang orang kawasan tu dapat pekerjaan. Bukan nak buat rumah pun, tak melibatkan penambahan penduduk. Menambahkan pendapatan untuk orang-orang kampung, pun Kerajaan Negeri tolak.

Nia baru *nia* ada satu budak kampung saya, dia menikah, nasib dia tak baik, menikah dengan janda anak 7. Oh, walaupun dia dapat *instant baby*, 7 sekali dapat, krapp kata dia. Dia menyewa rumah, dengan kuasa Allah orang punya rumah tu jual rumah tu. Dia terpaksa cari rumah lain. Arwah nenek dia dulu ada tanah kampung, tanah pusaka, tanah tu di, tak dibayar cukai tanah dulu dirampas oleh kerajaan. Dia mohon tanah tu untuk buat rumah, untuk menanggung anak-anak janda ni, pun ditolak oleh Kerajaan Negeri. Jadi apa ceritanya, kita bangun MVV, orang kampung tak dipersoalkan.

Kawasan saya, di Panchur Jaya, 5 tahun dah orang kampung tu mohon Tabika KEMAS untuk budak-budak kawasan tu untuk belajar. 5 tahun tak lulus. Sebelah tu, kuari diluluskan walaupun bersebelahan dengan projek perumahan Panchur Jaya. 3 Jumaat saya sembahyang hajat, haa kan ribut berlaku punya teruk. Kawasan saya tak ada pun pokok jatuh sebatang pun. Tu, haa, kawasan hutan belah sempadan-sempadan habis. Sikamat *bedobab*, belah Ampangan *bedobab*. Kawasan saya tak ada, walaupun di Lenggeng-lah pokok paling tua. Tu elok je *deh*, dia babai, babai, babai, haa, jadi, haa.

Ini tuan-tuan dalam mengkaji ni, jangan kita kaji, oh macam mana nak tambah kepada kerajaan je, kita mengkaji kehendak akar umbi. Orang-orang kampung apa dia nak. Ni, Tabika KEMAS pun tak *dapek*. Dah 5 tahun dia mohon. Huis. Boleh sambung sikit lagi Dato' Dipertua?

Y.B. Yang Dipertua Dewa: Yang Berhormat, masa.

Y.B. ADUN Lenggeng: Tu lain kali *bueklah* persidangan 4 hari, 5 hari. Ni pasal TNB tadi, pasal kawasan kayu ke tadi. Di Bukit *Tanggo*. Yang Berhormat Klawang jangan anggap Bukit *Tanggo* tu semua Klawang punyo tu. *Setongah Longgeng punyo*. Dalam mesyuarat

Y.B. ADUN Klawang: Bawah *pado* tokong.

Y.B. ADUN Lenggeng: Haa? Tak *ado*, tokong tu *bolah apo*, dia tokong tu kawasan berkecuali. Apa ni, dalam mesyuarat rasmi di peringkat daerah, saya dah mintak TNB mengemukakan laporan penuh dia berhubung kait dengan tanah yang terlibat dalam tu. Sampai sekarang TNB tak hantar. Bila dia tak hantar saya yakin dan percaya ada benda yang tak boleh diletak dalam *report* mungkin yang tak betul. Saya cabar dia. Saya tanya dia semasa merancang pasal apa tak sepatah pun tak bertanya pandangan saya. Sepatah pun. Ingat *koman* sangat ke. Kurang-kurang, tuan-tuan sebagai, sebagai wakil rakyat, pihak-pihak agensi kerajaan kurang-kurang '*tanyolah* wakil rakyat tu. *Apo* salah *eh bertanya*. Elok tak *buek* macam ni, elok tak *buek* macam ni, bila timbul masalah, saya yang turun.

Jadi betul jugak kata Yang Berhormat Palong. Bila meluluskan, Setiausaha Kerajaan. Saya, kawasan saya pasir bila diluluskan, bila lori semua banyak yang, orang masalah, dia panggil saya. Batang hidung, lubang jubur Setiausaha Kerajaan pun tak nampak.

Y.B. Yang Dipertua Dewan: Yang Berhormat.

Y.B. ADUN Lenggeng: Saya yang terpaksa turun.

Y.B. Yang Dipertua Dewan: Yang Berhormat, bahasa tu mintak apa sikit.

Y.B. ADUN Lenggeng: Saya bahasa saya dah lebih teruk, saya mengadap orang tu lebih teruk, kena maki semua. Ini bahasa "lubang jubur" pun tak boleh sebut di Dewan ini. Tuan-tuan tak rasa kena maki di bawah. Dia kata "Dato' kenapa tanah ni dapat pasir ni. Dia bagi komisen ke?" *Barua* punya pengusaha pasir. Dia kadang-kadang

menyelamat diri, "kita dah bagi wakil rakyat komisen". Kepala bapak dia. Saya tahu pun tidak. 18 kawasan pasir dalam Dewan Undangan Negeri Lenggeng.

Tuan-tuan tahu tak pasir ni adalah anugerah Allah. Satu lagi anugerah Allah, mati. Tuan-tuan tak mintak pun Allah kata mati, mati. Jadi bila ada orang mati dalam kawasan tu, orang yang mengeluarkan pasir, *kono sedokah* tak kira Melayu, tak kira Cina, tak kira India. *Takdo* pun batang hidung pengusaha pasir ni *doh*. Balik-balik dia *kato* "*sedagho-magho Mentor Bosar* dah ambik komisen", kata dia. Saya berani cabar Dato', Dato' Azman. Mana pun saya berani berhadapan. Orang tu mengata kat saya. "Dia dah ambil komisen", kata dia. Tuan-tuan nak marah, marahlah saya, saya geram saya dah timbul.

Y.A.B. ADUN Rantau: Saya mintak Dato' Yang Dipertua

Y.B. ADUN Lenggeng: Yang Amat Berhormat duduk dulu. Saya belum habis penjelasan saya.

Y.A.B. ADUN Rantau: Dato' Yang Dipertua, saya rasakan menuduh begitu adalah tidak boleh dalam Dewan.

Y.B. ADUN Lenggeng: *Apolak tak botol eh. Mano-mano* pun orang *bercerito*. Adik-beradik Yang Amat Berhormat, kalau apa pun pasir, dia ada komisen.

Y.A.B. ADUN Rantau: Dato' Yang Dipertua.

Y.B. ADUN Lenggeng: Dia orang bercerita kat saya.

Y.A.B. ADUN Rantau: Dato' Dipertua, saya mintak di Dewan yang mulia ini supaya

Y.B. ADUN Lenggeng: Besok kita bawak Quran, kita angkat sumpah, Ahli Yang Berhormat

Y.A.B. ADUN Rantau: pihak berkuasa

Y.B. ADUN Lenggeng:dari Rantau dengan saya angkat sumpah.

Y.A.B. ADUN Rantau: pihak berkuasa, SPRM boleh menyiasat Dato' Dipertua. Silakan saya mintak supaya

Y.B. ADUN Lenggeng: Besok saya cari, saya bawak Quran, kita angkat sumpah.

YA.B. ADUN Rantau: Boleh. Saya

Y.B. ADUN Lenggeng: Boleh.

Y.A.B. ADUN Rantau: Boleh, tak ada masalah, boleh.

Y.B. ADUN Lenggeng: *Kemain buruk adik-beradik Yang Amat Berhormat.*

Y.A.B. ADUN Rantau: Saya boleh angkat sumpah, tak ada masalah, tak ada masalah. Dan saya mintak

Y.B. ADUN Lenggeng: Bila saya jumpa

Y.A.B. ADUN Rantau: Dan saya mintak supaya di Dewan yang mulia ini, SPRM memulakan siasatan terhadap tuduhan tersebut.

Y.B. ADUN Lenggeng: Ya, saya mintak SPRM turun. Kalau betul-betul saya, bukti-bukti boleh saya bagi. Jadi, perkara ni yang berlaku. Bila masalah timbul kita sebagai wakil rakyat, huru haronyo menyelesaikan. Jadi tuan-tuan nak marah, marahlah, *gogham* saya pun dah timbul. Jadi berhaklah saya nak nak bercakap.

Di kawasan saya, Kampung Baru Broga, kawasan Cina duduk di situ. Masalah air timbul sekarang. Macam mana pulak masalah air boleh timbul di Kampung Baru Broga? Sampai sekarang SAINS tak buat siasatan. Jadi apa yang sebenarnya berlaku ni? Inilah yang kena kaji.

Akhirnya saya nak sebut, tiap-tiap hari Jumaat, Sabtu, Ahad, kalau saya sembahyang di Masjid Pantai, orang yang menggunakan jalan balik ke Jelebu, ke Pahang, orang tunjuk kat saya, dia tunjuk tau, "tu yang pakai kain tu Yang Berhormat kawasan tu. Dia banyak *complaint*". Dia kata "Yang Berhormat" kata dia, "jalan daripada keluar daripada LEKAS *highway* tu sampai ke Bukit Tangga tu, tak boleh ke dibela baik-baik?" kata dia "*longkung-longkang* jalan tu". Saya cakap "nantilah saya *kobar* di Dewan yang mulia ni". Haa, esok besok saya dah *koba* dah, *kok dio bertanyo* "saya dah beritahu Dato' Speaker. Speaker pandang saya. Dia belum bagi jawapan lagi".

Y.B. Yang Dipertua Dewan: Speaker suruh duduk sebenarnya.

Y.B. ADUN Lenggeng: Ya?

Y.B. Yang Dipertua Dewan: Dah sampai masa.

Y.B. ADUN Lenggeng: Dah sampai *maso*. Sok saya cakap kat orang tu "bilo saya cakap lobih, disuruh eh saya duduk". Haa, tak sebab kalau perhatikan keluar daripada LEKAS *highway*, sampai ke Bukit *Tanggo*, jalan tu 'camnia-camnia'. Jadi, Yang Berhormat Klawang, dia tak marah sebab masuk je Bukit *Tanggo* sampai Klawang, jalan tu cantik. Tapi yang tu, yang tu yang saya hadap. Esok tak juga baik dalam tempoh 6 bulan ni, saya akan notis situ "saya dah maklumkan kepada Dato' Speaker, Dato' Speaker suruh saya duduk". Saya ucap terima kasih kerana mintak saya duduk. Sekian, terima kasih.

Y.B. Yang Dipertua Dewan: Terima kasih.

Y.B. ADUN Lenggeng: Saya menyokong usul titah Yang di-Pertuan Besar Negeri Sembilan.

Y.B. Yang Dipertua Dewan: Terima kasih. Ada lagi perbahasan? Kalau tak ada, saya mintak pihak kerajaan jawab.

Y.B. ADUN Sikamat: Bismillahirrahmannirrahim.

Y.B. Yang Dipertua Dewan: Haa ada. Silakan.

Y.B. ADUN Sikamat: Assalamualaikum w.b.t. dan salam sejahtera. Alhamdulillah, segala puji bagi Allah s.w.t. dan terima kasih kepada Dato' Yang Dipertua Dewan kerana memberi kesempatan di dalam Dewan yang mulia ini untuk membahas menjunjung kasih titah ucapan Duli Yang Maha Mulia Yang di-Pertuan Besar Negeri Sembilan Darul Khusus yang dititahkan pada istiadat pembukaan Persidangan Dewan semalam.

Dato' Yang Dipertua, saya juga tertarik kepada perenggan 5, titah ucapan Duli Yang Maha Mulia. Tadi telah dibacakan oleh saudara Chennah. Ini menunjukkan kepada kita bahawa keprihatinan Duli Yang Maha Mulia Seri Paduka Baginda terhadap sistem tadbir urus negeri dan negara agar tiada campur tangan politik dalam melaksanakan tanggungjawab terutamanya undang-undang bagi memastikan kebebasan keadilan dapat dilaksanakan di negara yang kita cintai ini. Baginda juga telah mengingatkan bahawa perentingnya Perlembagaan Persekutuan ini sebagai pelindung, penjaga kepada *Rule of Law*, dengan izin.

Dato' Yang Dipertua, kita ingin melihat bahawa satu pentadbiran, tadbir urus negeri yang baik, yang tidak ada campur tangan politik bagi melaksanakan segala tanggungjawab agar negeri ini dapat bergerak dengan lebih maju pada masa akan datang seperti yang dirancangkan. Inilah harapan yang harus kita lihat kepada semua pegawai-pegawai kerajaan supaya dapat bersama, tidak kira pandangan tersebut daripada pembangkang ataupun daripada orang-orang biasa yang menyampaikan suara dan pendapat mereka.

Dato' Yang Dipertua, saya juga ingin meli, menyentuh tentang kutipan zakat yang telah mem, kutipan yang amat memberangsangkan yang dikutip oleh Pusat Zakat, yang 9.4 juta telah kita terima. Dan alhamdulillah ini merupakan satu pencapaian yang baik. Dan inilah harapan seluruh rakyat Negeri Sembilan terutama masyarakat Islam. Saya ingin mengulangi di dalam Dewan yang mulia ini betapa kita harus melihat bahawa pelajar-pelajar kita yang sedang belajar di Jordan, di Mesir, yang sedang menghadapi masalah peningkatan kos sara hidup yang tinggi untuk kita lihat, untuk kita kaji, untuk kita tingkatkan sedikit, bukannya banyak, untuk kita beri lagi sedikit sumbangan zakat negeri ini kepada mereka supaya mereka dapat belajar dengan baik setelah mereka menunjukkan kelulusan yang cemerlang pada peperiksaan-peperiksaan yang kita hargai sebelum ini.

Kita harus melihat bahawa sumbangan ini penting kerana kedudukan kewangan, masalah kewangan, masalah duit kita yang semakin kecil berbanding dengan matawang asing. Jadi kita kena lihat bahawa ini adalah sumbangan daripada seluruh masyarakat, bukannya Kerajaan Negeri, tapi sumbangan rakyat untuk mereka, sumbangan daripada pembayar-pembayar zakat kepada mereka kerana mereka sekarang adalah merupakan pencari ilmu yang, agama di Jordan dan di Mesir.

Saya juga ingin menyentuh tentang sumbangan asnaf kewangan bulanan. Yang kita, yang asnaf fakir miskin. Juga harus ditingkatkan. Kita lihat bahawa ka, sekarang mereka menerima hanya 200.00 ringgit bagi satu keluarga. Dan ini adalah amat sedikit jika berbanding dengan kutipan yang meningkat. Kita juga harus meningkatkan sumbangan kepada mereka ini, kepada keluarga ini memandangkan keadaan inflasi dan kos sara hidup yang tinggi yang mereka tanggung. Di samping juga bebanan kehidupan yang ada pada hari ini.

Kita juga melihat bahawa pencapaian-pencapaian pendidikan yang memberangsangkan kebelakangan ini amat menggalakkan kita ramai, melahirkan ramai bijak pandai di negeri kita ini. Saya mencadangkan sumbangan melanjutkan pelajaran ke pusat pengajian tinggi dapat ditingkatkan, tidak setakar, tidak sekadar yang ada sekarang kerana memandangkan kos untuk mereka mela, di pusat pengajian tinggi yang meningkat. Dan di samping itu juga keperluan ibu bapa yang terhad pada masa sekarang.

Dato' Yang Dipertua, kita juga mengucapkan tahniah dan syabas kepada Maahad Gemencheh yang, yang 2 tahun berturut-turut menjadi sekolah terbaik keputusan STAM pada 2 tahun kebelakangan ini. Jadi apalah kiranya kita hanya mempunyai Sekolah Agama Kerajaan Negeri, Maahad Ahmadi Gemencheh ini, yang ditadbir oleh Kerajaan Negeri, saya mengharapkan bahawa kita tingkatkan kemudahan awam yang ada di sekolah tersebut, di samping meningkatkan kemudahan-kemudahan asrama yang ada di sekolah tersebut.

Dato' Yang Dipertua, dalam kita menghadapi, sebagai Negeri Maju, kita juga harus melihat bahawa kita melahirkan ramai pelajar-pelajar cemerlang yang luar daripada Negeri Sembilan ini untuk belajar di universiti-universiti awam dan luar negara. Tapi malang apabila mereka balik, mereka melihat negeri ini tidak punya peluang untuk mereka mendapatkan peluang pekerjaan. Mereka terus berada di luar Negeri Sembilan untuk menyampaikan, untuk me, untuk menggunakan kebijaksanaan, untuk menggunakan segala kemahiran yang mereka ada untuk membangunkan kawasan lain, bukan di negeri sendiri.

Inilah yang menyebabkan kela, kadar kelahiran yang semakin merosot di negeri ini. Mereka semua berada di luar. Anak muda semua keluar. Anak muda bekerja di negeri-negeri lain. Anak muda mendapat pendapatan di negeri lain kerana kita tidak menyediakan ruang kerjaan apabila mereka selesai mendapat pekerja, selesai persekolahan mereka.

Jadi ini menunjukkan kepada kita bahawa pelaburan di negeri kita ini masih berkurangan. Kita meletakkan sasaran 1 bilion. Daripada dulu sehingga sekarang, sasaran kita hanya 1 bilion. Ini adalah tidak mencukupi walaupun kita tahu kadar tersebut, Kerajaan Negeri telah mencapai 1.7 bilion pada tahun lepas. Namun begitu, kadar 1 bilion sebagai sasaran adalah tidak harus dijadikan sandaran kerana kita tahu bahawa Kerajaan Negeri yang ada pada hari ini sepatutnya lebih banyak lagi mencari pelabur-pelabur asing untuk, terutamanya dalam sektor pembuatan agar anak-anak Negeri Sembilan dapat bekerja di negeri sendiri dan di samping itu memajukan negeri kita ini.

Kita melihat bagaimana sektor-sektor perkhidmatan, contohnya sektor *supermarket* ataupun *shopping complex*, ada yang tutup disebabkan masalah tidak cukup pendapatan daripada per, perniagaan mereka. Jadi ini menunjukkan kepada kita bahawa negeri ini masih kurang mendapat, potensi perniagaan masih rendah jika dibandingkan dengan tempat-tempat lain. Walaupun kita lihat ada syarikat-syarikat baru yang ingin melabur dalam sektor tersebut, namun ia tidak dapat menggalakkan untuk mereka datang ke negeri kita ini. Saya mengharapkan usaha yang lebih proaktif untuk menggalakkan lagi agar lebih, lagar, peningkatan sektor perniagaan, terutamanya sektor pembuatan ditingkatkan di negeri ini.

Da, Dato' Yang Dipertua, saya juga ingin melihat bahawa pelan pembangunan moden Negeri Sembilan 2045. Seperti yang dikatakan oleh Jempol tadi, bahawa hari kita ini hampir kepada 2020. Pendapatan kita sekitar 35 ribu KDNK kita. Jadi ini menunjukkan bahawa *target* untuk menjadi Negeri Maju adalah 55 ribu. Kita kekurangan 10 ribu dalam tempoh 5 tahun ini. Jadi apakah peranan, rancangan Kerajaan Negeri untuk mencapai lagi 10 ribu pendapatan kepada keluarga-keluarga di Negeri Sembilan ini untuk kita berada dalam sebuah Negeri Maju 2020 ini? Kita hari ini tidak boleh lari bahawa 2020 adalah satu visi yang telah dibincangkan di dalam Dewan yang mulia ini pada awal perancangannya. Dan kita harap bahawa perancangan ini dapat dicapai menjelang 2020. Tidak guna kita berbincang kepada satu visi baru, Negeri Sembilan Moden 2045 tapi kita gagal mencapai satu Negeri Moden, Negeri Maju pada pasca 2020 hari, yang ada hari ini.

Jadi saya mengharapkan bahawa hari ini, Kerajaan Negeri memikirkan bagaimana untuk kita meningkatkan pendapatan terutamanya pendapatan rakyat negeri ini supaya mencapai 55 ribu seperti yang dirancangkan. Walaupun 55 ribu ketika itu adalah nilai tidak sama dengan nilai yang ada pada, pada peringkat rancangan tersebut.

Dato' Yang Dipertua, saya juga merakamkan bahawa Kerajaan Negeri mempunyai lebihan yang banyak, tahun lepas, tahun 2015 sejumlah 96.99 juta. Yang mana kita tidak harus berbangga dengan simpanan yang banyak, namun kita ingin lihat bahawa duit tersebut dibelanjakan bagi membangunkan lagi sektor ekonomi di negeri kita ini. Kita harus melihat bagaimana masyarakat di luar bandar, khususnya petani, nelayan dan penternak dalam keadaan yang cukup, hari ini cukup tertekan. Kalau petani kita lihat bagaimana, penoreh-penoreh getah dengan harga getah yang tidak stabil hari ini, harga sawit dan mana, pengeluaran sawit yang agak rendah hari ini. Inilah yang harus dibantu hari ini. Kita lihat bagaimana harga kos untuk membeli baja yang semakin tinggi.

Jadi saya berharap bahawa Kerajaan Negeri dapat menggunakan simpanan ataupun lebihan ini untuk membantu terutamanya penternak, nelayan yang berada di luar bandar. Mereka hari ini memerlukan bantuan dan sokongan Kerajaan Negeri bagi memastikan bahawa mereka dapat hidup dalam keadaan yang aman, yang kita harapkan.

Dato' Yang Dipertua, saya juga tertarik berhubung dengan masalah siber yang masih kita, yang diper, yang diperjelaskan tadi. Dan saya harap bahawa usaha ini tidak terhenti setakat itu sahaja. Dan usaha-usaha yang lebih menyeluruh harus dilakukan kerana iniah yang akan menghalang kemajuan Negeri Sembilan ini. Yang kita maklum bahawa 90 peratus pengunjung-pengunjung pusat judi siber ini adalah orang-orang Melayu, yang mana pendapatan mereka kita tahu di bawah B40. Dan inilah yang menyebabkan, akan mendatangkan masalah sosio dan budaya yang lebih teruk kepada orang-orang Melayu di Negeri Sembilan ini. Jadi, jika usaha ini gagal, bermakna usaha kita untuk menjadi Negeri Maju, Negeri Moden menjelang 2045 akan terkandas.

Dato' Yang Dipertua, saya juga ingin menyarankan bahawa beberapa perkara, berhubung dengan

Y.B. Yang Dipertua Dewan: Yang Berhormat, masa dekat nak habis.

Y.B. ADUN Sikamat: Golongan gelandangan yang ada di Negeri Sembilan ini. Kita juga harus melihat isu ini sebagai isu negeri bahawa kita tidak ingin melihat masih ada orang yang tidak punya rumah, tinggal merata tempat, dan mereka ini mendapat, sekarang mendapat perhatian daripada NGO untuk dapat makanan mereka. Dan saya harap bahawa Kerajaan Negeri menerusi jabatan-jabatan tertentu dapat membantu menyelesaikan masalah gelandangan di negeri kita ini.

Masalah pengemis warga asing juga harus diberi perhatian kerana mereka juga merupakan satu masalah yang besar yang dihadapi beberapa tempat terutamanya selepas solat mag, solat Jumaat di masjid-masjid, berada di restoran-restoran di kawasan-kawasan tertentu. Dan mereka ini bergerak, sentiasa bergerak. Dan kita harap bahawa kerajaan mengambil satu tindakan.

Kerajaan Negeri harus juga mengadakan satu peraturan kepada pengutip-pengutip derma warga asing yang mengambil kesempatan. Dan kita tahu bahawa Ramadhan yang makin hampir ini, kita akan lihat be, ramai daripada mereka datang dan untuk memungut derma di negeri kita ini. Kita tak ada masalah kalau perkara tersebut adalah betul dan, tapi kita harus melihat bahawa kita perlu ada peraturan untuk mengadakan kutipan-kutipan di surau, masjid ataupun tempat-tempat awam oleh warga-warga asing ini.

Dato' Yang Dipertua, di dalam jawapan, dalam jawapan lisan, jawapan bertulis, soalan saya yang lepas, dimaklumkan bahawa, berhubung dengan satu lubang di taman, Jalan Taman Palma Jaya atau PJ Perdana ada lubang, tapi jawapan tersebut telah, maklumkan telah dibaiki. Tapi sehingga hari ini lubang tersebut masih ada. Dan jalan tersebut sebenarnya baru diperbaiki dan beberapa bulan selepas itu ada terdapat satu lubang yang amat berbahaya. Dan saya telah membuat aduan dan saya minta, saya telah minta pihak MPS memberikan tanda amaran kerana lubang itu amat bahaya kerana hanya diletak daun-kaun kayu sahaja dan ini adalah amat berbahaya kerana itu jalan utama. Dan saya mengharap agar tindakan diambil terhadap kawasan ini dengan segera.

Di samping itu juga Dato' Yang Dipertua, Medan Selera Ampangan yang kita lihat adalah merupakan satu mercu tanda di Ampangan. Tapi malangnya pada hari ini kalau kita pergi sebelah siang, kawasan tersebut tidak di, digunakan sepenuhnya oleh peniaga-peniaga yang ada di kawasan tersebut. Malam juga hanya sekitar beberapa kedai saja yang membuka ke, medan selera, gerai-gerai di medan selera tersebut. Dan kita maklum bahawa ini adalah kawasan baru yang memerlukan promosi. Dan saya mendapat jawapan ada 70 gerai,

hanya 59 yang menjalankan perniagaan, ada yang siang, ada yang malam. Tidak sepatutnya berlaku sebegitu kerana ini satu tempat yang sepatutnya menjadi kawasan pelancongan.

Dan saya mengharapkan pihak Majlis Perbandaran Seremban agar mengadakan lebih banyak lagi iklan-iklan ataupun bagaimana untuk membantu peniaga-peniaga menjalankan promosi mereka agar kawasan tersebut menjadi Medan Selera Ampangan yang mampu menarik pelancong-pelancong asing datang ke kawasan tersebut. Jadi, Dato' Yang Pertua, saya berharap bahawa beberapa perkara tersebut diambil perhatian. Dan saya dengan itu mengucapkan ribuan terima kasih.

Y.B. Yang Dipertua Dewan: Silakan, 10 minit.

Y.B. ADUN Lukut: Terima kasih. Terima kasih Dato' Yang Dipertua Dewan. Saya menjunjung kasih atas titah Seri Paduka Baginda Yang di-Pertuan Besar Negeri Sembilan perkara Istiadat Perasmian Persidangan Penggal Pertama Penggal Keempat, hari semalam. Hari ini saya tampil untuk mengambil bahagian perbahasan atas titah ucapan Duli Yang Maha Mulia demi mengangkat suara rakyat dalam Dewan yang mulia ini.

Dato' Yang Dipertua Dewan serta ahli-ahli Yang Berhormat sekalian, terlebih dahulu saya ingin mempertekankan mengenai graduan baru yang masih menganggur dan tiada kerja seramai 161,000. Graduan baru menganggur daripada, daripada 400,000 penganggur di Malaysia pada tahun 2015 termasuklah jumlah pengangguran graduan baru di Negeri Sembilan. Selepas 6 bulan tamat pengajian masih tiada peluang kerja dan jawatan kosong sehingga ke hari ini, yang mana kebanyakannya berumur antara 20 hingga 40 tahun.

Graduan baru di Negeri Sembilan ini semuanya berpelajaran tetapi tiada jawatan kosong dan pekerjaan yang mana pencapaian agak sederhana. Keluar saja tempoh pengajian selama lebih 3 tahun dan ke atas, contohnya keluar keluar sahaja sudah memikul hutang sekurang, sekurang-kurang 15,000.00 ringgit PTPTN dan ke atas berdasarkan kos di tempat pengajian masing-masing yang mereka pernah turunkan tandatangan akujanji sebelum, sebelum ini. Malangnya mimpi indah yang diharapkan kalangan anak muda dan graduan baru bagi mengisi jawatan kosong secepat mungkin sebenarnya tidak semudah yang mereka sangkakan.

Walau bagaimanapun, terdapat beberapa faktor menyebabkan ramai graduan baru di Negeri Sembilan, agensi di Negeri Sembilan ini yang masih menganggur. Antara puncanya ialah yang pertama, masalah penguasaan Bahasa Inggeris yang lemah. Yang kedua, tiada kebolehan berkomunikasi. Yang ketiga, kemahiran yang ada tidak berpadanan dengan kehendak pasaran. Yang keempat, tiada kemahiran menyelesaikan masalah. Pengkuat, penguasaan Bahasa Inggeris adalah penting ketika ini kerana banyak pihak terutamanya majikan sektor swasta, swasta berminat mengaji [menggaji] graduan yang berkebolehan menguasai bahasa antarabangsa itu. Kemampuan bertutur Bahasa Inggeris dengan baik perlu untuk tujuan kebolehpasaran kerana kita tidak mahu ada graduan menganggur disebabkan tidak boleh beng menguasai bahasa tersebut. Selain itu, kekurangan kemahiran komunikasi yang baik dalam Bahasa Inggeris di kalangan graduan baru telah sering dikatakan sebagai salah satu sebab utama ketidakkeupayaan mereka untuk mendapatkan pekerjaan yang baik.

Dato' Yang Dipertua Dewan, anak muda di Negeri Sembilan dilihat tidak disediakan persekitaran yang kondusif dan juga tidak dilatih kemahiran yang benar-benar diperlukan di tempat kerja kelak. Daripada 100 anak muda di Negeri Sembilan, hanya seorang, seorang sahaja yang mampu menyelesaikan masalah yang paling kompleks. Selain NGO, Kerajaan Barisan Nasional Negeri Sembilan haruslah membantu mereka dalam menangani masalah pengangguran ini. Universiti di Negeri Sembilan ini diminta memastikan mahasiswa, mahasiswa, mahasiswa mempunyai penguasaan Bahasa Inggeris yang baik sebelum memasuki pasaran pekerjaan. Ramai graduan baru bila menulis boleh buat dengan baik, tetapi bila bercakap ada kekurangan. Pihak universiti juga perlu mengadakan ujian untuk graduan supaya, supaya mereka menguasai Bahasa Inggeris dengan baik selain Bahasa Melayu.

Justeru, kesemua pihak harus berganding bahu untuk menyelesaikan masalah pengangguran, pengangguran terutamanya di kalangan graduan itu sendiri. Secara amnya, mereka yang menganggur harus mengorak langkah menuju ke mercu kejayaan dengan mempertingkatkan nilai, nilai diri mereka dengan mempraktikkan budaya pembelajaran seumur hidup terutama sekali memper, mempelajari kemahiran baru yang boleh menjadi ases [aset] ne, negeri ini.

Dato' Yang Dipertua, kewujudan kafe siber banyak memberi manfaat kepada masyarakat terutamanya dalam perkembangan pesat era teknologi maklumat dan komunikasi kini supaya tidak ketinggalan di dalam pembangunan. Namun kafe siber yang beroperasi 24 jam dan

membenarkan pelajar apatah lagi dengan pakaian saranggam, seragam sekolah murid Darjah 1 sehingga Tingkatan 5 memasuki premis itu harus diberi perhatian serius oleh pihak berwajib. Lebih berat, ada di kalangan bawah umur itu sanggup ponteng sekolah semata-mata untuk menghabiskan masa di kafe siber kerana ketagih. Antara lain bermain permainan video dan tidak kurang pula berjudi.

Kafe siber bercermin gelap menjadi tumpuan pelajar sekolah untuk mengakses kemudahan internet bagi mengelak kegiatan ponteng mereka dihidu guru, dihidu guru, ibu bapa dan pihak berkuasa tempatan (PBT). Selain ponteng sekolah, banyak lagi kesan sampingan berpunca budaya, budaya melepak di kafe siber antara merokok, berjudi dan memeras ugut.

Kete, ketagihan berjudi di internet bukan sekadar masalah penggunaan internet yang berlebihan seperti lamat, laman sosial *Facebook*, *Twitter*, atau bermain permainan komputer. Ia melibatkan kerosakan pemikiran yang lebih dahsyat sehingga boleh menjelaskan kehidupan dan masa depan seorang, seseorang. Kewujudan pusat pertaruhan internet di kafe siber menunjukkan konsep perjudian berkenaan sudah mula diperkenalkan kepada anak-anak muda.

Dato' Yang Dipertua, apabila kala dalam pera, pertaruhan mereka akan cuba menerusnya dengan berbohong kepada ibu bapa untuk menutup segala kemudaratannya disebabkan berjudi. Mereka juga sanggul [sanggup] mencuri dan mengugut ahli keluarga mereka bagi mendapatkan duit pertaruhan judi tersebut. Namun apabila pelajar terbabit ditangkap, polis dan sekolah tidak boleh berbuat apa-apa kerana mereka masih di bawah umur. Polis tidak akan menggali [menggari]kerana mereka dikategorikan sebagai pelajar sekolah. Manakala bidang kuasa pihak sekolah, hanya sehingga pintu pagar sekolah. Akhirnya mereka diserahkan kepada ibu bapak.

Justeru saya menyeru kepada ibu bapak supaya memantau anak-anak mereka dan mengambil tindakan dan perhatian supaya jangan memasuki dan pergi ke kafe siber itu. Ibu bapa bertanggunjawab terhadap anak-anak mereka dalam mendidik anak, mendidik anak-anak mereka. Ibu bapa juga perlu memberi perhatian, bimbingan dan kasih sayang kepada anak-anak mereka lebih-lebih lagi pada peringkat remaja. Sekiranya ibu bapa kurang atau tidak memberi kasih sayang yang secukupnya, maka anak-anak akan mencari kasih sayang tersebut dari orang lain seperti rakan sebaya.

Sebagai ibu bapak janganlah membenarkan mereka menunggang motosikal tanpa lesen yang sepatutnya. Dato' Yang Dipertua

Y.B. Yang Dipertua Dewan: Yang Berhormat, masa.

Y.B. ADUN Lukut: *One minute.* Ringkasnya ibu bapa bertanggungjawab terhadap ting, tingkah laku anak-anak agar tidak melakukan perkara yang sia-sia sahaja. Dato' Yang Dipertua, kesimpulannya, isu menebak, merebak di kafe siber ini bukanlah isu yang boleh dipandang ringan oleh kita semua. Menebar. Semua pihak mestilah mengorak langkah dan bekerjasama dalam meranggani, menangani isu nasional ini kerana ianya bukannya menjadi masalah komuniti tetapi masalah negara. Usaha yang berterusan mesti dilakukan untuk mengatasi masalah ini demi melahirkan generasi berwawasan. Pemuda harapan bangsa, pemudi tiang negara, sewajarnya mengisi minda, mengisi minda mereka dengan berbagai ilmu agar hasrat untuk melahirkan negara yang cemerlang menjadi kenyataan. Sekian, terima kasih Dato' Yang Dipertua.

Y.B. Yang Dipertua Dewan: Terima kasih. Ahli-ahli Yang Berhormat sekalian, sebentar lagi saya akan menangguhkan persidangan kita untuk berehat di waktu tengah hari. Dijemput Yang Amat Berhormat, ahli-ahli Yang Berhormat, ketua-ketua jabatan, wartawan serta hadirin sekalian ke Dewan Serbaguna, Wisma Negeri untuk jamuan makan tengah hari. Dewan disambung semula pada pukul 2:30 petang. Dewan ditangguhkan.

[Persidangan Dewan ditangguhkan pada jam 1:03 petang]

[Persidangan Dewan disambung semula pada jam 2:30 petang]

Setiausaha Dewan: Yang Berhormat Yang Dipertua Dewan.

Y.B. Yang Dipertua Dewan: Ahli-ahli Yang Berhormat sekalian, Dewan bersidang semula. Silakan jika ada ahli-ahli Yang Berhormat ingin berbahas.

Y.B. ADUN Senawang: Dato' Yang Dipertua, terima kasih. Dato' Yang Dipertua, saya ingin mengambil kesempatan ini untuk menjunjung kasih ke atas Duli Yang Maha Mulia Yang di-Pertuan Besar Negeri Sembilan atas titah ucapan baginda merasmikan pembukaan Persidangan Pertama Penggal Keempat, Dewan Undangan Negeri Yang Ke-13 ini.

Dato' Yang Dipertua, bunyi bising kenderaan mengganggu proses pembelajaran murid SJK (Tamil) Ladang Senawang yang terletak di antara Jalan Seremban – Tampin dan menjadi laluan utama. Projek menaik taraf persimpangan Sungai Gadut di bawah Unit Projek Khas Cawangan Jalan yang telah menaik taraf jalan ini pada asalnya berjanji akan memasang sama penghadang bunyi agar tidak mendatangkan kacau ganggu bunyi bising kepada murid sekolah tetapi ianya tidak dilaksanakan. Exco kerajaan ketika itu juga berjanji bahawa aspek keselamatan dan keselesaan pihak awam dan murid akan diambil kira tetapi ianya juga tidak terlaksana.

Jejambat yang dibina sebagai penghadang jalan pula rendah dan ketinggiannya hanya 3 kaki dan tidak boleh menjamin sebarang keselamatan kepada pengguna jalan atau yang meletakkan kenderaan di bawah jejambat. Ia boleh mengundang risiko kemalangan di mana kenderaan terjatuh ke bawah. Pihak berwajib dan pihak JKR seharusnya memainkan peranan penting dalam memastikan bahawa pihak kontraktor telah mene, menepati syarat yang ditepat, ditetapkan ketika kerja-kerja menaik taraf jalan.

Dato' Yang Dipertua, masalah banjir berlumpur yang terus diharungi lebih 22 orang penghuni bukanlah isu baru tetapi sudah bertahun-tahun lamanya ditanggung dan menjadi mangsa keadaan. Isu ini sudah berulang kali di, dibangkitkan dan mungkin sudah jemu untuk didengar tetapi kebijakan penghuni tidak dapat diketepikan begitu saja tanpa mencapai sebarang jalan penyelesaian. Alasan demi alasan terus diterima dari tahun ke tahun tetapi belum ada noktah kesudahan dan penghuni terus menjadi mangsa. Penghuni akan berasa simas [cemas], resah tetapi masa bila saja hujan turun, menanggung risiko kerosakan harta benda, guna tenaga untuk kerja-kerja pembersihan dan sebagainya. Namun sehingga ke hari ini, begi, penghuni terus tera, berharap agar pihak Kerajaan Negeri dan PBT berkaitan dapat mencari jalan penyelesaian yang mereka hadapi secepat yang mungkin.

Dato' Yang Dipertua, papan tanda cadangan bagi menaik taraf longkang dan kerja-kerja berkaitan di Taman Bukit Emas oleh Majlis Perbandaran Seremban di bawah Kejuruteraan Pro Design Engineering Sendirian Berhad dan Tahtiran Enterprise sebagai kontraktor utama telah pun didirikan di mana 21/9/2015 dinyatakan sebagai tarikh milik dapat, tapak dan 7/6/2016 sebagai tarikh siap kerja tetapi projek pe, pe, pelaksanaannya masih terbengkalai sehingga ke hari ini. Status peruntukan 1.8 juta untuk tujuan menaik taraf longkang dan kerja-kerja berkaitan juga masih menjadi tanda tanya. Apakah yang telah terjadi dengan permohonan peruntukan tersebut? Adakah ianya masih belum mendapat kata putus sehingga hari ini daripada pihak

Persekutuan? Adakah nasib penghuni akan terbela dan jalan penyelesaian dapat dicari?

Y.B. Yang Dipertua Dewan: Yang Berhormat, masa.

Y.B. ADUN Senawang: Dato' Yang Dipertua.

Y.B. Yang Dipertua Dewan: Habis.

Y.B. ADUN Senawang: Lagi 2 *point* juga ada. Okay

Y.B. Yang Dipertua Dewan: Sebut *point* saja.

Y.B. ADUN Senawang: mintak tolong

Y.B. Yang Dipertua Dewan: Sebut *point* saja. Tak payah cakap, baca ya.

Y.B. ADUN Senawang: 2.

Y.B. Yang Dipertua Dewan: Sebut *point* saja.

Y.B. ADUN Senawang: 2 *paper* haa.

Y.B. Yang Dipertua Dewan: *Point* satu.

Y.B. ADUN Senawang: Haa okay, terima kasih. Dato' Yang Dipertua, walau apa pun pihak Kerajaan Negeri, MPS, PBT atau pihak berkaitan perlu memikirkan satu jalan penyelesaian walaupun langkah jangka pendek bagi membesar dan mendalamkan longkang sedia ada serta mebersihkan setiap aluran longkang yang tersumbat agar aliran air takungan dan air yang mengalir dapat berjalan lancar. Kerja-kerja membersihan berkala, pengawasan rapi tersedia menghadapi sebarang kemungkinan perlu diambil kira dan dilaksana segera jika cadangan

menaik taraf longkang dan kerja-kerja berkaitan tidak dapat dilakukan pada masa terdekat ini. Dan peruntukan menjadi persoalan. Kebajikan penghuni tidak dapat diketepikan begitu saja. Ke, kaedah lain adalah strategi langkah penyelesaian lain perlu difikirkan dan dilaksanakan segera agar penghuni tidak terus terusan menjadi mangsa keadaan.

Dato' Yang Dipertua

Y.B. Yang Dipertua Dewan: Terima kasih YB.

Y.B. ADUN Senawang: Lagi satu *point* juga. Lampu jalan tapak pasar malam. Dato' Yang Dipertua, lampu jalan yang sering rosak dan tidak berfungsi di tapak pasar malam Seremban Jaya bukan sahaja menem, nimbulkan masalah kepada para peniaga tetapi juga kepada pihak awam. Pasar malam di tapak ini diadakan 2 kali seminggu iaitu pada hari Isnin dan Jumaat. Dan menjadi tumpuan orang ramai. Aduan kerosakan sering diterima dan disalurkan kepada Majlis Perbandaran Nilai untuk tindakan susulan. Kerja-kerja baik pulih pulak kerap juga dilakukan tetapi punca sebenar kerosakan saja yang masih belum dikesan. PBT berkaitan seharusnya lebih peka dan dapat mencari serta mengenal pasti apakah punca kerosakan ini dan mengapakah ia kerap berulang.

Dato' Yang Dipertua.

Y.B. Yang Dipertua Dewan: Terima kasih.

Y.B. ADUN Senawang: Lagi satu juga ada. Ni, ni, satu. Haa okay, boleh, boleh. Okay, satu juga ada.

Y.B. Yang Dipertua Dewan: Terima kasih.

Y.B. ADUN Senawang: Terima kasih Dato' Yang Dipertua. Okay, Dato' Yang Dipertua, padang awam

Y.B. Yang Dipertua Dewan: Eh, tak boleh sambung. Masa sudah habis, terima kasih.

Y.B. ADUN Senawang: Terima kasih Dato' Yang Dipertua, terima kasih. 2008 hingga 2016, ini kali kali saya ada bangkit masalah ni Taman Bukit Emas. Kali ini saya mintak tolonglah Dato' Yang Dipertua, dan ADUN Kawasan Rantau; Yang Amat Berhormat Menteri Besar, sudah banyak kali saya sudah bangkit dalam Dewan mulia ini, kali ini saya mintak tolonglah. Okay, terima kasih, terima kasih.

Y.B. Yang Dipertua Dewan: Silakan.

Y.B. ADUN Rahang: Terima kasih Dato' Yang Dipertua, saya ingin mengambil kesempatan ini untuk menjunjung kasih Ke Bawah Duli Yang Maha Mulia Yang di-Pertuan Besar Negeri Sembilan atas titah ucapan baginda bagi merasmikan pembukaan Penggal Keempat, Dewan Undangan Negeri Yang Ke-13.

Dato' Yang Dipertua, kerajaan pur, perlu lebih berkesan terhadap aduan yang telah dibuat oleh pengadu dan orang ramai. Kerajaan seharusnya mengambil tindakan yang segera terhadap semua aduan yang dibuat tidak kira oleh wakil rakyat atau orang ramai. Sebagai satu kerajaan yang prihatin terhadap rakyat, tindakan yang segera diambil bukan saja dapat menjamin keselesaan rakyat malah dia juga menjaga imej kerajaan. Aduan jalan lubang, jalan berlubang, longkang pecah dan lain-lain sering diabaikan atau lambat diambil tindakan oleh pihak kerajaan.

Sebagai contoh, laluan pejalan kaki di hadapan QQ Food Court di Jalan Rasah telah lama ianya runtuh dan termuncul satu lubang yang besar tetapi masih tiada sebarang tindakan diambil oleh kerajaan. Oleh kerana kelewatan dan pengabaian dalam perkara ini, lubang di laluan pejalan kaki tersebut adalah hampir, adalah lebih dari 4 kaki lebar. Laluan pejalan kaki tersebut merupakan lorong yang utama bagi penduduk sekitar pejalan kaki tersebut ke Masjid Rasah untuk sembahyang. Beberapa kemalangan iaitu pejalan kaki jatuh ke dalam long, lubang tersebut. Kerajaan perlu mengambil tindakan yang segera terhadap perkara tersebut termasuk penutup longkang yang hilang atau rosak.

Dato' Yang Dipertua, tanah runtuh kecil telah berlaku di Jalan Tok Ungku berapa bulan yang lepas. Tanah dan batu terjatuh ke dalam longkang telah menyebabkan longkang tersebut tersumbat. Walaupun tanah runtuh adalah kecil, tetapi pihak berkenaan langsung tidak mengambil peduli terhadap perkara tersebut. Sekarang telah masuk ke musim hujan. Tanah runtuh kecil ini akan menyebabkan banjir kilat berlaku di sekitar Jalan Tok Ungku terutamanya di Kampung Singh.

Banjir kilat yang sering berlaku adalah disebabkan oleh perkara-perkara yang kecil semua ini. Kerajaan selalu mengabaikan aduan seperti ini dan hanya mengambil tindakan selepas perkara kecil ini dijadikan perkara yang lebih serius. Sebagai satu kerajaan yang bertanggungjawab, perkara seperti ini tidak harusnya berlaku.

Dato' Yang Dipertua, saya ucapkan terima kasih kepada ADUN Rantau kerana menjawab soalan masalah perjudian siber. Saya juga menyokong cadangan ADUN Chennah bahawa pihak berkuasa perlu mengambil tindakan tegas terhadap, terhadap tuan punya pusat hiburan keluarga dan kafe dengan segera. Penangkapan pemain judi tidak akan menyelesaikan dan menghangpuskan, menghapuskan keja, keja, perjudian ter, yang tersebut. Di Negeri Sembilan, kian berles, berleluasa dan tindakan perlu diambil dengan segera terhadap perte, perkara tersebut. Pusat judi di Negeri Sembilan telah menjadi macam 7-Elevent. Ianya terdapat di mana-mana tempat tidak kira di pusat bandar ataupun dalam kampung-kampung.

Masalah pusat ini boleh memusnahkan satu keluarga yang bahagia. Dan kami berharap pihak kerajaan dapat melakukan sesuatu untuk membanteraskan pusat judi ini. Saya ada menerima beberapa aduan mengenai perkara ini dari isteri-isteri di mana suami mereka sentiasa berada di pusat perjudian telah menjadi kesat dan ganas. Dan juga, tabiat ini, tabiat ini menyebabkan masalah kewangan dan kini dengan kos hidupan yang tinggi. Kerana keganasan ini, pihak berkenaan mesti ambilkan tindakan serius mengenai perkara ini.

Dato' Yang Dipertua, pada masa ini wanita masih tidak dapat lari daripada isu-isu mendasak seperti keganasan rumah tangga, pemerdagangan manusia, gejala pembuangan bayi dan sebagainya. Gadis-gadis muda di sekolah mudah terpengaruh dan sentiasa mengambil kesempatan dalam pelbagai cara. Untuk mencegah kes-kes seperti ini berlaku, kerajaan perlu menambah fokus terhadap mereka yang masih sekolah. Memberi informasi kepada mereka di sekolah dan bukan hanya memberi informasi kepada golongan wanita yang sudah beker, yang sudah bekerja atau berumah tangga. Selain daripada tu, kerajaan juga seharusnya mengambil perhatian terhadap kes keganasan di sekolah.

Remaja-remaja yang masih bersekolah perlu dijauhi dengan kegiatan gangster. Kerajaan perlu menjamin keselamatan pelajar di sekolah dan memastikan gangster tidak dapat mencu, menceburikan kegiatan mereka ke dalam sekolah dan mengancam keselamatan budak sekolah.

Y.B. Yang Dipertua Dewan: Yang Berhormat, masa mencemburui kita.

Y.B. ADUN Rahang: What?

Y.B. Yang Dipertua Dewan: Maksudnya, suruh berhenti.

Y.B. ADUN Rahang: Okay. Okay, saya gulung, okay. Saya dengan ini menyongkong, menyokong usul menjunjung kasih atas titah ucapan Duli Yang Maha Mulia Yang di-Pertuan Besar.

Y.B. Yang Dipertua Dewan: Terima kasih Yang Berhormat.

Y.B. ADUN Chuah: Dato' Yang Dipertua, terima kasih memberi kesempatan mengizinkan saya menjunjung kasih atas titah ucapan Duli Yang Maha Mulia Yang di-Pertuan Besar Negeri Sembilan Darul Khusus; Tuanku Muhriz ibni Almarhum Tuanku Munawir di istiadat Pembukaan Persidangan Pertama Penggal Keempat, Dewan Undangan Negeri Yang Ke-13 Negeri Sembilan Darul Khusus.

Dato' Yang Dipertua, saya petik dari titah ucapan baginda berkata Pelan Pembangunan Negeri Sembilan Moden 2045 dari aspek fizikal Negeri Sembilan Moden 2045 akan digalakkan melalui tiga aspek utama iaitu pelaksanaan pembangunan di kawasan MVV, dan pembangunan di bandar yang lebih terancang dan pembangunan di luar bandar.

Dato' Yang Dipertua, kita tahu MVV ini memang merangsang untuk meningkatkan ekonomi. Tapi kita jangan lupa jugak di antara luar bandar ataupun bandar yang dinamik untuk bangunkan. Jikalau kita hanya fokus untuk MVV, malangnya jikalau kita lupakan atau pinggirkan luar bandar khususnya di Gemas ataupun mesti ada rancangan ataupun satu *blue print* untuk bangunkan bandar-bandar yang tersebut. Dan juga Dato' Yang Dipertua, MVV ni nampaknya kawasannya amat luas. Dia ada 5 lima zon termasuk penempatan, industri, kawasan hijau dan jugak modal insan, institusi untuk pendidikan.

Dato' Dipertua, jikalau kita tengok MVV untuk pembangunan perumahan di kawasan Nilai atau Seremban, Jimah, adalah satu tempat yang penempatan baru. Ia mengandungi adalah tempat kampung dan jugak berkaitan, bersangkut dengan GSA (Group Settlement Act) [Group Settlement Areas]. Adakah kerajaan buat satu rancangan untuk membangunkan tempat situ dan pelonggaran untuk orang kampung, boleh dapat jual beli tanah tersebut, terikat atas GSA. Kalau tidak, orang kampung jikalau jual pemaju atau JV, malangnya sebab adalah Akta GSA tidak dapat untuk melaksanakan penjualan. Itu satu.

Yang keduanya apabila MVV ini termasuk kawasan saya di Chuah, termasuk Bukit Pelandok, Chuah ataupun Tanah Merah. Adakah apa-apa rancangan untuk bangunkan kawasan tersebut? Ada satu kawasan dia, maksud dia PFA. Dah lama sangat tu, PFA dah wujud, tetapi kegiatan penternakan tu tidak boleh dilaksanakan adalah sebab pemaju ni gagal untuk menyiapkan infrastruktur untuk penternak ni menjalankan tugas-tugas atau aktiviti penternak. Adakah kerajaan boleh buat satu rancangan untuk tempat tu, buat satu aspek ataupun bangunan baru ataupun rancangan baru untuk naikkan kawasan tersebut, nak jadi industri ke atau kawasan perumahan. Jika ada, mintak kerajaan itu nyatakan apa rancangan yang akan datang untuk kawasan yang tersebut untuk kemudahan tuan-tuan punya di tanah lot-lot tersebut tu boleh dimajukan.

Dato' Dipertua, dalam titah ucapan tu, Duli Yang Maha Mulia baginda telah kata, prestasi ekonomi dan kemajuan negeri ini, kewangan negeri ini tidak boleh tergantung atas satu sektor. Maknanya tidak boleh kita tergantung atas sektor perindustrian ataupun perkhidmatan. Tapi kita nampak kita fokus, tekan sangat atas perkhidmatan ataupun perindustrian. Malangnya jikalau kita tengok, jikalau kita hanya untuk satu sektor menjanakan ekonomi negeri itu amat bahaya. Jikalau industri itu bekalan ataupun matawang ataupun *investor* pelaburan asing keluar dari sini maknanya dia akan terjejas dalam ekonomi. Adakah kerajaan buat satu rancangan selain pada sektor industri ataupun perkhidmatan. Mesti jugak ambil perhatian, selain daripada tu pertanian, peladang ataupun penternak akan dibangunkan dengan seimbang. Jikalau tidak ni, pada masa depan jikalau satu sektor ni gagal sekurang-kurangnya ada lain sektor untuk menampung kega, kegiatakan ekonomi.

Dato' Dipertua, di sini jugak kita tengok apabila, yang selalu kita bangunkan satu kawasan, kalau kita tak bangunkan luar kawasan tu, jikalau nak bangun pun sebab pesat. Jadi lalu lintas, infrastruktur jalan raya tu amat penting sekurang-kurangnya pengangkutan awam dari luar bandar ke bandar. So kita tengok banyak kawasan ramainya masih tidak mencukupi pengangkutan awam untuk jalan, datang ke bandar untuk aktiviti ataupun untuk pekerjaan usaha untuk kerajaan ataupun lain-lain. Oleh kerana tu saya mendesak di sini, menyerulah kerajaan untuk memandang serius ada banyak kawasan di luar bandar masih tidak mempunyai pengangkutan awam khususnya bas ataupun teksi. Kalau teksi tu, orang kampung ni tak mampulah, kerja estet.

Dan juga Dato' Yang Dipertua, di kawasan DUN Chuah ni, baru-baru ni sebab Jimah Power sedang buat satu projek meluaskan kawasan, menambahkan jana letrik, malangnya ra, banyak jentera berat khususnya treler, lori masuk jalan kecil di kampung tu. Maknanya itu

pun nampaknya amat membahaya kepada pengguna di kampung situ dan jugak dia akan merosakkan jalan raya di situ. Adakah kerajaan ataupun tempatan mahupun Jabatan Pengangkutan Jalan Raya ataupun JKR, mensekatkan ataupun bagi permit untuk pengguna lori tersebut untuk menjaminkan jalan tu dijaga dan boleh dikawal. Jikalau tidak, sepatutnya sana ada dua simpang, biasa kalau ikut Chuah dia masuk, maknanya dia dekat sedikit, kalau dia ikut atas tu dia melalui Bukit Pelanduk dengan Sungai Nipah, yang amat membahaya, kemungkinan pada masa tu jalan akan rosak dan *maintenance cost* akan tinggi.

Dato' Yang Dipertua, apabila kita katakan kita pembangunan moden, pembangunan bandar, tetapi kita tengok apabila dari Rantau ke Seremban, ataupun dari PD ke mana, maknanya trafik jalan ni dah banyak. So oleh kerana tu, saya menyerulah Kerajaan Negeri ini melebarkan jalan khususnya dari Seremban ke Kuala Sawah ke Rantau sebab kita tengok banyak taman-taman sudah bangun, tapi jalan masih macam tu jugak, kalau malam kedudukan masih gelap, jalan tu tak cukup lebar. Kalau boleh sila ambil perhatian tu, khususnya dari Seremban ke Rantau, jalan tu boleh naik taraf.

Dato' Dipertua, apabila kita petikkan pagi-pagi ini, sahabat saya ADUN Lenggeng, dia kata sebab kita adalah untuk perlumbaan. Dato' Dipertua, kita tengok nampaknya kita ada terlepas pandang untuk institusi Adat Perpatih. Nampaknya kita sepatutnya memantapkan Adat Perpatih inilah ada satu simbolik untuk Negeri Sembilan. Lain-lain tempat, lain-lain negeri tidak ada Adat Perpatih. Oleh kerana tu kita sepatutnya meningkatkan institusi Adat Perpatih. So, itu yang saya menyerukan.

Dan Dato' Yang Dipertua, apabila kita kata bila MVV kita bangunkan, ada satu kawasan untuk meningkatkan penyelidikan institusi. Adakah Kerajaan Negeri ini untuk membangunkan sebuah institusi univesiti untuk negeri sendiri. Jikalau ada, sepatutnya letak di mana yang apanya rancangan tu dan bila akan di menyediakan.

Y.B. Yang Dipertua Dewan: YB, janji. Janji dengan saya.

Y.B. ADUN Chuah: Dato' Dipertua, akhir sekali, saya hanya mintak yang, kawasan yang di DUN Chuah ni, sebab adalah beberapa insiden ataupun selalu *jam* sangat ataupun jalan tu bila Lukut jadi satu sub bandar, orang kata, so, bila melalui Lukut ke *airport* tu agaknya jauh sedikit. Jikalau boleh buatlah satu jambatan dari Kuala Lukut – Chuah ni menyeberang ke Lukut, dia terus sampai ke perumahan PR1MA yang baru ni. Itulah saya mencadangkan atau menyerukan kerajaan

tempatan ni, untuk buat strategi ataupun prihatin dengan itu. Sekian, terima kasih Dato'.

Y.B. Yang Dipertua Dewan: Terima kasih YB. Silakan Mambau.

Y.B. ADUN Mambau: Terima kasih kepada Dato' Yang Dipertuan, Yang Dipertua Dewan kerana memberi peluang kepada saya berbahas usul menjunjung kasih titah ucapan Duli Yang Maha Yang di-Pertuan Besar Negeri Sembilan bagi merasmikan persidangan pada kali ini.

Dato' Yang Dipertua, Duli Yang Maha Yang Mulia Yang di-Pertuan Besar ada menyatakan di perenggan 8, perenggan 8 iaitu Negeri Sembilan kini berada di suatu kedudukan yang membanggakan dengan pembangunan dapat dinak, dima, dinikmati oleh rakyat dalam pelbagai aspeknya. Jadi, pada, pada hari ini ada, saya ada beberapa perkara yang berkaitan dengan ini. Saya akan, saya sentuhkan pada hari ini.

Perkara yang pertama, Dato' Yang Dipertua, berkenaan dengan kemudahan awam iaitu perkhidmatan bas myBAS, perkhidmatan myBAS. Kami memang setuju secara dasarnya perkhidmatan myBAS yang bertujuan untuk perhubungan, menghubungkan kawasan bandar dan luar bandar dengan lebih efisyen melalui jadual masa yang telah ditetapkan agar dapat memberi perkhidmatan yang baik dan selesa kepada orang ramai supaya lebih berulang-alik ke tempat kerja, sekolah dan lokasi yang lain.

Dato' Yang Dipertua, pada dua bulan yang lepas, kami sele, sering menerima aduan daripada penduduk setempat terhadap masalah-masalah yang tertimbul terhadap perkhidmatan bas myBAS ini. Jadi, masalah, di antara masalah pertamanya iaitu pagi ini pun DUN Chennah telah menyatakan bahawa itu perlukan mem, membaiki perkhidmatannya. Dan keduanya, masalah ialah penukaran halawan, penukaran laluan perjalanan bas awam dengan secara tiba-tiba tanpa notis kepada orang ramai.

Dato' Yang Dipertua, di Daerah Seremban cuma ada perkhid, di Daerah Seremban semua ada perkhidmatan bas berhenti-henti yang berjadual di antara taman-taman perumahan. Jadi, ini kita perlu banggakanlah. Penduduk-penduduk, tetapi penduduk-penduduk terpaksa juga menunggu lama untuk mendapatnya. Pada pendapat saya, sepatutnya pihak yang terbabit perlulah ber, mengkaji dengan teliti sebelum melaksanakan jadual penukaran laluan yang baru kerana ini mungkin akan mempengaruhi kehidupan harian penduduk setempat.

Contohnya di kawasan saya, Mambau. Penukaran laluan yang baru ialah dari, yang terkini ialah dari Mambau ke KTM Senawang. Dan ia tidak seperti dulu, dari Mambau terus ke Terminal 1 atau *Terminal 1*, Seremban. Dan ini amat mengelirukan dan mendatangkan kesulitan kepada pelajar sekolah dan penduduk setempatnya. Dato' Yang Dipertua, pihak Kerajaan Negeri harus memberi perhatian dan sentiasa memantau keadaan dan aduan yang tertimbul dari orang awam terhadap perkara ini.

Dato' Yang Dipertua, perkara yang kedua, yang saya ingin bangkitkan dalam dewa, Dewan Yang mulia ini ialah berkenaan dengan penjaja, penjaja makanan dan minuman yang menjalankan urus niaga mereka di tepi jalan utama di taman perumahan. Dan isu masalah ini, Dato' Dipertua, pun telah berkali-kali disuarakan dalam beberapa Persidangan Dewan yang lepas, tetapi nampaknya situasinya masih tidak ada sebarang perubahan. Walaupun pihak MPS dan pihak Jabatan Kesihatan sentiasa ada menjalankan tugas mereka untuk pergi memantau penjaja-penjaja tersebut, tetapi gerai-gerai penjaja masih kekal berke, sampai hari ini. Gerai-gerai penjaja masih kekal berlokasi dan berniaga di tepi jalan utama. Ini seolah, ini ialah soal keselamatan dan kebersihan, Dato' Yang Dipertua.

Dan didapati makin hari makin bertambahkan lagi gerai penjaja-penjaja di tepi jalan. Dan ini mungkin mengakibatkan kesesakan, kesesakan lalu lintas dan keselamatan serta masalah kekotoran, kekotoran makanan dan minuman yang dihidangkan kepada orang ramai. Dato' Yang Dipertua, saya berharap pihak Kerajaan Negeri dapat memberi tumpuan terhadap masalah ini supaya pengguna pastikan atau menentukan satu lokasi tempat yang sesuai dan selamat untuk penjaja mencari rezeki mereka.

Dato' Yang Dipertua, di kawasan Mambau pula, kebanyakan gerai-gerai penjaja ini adalah berlokasi di sekeliling Pasar Awam Taman Rasah Jaya dan Kawasan Perindustrian Ringan Taman Rasah Jaya. Dan saya bercadang supaya semua gerai-gerasi penjaja ini dapat berpindah masuk ke tingkat 1 dan ke tingkat 2 Pasar Awam Taman Rasah Jaya yang tertinggal kosong dan terbiar begitu lama di situ. Saya berharap, saya berharap pihak yang terbabit dapat berbincang dengan pihak pemaju Taman Rasah Jaya supaya membenarkan atau menyewakan lot-lot kedai kepada penjaja di tepi jalan supaya dapat mereka berniaga dalam satu lokasi yang selamat dan selesa.

Dato' Yang Dipertua, dan perkara yang akhir ialah berkenaan dengan satu kes runtuh hakisan tanah di Taman Desa Rasah, Jalan 8, Taman Desa Rasah. Dan hakisan tanah runtuh, masalah, masalah ini telah saya di, saya di, saya telah membangkitkan dan menyuarakan kepada pihak

MPS sejak bulan Disember, 25 haribulan. Tetapi sampai hari ini, saya tengok belum ada apa-apa tindakan diambil. Sebab hakisan tanah runtuh ini makin hari makin sampai ke tebing rumah taman perumahan di sana. Saya harap pihak yang berkenaan akan mempercepatkan atau tender ke, tender atau sebut harga supaya menjalankan, memerlukan pekerjaan tersebut. Terima kasih Dato' Yang Dipertua.

Y.B. Yang Dipertua Dewan: Terima kasih YB. Silakan.

Y.B. ADUN Temiang: Terima kasih kepada Dato' Yang Dipertua Dewan kerana memberi peluang kepada saya berbahas berkenaan dengan usul menjunjung kasih titah yang di duli, titah ucapan Duli Yang Maha Mulia Yang di-Pertuan Besar Negeri Sembilan bagi merasmikan persidangan kali ini.

Dato' Yang Dipertua Dewan, dalam titah ucapan tuanku banyak perkara telah pun disentuh dan merangkumi pelbagai aspek seperti ekonomi, pembangunan, Dasar Jaringan Keselamatan Sosial, pendidikan dan sebagainya bagi memastikan Negeri Sembilan boleh terus bangun dengan pesat dan menghadapi ekonomi global yang tidak menentu ini.

Dato' Yang Dipertua Dewan, seperti yang kita semua tahu Seremban telah diiystiharkan sebagai Bandaraya Seremban. Maka Kerajaan Negeri bercadang bahawa akan membina sebuah bangunan baru setinggi 25 tingkat sebagai bangunan baru untuk pengisytiharan Bandaraya Seremban ini. Maka saya nak tahu apakah rasional pembinaan bangunan baru ini? Ini adalah kerana bangunan lama Majlis Perbandaran Seremban yang sudah, yang masih boleh lagi diguna pakai. Setahu saya beberapa projek naik taraf dan ubah suai bagi bangunan tersebut telah pun dijalankan pada dua tiga tahun yang lepas. Maka saya bercadang kepada Kerajaan Negeri supaya mengkaji semula cadangan membina bangunan baru tersebut.

Saya berasa sekiranya kerajaan mempunyai wang yang berlebih, wang tersebut boleh digunakan untuk melaksanakan program-program kebajikan masyarakat terutamanya kepada warga-warga tua, ibu tunggal dan keluarga miskin. Saya berasa tindakan ini lebih baik dan boleh menunjukkan bahawa Kerajaan Negeri prihatin kepada rakyat. Saya berasa masalah-masalah yat, rakyat dan kebajikan, kebajikan rakyat perlu diutamakan dan bukannya bangunan-bangunan yang mewah ini.

Dato' Yang Dipertua Dewan, perkara seterusnya adalah berkenaan dengan masalah kompaun letak kereta di semua Majlis Perbandaran dan Majlis-Majlis Daerah di Negeri Sembilan. Mengikut jawapan bertulis yang saya terima pada persidangan kali ini, 6 daripada 8 Majlis Perbandaran ataupun Majlis Daerah di Negeri Sembilan semuanya mempunyai amaun tunggakan yang banyak. Saya membawa masalah ini adalah kerana saya mendapat banyak aduan daripada orang ramai bahawa mereka menerima notis daripada, notis tindakan mahkamah daripada Pihak Berkuasa Tempatan mengenai dengan kompaun salah letak kereta di mana kesalahan tersebut berlaku pada 5 dan 6 tahun yang lalu. Ada yang lebih serius berlaku kesalahan tersebut berlaku, berlaku pada 10 tahun yang lalu.

Saya nak tahu apakah sebab utama ambil begitu masa yang lama Pihak Berkuasa Tempatan menghantar notis kepada mereka untuk mereka membayar kompaun tersebut? Ada juga orang ramai, kereta mereka pun sudah dijual. Mereka tak ingat lagi adakah kesalahan itu betul ke ataupun tidak betul. Maka dalam keadaan ini akan menyebabkan rasa tidak puas hati di kalangan orang ramai. Oleh yang, oleh yang demikian, saya bercadang kepada semua mah, Pihak Berkuasa Tempatan perlu mengambil langkah dan bertindak cepat berkenaan dengan isu ini. Seperti AES, kompaun dikeluarkan dalam masa 2 minggu sahaja. Dan orang yang terima kompaun ter, tersebut dia akan pergi bayarlah. So, bukannya menunggu 10 ha, 10 tahun ke 5 tahun ke baru terima notis.

Dato' Yang Dipertua Dewan, perkara yang ke, yang seterusnya adalah berkenaan dengan musim kemarau yang telah melanda Negeri Sembilan akibat musim Monsun Barat Daya sejak awal tahun ini. Maka saya nak tahu adakah semua empangan air di Negeri Sembilan berada di tahap yang mencukupi untuk 3 bulan akan datang? Kerana masalah ini akan berlanjutan sehingga bulan Jun. Apakah rancangan dan pelan tindakan yang telah diambil oleh pihak SAINS? Adakah catuan air akan dijalankan di negeri ini sekiranya keadaan bertambah teruk? Saya berharap pihak Kerajaan Negeri dapat memberi perhatian yang lebih serius kerana bekalan air merupakan sumber utama dan saya berharap masalah ini tidak menjelas, menjelaskan kehidupan rakyat.

Perkara yang seterusnya adalah berkenaan Rumah Seri Kenangan Seremban yang di mana telah ditutup buat masa kini oleh, untuk proses naik taraf. Untuk pengetahuan Dato' Yang Dipertua Dewan, bangunan Rumah Seri Kenangan Seremban bukan sahaja ditutup, malah telah pun dirobohkan semua bangunannya. Hanya tertinggal sebuah bangunan dewan yang telah terbiar dan penuh dengan semak samun. Macam mana, macam kawasan terbiar sahaja. Maka saya nak tanya, bilakan, bilakah bangunan ini akan dibina semula di kawasan tersebut? Bilakah

pusat ini akan ope, beroperasi semula di Negeri Sembilan? Kenapa kawasan itu terbiar sehingga hari ini tanpa sebarang perancangan?

Yang seterusnya adalah berkenaan dengan kaedah pembayaran di untuk, untuk perkhidmatan TNB, SAINS dan TM. Saya bercadang kepada agensi-agensi ini supaya boleh meletakkan lebih banyak lagi mesin kiosk pembayaran di pusat pasar raya seperti di Giant, di Tesco dan disebabkan, dan sebagainya untuk menyenangkan orang ramai untuk membuat bayaran bulanan mereka. Seperti mesin ATM bank, mereka meletakkan mesin-mesin di pusat pasar raya. Ini adalah kerana orang ramai tak perlu lagi pergi ke pusat-pusat agensi ini di mana akan menyebabkan kesesakan lalu lintas dan mungkin disaman kompaun juga. *So*, agensi-agensi ini boleh meletakkan kiosk mesin di pasar raya, orang ramai boleh berkunjung di pasar raya tersebut sambil membuat bayaran mereka. Ini juga boleh memudahkan orang ramai di mana mereka boleh membuat bayaran pada waktu malam untuk mengelakkan kesesakan pada waktu siang.

Dato' Yang Dipertua, Dipertua, perkara seterusnya adalah berkenaan dengan mesin perjudian yang kita telah banyak bangkitkan pada persidangan kali ini. Seperti yang kita tahu, pada pendapat orang ramai, mereka nampak itu *signboard* mereka pun sudah tahu itu adalah mesin ataupun tempat perjudian siber. *So*, saya berharap kerajaan perlulah memandang serius terhadap perkara ini kerana isu ini akan menyebabkan kesejahteraan keluarga akan terjejas *or* banyak perkara masalah sosial akan berlaku. *So*, kita janganlah kita pandang ringan terhadap masalah ini.

Akhirnya saya terimakai, terima kasih terhadap Dato' Yang Dipertua, *thank you*.

Y.B. Yang Dipertua Dewan: Terima kasih YB. Silakan.

Y.B. ADUN Bahau: Terima kasih. Dato' Yang Dipertua, terima kasih kasi peluang untuk mengambil bahagian dalam membahas usul menjunjung kasih Titah Ucapan Diraja.

Terlebih dahulu tahniah kerajaan dalam kalangan pendidikan telah mencapai cemerlang sekali. Dan syabas sekali ADUN ba, Rantau dalam bulan Mei, Februari pun telah menyampaikan lebih kurang 100 ribu untuk Sekolah Tinggi Chung Hwa Seremban. Tapi sekolah ni bukan sekolah kaya, murid dia pun bukan sekolah, kaya jugak. Dan famili dia pun bukan sekolah kaya jugak, yang dinyatakan oleh ADUN

Serting dalam sidang lepas. Ini sudah membuktikan sebagai MB pun mengakukan sekolah mesti dijaga dengan seimbangnya.

Dan sebagai satu orang Exco terutamanya di kalangan pendidikan, saya pun menasihatkanlah, mengingatkan bahawa Serting tadi, persidangan lepas dia tak ada tarik balik. *So*, saya mintak dia tak tarik itu cakap murid-murid dari sekolah, belajar di sekolah tinggi semua dari keluarga kaya direkodkan. Kerana ini kalau seorang pemimpin atau seorang Exco yang bertanggungjawab, dia mesti, mesti bertanggungjawab apa yang dia cakap. Tapi yang dia cakap itu, tak betul. Saya mintak Dewan yang mulia ini rekod apa yang kenyataan dari ADUN Serting. Tapi tak taulah, MB sudah menyokong bahawa sekolah ini kena dibantuan dengan seimbang sekali, ini syabas sekali.

Tuan Yang Dipertua, sebagai RMK Ke-11, kami pun tahu MB atau ADUN Rantau ada satu orang Menteri Besar yang paling berutamakan pendidikan Negeri Sembilan. Tapi malangnya, dalam RMK-11 yang diberitahu persidangan lepas, RMK-11, Kerajaan Negeri mencadangkan membina 22 buah sekolah termasuk sekolah kebangsaan rendah, sekolah menengah kebangsaan, sekolah agama dan satu sekolah jenis kebangsaan Tamil.

Saya metimbulkan isu ini di sini ialah mengingatkan semua orang, pendidikan balikkan pendidikan, jangan politikkan. Pendidikan adalah utama untuk semua kaum, tak kira siapa, orang Melayu pun utamakan pendidikan, orang Cina, orang Tamil juga, orang India pun sama. *So*, kami harap sebagai satu kerajaan yang bertanggungjawab atau seimbang atau menjaga semua kaum rakyat tu mesti jaga semua. Cadangan saja, yang Rantau pun cakap, ini adalah keputusan dari Pusat. Negeri tak ada kuasa untuk buat keputusan. Tapi cadangan utama sekali. Jikalau satu negeri kerajaan ataupun satu MB yang betul-betul berutamakan pendidikan semua kaum tu, sekurang-kurangnya, sekurang-kurangnya cadangan mesti ada dalam RMK-11. Bukan cakap saja. Walaupun ini adalah keputusan dari Pusat, bukan negeri yang yang boleh, boleh, boleh buat putusan tu.

Lagi satu, yang di Bahau tu, Bahau itu IOI, Bandar Baru IOI, tanah rizab sekolah ada 16 ekar, 16 hektar tu. Sama jugak, di persidangan lepas, diberitahu bahawa 16 ekar itu, 5 ekar sudah kasi ke SRJK (Tamil). Yang tinggal itu, jawab tadi, DUN Serting tu, tertinggalkan sekolah Cina. Kami sokong keluasan itu mesti ada sekolah kebangsaan, kami sokong untuk sekolah Tamil, tapi pemberian sana, bukti-bukti yang saya dapat tu, 80 peratusan pemberi itu ada semua kaum Cina, memintak satu sekolah Cina sana, dah lebih tu, mengapa tak ada dalam cadangan. Walaupun ini putusan dari Pusat, kami mintak dan saya cadangkan sebagai satu Kerajaan Negeri yang bertanggungjawab yang

mengutamakan pendidikan, mesti dalam rekod dia cadangkan membina satu sekolah Cina di IOI Bandar Baru itu.

Saya pun menjalankan satu kempen, menandatangani sampai setakat hari ini, pun saya dapat 8,000. Nasib baik sekali dengan syabas sekali yang tandatangan itu, bukan orang Cina saja, orang Melayu, orang kampung Melayu, generasi orang Melayu, orang India pun sama-sama menyokong tandatangan itu. Menunjukkan lagi rasional dari orang politik. Lagi rasional pikiran dia. Mereka cakap apa dengan saya "pendidikan paling utama sekali". So, saya harap jangan politikkan pendidikan khas untuk rakyat semua.

Dato' Yang Dipertua, saya pun sini ingin nak jem, mentimbulkan satu isu lagi iaitu tapak pencucian pasir. Ini di Sungai Muar, kawasan saya, Sungai Muar. Tapi tapak cucian itu, bukan kawasan sayalah. Yang saya masuk kawasan Juasseh, jiran saya. Nampak ni kerana SAINS mendan, mengangkat air dari Sungai Muar. Satu saja sungai itu khas untuk satu bandar Bahau. Lojinya dekat dengan Sungai Muar dan dekat dengan Juasseh sekali. Tapi saya nak tau, berapa tapak cuci pasir ada sana. Saya sendiri pergi melawat tu, yang diberitahu tu, Sungai Muar tu, tak tahu berapalah. Saya harap kerajaan bolehkah jawab sikit, dan apa akibat dia. Ataukah itu tapak mencuci pasir sungai itu atau mencuci itu akan mencemarkan sungai. Kerana air yang angkat dari sungai itu ialah bekalan untuk satu town atau termasuk Jempol, air minuman. Ini mesti satu siasat dengan profesional sekali. Kerja-kerja atau pencuci pasir itu bolehkah tak boleh? Rakyat punya kesihatan, airnya kualiti, akan effect-kah, dengan izin dia. Ini harap SAINS atau bahagian yang tertentu mesti kaji betul-betul.

Dato' Yang Dipertua, sini pun nak bangkit lagi, sama jugak, mesin judi. Di Bahau jugak. Bukan, erti cakap, semua ADUN kalau sama-sama sekali membunyikan judi mesin, itulah masalah utama sekali. Bahau punya bukak-tutup, tutup-bukak, bukak-tutup, masuk pintu belakang, haa Nilai cakap. Tapi, masuk pintu belakang, dia sama bisnes. Bukan orang budak Melayu saja, bukan orang budak Cina atau Tamil saja, OCPD Jempol pun beritahu dia ni sampai mas, kes jenayah sudah menambah, kalau tak salah saya menambah 10 percent. Apa akibat dia, kerana masuk judi. Exco Jalaluddin, pun cakap ni, kalau dia rugi, kalau dia sudah kalah, mana pergi. Pertama sekali curi rumah, lepas tu curi jiran, atau mungkin sampai Speaker punya rumah pun masuk.

Y.B. Yang Dipertua Dewan: Yang Berhormat.

Y.B. ADUN Bahau: Haa?

Y.B. Yang Dipertua Dewan: Rumah Speaker jangan masuk.

Y.B. ADUN Bahau: Yelah, jangan masuk. Dia masuk, dia hormat *you* saja

Y.B. Yang Dipertua Dewan: Yang Berhormat jangan

Y.B. ADUN Bahau: beli laluan.

Y.B. Yang Dipertua Dewan: Yang Berhormat jangan cadang pulak yang masuk rumah Speaker ni kenapa? Masuk rumah Yang Berhormat dulu.

Y.B. ADUN Bahau: Okay. Contoh saja, *sorry*.

Y.B. Yang Dipertua Dewan: Dan masa dah tamat Yang Berhormat.

Y.B. ADUN Bahau: Okay, *last* sekali. Dato' Yang Dipertua, sini nak timbul satu lagi ialah tu, masalah itu Bahau itu, sama jugak itu. Sistem perparitan. Sistem perparitan sejak 3 tahun lepas, saya berulang-ulang lagi, tapi di Dewan yang mulia ini sudah diberitahu sistem perparitan kurang profesional. DUN Rantau pun sudah jawab tu bahawa dulunya projek dengan projek baru dengan projek lama tak seimbang tu. Jadi, menjadikan longkang besar sambung longkang kecil. *So*, saya harap ni mesti satu sekurang-kurangnya tu ada satu peta sistem perparitan yang sempurna tu boleh mengatasikan utama banjir kilat. Sama jugak bukan kawasan Bahau saja, utamakan semua kawasan tapi malang diberitahu kami mintak satu peta satu, sistem perparitan tak ada. Kami harap satu kerajaan ini *simple* saja, buat satu peta sistem perparitan, belajar dari tu, mengatasikan masalah lagi senang dan cepat dan bercekap lagi. *So*, itu saja, Tuan Yang Dipertua, terima kasih.

Y.B. Yang Dipertua Dewan: Terima kasih.

Y.B. ADUN Lobak: Terima kasih Yang Berhormat Dato' Yang Dipertua, kerana memberi peluang kepada Lobak untuk mengambil kesempatan ini untuk menjunjung kasih ke atas Duli Yang Maha Mulia Yang di-

Pertuan Besar Negeri Sembilan dalam titah ucapan baginda dalam merasmikan Persidangan Pertama Penggal Keempat, Dewan Undangan Negeri Ke-13 Negeri Sembilan Darul Khusus.

Dalam, Dato' Yang Dipertua, dalam titah ucapan baginda dalam perenggan 30, menyentuh isu keselamatan. Dalam titah baginda juga mengatakan jenayah indeks di Negeri Sembilan pada tahun 2015 telah menurun jika diperbandingkan dengan jenayah indeks pada tahun 2014. Akan tetapi kebelakangan ini terdapat banyak kes-kes jenayah pecah cermin kenderaan berlaku di kawasan DUN Lobak. Dan barang-barangan yang berharga di dalam telah dicuri terutamanya berlaku pada waktu malam. Ini kerap berlaku di hadapan dan belakang pusat perkhidmatan DUN Lobak dan Parlimen Seremban, Jalan Tuanku Munawir berdekatan dengan pusat penjaja dan medan se, se, medan makanan Jalan Lobak.

Banyak laporan polis telah dibuat oleh mangsa tetapi kes sebegini masih berlaku lagi dan juga banyak aduan telah dibuat kepada saya dengan melampirkan dengan laporan polis. Saya telah memaklumkan perkara ini secara bertulis kepada OCPD, Ketua Polis Daerah pada bulan lepas dan memohon agar pihak polis lebih membuat rondaan di kawasan tersebut. Jika perlu sekatan jalan raya diadakan pada waktu malam.

Dato' Yang Dipertua, isu yang ingin saya juga sentuh ialah mengenai perjudian siber haram semakin berkembang pesat di Seremban. Undang-undang seperti Enakmen Hiburan tidak cukup ketat, hukuman beratnya juga tidak setimpal, cuma menjatuhkan hukuman denda sahaja. Penganjur judi siber haram akan membukak semula selepas selepas membayar denda. Saya pohon supaya hukuman yang lebih berat dan hukuman penjara ke atas mereka yang langgar undang-undang siber haram.

Pada tahun 2015, Yang Amat Berhormat Menteri Besar Rantau juga menyatakan beliau ingin, ingin menubuhkan satu jawatankuasa khas untuk membanteras aktiviti judi haram siber. Apakah status jawatankuasa khas tersebut? Saya berharap Yang Amat Berhormat Menteri Besar Rantau membuat laporan mengenai jawatankuasa tersebut. Saya berharap tindakan yang tegas juga dibuat di, terhadap kepada mereka yang juga tiada mempunyai lesen. Saya juga cadang pemilik *premises* yang menyewa premis kepada pihak penganjur yang menjalankan aktiviti judi haram, siber haram dihukum dengan denda yang berat pada kali pertama. Dan kali kesalahan kedua, dimandatorikan hukuman penjara agar pemilik premis tidak akan menyewakan kepada penganjur tersebut lagi.

Dato' Yang Dipertua, isu yang seterusnya yang saya ingin bangkitkan di sini ialah tentang pendaftaran hak milik strata. Pendaftaran hak milik strata ini telah dikuatkuaskan baru-baru ini. Akan tetapi banyak lagi juga kelemahan-kelemahan di mana Kerajaan Negeri harus mengambil perhatian. Antara yang lain ialah flat-flat apartmen yang telah lama disiap berpuluhan-puluhan tahun yang lalu tapi pengadu tersebut telah bankrap atau telah gulung. Dalam Bahasa Inggeris, dengan izin, *winding up*. Pemaju tersebut langsung tidak ambil peduli tanggungjawab mereka walaupun perjanjian jual beli telah ditandatangani dan ada terma-terma yang mewajibkan pemaju memohon hak milik geran strata atas kosnya sendiri dan menyerahkan kepada pemilik flat-flat tersebut.

Saya cadangkan supaya dalam keadaan ini, Kerajaan Negeri harusnya mengambil langkah-langkah inisiatif, atau mengambil alih tugas dan peranan pemaju tanah yang sudah bankrap atau gulung supaya memohon hak milik geran strata bagi pihak pembeli terutamanya flat-flat di DUN Lobak dengan cajkan bayaran minimum sahaja. Bagi projek-projek yang baru, kebiasaannya geran hak milik strata diberi kemudian selepas pembeli mendapatkan kunci bagi flat-flat mereka.

Saya cadang supaya geran hak milik strata mestilah dikeluarkan dengan serta merta sebaik sahaja pembeli flat-flat tersebut mendapat kunci unit masing-masing atau *vacant possession*, dengan izin. Inilah untuk mengelakkan syarikat pemaju bankrap dan memastikan geran hak milik strata diperolehi dulu sebelum apa-apa terjadi kepada syarikat pemaju tersebut.

Saya juga cadang kepada Kerajaan Negeri supaya mengambil langkah inisiatif untuk menjadikan lif-lif dan kemudahan asas atau menggazetkan lif-lif dan kemudahan asas di projek perumahan kos rendah sebagai *infrastructure* atau aset kerajaan melalui kaedah pajakan dan diinsuranskan untuk mengurangkan beban pembeli yang tidak mampu membayai kos penyelenggaran lif dan kemudahan asas tersebut yang sangat tinggi kerana banyak masalah ini berpunca daripada *vandalism*, terhadap lif-lif dan kemudahan-kemudahan asas tersebut.

Isu yang saya ingin bangkitkan ialah tentang isu permohonan kepada Jabatan Kebajikan Masyarakat. Peranan utama di, Jabatan Kebajikan Masyarakat ditubuhkan ialah untuk memastikan golongan yang kurang berkemampuan dapat menikmati keperluan asas yang sama dengan individu yang lain dalam masyarakat. Di dalam pusat perkhidmatan saya, ada membantu penduduk-penduduk dari DUN Lobak untuk mengisikan borang dan hantar kepada Jabatan Kebajikan Masyarakat.

Kebanyakan permohonan adalah ditolak sedangkan segala permohonan adalah lengkap dan teratur. Antara lain, alasan-alasan yang diberikan oleh Jabatan Kebajikan Masyarakat adalah tidak, tidak dapat diterima oleh rakyat. Antara yang lain, alasan yang diberikan adalah penama berkeupayaan bekerja dan juga penama memberi sumbangan daripada adik-beradik dan ahli-ahli keluarga yang lain. Sebenarnya penama adalah pesakit dan mempunyai penyakit darah tinggi, kencing manis, di mana mereka tidak berupaya bekerja lagi. Dan alasan kadang, ahli keluarga dan adik-beradik tidak memberi bantuan kewangan kepada mereka. Saya pohon agar Jabatan Kebajikan Masyarakat lebih longgar sedikit terdapat permohonan terutamanya golongan yang tua dan juga berpenyakit. Dan juga mempercepatkan permohonan mereka.

Isu yang seterusnya Dato' Dipertua yang ingin saya bangkitkan ialah mengenai jalan yang berlubang di sepanjang Jalan Lobak. Terdapat banyak jalan berlubang di Jalan Lobak dan mengakibatkan banyak kes kemalangan jalan raya berlaku di sana terutamanya waktu malam. Banyak aduan telah dibuat kepada pihak PBT, MPS tetapi tindakan yana diambil adalah lambat sehingga tiga empat minggu dari tarikh aduan barulah pekerja MPS menampal lubang jalan raya di sana. Saya berharap pihak MPS memohon peruntukan daripada MARRIS bagi menurap semula jalan raya sepanjang Jalan Lobak melalui dari Taman Permata hingga ke simpang Jalan Templer. Sekian, terima kasih.

Y.B. Yang Dipertua Dewan: Terima kasih YB. Seterusnya.

Y.B. ADUN Nilai: Terima kasih Dato' Yang Dipertua, untuk memberikan, untuk, untuk membenarkan saya mengambil bahagian dalam perbahasan menjunjung kasih Ke Bawah Duli Yang Maha Mulia Yang di-Pertuan Besar Negeri Sembilan atas titah ucapan semalam.

Dato' Yang Dipertua, dalam ucapan, dalam titah ucapan Yang di-Pertuan Besar telah menyatakan bahawa Perlembagaan Persekutuan menyatakan bahawa Agama Islam adalah agama rasmi Persekutuan dan di, di Negeri Sembilan, tanpa menghalang amalan oleh penganut agama-agama lain. Isu yang saya ingin saya bangkitkan adalah rentetan daripada jawap, soalan lisan saya pada hari ini iaitu berkaitan dengan Tabung Amanah Perkuburan MPN dan MPS. Mengi, mengikut data ataupun statistik yang diberikan oleh Exco sebentar tadi iaitu telah mengutip 4.5 juta daripada tahun 2012 hingga tahun 2015.

Untuk masyarakat ataupun tanah-tanah perkuburan Islam, selalunya akan diuruskan oleh masjid dan juga di bawah Jabatan Agama Islam

ataupun Majlis Agama Islam Negeri Sembilan. Tetapi untuk kubur, tanah-tanah perkuburan untuk beragama Hindu, Kristian dan juga masyarakat Cina, tidak ada sebarang bantuan ataupun peruntukan diberikan kepada tanah-tanah perkuburan tersebut. Oleh itu, saya ingin mengambil kesempatan ini untuk meminta, meminta kepada Kerajaan Negeri jika tidak ada sebarang, sebarang perancangan untuk mewartakan ataupun merizabkan serta membuat satu infrastruktur baru di tanah-tanah perkuburan tersebut, saya berharap Kerajaan Negeri dapat membantu ataupun memberikan sedikit pertolongan ataupun dana kepada tanah-tanah perkuburan yang di, yang didaftarkan untuk membuat ataupun untuk menaik taraf tanah-tanah perkuburan tersebut daripada terus dijadikan sebagai tempat semak ataupun tanpa pengawasan. Ini adalah satu permintaan daripada saya.

Dan juga saya juga ingin mendapatkan penjelasan daripada Kerajaan Negeri bahawa sebentar ta, tadi per, YB Pertang telah membangkitkan bahawa semua projek-projek besar perlu merizabkan sebahagian tanah untuk tanah perkuburan. So, jika kita lihat di Negeri Sembilan, akhir-akhir ini ada banyak projek besar seperti Bandar Baru Sendayan, Bandar Enstek, Seremban 2 dan juga banyak lagi. Adakah semua tempat-tempat ataupun projek-projek perumahan besar ini ada, telah mewartakan rizab tanah-tanah perkuburan di setiap kawasan tersebut? Itu adalah satu persoalan daripada saya.

Dan seterusnya adalah berkaitan da, dengan perkhidmatan iaitu perkhidmatan yang terbaik kepada rakyat. Perkhidmatan yang saya ingin membawa kepada sidang ini adalah berkaitan dengan telekomunikasi. Iaitu di beberapa kawasan di Nilai seperti Desa Jasmin, Desa Cempaka, Putra Nilai dan juga sebahagian kawasan daripada Bandar Baru Nilai, syarikat telekomunikasi yang diberikan kebenaran untuk memberikan telekomunikasi ataupun perkhidmatan telekom adalah syarikat Maxis. Syarikat Maxis adalah hanya syarikat tunggal yang diberikan kebenaran untuk membekalkan talian tetap kepada rumah-rumah di kawasan tersebut

Sejak akhir-akhir ini banyak masalah timbul akibat perkhidmatan yang tidak begitu efisyen daripada syarikat Maxis. Contohnya semasa mereka berada di luar, mereka boleh menggunakan talian tersebut, tapi masuk dalam rumah, sudah tiada talian. Itu adalah satu perkara yang sangat besar ataupun yang, masalah yang besar yang dihadapi oleh banyak penduduk di situ. Yang, yang paling buruk adalah perniagaan-perniagaan ataupun syarikat dan juga kedai-kedai yang beroperasi yang bergantung kepada internet, kelajuan internet ini.

So, setahu, setahu hari ini, perkhidmatan yang diberikan oleh Telekom Malaysia adalah lebih baik berbanding dengan syarikat-syarikat lain

dalam bidang talian tetap ini. So saya juga ingin menyeru kepada Kerajaan Negeri bahawa kelulusan yang diberikan oleh, kepada syarikat-syarikat Maxis, jika terdapat keperluan dan juga jika mereka tidak mahu mengambil sebarang tindakan penambahbaikan, saya harap Kerajaan Negeri dapat memberikan peluang ataupun kelulusan kepada Syarikat Telekom Malaysia untuk memberikan bekalan telekomunikasi yang lebih baik, yang lebih laju berbanding dengan syarikat-syarikat lain.

Saya juga ingin meminta kepada Telekom Malaysia, di mana di kawasan Nilai 3 adalah kebanyakannya adalah syarikat-syarikat besar, kilang-kilang besar. Tetapi kelajuan yang diberikan oleh Telekom Malaysia di kawasan Nilai 3 itu adalah sangat terlalu rendah berbanding dengan kawasan-kawasan lain. Oleh itu saya juga menyeru kepada Telekom Malaysia untuk menambah baik ataupun menambahkan kelajuan di kawasan Nilai, perindustrian Nilai 3.

Isu seterusnya adalah perkhidmatan daripada Jabatan Kesihatan. Iaitu sebelum ini dalam Dewan yang mulia ini pun saya telah membangkitkan bahawa perkhidmatan ambulans adalah satu perkhidmatan yang amat penting kerana ia melibatkan nyawa rakyat. Di kebanyakan kawasan ataupun klinik-klinik kesihatan yang berada di luar bandar ataupun di, jauh daripada hospital, seperti di kawasan ni, Nilai, Mantin, Lenggeng, Labu memerlukan sekurang-kurangnya dua perkhidmatan ambulans. Jika satu ambulans telah menghantar pesakit ke hospital, ada lagi satu ambulans yang boleh membawa pesakit ataupun mangsa lain.

Tetapi saya ingin juga merujuk kepada satu masalah yang berlaku dalam seminggu ini, di Klinik Kesihatan Mantin. Sudah satu minggu tidak ada perkhidmatan ambulans. Lepas tu digantikan dengan satu ambulans daripada Klinik Kesihatan Lenggeng. Dan perkara ini berlangsung ataupun berlarutan setiap kali. So harap untuk apa, untuk menyelesaikan masalah ini, sekurang-kurangnya klinik-klinik, klinik-klinik kesihatan yang terletak jauh dari hospital perlu ada dua perkhidmatan ambulans untuk menjaga, untuk memberikan keutamaan kepada nyawa rakyat.

Selain itu, Klinik Kesihatan Nilai. Iaitu dalam Dewan yang mulia ini, saya telah membangkitkan hampir 3 kali, ini ialah kali ketiga iaitu berkaitan dengan Klinik Kesihatan Nilai di mana pada masa ini klinik kesihatan itu beroperasi di deretan kedai di Nilai Square ataupun Nilai 1. Dan banyak masalah telah berlaku. Dan pada tahun 2014, saya telah bangkitkan dan, saya telah menjawap, mendapat jawapan dalam Dewan Undangan Negeri ini iaitu Ringgit Malaysia 26 juta telah diperuntukkan untuk membina Klinik Kesihatan Nilai di tapak lama

Pekan Lama Nilai dan dalam proses tender. Dan hari ini, saya juga telah mendapat jawapan iaitu, itu tahun 2014, dan tahun 2016 saya telah mendapat jawapan yang sama iaitu cadangan pembinaan Klinik Kesihatan Jenis KK3 Nilai telah ditender pada bulan Disember 2015 dan masih dalam proses perolehan di JKR. Dan pembinaan dijangka akan dapat dimulakan pada pertengahan tahun 2016. Oleh itu saya harap, pada persidangan akan datang, harap masalah seperti ini tidak akan wujud. Dan kita harap seperti mana yang dirancang, dapat dimulakan se, secepat mungkin untuk memberikan satu perkhidmatan kesihatan yang terbaik kepada semua rakyat di kawasan Nilai.

Dato' Yang Dipertua, isu yang seterusnya adalah berkaitan dengan persimpangan Taman Semarak 1 Nilai, iaitu di hadapan stesen Petronas di mana persimpangan tersebut adalah satu persimpangan yang sangat berbahaya. Dan saya juga telah mendapat satu jawapan bertulis pada bulan, pada bulan, pada Persidangan Dewan Undangan Negeri Disember 2014, maklum balas pihak JKR telah membuat kajian dan permohonan peruntukan bagi pembinaan persimpangan lampu isyarat telah dihantar ke Kementerian Kerja Raya untuk kelulusan peruntukan. Tetapi hampir selepas 2 tahun, belum ada lagi apa-apa tindakan diambil. Dan juga dalam masa dua tahun ini, setahu saya telah berlaku dua kemalangan maut dan juga setiap minggu ada kemalangan di persimpangan tersebut. Dan yang terbarunya pada minggu lepas, ada 2 kemalangan dalam hari yang sama kerana persimpangan itu adalah jalan pintas ke Lebuhraya Utara Selatan (PLUS), dan juga banyak kenderaan kontena menggunakan jalan tersebut untuk pergi ke Lebuhraya PLUS.

Dato' Yang Dipertua, ada 2 lagi isu. Iaitu pengoperasian lori-lori membawa muatan kuari yang di, yang tidak diberi kebenaran untuk beroperasi pada Sabtu setiap minggu di Negeri Sembilan. Dan keadaan tersebut telah memberikan banyak masalah kepada pemandu-pemandu kenderaan kerana jika sehari dalam satu minggu tidak diberikan kebenaran ataupun untuk membawa muatan kuari, sekurang-kurangnya 5 ataupun 600.00 ringgit setiap bulan pemandu-pemandu itu akan kekurangan pendapatan mereka. So ini adalah satu isu yang besar kepada pemandu-pemandu lori.

Dan juga saya juga telah difahamkan oleh beberapa pemandu lori bahawa kebenaran itu telah diberikan semula pada hari Sabtu sehingga 2:00 petang. Jika ia adalah betul, saya menyambut baik keputusan tersebut supaya, sehingga 2:00 petang, masih kita boleh harapkan tidak ada, tidak ada perbezaan pendapatan yang, keturunan pendapatan yang terlalu tinggi seperti sebelum ini. So saya ingin mendapatkan penjelasan daripada Kerajaan Negeri, adakah ia betul akan diberi

kebenaran atau telah diberi kebenaran sehingga 2:00 petang setiap hari Sabtu.

Isu terakhir adalah bayaran lesen mengutip hasil TOL iaitu yang di, rentetan daripada jawapan lisan saya jugak. Iaitu saya di sini ingin menyatakan bahawa pengusaha-pengusaha kebun-kebun buah-buahan itu adalah bukan pengusaha haram. Pengusaha ataupun pemilik yang mendapat kelulusan sebelum ini iaitu mereka mempunyai Lesen Pendudukan Sementera ataupun TOL, bukan haram. So sebelum ini mereka membayar lesen TOL itu mengikut keluasan tanah. Saya ingin memberikan satu contoh iaitu se, sebidang tanah mereka membayar 500.00 ringgit, 550.00 ringgit untuk sebidang tanah untuk, sebagai lesen untuk mengutip hasil buah-buahan ataupun hasil buah durian.

Tetapi selepas kaedah baru iaitu pengutipan mengikut bilangan pokok iaitu tempat itu ada 50 pokok, jika dikenakan 50.00 ringgit, sudah menjadi 2,500.00 ringgit iaitu 5 kali ganda lebih daripada yang sebelum mereka bayar. Mereka ni bukan haram. Mereka telah bayar dan saya yang maksudkan tu pun orang-orang yang ada lesen, bukan orang-orang yang bertindak secara haram. Oleh itu, jika kerajaan masih lagi mahu mengekalkan kaedah mengikut pokok, 50.00 ringgit itu adalah satu amaun yang sangat terlalu tinggi.

Seperti mana yang dikatakan tadi oleh ADUN Rantau sebentar tadi, 5.00 ringgit atau 10.00 ringgit adalah sesuatu yang berpatutan. Dan jika kira, kita kira mengambil kawasan se, sebelum ini pun, lebih kurang dalam 500.00 ringgit begitu jugak. So saya mengharap amaun untuk dikira ikut pokok itu perlu dikurangkan sehingga 10.00 ringgit untuk membolehkan semua pengusaha-pengusaha ini membayar lesen tersebut setiap tahun.

Dan juga, lesen itu adalah lesen mengutip hasil. Tetapi kiraan tersebut juga telah dilakukan mengikut semua pokok. Pokok yang ada hasil pun dikira, pokok yang hampir mati pun dikira, pokok yang tiada apa-apa buah-buahan pun diambil kira. So saya harap kaedah itu dapat diteliti, dapat diteliti supaya satu lesen berharga yang apa, yang berpatutan diberikan sebagai satu kaedah untuk membayar lesen TOL ini. Sekian, terima kasih.

Y.B. Yang Dipertua Dewan: Terima kasih. Silakan Repah.

Y.B. ADUN Repah: Terima kasih Dato' Yang Dipertua kerana saya diberi peluang untuk mengambil bahagian dalam usul menjunjung kasih ke atas titah ucapan Duli Yang Maha Yang di-Pertuan Besar

Negeri Sembilan sempena Istiadat Pembukaan Persidangan Pertama Penggal Keempat, Dewan Undangan Negeri Yang Ke-13, Negeri Sembilan Darul Khusus.

Dato' Yang Dipertua, pertama sekali saya ingin merakamkan syabas dan tahniah kepada pelajar-pelajar UPSR dan juga SPM yang mendapat keputusan yang cemerlang dalam peperiksaan UPSR dan juga SPM. Dan tidak terlupa juga dengan semua para pengajar yang telah memastikan Negeri Sembilan mendapat terus kekal di tempat ketiga terbaik di peringkat kebangsaan.

Dato' Yang Dipertua, dalam titah ucapan, tuanku juga ada menyentuh berkenaan, di perenggan 2, berkenaan sejarah yang panjang, sarat dengan pelbagai kisah warna-warni, suka duka sebelum apa yang di, dicapai pada hari ini. Dato' Yang Dipertua, berkenaan dengan isu ini, baru-baru ini ada golongan yang tidak bertanggungjawab sengaja membuat pelbagai kenyataan dan boleh menimbulkan ketegangan dalam masyarakat.

Contohnya, ada kumpulan yang berbaju merah, dengan tidak bertanggungjawab menyebabkan kenyataan-kenyataan yang berbaur perkauman digunakan semasa demonstrasi. Jadi keadaan ini adalah sepatutnya tidak berlaku di Malaysia. Dan pihak berkuasa pula tidak mengambil tindakan yang tegas terhadap kumpulan-kumpulan ini. Dan mereka sepatutnya mengambil tindakan yang sewajarnya terhadap kumpulan yang mengeluarkan kenyataan-kenyataan yang berbaur perkauman. Kita perlu akur bahawa terdapat pelbagai kaum di Malaysia dan kema, keharmonian di antara kaum perlu dijaga. Jadi, saya harap pihak berkuasa mengambil tindakan yang sewajarnya terhadap golongan ini.

Dato' Yang Dipertua, seterusnya tuanku juga ada menyentuh berkenaan Agama Islam serta kedamaian dan keharmonian Negeri Sembilan iaitu di perenggan 7. Dato' Yang Dipertua, kita mengakui bahawa Agama Islam adalah agama rasmi dalam Perlembagaan dan juga Undang-Undang Tubuh, Perkara 5 Undang-Undang Tubuh Negeri Sembilan. Tapi baru-baru ini, Dato' Yang Dipertua, ada satu isu yang sangat sensitif di mana ada penganjur yang mengambil penceramah, memanggil penceramah agama yang *controversial* daripada India. Penceramah ini telah pun dilarang di beberapa negara maju kerana membuat kritikan dan merendah-rendahkan agama lain. Malah ucapan-ucapan beliau boleh didapati di laman web *Youtube* di mana penceramah ini merendah-rendahkan agama lain.

Jadi, penceramah ini dijemput ke Malaysia oleh penganjur untuk memberi ceramah bertajuk "The Similarity Between Islam And

Hinduism" yang membangkitkan kemarahan dan juga penganut Agama Hindu. Perkara ini adalah sangat sensitif kepada masyarakat Malaysia yang terdiri daripada pelbagai kaum dan juga pelbagai penganut agama. Jadi perkara ini sepatutnya tidak perlu berlaku di Malaysia sebab Malaysia dan India adalah satu negara yang berlainan dan keadaan situasi masyarakat di sana adalah berlainan. Jadi, sepatutnya pihak pengajur yang mengundang penceramah ini patut tahu keadaan di Malaysia. Dan penceramah kontroversi ini perlu tahu, mengambil juga tahu berkenaan sensitif masyarakat Malaysia yang terdiri dari pelbagai kaum dan juga pelbagai penganut.

Jadi, oleh itu kita harap pihak berkuasa ne, berkuasa dapat mengambil satu tindakan supaya perkara ini tidak berulang di Malaysia pada masa akan datang. Jadi, bukan sahaja kita ada penceramah yang baik di Malaysia, kenapa perlunya menjemput agama, penceramah agama daripada luar negara yang tidak tahu berkenaan sensitif isu di Malaysia, yang ada pelbagai kaum. Jadi saya harap perkara ini tidak akan timbul pada masa akan datang.

Dato' Yang Dipertua, dalam teks ucapan tuanku juga menyatakan bahawa teras utama dalam agenda pembangunan Negeri Sembilan adalah bersandarkan kepada kemakmuran negeri dan kesejahteraan rakyat. Dalam aspek ini tuanku juga ada menyentuh berkenaan tanggungjawab bersama semua pihak untuk mengurus kegelisahan rakyat yang berdepan dengan peningkatan kos sara hidup. Sehubungan dengan ini, saya juga membawa permasalahan rakyat di Daerah Tampin. Ingin saya maklumkan kepada Dewan yang mulia ini, permasalahan yang timbul adalah berkenaan lesen perniagaan dan juga kekurangan tempat perniagaan bagi peniaga-peniaga.

Terdapat permohonan yang dibuat daripada peniaga-peniaga yang berniat, berminat untuk mendapatkan gerai Majlis Daerah, tetapi mereka kecundang apabila pihak PBT menyatakan bahawa tidak ada gerai kosong pada masa ini, ataupun gerai telah pun disewakan. Tetapi apa yang saya dapati adalah, walaupun dikatakan gerai telah disewa, tetapi gerai itu masih kosong tidak ada apa-apa aktiviti perniagaan dijalankan. Jadi saya cadangkan kepada Pihak Berkuasa Negeri ataupun Pihak Berkuasa Tempatan supaya, jika penyewa tidak ingin menjalankan perniagaan, maka gerai tersebut perlulah diberikan kepada orang yang lebih memerlukannya. Jadi, saya juga maklumkan kepada Pihak Berkuasa Tempatan supaya membina lagi lebih banyak gerai-gerai di lokasi yang sesuai supaya peniaga-peniaga dapat membuat perniagaan mereka. Dengan ini mereka juga dapat menampung kos sara hidup mereka sendiri.

Dan saya juga ingin maklumkan bahawa ada di antara peniaga-peniaga ini adalah ibu tunggal dan mempunyai anak-anak. Walaupun ada bantuan daripada Jabatan Kebajikan tetapi mereka tidak dapat menampung kos sara hidup yang terpaksa, dan terpaksa berniaga secara kecil-kecilan. Tetapi masalah yang timbul adalah mereka tidak dapat memohon lesen ataupun tidak mempunyai tempat perniagaan. Jadi, saya cadangkan kepada kerajaan dan juga Pihak Berkuasa Tempatan supaya mencari satu lokasi yang sesuai untuk pembinaan gerai-gerai bagi keperluan peniaga-peniaga terutamanya daripada golongan ibu tunggal. Sekiranya ada peniaga yang telah membuka, membuka perniagaan di lokasi tertentu, maka jika sesuai lokasi tersebut, maka Pihak Berkuasa Tempatan bolehlah memberikan lesen untuk mereka berniaga di sana. Jadi dengan demikian golongan ini dapat mengatasi kos sara hidup yang berlaku pada masa kini.

Dato' Yang Dipertua, berkenaan dengan pembangunan bandar. Program *Malaysian, Malaysia Vision Valley*. MVV ini hanya memfokuskan pembangunan utama daripada Seremban sehingga ke Port Dickson. Manakala kawasan terutamanya Jempol, Tampin, Gemas dan Kuala Pilah, kerajaan cuma mempertingkatkan perhubungan dan mobiliti di kawasan bandar ini bagi memudahkan pergerakan penduduk, barang-barangan dan perkhidmatan sahaja.

Jadi saya cadangkan kepada pihak kerajaan bahawa ini merupakan satu pembangunan yang tidak seimbang kerana fokus pembangunan ini adalah di kawasan Nilai, Bandar Seremban dan Port Dickson sahaja. Dan di kawasan Tampin, Gemas tidak ada apa-apa pembangunan dibuat. Jadi, saya harap kerajaan membuat satu pelan pembangunan di kawasan Tampin, Gemas dan juga Kuala Pilah. Jadi dengan itu, kita dapat lihat satu pembangunan yang seimbang di Negeri Sembilan.

Dato' Yang Dipertua, dalam titah uta, ucapan juga tuanku ada menyentuh berkenaan dengan perumahan, Dasar Perumahan Negeri. Pada masa ini, kerajaan telah mencadangkan bahawa penyediaan 50 peratus Rumah Mampu Milik membolehkan rakyat yang berpendapatan rendah atau sederhana dapat memiliki rumah mereka mengikut pendapatan mereka. Ini, saya memang, keperluan Rumah Mampu Milik ini adalah satu keperluan yang penting di kawasan Negeri Sembilan terutamanya di daerah-daerah yang jauh daripada Seremban khususnya Tampin, Gemencheh dan Gemas.

Jadi, kita dapat lihat pada masa ini, pembangunan ataupun pemajuan rumah-rumah ini dibuat dengan harga yang tinggi. Jadi dengan adanya syarat begini, kerajaan dapat, pemilik-pemilik dapat memiliki Rumah Mampu Milik walaupun pendapatan yang rendah. Jadi ini adalah satu keperluan yang penting di kawasan-kawasan yang saya sebutkan tadi.

Y.B. Yang Dipertua Dewan: Yang Berhormat, masa telah habis.

Y.B. ADUN Repah: Yang terakhir. Dato' Yang Dipertua, berkenaan dengan isu keselamatan. Tuanku juda, tuanku juga ada menyentuh berkenaan keselamatan dalam titah ucapan beliau. Walaupun dalam indeks yang dikatakan penurunan kadar jenayah di Negeri Sembilan, tetapi baru-baru ini saya ingin maklumkan kepada Dewan Undangan ini bahawa berlaku banyak kes pecah rumah di kawasan Tampin. Kejadian ini berlaku semakin tinggi.

Jadi saya harap Pihak Berkuasa Tempatan ataupun pihak berkuasa dapat menjalankan rondaan yang kerap dan juga membuat pantauan tentang kejadian ini yang ter, termasuk di kawasan-kawasan yang sering berlaku kejadian pecah rumah ini. Bukan saja itu, saya juga cadangkan supaya memasangkan CCTV di lokasi yang sesuai ataupun di kawasan-kawasan yang berlaku, sering berlaku kejadian jenayah ini. Jadi, saya harap dengan adanya pantauan dan rondaan daripada pihak berkuasa, jadi kita dapat lihat mungkin kejadian pecah rumah ini akan dapat dikurangkan.

Jadi itu saja saya nak sampaikan. Saya ucapkan terima kasih kepada Dato' Yang Dipertua.

Y.B. Yang Dipertua Dewan: Terima kasih. Silakan Port Dickson.

Y.B. ADUN Port Dickson: Terima kasih Dato' Yang Pertua. Saya ambil bahagian usul menjunjung kasih di atas titah ucapan Duli Yang Maha Mulia Yang di-Pertuan Besar Negeri Sembilan Darul Khusus di Istiadat Persidangan Pertama (Perasmian) Penggal Keempat.

Penghargaan kepada Kerajaan Negeri atas inisiatif projek pencahayaan di kawasan luar bandar. Saya ingin merakam ucap setinggi-tinggi tahniah atas inisiatif Kerajaan Negeri melaksanakan projek pencahayaan di kawasan luar bandar. Saya yakin Kerajaan Negeri telah melaksanakan suatu yang amat baik lagi memastikan penduduk di kawasan luar bandar dinikmati arus membangun seiring penduduk di kawasan luar bandar.

Penghargaan kepada Kerajaan Negeri khasnya MDPD. Lorong belakang di kawasan perumahan, keperluan pihak pemaju rumah, perumahan memasang lampu lorong bela, bahagian belakang setiap projek perumahan. Projek pencahayaan ini adalah selaras dengan konsep Bandar Selamat dan untuk mengelakkan perlakuan jenayah.

Membaiki perkhidmatan perbandaran melalui kaedah pungutan sisa pepejal dengan menukar kedudukan tong sampah dari bahagian jalan hadapan ke lorong belakang rumah. Justeru Kerajaan Negeri dan khasnya MDPD segera menjalankan kajian rasional cadangan ini bagi meningkatkan kualiti perkhidmatan perbandaran. Kerajaan Negeri juga disasar meletakkan syarat setiap projek perumahan baru yang dimajukan oleh pihak pemaju pepe, perumahan hendaklah melaksanakan cadangan berkenaan sebelum sebelum Sijil Layak Menduduki (CF) diluluskan.

Projek lebuh raya baru Bandar Sunggala, Pasir Panjang, *Alterial Road A* di kawasan Taman Politeknik Port Dickson. Saya ingin mengucap tahniah kepada pihak Jabatan Kerja Raya yang akhirnya berjaya juga menyiapkan projek lebuh raya baru dari Sunggala ke Pasir Panjang, Teluk Kemang, Teluk Pelandok, Politeknik Port Dickson. Pembukaan baru-baru ini pastinya akan merancakkan pembangunan di kawasan sekitar.

Namun saya masih kurang berpuas hati dengan keadaan di laluan *Alterial Road A*, yang mengatasi kawasan perumahan Taman Politeknik, Bahagian Teknologi Pendidikan Negeri dan Sekolah Menengah Agama Teluk Kemang. Dalam sidang yang lalu saya telah memintak pihak JKR segera menaik taraf laluan tersebut dari dua lorong ke, dua hala kepada empat lorong dua hala. Dan menyambung pembahagian jala, jalan sedia ada dari, di hadapan Politeknik Port Dickson sehingga persimpangan empat di simpangan Jalan Politeknik 13, Jalan Politeknik 14 bagi memastikan keselamatan pengguna jalan berkenaan. Cadangan meletakkan lampu isyarat di simpang tiga masuk ke Jalan Politeknik Utama dan di simpang empat Jalan Politeknik 13, Jalan Politeknik 14 atau membina lebih banyak bonggol di laluan itu untuk minimumkan kes kemalangan.

Perlunya jalan Lukut – Sepang dinaik taraf segera. Kerajaan Negeri disasar mendesa, menggesa Kerajaan Persekutuan khasnya Kementerian Kerja Raya agar segera melaksanakan projek tersebut bagi mencacak, merancakkan bangunan Daerah Port Dickson dan industri pelancongan tempatan. Kelewatan melaksanakan projek ini adalah suatu kerugian besar memandangkan kedudukan strategi Daerah Port Dickson begitu hampir dengan Lapangan Terbang Antarabangsa Kuala Lumpur.

Panghargaan kepada Kerajaan Negeri. Perkara berkaitan pengurusan warga [khairat] kariah Teluk Kemang telah saya dibangkitkan dalam sidang Dewan yang lepas keadaan tanah perkuburan Islam di Batu 7 yang telah menghampiri ke tahap maksimum. Berhubungan itu, saya ingin merakamkan ucapan ribuan terima kasih kepada Kerajaan Negeri

pimpinan Yang Amat Berhormat Dato' Seri Utama Mohamad bin Haji Hasan dan Jabatan Agama Islam Negeri Sembilan kerana *respond* menyegerakan projek pembukaan sebuah tanah perkuburan Islam alaf baru untuk kariah politik, Politeknik Intan Perdana di *Alterial Road B*, laluan baru ke Teluk Pelandok.

Saya juga mengharai, menghargai inisiatif projek pembinaan sebuah masjid moden di padang utama Taman Politeknik yang dicadang untuk dinamakan sebagai Masjid Tuanku Muhriz, Taman Politeknik oleh Gabungan Pemuafakatan Ukhwah Komuniti Taman Politeknik. Selain daripada itu, saya juga mengharap Kerajaan Negeri bertimbangkan cadangan komuniti setempat untuk pembinaan sebuah dewan di padang utama taman perumahan tersebut yang dicadang untuk dinama jugak sebagai Dewan Tuanku Muhriz. Taman Politeknik mencadangkan sebuah mini kompleks sukan.

Keceluaran projek lanskap di kawasan pentadbiran MDPD. Tahniah Majlis Perbandaran Port Dickson atas usaha mengindah Bandar Port Dickson dengan tanaman lanskap dan seni taman, tetapi saya musyklikan kerasional justeru MDPD memilik tumbuhan pokok yang tidak sesuai untuk dijadikan tanaman lanskap. Mengambil contoh, pemilihan pokok di bulatan menara jam Bandar Port Dickson. Wajarkah pokok berkenaan ditanam sedangkan ia akan mengakibatkan kos pengurusan meningkat ekoran dari kerja-kerja menyantas, menebang, menanam semula dan sebagainya.

Saya juga bawa isu di sini ialah mengenai lambang kereta yang dipamerkan setiap kereta. Seluruhan Negeri Sembilan, saya nampak banyak kereta mereka pamerkan lambang-lambang, bermacam-macam lambang. Kerana minggu lalu saya walaupun diiktirafkan oleh tuanku lambang Negeri Sembilan yang bawah dia ada tulis "Ahli Dewan Undangan Negeri". Ada satu polis tahan saya, tanya "kenapa *you* pasang ini?" Saya kata, "saya sebagai ADUN, saya pasanglah". "Ops banyak kereta ada pasang, saya tak tahu mana satu yang ADUN".

So saya mintak pihak polis, bawak isu ni, setiap *road block* tahan kereta, ada tak mereka ini diiktirafkan oleh mana-mana jabatan ataupun daripada tuanku. Sebab saya nampak mereka kenalkan diri sebagai Dato'-lah, Dato' Seri-lah, Tan Sri-lah, ahli-ahli Berhormat-lah, bermacam-macam. So, ini nampak kelirukan rakyat. Seperti mereka pergi *parking* ke tempat seperti jabatan-jabatan kerajaan, ataupun *parking* kerajaan. Dekat hospital pun begitu juga, saya pergi *parking* tempat yang saya selalu *parking*. Mereka kata, "tak, tak, ini Dato' *parking*. Ini Dato' sudah rizab". Saya tanya "mana punya Dato' ini?". Tak tahu mana punya Dato', dia dikira dia sebagai Dato'. So ini satu keliruan. Dan

Y.B. Yang Dipertua Dewan: Yang Berhormat.

Y.B. ADUN Port Dickson: Sikit lagi Dato'. Dan juga saya, jugak sikit marahlah Dato'. Sebab minggu lalu saya juga kena saman oleh Majlis Perbandaran Port Dickson sebab saya tidak pamerkan tiket. Saya tidak faham mereka iaitu YDP ambil orang sebagai penguatkuasa, ada hantar *training* atau tidak. Saya lebih kurang 7 lebih, lebih kurang 7 tahun jadi Ahli Dewan Undangan Negeri, takkanlah mereka tak kenal lambang Negeri Sembilan iaitu ADUN Port Dickson. Ini saya nampak macam sabotaj. Mereka sengaja samankan kereta saya. Ini isu saya pernah bangkit dalam 2008, selepas Yang Amat Berhormat sudah bangkit dalam Dewan ini, lepas tu tidak ada. Hanya di Port Dickson yang saman kepada saya. Yang 7 daerah tak ada pernah saman. Terima kasih yang 7 daerah. Hanya Port Dickson saja saman.

Y.A.B. ADUN Rantau: You bising tak.

Y.B. ADUN Port Dickson: Kalau tak ada bising, lebih baik tak payah jadi pembangkang. Duduk rumah, okay. *So*, saya bawak isu nilah. Saya memang malu.

Dan jugak saya bawak juga isu kepada Dewan yang mulia ini, minggu yang lalu saya juga pergi ke Imigresen untuk memperbaharui *I* punya pasport. Saya sampai sana, saya ada satu isu saya nak jumpa Ketua Pegawai, lepas tu *I* kenalkan diri saya, dia kata "*you* orang ADUN Port Dickson ke? Saya tak ada pernah nampak". Saya malu Dato'. Saya malu. Walaupun saya duduk dalam Daerah Port Dickson. Jadi jabatan-jabatan kerajaan tidak boleh kenalkan saya sebagai ADUN, tak perlu hormat saya, hormatkan saya kerana saya sebagai wakil rakyat dan digelarkan daripada Yang di-Pertuan Besar. Mereka bukan hina saya, mereka hina wakil rakyat.

So saya mintak setiap-tiap pengarah yang ada sini, saya tak perlu lain-lain tempatlah, di Daerah Port Dickson, mereka mesti kenal pasti siapa itu ADUN. Saya malu. Sebab yang *signboard* besar itu ada 3 gambar saja setiap kali, satu Menteri Besar, satu ADUN Bagan Pinang, satu ADUN Linggi. Yang 3 ADUN tu saya tak tahu, saya ingat sudah matilah. Malu.

Y.B. Yang Dipertua Dewan: Okay Yang Berhormat, apa boleh buat.

Y.B. ADUN Port Dickson: Jangan politik, jangan politikkan isu ini. Ini sebagai kerajaan mereka mesti kenal pasti, okay. Itu saja daripada saya, saya juga mengucap ahli Citra Putanduu iaitu, dan juga untuk orang Singh, Vaisakhi. Terima kasih, itu saja daripada saya, saya sokong ucapan, titah ucapan Duli Yang Maha Mulia.

Y.B. Yang Dipertua Dewan: Terima kasih YB. Ya, ada lagi?

Y.B. ADUN Bukit Kepayang: Boleh mula ya Dato', boleh?

Y.B. Yang Dipertua Dewan: Silakan.

Y.B. ADUN Bukit Kepayang: Terima kasih Dato' Yang Dipertua kerana mengizinkan saya turut serta mengambil bahagian dalam usul menjunjung kasih Ke Bawah Duli Yang Maha Mulia Yang di-Pertuan Besar yang telah merasmikan, yang telah menitahkan ucapan, titah ucapan pada hari semalam.

Dato' Yang Dipertua, sekali imbas kepada titah ucapan baginda ia jelas merupakan suatu titah ucapan yang cukup komprehensif, bernes dan mampan yang merangkumi semua aspek keperluan rakyat Negeri Sembilan. Dan ber, berpandukan kepada data besar tersebut, saya rasa antara perkara penting yang perlu kita ingatkan, sebab saya tengok tadi ada seorang saja bangkitkan iaitu berkenaan dengan bekalan air bersih khasnya di musim yang kita tahu, ketika ini negara kita, bukan Negeri Sembilan saja, seluruh negara kita dan rantau ini sekaligus sebenarnya dilanda oleh fenomena El Nino yang dijangkakan, ikutkan laporan menyatakan ia akan berterusan sehingga bulan Jun.

Jadi, apakah bekalan air bersih di Negeri Sembilan tidak akan menghadapi masalah sepanjang tempoh dua tiga bulan ni? Dan apakah akan ber, akan ada berlaku, akan berlaku catuan air kepada pengguna? Dan saya mohon penjelasan daripada pihak Kerajaan Negeri. Mudah-mudahan saya harap dengan program pembinaan loji dan sebagainya yang telah dilaksanakan sejak beberapa tahun ni, khasnya selepas dikorporatkan JBA kepada SAINS, banyak pembaharuan telah dilakukan, saya harap kalau boleh tak ada, tak adalah lewat air kita di tahap kritis dan tidak perlu dilakukan catuan air. Itu yang sebaik-baiknya. Walau bagaimanapun, saya harap satu penjelasan, satu pengumuman rasmi daripada Kerajaan Negeri khasnya Yang Amat Berhormat Menteri Besar yang juga me, mem, merupakan Penggerusi SAINS.

Begitu juga berkenaan dengan bekalan air, Dato' Yang Dipertua, saya mohon mendapatkan statistik terkini NRW (Non Revenue Water) kalau boleh statistik pada tahun 2015. Iaitu kalau kita tengok sejak beberapa tahun yang lepas, telah banyak berlaku projek menggantikan paip lama yang telah berpuluh tahun dengan paip yang baru yang lebih berkualiti. Dan saya percaya *level* NRW kita yang sebelum ni, statistik terkini sebelum ni, dikatakan dalam lingkungan 35 peratus, saya percaya dia akan turun lagi. Mungkin le, kurang sikit daripada situ yang menunjukkan ada satu perubahan yang positif.

Dato' Yang Dipertua, satu lagi perkara dasar yang saya nak sebutkan pada petang adalah berkenaan dengan Dasar Perumahan Negeri yang telah mula dilaksanakan pada pertengahan tahun lepas. Dasar ini, kita tahu ada Rumah Mampu Milik, dan dasar pemilikan bumi, kuota bumiputera dan sebagainya. Dan selepas hampir setahun ia dilaksanakan, saya nak dapatkan penjelasan, pencerahan daripada Kerajaan Negeri, apakah ada *review* ataupun semakan dilakukan ke atas ia dan apakah kesan dan impaknya kepada industri pembinaan di negeri ini. Sebab kita tahu industri pembinaan secara amnya merupakan pemangkin ataupun satu sektor yang sangat penting yang akan memacu dan juga akan menentukan hala tuju pembangunan ekonomi secara amnya.

Jadi apakah dasar ini, setakat ini ada perkara yang perlu dirubah ataupun dipinda supaya selaras dengan pembangunan ekonomi khasnya dengan MVV yang mana daerah Nilai, Daerah Seremban, Port Dickson termasuk di bawah MVV.

Dato' Yang Dipertua, berkenaan dengan Dasar Perumahan Negeri, saya tertarik dengan jawapan pagi tadi oleh Yang Amat Berhormat Menteri Besar Negeri Sembilan yang mengatakan bahawa Negeri Sembilan sebenarnya kita telah ada satu agensi yang seakan-akan sama macam Dana Harta di Negeri Sembilan, khasnya untuk membeli unit bumiputera dan unit kedai. Apakah agensi ini jugak akan terlibat untuk membeli unit bumiputera untuk rumah ke, rumah kediaman? Dan juga bagaimana operasi dan mekanisma unit, agensi ini akan melaksanakan tanggungjawab dan juga bidang kuasanya?

Dato' Yang Dipertua, berkenaan dengan perumahan jugak, saya mohon penjelasan daripada Kerajaan Negeri berkenaan dengan satu projek pembinaan kedai 11 unit di sebelah Sekolah Rendah Jenis Kebangsaan (Cina) Chung Hwa, Lobak. Kalau kita masih ingat, tiga empat tahun dulu ada kes di mana kerajaan ambil, menggunakan akta, kuasa di bawah Akta Pengambilan Tanah daripada pemaju untuk diberikan tanah tersebut kepada Sekolah Chung Hwa, yang dile, dijadikan sebagai tempat letak kereta. Ketika itu Yang Amat Berhormat buat keputusan

tersebut. Sebelah tu ada 11 biji kedai yang telah siap. Saya ada satu salinan S&P tahun 2010 yang sepatutnya dalam masa 36 bulan, perlu diserahkan *vacant possession*, dengan izin Dato' Yang Dipertua, tetapi sehingga kini telah lebih 6 tahun, rumah tu, saya masih dimaklumkan masih belum mendapat CF lagi ataupun CCC lagi.

Tujuan saya timbulkan bukan, saya bukan, apa, bercakap bagi pihak pemaju, saya difahamkan pemaju tu tak tahu ke mana. Yang, yang menjadi mangsa sekarang ni adalah pembeli kedai tersebut. Saya dimaklumkan, ada apa, bank sudah keluarkan *progressive payment*, bayaran secara berperingkat sehingga ke tahap 90 peratus. Dan pembeli rumah terpaksa membeli kedai, terpaksa membayar ansuran bank. Tetapi mereka tak dapat rumah tersebut, sama ada untuk berniaga ataupun disewakan. Jadi saya mohon penjelasan daripada Kerajaan Negeri berkenaan dengan status perkara ini.

Dato' Yang Dipertua, tadi yang, Yang Berhormat Lobak ada menyebut bahawa Akta Pengurusan Strata yang mana pada sidang lepas kita telah meluluskan penubuhan tribunal tersebut. Ada sedikit perkara yang saya nak tambah, tadi Yang Berhormat Lobak dah memberikan secara *detail*. Bagaimanakah atau apakah tindakan ataupun tindakan dari segi undang-undang yang boleh dikenakan terhadap pemaju yang enggan memberikan kerjasama terutama terhadap bangunan-bangunan termasuk Punca Emas, dan juga apartmen-apartmen dah yang lama, dah dah lebih 20 tahun, 30 tahun, tapi terbiar begitu saja, masih di bawah pegangan *Master Title*, tak ada permohonan terhadap *Strata Title*. Jadi apakah yang akan dilakukan oleh agensi kerajaan, PTG dan juga Kerajaan Negeri terhadap perkara ini?

Dato' ka, Dato' Yang Dipertua, satu lagi yang saya nak bangkitkan, kalau saya sebut banjir ketika ini nanti orang terkejut. Tapi saya rasa jangan kita sebut banjir ketika musim banjir. Kita kena siapkan payung sebelum hujan. Kita kena sebut banjir pada musim kering sebab biasanya banjir akan berlaku pada hujung tahun, di awal tahun ni bukan musim banjir secara lazim walaupun kita tak tahu ini kurnia daripada tuhan. Jadi saya sebenarnya memetik kata-kata daripada Yang Amat Berhormat Menteri Besar pada persidangan pada penggal, pada hujung tahun lepas, bahawa kalau musim hujan, jalan rosak, kita tutup lubang tu dulu. Kerja naik taraf, turap semula kita buat pada awal tahun ketika musim tak hujan. Jadi saya jugak ambil kesempatan pada petang ni, saya bersetuju benar dengan nasihat ataupun dari, komen daripada Yang Amat Berhormat Menteri Besar sebab bagi saya itu cara dia. Kalau musim hujan, kita naik taraf, percayalah apa yang kita buat, walaupun dengan peruntukan yang tinggi, ambil masa yang lama, akhirnya jalan tu akan rosak dalam sekilip mata saja. Jadi, saya harap banyak projek yang sepatutnya dijalankan supaya dilaksanakan pada awal tahun sebelum musim hujan tahun ini menjelang pada akhir

ataupun pada suku ketiga, suku keempat tahun ni. Jadi, itu bukan saja untuk pihak PBT, tapi termasuk semua agensi yang terbabit termasuk JKR.

Dato' Yang Dipertua, berkenaan dengan banjir ini jugak, saya nak menyebut 2 perkara di sini. Yang mana saya pernah ada tanya soalan bertulis, telah mendapat jawapan. Satu di Taman Bukit Kelisa, satu di Taman Permai Fasa 1. Dua kawasan yang pernah dilanda beberapa kali banjir pada hujung tahun lepas. Saya dimaklumkan di Bukit Kelisa tu, notis sebut harga telah ditutup pada 10 haribulan Februari yang lepas. Jadi kalau notis sebut harga dah ditutup pada dua bulan yang lepas, saya mohon supaya projek ini dapat dilaksanakan sebab ada projek naik taraf longkang, saya harap ia dapat, saya mengalu-alukan, dan saya harap ia boleh dilaksanakan dengan sece, secepat mungkin sebab penduduk masih tertanya-tanya bila projek naik taraf tu akan dijalankan.

Begitu juga dengan di Jalan Kurau 1, Taman Permai yang juga telah dilanda dengan masalah banjir pada hujung tahun lepas. Di, diberikan jawapan bahawa projek naik taraf pembentung haa, telah, akan dibuka kepada ten, tender pada bulan ni, bulan April 2016. Saya juga berharap selepas tender dibuka dan ditutup, pilih kontraktor dengan cepat dan kalau boleh sebelum, bukan kalau boleh, semestinya, kita kena berusaha supaya sebelum musim hujan hujung tahun ni, kita siapkan projek naik taraf pembentung untuk kebaikan dan juga kemudahan penduduk.

Dato' Yang Dipertua, ada satu soalan saya, yang soalan bertulis, yang tak terjawab. Saya mohon supaya kalau boleh Kerajaan Negeri memberikan sedikit penjelasan iaitu soalan 8 sub 3, berkenaan dengan Pasar Warisan di Jalan Utam Singh Bandar Seremban. Jalan Utam Singh ini telah ada Pasar Warisan sejak hampir 10 tahun yang lepas. Ia hanya beroperasi pada siang hari dari awal pagi sehingga petang pada hari Ahad sahaja setiap minggu. Tetapi sejak 2 bulan yang lepas, hari Sabtu pun dia beroperasi. So kalau dia bero, operasi, Jalan Utam Singh tu terpaksa ditutup sepenuh, sepenuhnya. Tetapi pengamatan untuk 2 bulan yang lepas menunjukkan bahawa hari Sabtu tu tak ramai pengunjung. Tak ramai. Dan, apa, penjaja yang berada di situ pun tak banyak. Tetapi dia sebaliknya, sebabkan dia tutup jalan tu, mengakibatkan pekedai dalam keadaan yang payah untuk apa, pengunjung ataupun pelanggan mereka datang.

Jadi sebenarnya, peniaga tersebut, pekedai di situ ada menghantar memorandum kepada Majlis Perbandaran Seremban pada awal bulan Mac. So setakat ni, setakat hujung minggu lepas, ia masih beroperasi pada hari Sabtu. Walaupun hanya beberapa jam, tetapi ia telah

mendatangkan masalah kepada pekedai di situ sebab pelanggan mereka payah nak bawa kereta masuk ke situ. Jadi saya nak mohon secara terbuka kepada Kerajaan Negeri dan juga Majlis Perbandaran Seremban, kalau boleh biarlah Pasar Warisan ni di, dibiarkan berterusan beroperasi pada hari Ahad sahaja. Hari Sabtu tu biar, 6hari tu biarlah peniaga tu berniaga kat situ sebab terpaksa menanggung sewa yang tinggi.

Dato' Yang Dipertua, satu lagi perkara yang saya nak kemukakan di sini adalah berkenaan cukai taksiran ataupun cukai pintu. Setakat yang saya tahu, selama, tak ada pengumuman berkenaan dengan kenaikan cukai taksiran oleh mana-mana PBT khasnya MPS baru-baru ini. Tetapi saya menerima satu aduan, satu notis berkenaan dengan satu tanah, sebidang tanah perindustrian di bawah MPS yang menyaksikan lonjakan cukai taksiran dia daripada 1,050.00 ringgit setahun kepada 4,652.20. Lonjakan hampir 450 peratus. Jadi saya mohon penjelasan daripada Kerajaan Negeri sama ada ini adalah kerana ada kesilapan ataupun memang ada, ada keputusan daripada Majlis untuk menaikkan apa, cukai taksiran khasnya untuk lot perindustrian.

Dato' Yang Dipertua, satu lagi perkara yang saya nak membangkitkan

Y.B. Yang Dipertua Dewan: Yang Berhormat.

Y.B. ADUN Bukit Kepayang: Ada lagi 2 perkara pendek saja. Dato' Yang Dipertua, satu lagi, salah satu perkara yang saya nak sebutkan adalah tadi Mambau ada menyatakan bahawa dengan gerai-gerai yang telah dibina di tepi jalan. Saya nak tambah sedikit, sebab perkara ini bukan berlaku di Mambau saja, tapi di banyak kawasan termasuk di ka, Seremban Jaya pun ada, termasuk di kawasan DUN Bukit Kepayang, di mana di satu insiden, gerai tepi jalan telah dibina di hadapan rumah penduduk.

Bagi saya, walaupun kadang, saya sedia maklum kalau penjaja ni, ni kerja yang susah, mereka daripada golongan yang berpendapatan rendah, kita perlu bersimpati dan juga ambil kira keperluan mereka mendapatkan periuk nasi, khasnya dalam ekonomi yang kurang baik, tetapi, tetapi dalam mereka mencari periuk nasi mereka, saya harap satu perseimbangan, *a balance*, satu *balance*, satu perseimbangan dicari di mana kalau boleh ianya dibuat di kawasan perniagaan, kawasan perindustrian berbanding dengan kawasan perumahan. Sebab kawasan perumahan khasnya kalau di depan rumah penduduk, ia mungkin mendatangkan masalah kesihatan, pembersihan dan

sebagainya kepada penduduk yang telah, sebab itu rumah mereka, mereka duduk di situ.

Yang penggerai ni, mereka membina gerai, memasang gerai hanya di tanah kerajaan ataupun rizab jalan, di tepi jalan. Jadi kalau keadaan macam ni, saya rasa lebih keutamaan royalti perlu diberikan kepada penduduk. Sebab itu rumah mereka, mereka duduk di situ, yang tak kiralah dia sewa ataupun dia beli rumah. Jadi saya mohon sebab di Taman Bukit Kepayang, sebelah loji, berdekatan dengan loji IWK tu, walaupun penduduk telah menghantar bantahan kepada Majlis Perbandaran, tetapi setakat hampir 2 minggu tak ada tindakan diambil oleh pihak Majlis dan pemasangan gerai tersebut masih berterusan. Jadi saya mohon penjelasan daripada pihak Kerajaan Negeri.

Dan perkara terakhir, Dato' Yang Dipertua, yang saya nak sebutkan pada petang ni adalah berkenaan dengan jalan ke tol. Pada persidangan yang lepas, ketika Yang Amat Berhormat menggulung, Yang Amat Berhormat ada mengatakan bahawa untuk jalan tol baru, susur keluar daripada arah Seremban 2 terus masuk ke plaza tol, pengambilan tanah dengan pemaju GUH proper Holdings, telah hampir kepada peringkat akhirnya. Jadi, saya nak tahu status dia macam mana. Sama pengambilan tanah tersebut telah selesai ataupun sebaliknya. Sebab benda tu daripada cadangan asal sehingga sekarang, telah hampir 3 tahun. Jadi, saya mohon supaya perkara ini disegerakan agar kesesakan, sebab kesesakan bertambah, bilangan kenderaan bertambah, bilangan penduduk semakin ramai penduduk yang tinggal di Seremban 2 dan juga Bandar Seri Sendayan, jadi keperluan untuk plaza tol ini semakin hari semakin mendesak.

Begitu jugak dengan jalan yang menyambungkan Seremban 2 dengan Bandar Ainsdale, supaya ban, plaza tol Bandar Ainsdale yang baru tu lebih apa, lebih banyak pengguna kenderaan akan gunakan. Sekarang ni, walaupun plaza tol tu dalam keadaan yang cukup canggih, moden, tetapi tak ramai yang gunakan disebabkan tak ada apa, dia punya penyambungan di antara Seremban, S2 Heights dengan Sime Darby. Saya nak tahu apakah status dia? Sebab pada sidang yang lepas dikatakan bahawa bahagian yang IJM Land telah siap dibina, tetapi bahagian yang Sime Darby punya masih di peringkat cari tender ketika itu. Jadi apakah status dia?

Jadi itu saja beberapa perkara yang saya, saya telah, saya telah bangkitkan. Dan saya ucapkan sekali terima kasih kepada Yang Berhormat Dato' Yang Dipertua kerana mengizinkan saya mengambil tambahan sedikit untuk mengutarakan perkara tersebut. Dan saya harap akan mendapat penjelasan yang sewajarnya daripada Kerajaan Negeri. Sekian, terima kasih.

Y.B. Yang Dipertua Dewan: Terima kasih Yang Berhormat.

Y.B. ADUN Sungai Lui: Bismillahirrahmannirrahim. Assalamualaikum w.b.t. Yang Berhormat Dato' Yang Dipertua Dewan, Yang Amat Berhormat ADUN Rantau, ahli-ahli Dewan yang saya hormati sekalian. Pertama-tama sekali saya mengucapkan ucapan terima kasih kepada Dato' Yang Dipertua kerana membenarkan saya untuk mengambil bahagian di dalam ucapan menjunjung kasih titah ucapan Duli Yang Maha Mulia Yang di-Pertuan Besar Negeri Sembilan bersempena dengan persidangan kali ini.

Berdasarkan kepada titah ucapan Duli Yang Maha Mulia tuanku, bersempena dengan persidangan pada kali ini, rakyat Negeri Sembilan dalam kawasan DUN Lui khususnya, sememangnya mengalu-alukan langkah dan usaha kerajaan ini yang berjalan dengan memberangsangkan khususnya ke arah Negeri Maju menerusi Rancangan Malaysia Ke-11 di dalam men, menentukan pencapaian wawasan negara menjelang tahun 2045. Justeru itu, saya sebenarnya tidak berapa setujulah dengan pandangan tadi, kita nak bermula pada tahun 2021 untuk kita melangkah maju ke hadapan, kita sepatutnya bermula daripada sekarang dan terus kepada 2040 nanti.

Perubahan besar mencapai kemajuan negeri dan sejahteraan rakyat tentulah berdasarkan kepada kedudukan kewangan yang kukuh hasil daripada pentadbiran yang cekap daripada kerajaan dan seluruh anggota perkhidmatan awam. Rakyat begitu yakin dan percaya, Kerajaan Negeri akan berupaya melaksanakan lebih banyak program pembangunan berpaksikan sokongan padu Kerajaan Persekutuan sekaligus mampu menunaikan banyak lagi program pembangunan di bawah program transformasi kerajaan, transformasi ekonomi sebagai peta panduan di merata negeri ini.

Secara keseluruhannya, daripada 15 perkara yang menjadi intipati titah Duli Yang Maha Mulia Tuanku, dapat kita rumuskan bahawa Ke Bawah Duli Yang Maha Mulia Tuanku amat berpuas hati dengan pentadbiran Kerajaan Negeri Sembilan di bawah Kerajaan Barisan Nasional yang ada pada hari ini. Namun begitu, saya merasa, merasakan amat yakin dan percaya bahawa Kerajaan Barisan Nasional yang telah terbukti dan luas pengalamannya di dalam mentadbir kuasa yang diamanahkan oleh Kerajaan Negeri Sembilan ini tidak sesekali akan mudah selesa apatah lagi leka di dalam melunaskan tugas-tugas tanggungjawab. Setiap titah dan saranan yang penuh kebijaksanaan Ke Bawah Duli Yang Maha Mulia Tuanku akan sentiasa dijunjung ke arah menambahbaikkan lagi pentadbiran Kerajaan Negeri Sembilan dan keselesaan rakyat jelata di Negeri Sembilan.

Memandangkan DUN Lui ni merupakan satu, salah satu daripada pintu sempadan yang bersempadan dengan Negeri Pahang iaitu bersebelahan dengan Daerah Bera, oleh itu, DUN Lui memohon jika boleh dibantu supaya kawasan-kawasan bersempadan dengan negeri-negeri Pahang ni, supaya dapat disediakan lanskap untuk selamat datang ke kawasan yang menunjukkan kawasan Negeri Sembilan.

Seterusnya, Lui juga memohon, sebab di Lui ada 2 bukit, 2 bukit dan satu bukit tersebut mempunyai selekoh yang amat merbahaya di atas puncak bukit tersebut. Kalau boleh, dibantu juga supaya kita dapat merendahkan bukit tersebut dan meluruskan jalan tersebut supaya tidak menjadi punca lagi kepada kemalangan maut di kawasan tersebut.

Seterusnya, di kawasan DUN Sungai Lui juga mempunyai beberapa kuarters kerajaan yang lama dan usang, kalau boleh juga kuarters-kuarters ni diba, dibuat sesuatu supaya tidak menjadi permasalahan, timbul masalah lain yang berlaku di kuarters tersebut memandangkan di kuat, ini adalah, contohnya kuarters Jabatan Hutan di Ayer Hitam tersebut, berhampiran dengan Felcra Ayer Hitam. Kita khuatir dengan peninggalan kuarters yang, yang ada itu tersebut boleh mendatangkan masalah-masalah yang lain di kawasan Dewan Undangan Negeri Sungai Lui.

Dan akhir sekali, di dalam kita melaksanakan amanah dan tanggungjawab yang terpikul di bahu kita, marilah kita terus berdoa mudah-mudahan Allah Yang Maha Kuasa, Yang Maha Memimpin, yang memimpin dan membimbing semua niat, yang memimpin dan membimbing semua gerak, yang memimpin dan membimbing semua rasa, yang memimpin dan membimbing semua fikir, memimpin membimbing fikiran perasaan kita, tetap sentiasa di jalan yang benar, tetap di jalan yang direhdaiNya dan sentiasa muafakat. Inshaa Allah, Negeri Sembilan akan terus selamat, aman, makmur dan maju. Yang Berhormat Dato' Yang Dipertua, saya mohon menyokong.

Y.B. Yang Dipertua Dewan: Silakan Johol.

Y.B. ADUN Johol: Bismillahirrahmannirrahim. Assalamualaikum w.b.t. Yang Johol hormati Dato' Yang Dipertua, yang dihormati Yang Amat Berhormat Menteri Besar Negeri Sembilan; DUN Rantau. Terima kasih Johol ucapan kepada Yang Dipertua kerana memberi kesempatan kepada Johol untuk sama-sama menjunjung kasih atas titah Duli Yang

Maha Mulia Yang di-Pertuan Besar Negeri Sembilan semasa merasmikan persidangan kita pada semalam.

Syabas dan tahniah Johol ucapkan kepada Kerajaan Negeri kerana merancang, merancang transformasi pembangunan yang membawa kepada Negeri Sembilan Moden dengan mewujudkan *Malaysian Vision Valley*. Johol berpandangan, daripada cukai yang dikutip dan juga premium yang dibayar melalui kawasan-kawasan yang diisytiharkan sebagai *Malaysian Vision Valley* ini dapat dipanjangkan sama kepada luar bandar bagi kita mewujudkan, bagi kita mewujudkan Desa Amaya. Jadi, dengan pertambahan pendapatan daripada Kerajaan Negeri, Johol berpandangan bahawa kampung-kampung di luar bandar pada masa akan datang tidaklah lagi serupa dengan pada hari ini, di mana kalau kita masuk ke jalan-jalan kampung, kalau kita berselisih kereta, kita kena *gostan* sampai 200 kilomi, 200 meter.

Jadi dalam merancang Desa Amaya ini, hendaklah sama kita memikirkan bagaimana kita ingin membangunkan Desa Amaya ini. Pertamanya, dengan struktur kampung itu sendiri. Bagaimana bentuknya, bagaimana jalannya, apakah kita akan menggunakan jalan-jalan DO yang ada sekarang, atau kita melebarluaskan jalan-jalan yang ada di kampung-kampung ini. Dalam jangka tahun 2015 ke tahun 2045, sudah pastinya kampung-kampung ini akan mendapat pertambahan penduduk yang berlipat kali ganda kerana dengan pembangunan negeri yang si, yang pesat, anak-anak muda berkemungkinan akan duduk di kampung-kampung dan di masa itu motosikal tidak akan lagi digunakan dan banyak kereta.

Jadi, dalam perancangan, merancang bandar ataupun Desa Amaya ini, hendaklah kita merancang sama tentang jalan-jalan di kampung-kampung ini, hendaklah kita fikirkan sama, adakah jalan-jalan di kampung ini sekadar sekarang ini kita mengambil daripada tuan-tuan tanah untuk membuat jalan. Ini perlu diper, difikirkan bersama. Apakah kita mesti menebusguna ataupun membeli tanah-tanah orang kampung ini untuk mewujudkan jalan-jalan di Desa Amaya ini? Ini perlu kita lihat dengan seluas-luasnya.

Dan dalam soal ini juga, kita tidak lagi boleh mengharapkan tanah-tanah adat ataupun tanah-tanah kampung tradisi yang ada sekarang ini. Daripada sekarang, kita perlu merancang untuk mewujudkan pelebaran-pelebaran kampung iaitu mewujudkan kampung-kampung yang lebih tersusun untuk menampung, menampung anak muda yang akan menghuni Desa Amaya ini. Jadi, Johol berharap dalam kita merancang Desa Amaya ini, satu perancangan yang jitu mestilah difikirkan bersama bukan hanya sekadar kita ingin menetapkan, mewujudkan.

Jadi, sekurang-kurangnya, sekarang ini dalam pembentangan kertas kerjanya, mestilah kita tunjukkan apa akan terjadi dalam tahun 2025, apa akan terjadi pada tahun 2030, apa akan terjadi pada tahun 2045. Perancang-perancang mestilah merancang dan menunjukkan kepada kita apakah sebenarnya yang diidamkan, yang akan kita capai pada tahun, matlamat yang hendak kita capai.

Jadi dalam soal ini, dalam soal ini, Johol merayu dan mengharap kepada perancang-perancang dalam, sama ada pihak kerajaan dan juga petugas-petugas dalam perkhidmatan kerajaan, sama-sama memikirkan perkara-perkara ini sebab saya bercakap ini adalah atas dasar untuk mendesa atau mencari Desa Amaya yang kita idam-idamkan ini ditakuti nanti apa yang kita buat dalam Bahasa Inggerisnya, *expectation versus reality*, yang mana harapan tinggi tetapi pada keadaan sebenarnya tidak terjadi.

Dan, akhirnya Dato' Yang Dipertua, saya ingin merakamkan kekesalan Johol daripada keceluparan dan ketidaksopanan, ada di antara kita yang berhujah dalam Dewan ini menggunakan kata-kata yang kurang sopan dan celupar. Saya Johol ingin merakamkan tentang ketidakkesempurnaan pada persidangan kita pada kali ini. Dan Johol berharap, Johol berharap, pada masa yang akan datang, gunakanlah kuasa yang ada oleh Yang Dipertua untuk lebih tegas dan sebagainya. Dalam bak kata adat kalau kita marah, kalau kita marah, kalau kita nak menyalai, kita salailah dengan asap, *kok kito bakar, ghontong yang kito dapek*. Kalau kita nak tau *sodap eh lomang, lomang yang sodap*, buluh layu *lomangnya* siap, kalau *lomang* tu dah berarang, tak *sodap* dah. Jadi sekian, tuan pengurus, tuan Yang Dipertua, Johol turut menyokong. Assalamualaikum w.b.t.

Y.B. ADUN Paroi: Bismillahirrahmannirrahim. Assalamualaikum w.b.t. dan juga salam 1Malaysia. Terima kasih Dato' Yang Dipertua. Saya dan juga warga DUN Paroi menjunjung kasih titah ucapan Yang di-Pertuan Besar Negeri Sembilan dalam Persidangan Pertama Penggal Keempat Dewan Undangan Negeri Yang Ke-13 bermula semalam.

Terlebih dulu saya nak mengucap tahniah dan syabas terutama kepada Yang Amat Berhormat Menteri Besar dan juga DUN pa, DUN Rantau yang mana telah berjaya menjadikan Negeri Sembilan Negeri Maju dan juga untuk mencapai Negeri Sembilan Moden 2045 nanti, inshaa Allah. Jadi DUN Paroi menyokong penuh kepimpinan Yang Amat Berhormat Dato' Seri dan juga DUN Rantau.

Menyentuh Dasar Perumahan Negeri, DUN Paroi jugak nak mengucap tahniah kepada Kerajaan Negeri telah menetapkan supaya

pembangunan atau peruntukan 50 peratus penyediaan perumahan. Ini kerana Paroi yang mana latar belakang dari segi masyarakatnya yang mempunyai pendapatan sederhana dan juga rendah. Jadi, Paroi menyokong penuh dan juga saya mohon supaya Kerajaan Negeri dapat membawa perumahan ni ke kawasan Paroi dan juga kawasan Senawang. Sama ada rumah PR1MA dan juga Rumah Kos Rendah.

Yang kedua berkenaan dengan pengangkutan awam. Jadi, saya mintak supaya sistem pengangkut, pengangkutan awam yang mana banyak aduan-aduan daripada masyarakat dan juga pengundi-pengundi terutama dalam DUN Paroi supaya perjalanan, masa yang telah ditetapkan mengikut peraturan. Kerana buat masa sekarang ni, bas tidak mengikut masa yang telah ditetapkanlah, myBAS. Jadi saya mintak supaya sistem ini dapat dikendalikan dengan baik kerana anak-anak kita yang bersekolah dan juga pekerja-pekerja terutama pekerja kilang di kawasan Paroi dan di Senawang mengalami masalah.

Yang ketiga, berkenaan dengan Memakmurkan Negeri Mensejahterakan Rakyat yang mana untuk makluman Yang Amat Dato' Seri dan juga Yang Berhormat-Berhormat sekalian yang mana terutama di kawasan saya sendirilah ya, yang mana ada aduan ya, kalau boleh kerajaan saya mohonlah supaya kalau boleh masuk campur sikit dari segi pembayaran gaji-gaji pekerja kilang terutama di kawasan Senawang ini kerana didapati ada yang kilang membayar lebih kepada pekerja-pekerja asing ya, pekerja-pekerja asing. Jadi saya mintak supaya kerajaan kalau boleh masuk campur hal ini. Dan juga pekerja tempatan ini dianaktirikan ya. Jadi saya mintak supaya dapatlah diambil tindakan kepada kilang-kilang tersebutlah ya.

Dan juga Dato' Yang Dipertua, saya jugak mengucap terima kasih terutama kepada Kerajaan Negeri, terutama kepada Yang Amat Berhormat Dato' Seri Utama dan juga agensi-agensilah seperti MPS, MPN, Bomba dan juga yang lain-lainlah kerana semasa berlakunya bencana alam tempoh hari, ribut, di kawasan Paroi terutamanya, ada 300 lebihlah rumah telah dilanda ribut dan juga di kawasan Ampangan, Sikamat yang baru-baru ini. Saya amat berterima kasihlah kepada Kerajaan Negeri dan juga agensi-agensi yang terlibat kerana membantu, saya tengok cepat sungguh bantuan tersebut ya. Jadi, yang mana DUN, mana tadi mengatakan lambat ya, tapi saya sangkallah, yang mana alhamduillah kerajaan yang ada dan juga agensi-agensi lain cepat membantu ya.

Dato' Yang Dipertua, sekali lagi saya mengucap terima kasih kepada Yang Amat Berhormat Dato' Seri dan juga kepada ahli-ahli Yang Berhormat kerana saya tengok pada hari ini. Dan juga saya jugak kesal jugak kerana ada kalangan ahli Yang Berhormat mengeluarkan kata-

kata yang kesatlah ya. Jadi tak sepatutnya kita sebagai ahli Yang Berhormat mengeluarkan kata-kata tersebut. Dan sekian saya menjunjung ucapan Yang di-Pertuan Besar Negeri Sembilan. Terima kasih.

Y.B. Yang Dipertua Dewan: Silakan Linggi.

Y.B. ADUN Linggi: Bismillahirrahmannirrahim. Assalamualaikum w.b.t. Dato' Yang Dipertua, Yang Amat Berhormat ADUN Rantau, ahli-ahli Yang Berhormat yang saya hormati sekalian. Pertamanya terima kasih atas kebenaran untuk membenarkan saya bersama-sama membahaskan usul menjunjung kasih titah ucapan Duli Yang Maha Mulia Yang di-Pertuan Besar Negeri Sembilan sempena Istiadat Perasmian yang ber, berlangsung semalam.

Melihat kepada titah ucapan Duli Yang Maha Mulia Baginda Tuanku, saya kira memang jelas bahawa Negeri Sembilan hari ini berada dalam keadaan yang sangat baik. Dan dirancang, disusun atur untuk menjadi lebih baik. Ini jelas menunjukkan bahawa Kerajaan Negeri Sembilan bukan saja peka dan prihatin tentang keadaan rakyat kita pada hari ini, tetapi kita juga sentiasa merancang untuk memastikan yang keadaan rakyat kita, negeri kita akan bertambah baik selaras dengan falsafah Kerajaan Negeri Sembilan “Memakmurkan Negeri dan Mensejahterakan Rakyat”.

Dan di dalam titah ucapan baginda semalam, jelas dasar-dasar yang telah pun terlaksanakan dalam rangkaan kita, pelbagai dasar baik dari segi fizikalnya mahupun keroha, kerohaniannya. Seperti yang telah dise, disentuh semua rakan-rakan ahli Yang Berhormat tadi, Dasar Jaringan kesa, Keselamatan Sosial, Pelan Pembangunan Negeri Sembilan Moden 2045, *Malaysia Vision Valley*, pembangunan bandar dan luar bandar, lembah ilmu, ICT, jaringan infrastruktur, perumahan negeri. Semua ini jelas menunjukkan bahawa kerajaan kita di bawah pimpinan Yang Amat Berhormat ADUN Rantau satu kerajaan yang holistik dan komprehensif.

Dan seperti mana yang dititahkan oleh baginda juga, baginda menyatakan rasa bangga bahawa negeri kita pada hari ini adalah pada tahap yang membanggakan. Dan saya rasa kebanggaan Duli Yang Maha Mulia ini juga diulang oleh semua rakan-rakan dalam Dewan hari ini kerana rata-rata kalau kita amati, tiada satu pun rakan-rakan kita, baik di pihak pembangkang ataupun kerajaan yang menyatakan dasar-dasar ini tak elok, tak ada satu pun. Semua menyatakan dasar-dasar ini elok. Yang ada cuma tambah baikkan cadangan supaya dasar ini

dilaksanakan dengan lebih baik lagi. Jadi ini pada saya adalah testimoni bahawa kerajaan kita telah berjaya mentadbir urus negeri ini dengan begitu baik sekali. Jadi tahniah dan syabas kepada Yang Amat Berhormat Dato' Seri dan kerajaan, termasuk pegawai-pegawai dan kakitangan yang bertungkus lumus untuk memastikan yang falsafah kita "Memakmurkan Negeri dan Mensejahterakan Rakyat" dapat kita realisasikan.

Cuma di kesempatan ini saya nak mengambil peluang untuk juga mencadangkan beberapa penambahbaikan. Pertamanya, Dasar Perumahan Negeri, kalau boleh dipertimbangkan. Kerana berdasarkan kepada projek di Sunggala dan di Seliau, terdapat pemohon-pemohon yang pada peringkat awalnya layak untuk mendapatkan rumah-rumah bawah 80 ribu ini. Tetapi kemudiannya gagal kerana tidak mampu ataupun tidak berjaya mendapatkan pinjaman daripada bank. Jadi, kalau boleh kita pertimbangkan satu kaedah yang mana rumah-rumah ini boleh diberi secara sewa beli. Jadi, kita akan, kita boleh saja buat penapisan siapa yang benar-benar layak. Jadi dengan cara itu, walaupun mereka ini tak layak untuk mendapat pinjaman bank, kita boleh fikirkan kaedah lain bagi memastikan mereka ini dapat menduduki rumah tersebut.

Yang keduanya, disentuh juga oleh Duli Yang Maha Mulia Tuanku tentang kepentingan Agama Islam dan memastikan bahawa tiada gerakan-gerakan ekstrimis yang mengganggu gugat keharmonian hidup sesama umat kita. Di sini saya ingin mencadangkan agar kita di peringkat Kerajaan Negeri lebih tegas kerana kita ada Jawatankuasa Fatwa di peringkat negeri sepatutnya apa saja perkara-perkara yang tidak selaras dengan Jawatankuasa Fatwa harus dipastikan tidak dibangkitkan di khalayak umum. Maksud dia kalau ada kita penceramah-penceramah atau pendakwah-pendakwah, mereka ini tidak, sepatutnya tidak benarkan ya, kita keluarkan satu undang-undang untuk tidak membenarkan mereka ini menyatakan apa sahaja pandangan yang bertentangan dengan Majlis Fatwa ataupun ahli jawatankuasa fatwa-fatwa baik di negeri ataupun di kebangsaan. Kalau ada pastikan mereka ini mintak rujuk kepada Jawatankuasa Fatwa. Kalau tidak nanti, kita akan mewujudkan kekeliruan di kalangan rakyat kita.

Dan yang ketiganya, seperti mana yang di, di, disentuh oleh dua orang rakan saya tadi, berkenaan dengan tatacara kita. Jadi saya nak ambil kesempatan ini untuk mengingatkan diri saya dan rakan-rakan bahawa kita semua di sini adalah mereka yang digelarkan Yang Berhormat. Dan kalau kita lihat dari segi bahasanya, imbuhan "ber" sebelum "hormat" itu menunjukkan kita mempunyai hormat. Dia macam kita bersopan santun, ataupun beristeri ya, bersuami ya. Jadi "Yang

Berhormat” maksud dia seorang yang, yang mempunyai kehormatan diri. Tak semestinya orang ni dihormati kerana dia kadang-kadang orang yang tak kenal kita tak hormati kita, tetapi itu tidak bermakna kita bukan Yang Berhormat. Kerana kita sentiasa membawa kehormatan diri kita sendiri. Jadi kita selalu saling hormat dan menghormati.

Dan kalau dilihat dalam titah ucapan baginda, ada banyak tempat, saya fikir di perenggan ke-4, ucapan baginda, perenggan 32 dan 33 menyentuh tentang perkara ini. Iaitu termasuk tentang mematuhi Peraturan Tetap Dewan ini. Dan kita sebagai ahli Yang Berhormat, yang menggubal undang-undang ini sudah pastinya mempunyai tanggungjawab yang lebih berbanding dengan yang lain untuk memastikan kita mematuhi gelaran kita sebagai Yang Berhormat. Dan, maka itu kalau kita lihat dalam Peraturan-Peraturan Tetap sendiri, terdapat perkara-perkara yang melarang ahli Dewan untuk mendatangkan sangkaan tidak baik terhadap ahli lain. Menuduh seseorang yang lain. Menggunakan perkataan yang menyakitkan hati. Dalam kita bertanyakan soalan pun, melarang bertanyakan soalan yang mengandungi tohmahan, bayangan buruk ataupun sindir menyindir.

Jadi ini, undang telah digubalkan, dan kita sebagai Yang Berhormat seharusnya menjadi contoh kepada yang lain-lain. Jadi kita percaya sebagai pemimpin kepada masyarakat, pemimpin kepada rakyat, kalau kita berjaya menjadikan contoh yang baik, saya yakin dan percaya, segala yang kita usahakan bagi memastikan kesejahteraan rakyat dan kemakmuran negeri ini dapat kita lipat gandakan dengan bertambah baik lagi. Dengan kata-kata itu, saya mohon menyokong. Terima kasih.

Y.B. Yang Dipertua Dewan: Terima kasih YB. Ada lagi? Silakan Gemencheh.

Y.B. ADUN Gemencheh: Bismillahirrahmannirrahim. Terima kasih Dato' Yang Dipertua kerana memberi ruang kepada saya untuk membawa usul menjunjung kasih titah ucapan Duli Yang Maha Mulia Yang di-Pertuan Besar Negeri Sembilan bagi Persidangan Pertama Penggal Yang Keempat bagi tahun 2016.

Isu yang pertama yang saya nak bawak adalah mengenai kejadian banjir baru-baru ini di Gemencheh. Walaupun secara teknikalnya punca sebenarnya adalah disebabkan hujan yang turun terlalu lebat. Walau bagaimanapun, kita harapkan agensi-agensi yang berkaitan mencari punca ya, punca-punca lain bagi mengatasi masalah banjir supaya tidak berulang pada masa-masa akan datang.

Yang keduanya, kita perlulah menaik taraf anak-anak sungai ataupun *monsoon-monsoon drain* yang sedia ada di kawasan Pekan Gemencheh. Dan pihak kami juga mencadangkan agar projek Rancangan Tebatan Banjir bagi Pekan Gemencheh dan Air Kuning dikaji semula dan perlu dipercepatkan untuk mengelakkan kejadian banjir. Dan kami meminta, mengucapkan ribuan terima kasih kepada Kerajaan Persekutuan yang banyak membantu, yang akan membantu mangsa-mangsa banjir, terima kasih kepada UMNO Pusat yang turun padang untuk membantu mangsa-mangsa banjir. Dan jugak mengucapkan ribuan terima kasih kepada Kerajaan Negeri yang juga akan membantu mangsa-mangsa banjir.

Dan dari segi, yang keduanya dari segi pendidikan. Tahniahlah, usaha ke, usaha Kerajaan Negeri yang menitikberatkan bidang pendidikan. Dan hasilnya kita kekal berada di kelompok 5 teratas peperiksaan utama bagi 2 tahun berturut-turut. Cuma hari ini saya meminta, disebabkan Maahad Ahmadi, permintaan yang cukup tinggi daripada tahun ke tahun ya, kita tidak dapat mengambil pelajar-pelajar yang lebih ramai kerana kekurangan ya, kekurangan blok-blok sekolah. Dan kita berharap akan datang, Kerajaan Negeri boleh tengok balik supaya kita dapat meningkatkan taraf Maahad Ahmadi di Gemencheh kerana antara sekolah yang berjaya di Negeri Sembilan ni.

Dan jugak, terima kasih kepada Kerajaan Negeri yang telah membantu pembinaan surau, kantin sekolah dan infrastruktur-infrastruktur lain di sekolah Maahad dan jugak di ITQAN. Dan baru-baru ini ada perjumpaan dengan guru-guru dan jugak ibu bapa penjaga, dia meminta Kerajaan Negeri agar mempertimbangkan untuk memberi sebuah bas untuk kegunaan Maahad dan jugak ITQAN di Gemencheh.

Dan daripada Dasar Perumahan Negeri, alhamdulillah, Kerajaan Negeri menyediakan 50 peratus perumahan mampu milik setiap projek perumahan di Negeri Sembilan. Satu tindakan yang amat baik. Dan saya berharap lebih banyak rumah-rumah mampu milik yang akan dibina di Negeri Sembilan. Bukannya kita jual tanah untuk Rumah Mampu Milik, tapi kita membuat projek-projek yang lain yang menguntungkan satu pihak sahaja.

Tadi saya tertariklah dengan Yang Berhormat Repah, mengatakan kewujudan baju merah mengganggu gugat perpaduan di, masyarakat di negara kita. Tetapi sebenarnya, kalau tuan-tuan tengok, kenapa kewujudan baru merah ini? Dia wujud kerana sikap kurang ajar baju kuning yang dah masuk kali yang keempat. Kita baru sekali nak buat, kenapa kita menuduh Baju Merah ni kurang ajar. So meni, nilailah balik

[Kekecohan di dalam Galeri Persidangan]

Y.B. ADUN Bukit Kepayang: Mintak Gemencheh, ADUN Gemencheh.....

Y.B. ADUN Repah: Gemencheh.

Y.B. ADUN Bukit Kepayang: saya rasa *you* tarik balik perkataaan “kurang ajar” tu

Y.B. ADUN Gemencheh: Nilailah balik ya.

Y.B. ADUN Bukit Kepayang: yang Baju Kuning tu, saya pakai baju kuning ni

Y.B. ADUN Repah: Tarik balik perkataan kurang ajar tu.

Y.B. ADUN Bukit Kepayang: jangan gunakan perkataan “kurang ajar” tu.

Y.B. ADUN Repah: Tarik balik kamu kata Bersih ni kurang ajar.

Y.B. ADUN Bukit Kepayang: Siapa kata Baju Kuning kurang ajar?

Y.B. ADUN Gemencheh: Habis siapa pulak kata baju merah

Y.B. ADUN Bukit Kepayang: Apa tak

Y.B. Yang Dipertua Dewan: Ahli Yang Berhormat.

Y.B. ADUN Bukit Kepayang: Tak, Gemencheh

Y.B. ADUN Repah: Tarik balik.

Y.B. ADUN Bukit Kepayang: tarik balik perkataan “kurang ajar” tu
.....

Y.B. ADUN Repah: kawan-kawan kata jangan

Y.B. ADUN Bukit Kepayang:jangan kurang ajar dalam Dewan yang mulia ini.

Y.B. Yang Dipertua Dewan: Yang Berhormat.

Y.B. ADUN Gemencheh: Saya tak kurang ajar dengan *you*.

Y.B. Yang Dipertua Dewan: Yang Berhormat.

Y.B. ADUN Bukit Kepayang: Jangan kurang ajar Gemencheh, tarik balik.

Y.B. Yang Dipertua Dewan: Yang Berhormat.

Y.B. ADUN Gemencheh: Kenapa *you* perlu, perlu

Y.B. ADUN Repah: Tarik balik.

Y.B. Yang Dipertua Dewan: Bukit Kepayang.

Y.B. ADUN Bukit Kepayang: Tarik balik perkataan tu.

Y.B. ADUN Repah: Tarik balik.

Y.B. ADUN Gemencheh: terasa, pasal apa *you* perlu terasa?

Y.B. ADUN Bukit Kepayang: Saya nak katakan Baju Merah tu perkauman, Baju Kuning bukan perkauman. Kamu jangan tuduh Baju Kuning tu kurang ajar.

Y.B. ADUN Gemencheh: Bagi saya

Y.B. ADUN Repah: Tarik balik.

Y.B. ADUN Gemencheh: Bagi saya

Y.B. ADUN Bukit Kepayang: Dato' Yang Dipertua, saya rasa dia

Y.B. ADUN Repah: Tarik balik.

Y.B. Yang Dipertua Dewan: Yang Berhormat.

Y.B. ADUN Bukit Kepayang: gunakan perkataan yang tak sesuai
Dato' Yang Dipertua

Y.B. ADUN Repah: Tarik balik.

Y.B. Yang Dipertua Dewan: Yang Berhormat.

Y.B. ADUN Repah: Tarik balik.

Y.B. ADUN Bukit Kepayang: Saya nak ADUN Gemencheh tarik balik.
Tarik balik Gemencheh.

Y.B. ADUN Repah: Tarik balik.

Y.B. ADUN Port Dickson: Gemencheh jangan kurang ajar.

Y.B. Yang Dipertua Dewan: Yang Berhormat.

Y.B. ADUN Bukit Kepayang: Jangan jadi *racist* tau.

Y.B. ADUN Gemencheh: Saya, saya bukan *racist*.

Y.B. ADUN Bukit Kepayang: Kalau tak jadi *racist* tarik balik

Y.B. ADUN Gemencheh: Saya bukan *racist*

Y.B. ADUN Bukit Kepayang: perkataan “kurang ajar” tu.

Y.B. ADUN Gemencheh: saya beritahu kewujudan

Y.B. ADUN Repah: Jangan kata kurang ajar.

Y.B. ADUN Bukit Kepayang: Tak, Dato' Yang Dipertua, saya rasa Gemencheh

Y.B. Yang Dipertua Dewan: Yang Berhormat, Yang Berhormat duduk.

Y.B. ADUN Bukit Kepayang: gunakan perkataan “kurang ajar” tu. Dia yang mulakan

Y.B. Yang Dipertua Dewan: Duduk, duduk Yang Berhormat.

Y.B. ADUN Bukit Kepayang: Dia yang mulakan masalah.

Y.B. ADUN Repah: Tarik balik dulu baru kita boleh duduk.

Y.B. ADUN Bukit Kepayang: Kamu punca masalah. Jangan senyum. Jangan, jangan nak kelirukan orang.

Y.B. ADUN Gemencheh: Saya, saya bukan punca

Y.B. ADUN Bukit Kepayang: Mengaku saja.

Y.B. ADUN Gemencheh: Tak ada, tak ada.

Y.B. ADUN Bukit Kepayang: Kalau dah terlanjur kata, tersasul kata, mengaku saja.

Y.B. ADUN Gemencheh: Tak, saya bukan tersasul. Saya tak akan menarik balik apa yang saya cakap, okay.

Y.B. ADUN Bukit Kepayang: Maknanya niat kamu memang kurang

Y.B. ADUN Gemencheh: Mintak saya teruskan

Y.B. ADUN Bukit Kepayang: Tarik.

Y.B. ADUN Repah: Memang ada niat.

Y.B. ADUN Gemencheh: Dato' Speaker.

Y.B. ADUN Bukit Kepayang: malas fikir.

Y.B. ADUN Gemencheh: Seterusnya saya
[Kekecohan kembali reda]

Y.B. Yang Dipertua Dewan: Yang Berhormat, sebelum, sebelum nak meneruskan ucapan, saya menegur ya, Bukit Kepayang dengan Repah. *Next time*, nak cakap Bahasa Melayu pun boleh, Yang Berhormat, *address me*, saya tertonggok di depan ni, Yang Berhormat *address me*. *You are wrong*.

Saya nak ngatakan dalam Dewan ni, Bukit Kepayang dan Repah melanggar. Yang Berhormat tak boleh suruh tarik kecuali meng-address kepada Yang Dipertua Dewan. Mintak Yang Dipertua Dewan pertimbangkan. Kalau saya fikir perlu tarik, saya akan suruh dia tarik. Tapi Yang Berhormat telah melanggar di mana Yang Berhormat memintak terus kepada ADUN Gemencheh. Itu silap dan salah Yang Berhormat. Silap dah salah. Sila duduk Yang Berhormat ya, sila duduk.

Dan yang kedua, saya nak bagitau usul Baju Merah, Baju Kuning ni, siapa makan cili dia terasa pedas. Saya nampak jelas sangat bahawa di depan ni, usah ditimbulkan isu ni, ya. Sebagai ahli Yang Berhormat ingin membahas saya membenar, tak pernah saya penghalang, bahaslah ya. Tetapi tadi, ada satu ayat keluar, saya tak nampak seorang pun bangun. Satu ayat yang dikeluarkan begitu kasar ya, pada awal pagi tadi. Saya tak tengok seorang pun ahli Yang Berhormat bangun. Menunjukkan ahli Yang Berhormat ni pilih kasih ya. Kalau silap, bagitahu. Bahkan saya pulak terpaksa menegur.

Jadi, saya harap, berharap kepada semua ahli-ahli Yang Berhormat, berhati-hati dalam penggunaan. Dan bila meng-address kepada ahli Yang Berhormat, mintak pencelahan melalui saya. Saya amat serius dalam hal ini. Silakan Yang Berhormat.

Y.B. ADUN Gemencheh: Terima kasih Dato' Yang Dipertua. Seterusnya saya mengucapkan ribuan terima kasih di atas pembinaan pam air ya, dan paip di, untuk Empangan Gemencheh kerana walaupun kita dalam musim El Nino ini, kita masih lagi tidak membuat catuan air kerana Kerajaan Negeri telah bersiap sedia untuk mengatasi masalah kekurangan air di Negeri Sembilan. Saya ucapkan tahniah kepada Kerajaan Negeri, Negeri Sembilan. Itu saja yang saya nak sampaikan dengan itu saya mohon menyokong. Terima kasih Dato' Yang Dipertua.

Y.B. Yang Dipertua Dewan: Terima kasih kepada Yang Berhormat ADUN Gemencheh. Ada lagi yang nak berbahas? Silakan Juasseh.

Y.B. ADUN Juasseh: Dato' Yang Dipertua, terima kasih kerana memberi ruang kepada saya untuk mengambil bahagian di dalam usul titah ucapan Duli Yang Maha Yang di-Pertuan besar Negeri Sembilan di Istiadat Pembukaan Persidangan Pertama Penggal Keempat, Dewan Undangan Negeri yang telah dicadangkan oleh ADUN Seri Menanti dan disokong oleh ADUN Klawang.

Pertamanya, Yang Berhormat Dato' spi, Yang Dipertua, saya nak betulkan *statement* Palong tadi, dia kata ADUN Juasgeh *membuto jo* dalam Dewan. Saya *takdo membuto doh To'*, tadi *dio siap gogar an* badan saya tadi. Saya *lolap an mato jo* tadi sebab kusyuk dengar dia cakap. Bukannya apa, sebab saya tak *ghoma* dia cakap tadi tu Dato'. Sebab kalau saya tutup *telingo kang*, nampak *bona* saya tak *ghoma* dengan *dio* kan.

Tapi walau apa pun, saya ingin mengucapkan tahniah kepada Kerajaan Negeri di atas titah ucapan Duli Yang Maha Mulia Yang di-Pertuan Besar. Banyak perkara yang disebutkan di dalam titah ucapan Duli Yang Maha Mulia Tuanku. Antaranya mengenai pembangunan modal insan yang kita sama baca, yang kita sama dengar, di dalam keputusan SPM Negeri Sembilan menduduki tempat teratas, kelima teratas yakni Sekolah Maahad Ahmadi Gemencheh berjaya mengekalkan pencapaian terbaik peringkat kebangsaan selama 2 tahun berturut-turut dalam STAM.

Saya jugak berharap jugak ni, Yang Berhormat Dato' Yang Dipertua, kalau boleh *ado* maahad, Maahad Ahmadi ni di Juasgeh. Gemencheh jangan *koyok bona*. Tadi Palong cakap Gemencheh tersandar je tadi. Dan kalau boleh saya memang mintak kepada Kerajaan Negeri tolong buat di Juasgeh kerana ini adalah pencapaian terhebat pembangunan modal insan di Malaysia ya. Dan pembangunan sekolah-sekolah agama ni ya, terutamanya sekolah tahfiz ini, memberi banyak rahmat terutamanya kalau adalah kawasan di DUN Juasgeh.

Dan jugak pencapaian daripada sekolah Menengah Sains Tuanku Munawir Seremban, dengan keputusan SPM terbaik di peringkat kebangsaan ya. Jadi macam mana ADUN Palong *ngoba an* tak baik, tak tahulah saya. Saya *raso* hebat *bona* Negeri Sembilan ni.

Y.B. ADUN Palong: Boleh bagi laluan? Sekolah Sains Seremban ni memang sekolah yang terbaik SPM-nya peringkat Malaysia. Yang saya nak bangkitkan tu, ialah perjuangan kita untuk mendapatkan pelajar-pelajar daripada Negeri Sembilan duduk belajar situ. Anak saya 3 belajar situ. Saya tengok, daripada Negeri Sembilan sangat sedikit. Haa, itu yang saya maksudkan, supaya kita di Negeri Sembilan memperjuangkan hak kita. Letak anak-anak Negeri Sembilan di SDAR ramai, di TKC ramai, di sekolah yang terbaik ni, Sains Seremban *ghamai*. Haa itu lah perjuangan kita. Terima kasih.

Y.B. ADUN Juasseeh: Terima kasih kepada Palong. Anak *eh tigo* orang belajar situ, tak *yo* syukur lagi tu *doh*. Anak saya *takdo* belajar situ Dato' kan. Jadi syukurlah Dato'. *Kito ni*

Y.B. ADUN Palong: Payah *bona* nak faham.

Y.B. ADUN Juasseeh: Tak nombor satu kita kena syukur. *Lopeh tu kito bueklah. Sobab dalam kito punyo*, titah ucapan Duli Yang Maha Mulia tuanku ni *ado* menyebutkan Kerajaan Negeri Sembilan merancang. Kalau merancang ni *takdo* jadi sekali Dato'. Dalam merancang ni, kita 30 tahun, dalam 30 tu samalah dalam rakan-rakan sebut tadi, ada yang kito buek 5 tahun, *ado* yang kito *buek* 15 tahun, 20, 10 tahun. Jadi ada frasa, fasa-fasa pembangunan tersebut.

Jadi untuk *mengobakan* Dato' Setiausaha tak *baguih*, saya cukup *ghoma* Dato' Setiausaha Kerajaan Negeri tu. Kawasan saya tak ada air, *tongah* malam, *sok* pagi tu nak *ghayo*, saya telefon Yang Amat Berhormat Menteri Besar, saya *Whatsapp dio*, Whatsapp, *samo yo deh*, kampung Dato' Lilah dengan kampung *se ni*. Tak berair, kan. Paip *pocah*, bukan tak berair, *ado* air. Dato' SS Whatsapp saya *tongah* malam. *Tongah* malam tu sampai esok pagi, "*ado* air esok pagi Dato' Razi" dia kata. Alhamdulillah. Haa jadi kalau saya boleh *bertopok* dengan kawan, saya nak *topok* tu Dato' SS. Tahniah kepada Dato' SS. Banyak perkara-perkara yang *dio* selesaikan ya.

Tapi kita dalam membangunkan *negori* ini, seperti kita sedia maklum. *Ado bondo-bondo kito selosai boleh copek, kito solosai copek*. Sama jugak dengan rakan-rakan daripada pihak pembangkang, hari ni mintak *sokgi* nak. Tak *dapek doh* Dato', ya. *Ado bondo* yang *kito* merancang, *kito bueklah, kito susun*.

Tapi saya tak *ado* nak banyak cakap hari ni *doh* Dato', masalah air se masih tak *selosai* lagi. Ya, *bondo* tu paip kan, nak mengganti eh 3 juta, ya. Habih duit pembangunan Negeri Sembilan *kek Juasseeh besok, maghah* pulak di *Koto*, Dato' kan. Jadi *kito* bagi-bagilah *apo* yang *ado*. Jadi *kito* sabar banyaklah Dato' kan. Tapi kita mintak kepada pihak SAINS bantu saya *selosaikan* masalah air *se*. Tadi terbalik tangki *godang* *kek, kek Terontang, se* tunjuk gambar *kek* Encik Wan. *Selosailah*, memang *koji dio*. Tapi *apo* pun To', saya ucapkan terima kasihlah kepada Kerajaan Negeri, banyak menyelesaikan masalah.

Dari segi pembangunan luar bandar, saya yakin ya, bukanlah maksud apa yang dicadangkan oleh ADUN Palong ni tidak dipersetujui oleh Kerajaan Negeri. Saya pun setuju yang *spine road* tu daripada *Seghomban* sampai Serting adalah satu *perkaro* yang penting untuk

merealisasikan pembangunan luar bandar. Itu perlu, tapi *caro kito* nak mintak tu To' kadang *kono puji pujilah Dato'*. *Lopeh* tu

Y.B. ADUN Palong: Tak payah.

Y.B. ADUN Juasseeh: *Lopeh* tu *kito* mintak macam kita mintak kek Allah taala pun To'. Fatihah tu 7 ayat, 3 *setongah* ayat muji dulu. Haa tak *ado membalun-balun apo*, Allah taala *doh*. Mampuih tak *boghi* Allah taala *doh* kan.

Y.B. ADUN Palong: Itu Allah taala. Ini Kerajaan Negeri.

Y.B. ADUN Juasseeh: *Kito* mintaklah, *kito* puji *oghang*, orang dah puji, barulah *dio moghi*, Dato' kan. Jadi, sama-sama lah. Satu lagi saya nak melahirkan kekecewaan kita kepada rakan kita sendiri ya. Kita bercakap bahasa mencarut-carut ni tak eloklah Dato' ya, dalam Dewan Undangan Negeri. Tapi saya terima kasihlah kepada ADUN Palong. *Dio* tak *ado* mencarut-carut *doh*, cakap elok. Itu cara penyampaian dialah kan. Tapi kita ni, kita berbudi bahasalah Dato', ya. Dalam Dewan Undangan Negeri ni, kang saya nak *ngoba* kecewa kepada Dato' Speaker sendiri pun tak *boto*, Dato' Speaker pun *togo* kan. Tapi *takdolah* sampai nak keluar dewan kan. Tapi tak *konolah* Dato' ya. *Namo* ni, Dewan yang mulia kan. *Samolah* pihak pembangkang pun ambil maklum ya.

Jadi saya taknak nak mintak banyak-banyak Dato', saya mengucapkan terima kasih kepada Yang Berhormat Dato' Yang Dipertua, memberi ruang kepada saya. Ada satu perkara yang saya rasa perlu kita pertimbangkan iaitu judi siber ni, yang menggunakan lesen hiburan keluarga ni telah dibatalkan secara keseluruhan Dato'. Jadi, ni mengakibatan kepada permasalahan oarng yang betul-betul menjalankan hiburan keluarga. Sebab saya pernah tengok satu kes, yang orang ni betul-betul buat taman permainan kanak-kanak, dia kena bayar, dia tak ada melibatkan langsung perkara-perkara yang perjudian. Tapi oleh kerana lesen hiburan keluarga ni telah dibatalkan secara total, jadi mereka yang tidak bermasalah pun terlibat. Jadi tak patutlah saya rasa mereka ni di terlibat sebagai orang yang teraniayalah. Jadi saya mintak kepada pihak kerajaan mengambil, mengkaji semula.

Yang keduanya dari segi perumahan tadi, Linggi ada bawak ya. Mengatakan rumah 80 ribu ni, betul mampu milik, tapi apa yang terjadi

di Rumah Senimas di Kampung Boteng tu daripada 100 lebih rumah, yang mohon lebih pada 1,000 lebih orang, yang layak 600, yang diundi 100. Tetapi bila di-check semula mereka yang boleh meminjam bank, yang mampu bayar deposit 10 peratus, mampu bayar duit *lawyer fees* dan lain-lain, tak ramai. Jadi kurang daripada 100 orang, kurang daripada 50 oranglah. Jadi, nampak sangat ya, keupayaan orang yang untuk meminjam bank ni tak ramai.

Jadi Kerajaan Negeri perlu memikirkan betulkah mereka ini mampu memiliki rumah 80 ribu, atau ada golongan lagi yang memerlukan rumah di antara 35 ribu sampai 80 ribu. Haa jadi mintak kerajaan mengkaji semula permohonan ni. Dan kalau ada duit wakaf tu, saya rasa tak perlu jugaklah mungkin boleh bangunkan perumahan wakaf ni bukan saja mungkin di tanah, di tanah wakaf, mungkin di tanah kerajaan. Saya mintak, mohonlah Kerajaan Negeri pertimbangkan sebab tak semua tanah wakaf ada di tempat-tempat yang memerlukan.

Setakat itu dulu, mohon ampun dan maaf kepada semua, terkasar bahasa terlanjur bicara. Yang baik itu daripada Allah, saya mohon menyokong. Terima kasih.

Y.B. Yang Dipertua Dewan: Terima kasih Yang Berhormat Juasseeh. Dengan itu semua ahli-ahli telah pun mengambil bahagian. Saya akan mintak pihak kerajaan untuk menjawab. Sebelum itu, saya nak bagi peringatan sekali lagi kepada ahli-ahli Yang Berhormat, kalau pihak kerajaan menjawab, ahli Yang Berhormat nak mencelah, ahli Yang Berhormat mintak izin pada saya dulu. Saya boleh, tak ada masalah. Dan bila saya tengok yang memberi jawapan tu memberi laluan, barulah ahli Yang Berhormat boleh mencelah ya. Kita jaga adab kitalah ya. Jadi saya persilakan pihak kerajaan untuk menjawab.

Y.B. ADUN Pilah: Yang Berhormat Dato' Yang Dipertua, ada dua, dua perkara yang dibangkitkan, mohon izin untuk saya memberi pencerahan. Pertamanya daripada ADUN Temiang berkaitan dengan pembinaan Rumah Seri Kenangan di Seremban. Untuk pengetahuan, Rumah Seri Kenangan ini akan dinaikkan taraf dan ia dalam proses, proses tender pembinaan dan akan dijangkakan pada bulan Mei 2016 ini. Dan proses yang akhir ialah menyediakan reka bentuk. Itu status di Rumah Seri Kenangan.

Bagi ADUN Lobak juga, ada membangkitkan berkaitan dengan permohonan yang tidak dipertimbangkan. Maknanya ditolak. Dan untuk pengetahuan, Jabatan Kebajikan Masyarakat melalui semua proses ini dan kita proses semua permohonan. Dan bukan hanya

kepada penilaian kita kepada yang sakit tetapi ada beberapa faktor yang sebenarnya permohonan ini mungkin kita tidak pertimbangkan untuk bantuan.

Pertamanya, lepas siasatan dibuat, ada beberapa perkara yang dilihat perlu tidak dipertimbangkan untuk diberi bantuan contohnya melepas garis kemiskinan. Dan juga ada ahli keluarga yang duduk se, dalam sebuah rumah dan mereka ini mampu untuk menanggung keluarga. Dan juga mungkin keberangkalian anak-anak yang di luar jugak mampu menanggung atas laporan yang dibuat oleh pihak pemohon ataupun pengakuan yang dibuat oleh pihak pemohon, dan jugak pengakuan daripada pihak anak-anak.

Namun begitu, sekiranya permohonan tuan-tuan dan puan-puan tidak dipertimbangkan untuk kelulusan ataupun tidak dapat diberi bantuan, kita sedia menerima rayuan untuk kita buat semakan dan siasatan semula. Jadi, untuk pengetahuan juga kepada ADUN Lobak, bagi statistik bantuan di peringkat DUN Yang Berhormat ialah seramai 453 orang yang menerima bantuan. Terima kasih.

Y.B. Yang Dipertua Dewan: Ada lagi?

Y.A.B. ADUN Rantau: Dato' Yang Dipertua, saya mengucapkan banyak-banyak terima kasih kepada semua rakan-rakan ahli Yang Berhormat yang telah dapat mengambil bahagian di dalam membahaskan usul titah, menjunjung kasih titah ucapan Duli Yang Maha Mulia Tuanku Yang di-Pertuan Besar pada semalam semasa titah ucapan perasmian pembukaan sidang Dewan kita iaitu Mesyuarat Pertama Penggal Keempat, sesi yang ke-13. Terima kasih diucapkan kepada, kepada Seri Menanti yang telah pun membentangkan cadangan usul menjunjung kasih dan disokong oleh, daripada Klawang.

Berkenaan dengan soalan-soalan ataupun isu-isu yang dibawak oleh ahli-ahli Yang Berhormat dalam perbahasan tadi, banyak perkara-perkara yang dikeluarkan, yang telah diutarakannya adalah merupakan perkara-perkara yang telah pun kita bahaskan beberapa kali dan perlu diambil perhatian terutamanya berkenaan dengan urusan-urusan perkhidmatan-perkhidmatan terutamanya yang merangkumi perkhidmatan yang bersangkut-paut dengan masyarakat seharian. Seterusnya seperti penyelenggaraan jalan, penyelenggaraan kemudahan-kemudahan awam yang lain, termasuk pengangkutan awam.

Banyak jugak kita dengar tadi daripada beberapa orang ahli Yang Berhormat berkenaan dengan isu pengangkutan awam myBAS. MyBAS ini merupakan suatu perkhidmatan awam yang telah pun diambil alih dan diuruskan oleh Suruhanjaya Pengangkutan Awam Darat yang mana Daerah Seremban dan Nilai telah pun dijadikan sebagai *pilot project* di Negeri Sembilan. Dan ketentuan jalan-jalan dan laluan-laluannya telah pun dibuat. Dan ia dipantau melalui sistem JPS dan jugak penalti-penalty tertentu akan dikenakan jika didapati operator myBAS ini yang menjalankan perkhidmatan ini tidak mengikuti laluan yang telah pun dipersetujui.

Walau bagaimanapun sistem bas berhenti berhenti ini Dato' Yang Dipertua, dia merupakan satu sistem *trunk* dan *feeder*. Dia mesti ada *feeder* jugak yang memerlukan satu sistem yang lain. Dan jugak satu *trunk service* yang diuruskan oleh pihak myBAS kerana pihak myBAS tidak mampu untuk masuk ke seluruh kawasan taman ataupun kawasan-kawasan perumahan.

Berkenaan dengan isu-isu yang dibawak oleh saya, satu persatu. Daripada DUN Chennah berkenaan dengan sidang Dewan. Kita perlu lihat juga bagaimana ia boleh dijadikan sebagai satu sidang Dewan yang memberikan ruang kepada semua ahli Yang Berhormat untuk memberikan pandangan. Tetapi seperti yang kita ketahui bahawa sidang kali ini kita buat satu hari kerana tidak ada enakmen-enakmen, *bill* yang perlu kita luluskan. Dan kita jangkakan bahawa ia dapat selesai, bahkan ia selesai dalam pukul 5:00, Dato' Dipertua. Semua orang telah pun diberikan ruang untuk bercakap. Dan semua dapat memberikan pandangan. Dan memang tidak ada kemungkinan untuk kita tambah lagi satu hari. Itu terpulang jugak kepada soalan-soalan yang perlu kita lihat pada masa-masa yang akan datang.

Berkenaan dengan penebangan hutan tadi, saya dah sebut Dato' Dipertua, dia merupakan satu kawasan tanah lot persendirian. Dan kita di bawah Akta Perhutanan, itu tanah milik persendirian, mereka boleh menebang. Tapi mereka tak boleh membawak alih yang telah mereka tebang kerana jika mereka nak alihkan dari tempat situ keluar mereka memerlukan permit. Jadi apabila pihak Jabatan Hutan didatangi ataupun pihak Kerajaan Negeri didatangi oleh pihak yang tuan punya tanah, yang telah pun nak buat eko pelancongan di sana, Dato' Dipertua, mereka telah mintak permit dan permit diberikan setelah pokok tersebut di, ditebang dan telah pun dilonggokkan. Kerana adalah suatu perkara yang sia-sia kalau kita tak bagi, dan apa yang kita takut ialah mereka akan mengeluarkan secara haram. Adalah lebih baik diberi permit untuk dapat sedikit hasil dan ia akan mendatangkan hasil yang, yang baik kepada Kerajaan Negeri.

Yang lain tu adalah laluan yang dibuat oleh pihak TNB, yang kita perlu akur kerana dia adalah di bawah akta tenaga yang, yang perlu kita bagi laluan kepada mereka.

Lot rumah di Simpang Durian, Dato' Dipertua. Pilihan telah dibuat secara saringan daripada tahun 2006 lagi, dah lama. Dan rumah di Simpang Durian ini Dato' Dipertua, merupakan lot yang kita, tanah kerajaan kita buat pecahkan lot, dan bekerjasama dengan pihak SPNB. SPNB akan membina rumah di sana dan mereka yang terpilih tersebut akan, akan ter, akan perlu membeli daripada SPNB, Dato' Yang Dipertua ya, kerana ia dibina oleh SPNB.

Jadi timbul jugak beberapa perkara seperti yang disebut oleh ADUN Linggi dan jugak ADUN Juasgeh tadi, ketidakupayaan macam di Seliau Jaya. Dan saya yakin jugak di Tanah Merah nanti pun akan wujud perkara sebegini. Yang mana mereka yang kita pilih tu memang merupakan pekerja estet yang asal. Umur dia dah tinggi, tetapi memandangkan kita menepati janji kita, kita bagi kepada orang tersebut. Bahkan di Seliau Jaya, Dato' Yang Dipertua, kalau ikut nama yang asal cuma 97 orang sahaja yang layak. Tetapi memandangkan ada keperluan untuk kita memberi kepada mereka yang dulu telah keluar daripada estet tersebut, tetapi rekod menunjukkan mereka bekerja di situ. Tapi yang dihadapi sekarang ialah Dato' Dipertua, ialah mereka tidak mampu untuk membuat pinjaman bank kerana faktor usia dan macam-macam.

Kerajaan Negeri cuba untuk menolong kalau boleh mereka ini boleh meminjam di atas dua nama dan lain-lain. Ini sedang kita buat. Dan begitu jugaklah proses dibuat. Saringan amat ketat Dato' Yang Dipertua. Dan ini dibuat di peringkat akar umbi dan di peringkat-peringkat daerah. Dan dianya dicabut undi, Dato' Yang Dipertua. Tidak ada mereka yang secara automatik dibagi, tetapi mereka ini semua dicabut undi. Macam Rumah Mampu Milik di Juasgeh, Dato' Yang Dipertua, ada lebih kurang 1,000 orang. Yang layak 600, rumahnya 100 biji, jadi 100 biji sajalah yang akan, ataupun 100 orang sajalah yan gakan layak dapat. Dan dalam 100 orang ni pun kita tak tahu berapa orang yang boleh, layak untuk diberikan pinjaman oleh bank. Ini satu perkara yang lain. Layak dapat rumah ataupun diundi tapi sama ada mereka ini *viable* ataupun mereka ini dapat menepati kriteria yang ketat yang dikenakan oleh pihak-pihak bank sebagai pempinjam. Itu satu perkara yang lain.

Berkenaan dengan *public transport*, tadi saya dah katakan. Dan SOP bencana alam. Kita tak ada SOP apa-apa Dato' Yang Dipertua. Tetapi apa yang kita perlu, perlu kita lihat, kita patuhi ialah sebarang bentuk perbelanjaan yang dikeluarkan oleh kerajaan ia perlu mematuhi

arahan-arahan kewangan dan, dan perbendaharaan. Itu yang perlu kita buat. Itu kadang-kadang pembayaran ini lewat sedikit kerana memerlukan beberapa proses yang perlu diluluskan di beberapa peringkat untuk diberikan ataupun dibuat pembayaran. Kerana sebarang bentuk pembayaran kita mesti patuh kepada Arahan Kewangan dan Surat-Surat Pekeliling Perbendaharaan. Tetapi tidaklah lambat sangat.

Dan dalam kejadian ribut ni, Dato' Dipertua, saya tak pastilah kerana mengatakan sampai berminggu-minggu tu, tak betul agaknya kerana dari apa yang saya dengar, ataupun maklum balas yang saya telah pun terima, dalam masa kurang daripada 1 minggu semua rumah telah pun siap. Bahkan ada yang 3 hari, ada yang 4 hari. Cadangan daripada DUN Chennah tadi supaya 1,000.00 ringgit ke bawah tu dia buat, buat sendiri. Tapi dia akan menimbulkan masalah tentang pembayaran, Dato' Yang Dipertua, kerana kita, kerajaan kita mesti mengikut dan mesti menurut apa yang telah pun disiapkan sebagai Arahan Perbendaharaan ini supaya kita mempunyai cara-cara. Sama ada kita nak lulus ataupun nak membuat pembayaran. Tapi satu pandangan dan cadangan yang baik jugak untuk kita kaji dan untuk kita, untuk kita lihat dengan lebih mendalam lagi.

Yang lain tak ada nampaknya, apa. YB Palong tadi, yelah kita ambil maklumlah apa yang telah pun disebut oleh beliau berkenaan dengan *aging population*, berkenaan dengan angka-angka tersebut. Kita, Dato' Yang Dipertua, kita mesti memulakan langkah, sebarang suatu kerja itu kita mesti cita-citakan dulu ya. Dan kita mesti letakkan di atas kertas, dan daripada sana kita buat kita punya gerak kerja untuk kita pastikan supaya kita dapat merancang jangka panjang. Bukan nak menidakkannya, kita tak, nak menidakkannya tahun 2020, tapi 2020 hanya cuma dua tiga tahun lagi. Lepas tahun 2020, apa perlu kita buat. Walau apa pun yang berlaku tahun 2020, jika negara mencapai status Negara Maju, majulah kita, ya. Itu kita dalam semua, merupakan Persekutuan Malaysia, salah sebuah negara ataupun negeri yang ber, bernaung bersama-sama dalam persekutuan Malaysia. Jika Malaysia capai status Negara Maju, capailah Negara Maju.

Tapi apa yang penting ialah kita mahu melihat supaya, status itu satu perkara yang lain, yang penting ialah kesejahteraan rakyat. Haa ini yang perlu kita lihat. Itu sebabnya dalam kita dasar pembangunan 30 tahun kita, kita meng, mengukuhkan kita punya *mission statement* kita dengan kita akan mengadakan satu rancangan pembangunan luar bandar. Kerana kita mengambil kira bahawa pembangunan luar bandar ini mesti kita perkukuhkan untuk kita memperkasakan masyarakat ataupun penduduk luar bandar, dengan mengambil kira apa sahaja, seperti yang disebut oleh DUN Johol, kita pun telah pun

membuat keputusan di dalam Mesyuarat Majlis Kerajaan bahawa kita taklah lagi memerlukan untuk meletakkan semua *surplus* ataupun lebihan kita ke dalam Akaun Yang Disatukan. Kerana bagi sebuah negeri yang kecil macam kita Dato' Yang Dipertua, kos operasi kita tak tinggi. Jadi, kita tak mahu lebihan tersebut kita masukkan dalam, sebagai rizab dan rizab telah pun banyak. Kita memutuskan dalam mesyuarat Exco, ataupun Mesyuarat Majlis Kerajaan supaya rizab kita cukup setakat 500 juta. 500 juta ini Dato' Yang Dipertua boleh menampung pembayaran gaji kakitangan awam berpuluhan-puluhan bulan, Dato' Dipertua.

Jadi apa saja nanti pembangunan yang berlaku di *Malaysian Vision Valley* dan di kawasan bandar, lebihan daripada ini akan kita letakkan dalam satu apa yang dipanggil Dasar Pembangunan Luar Bandar 5 tahun pertama Negeri Sembilan misalnya. Dasar Pembangunan Luar Bandar ini masih lagi di atas kertas, Dato' Yang Dipertua. Kita mengambil kira, mengambil maklum apa yang disebut oleh Yang Berhormat – Yang Berhormat tadi berkenaan dengan betapa perlunya penduduk luar bandar ini diperkasakan. Itu memang jadi keutamaan kita kerana kita sebut falsafah utama kita adalah Memakmurkan Negeri, Mensejahterakan Rakyat. Adalah tempang nanti pembangunan kita jika di luar bandar kita tidak ambil kira.

Jadi, Dato' Yang Dipertua, dalam pembangunan luar bandar ini nanti berbagai-bagai perkara termasuklah pengangkutan awamnya dari bandar ke bandar, daripada pekan ke pekan, kampung ke, kampung ke pekan, pembangunan luar bandar, pembesaran-pembesaran kampung, macam-macam lagi Dato' Dipertua. Bahkan kita jugak mintak supaya dilihat sekolah-sekolah yang dulunya banyak murid, tapi dah tak ada murid, ada pulak blok-blok bangunan yang kosong untuk dijadikan sebagai asrama-asrama desa supaya anak-anak desa yang pandai tapi tak dapat masuk sepenuh, ke sekolah berasrama penuh, kita akan buat asrama desa. Sekurang-kurangnya mereka ini ada jaminan untuk mereka hidup ataupun membesar dalam keadaan yang dipandu arah oleh warden-warren dan cikgu-cikgunya.

Ini sedang kita letakkan di bawah satu konsep yang besar, Dato' Yang Dipertua, konsep yang *very ambitious plan*, dengan izin, iaitu supaya lebihan daripada pendapatan ini nanti diberikan semula kepada rakyat. Kita tak mahu lebihan ini dimasukkan ke dalam rizab kita, rizab sampai 1 bilion. Misalnya kalau dalam 10 tahun, kalau mengambil kira setiap tahun, kita ada lebihan, 100 juta Dato' Dipertua, dalam masa 10 tahun kita akan dapat 1 bilion lebihan Dato' Yang Dipertua. Tidak bermakna bagi kita jika lebihan ini kita letakkan dalam rizab kita, dan tidak menggunakaninya.

Haa itu sebabnya kita dah keputusan, *we have pack our reserve up to 500 milion*, dengan izin. *Over and above 500 milion, we going to plow it back to the people, to the rakyat Negeri Sembilan*, dengan izin. Jadi, ini perkara yang sedang kita sedang rancang dan kita ambil kira untuk kita pastikan supaya kesejahteraan rakyat akan menjadi keutamaan kita sebagai *pillar* untuk kita pastikan Negeri Sembilan makmur dan mencapai status yang kita sama-sama nak lihat.

Dato' Yang Dipertua, berkenaan dengan *highway*. Itu memang telah pun kita mintak dengan Kerajaan Persekutuan iaitu menyambung jalan daripada Seremban sampai ke Jempol, sampai ke Pantai Timur ataupun disambung dengan, sampai ke Temerloh. Itu berasaskan kepada *private initiative*. Bahkan kita telah pun diberitahu bahawa pihak Kerajaan Pusat telah pun memberikan mandat kepada sebuah syarikat untuk membuat kajian laluan dan mereka telah pun bentangkan kepada Kerajaan Negeri. Kita telah berikan pandangan, iaitu jangan ambil terlampau banyak tanah orang, orang ramai, orang kampung, tapi kalau boleh lalulah di kawasan-kawasan pinggir-pinggir, pinggir hutan supaya tak banyak tanah orang kampung diambil untuk membina laluan jalan bertol ini, Dato' Dipertua. Dan ini memang dalam perancangan kita. Taklah mengatakan kita tunggu 30 tahun. Tapi inilah, tetapi semuanya terpulang kepada kajian *feasibilities studies* ataupun *feasibilities studies* yang dibuat oleh syarikat ini dan perundingan mereka dengan unit ekonomi ataupun *Economic Planning Unit* dari Jabatan Perdana Menteri.

Dalam pada itu, Dato' Dipertua, Kementerian Kerja Raya telah pun merancang dan telah pun melihat *alignment* yang telah pun diputuskan iaitu untuk membuat jalan Kuala Pilah *by-pass*. Itupun sedang dire, sedang, sedang difikirkan dan sedang di atas *table*. Dan boleh jadi ia akan diadakan dalam kita punya orang kata *second*, ataupun dalam Rancangan Malaysia Ke-11 tapi dalam penggal yang kedua, Dato' Dipertua. Ini sedang kita buat ya.

Jadi, RTC di Jempol, permohonan daripada Palong, Dato' Dipertua, kita telah pun mintak, telah pun kita putuskan dalam Mesyuarat Exco bahawa jika RTC yang kedua di Negeri Sembilan diluluskan oleh Kerajaan Pusat, yang telah kita mohon, akan kita bawak ke da, ke, ke, ke, ke Jempol, Dato' Dipertua, di tempat, di bandar, Bandar Seri Jempol, Dato' Yang Dipertua ya.

Berkenaan dengan isu pasir Dato' Yang Dipertua, seperti apa yang telah pun tuduhan oleh ADUN Lenggeng itu, satu perkara yang amat dikesalkan, ya. Kita di sini Dato' Yang Dipertua, itu sebabnya kita ambil semula keputusan-keputusan kita, kita ubah semula. Kalau dulu memperbaharui permit pasir, memperbaharui tol pun semua kita ambil

balik kuasa yang telah pun kita berikan kepada PTG ataupun yang telah pun kita bagikan kepada Pejabat-Pejabat Daerah, Pentadbir Tanah. Kerana kita tak mahu tuduhan-tuduhan begini berlaku, Dato' Dipertua. Yang, itu sebabnya di Majlis Mesyuarat Kerajaan Negeri, kita amat *transparent*, dengan izin Dato' Dipertua ya. Dan kebanyakannya keputusan kita adalah berasaskan kepada apa yang telah pun diputuskan di, oleh bahagian jabatan teknikal. Dan kita amat telus dalam perkara ini.

Dan di Lenggeng, Dato' Yang Dipertua, ataupun di Pantai, dia ada jenis-jenis tanah yang tidak memerlukan kelulusan kerajaan. Dia boleh buat melombong, dia boleh buat ya. Sebab apa yang dipanggil tanah yang, yang ber, yang berstatus *special condition*, ini tanah lama-lama dulu ni. Zaman British dulu. *Special condition*. Dia boleh buat apa saja tanpa memerlukan permit daripada kerajaan. Inilah tanah-tanah ini yang menjadi persoalan, orang kata mengapa boleh buat. Dan Pejabat Tanah ataupun kita punya jabatan-jabatan teknikal cuma boleh memantau supaya mereka, orang kata memantau cara bekerja saja, Dato' Dipertua. *So now*, dia boleh keluarkan hasil, dia boleh keluarkan galian di atas status tanah ini berstatus *special condition*, Dato' Dipertua.

Jadi, kadang-kadang banyak orang yang tak faham, ataupun buat-buat tak mahu faham, mengambil isu ini mengatakan bahawa Kerajaan mengeluarkan pasir di tempat yang tak sepatutnya. Padahal kita tak boleh buat apa. Kang Nilai, Chennah pulak marah kata kita tak boleh buat apa. Tapi inilah dia, inilah dia, Dato' Dipertua, ada tanah yang berstatus sebagai *special condition*. Tanah yang *status condition* ini dia boleh ambil dia punya bahan galian, dia boleh apa, tapi bila nak mengalih nak apa, haa dia mesti dapat permit. Macam saya katakan, masalah balak di, ataupun pembalakan di tanah milik persendirian di, di, di Bukit Tangga, Dato' Dipertua. Sama dia punya isu dengan tanah-tanah yang berstatus *special condition* yang banyak di Lenggeng dan juga di kawasan Pantai. Apa yang kita buat ialah kita nak pastikan supaya operator yang dilantik oleh tuan punya tanah itu mesti mengikut syarat. Jika tidak, kita akan denda tuan punya tanah. Sekarang ni kita akan pergi ke tuan punya tanah. Kadang-kadang tuan punya tanah ni *faceless*, Dato' Yang Dipertua, kita tak tahu siapa. Dan operator pun dia bagi kepada operator yang lain. Haa itu sebabnya kita akan pergi.

Seperti apa yang telah pun kita keluarkan arahan pentadbiran baru-baru ini, dengan misalnya, selama ini kita keluar saman, kita bagi kepada kontraktor saja. Tapi sekarang ni, kita telah katakan jika berlaku lagi kita akan pergi mengambil tindakan kepada tuan punya projek. Boleh jadi kita akan buat *work stop order* dan macam-macam lagi supaya mereka benar-benar bersama-sama dengan kerajaan dalam

usaha untuk memantau penyakit demam denggi yang merebak, yang boleh membahayakan kesihatan, Dato' Dipertua.

Sikamat tadi, zakat tadi. Yang Berhormat Sikamat, kita menambah kita punya zakat. Bahkan Negeri Sembilan merupakan negeri yang paling tinggi sekali mengeluarkan zakat. Jadi tidak soallah. Tapi kadang-kadang ni, duit ni memang tak ada cukupnya kan. Negeri Sembilan kalau dikaji, semua penuntut-penuntut di Kaherah ataupun di Mesir, ataupun di Jordan, Negeri Sembilan merupakan negeri yang paling banyak sekali mengeluarkan *portion* zakat kepada pelajar. Pinjaman dia tak ada. Sehingga dia punya *portion ratio* dia sekarang ni 20:80 Dato' Yang Dipertua. 20 peratus pinjaman, 80 peratus zakat. Kalau dulunya dia punya *ratio* 40:60 ataupun, 40:60, tapi sekarang dah jatuh pulak sampai 20:80.

Ta, kita tak boleh nak menanggung semua. Duit poket dia kena buat sendirilah. Tapi kadang-kadang, mereka ni Dato' Yang Dipertua, memang boleh kata tak cukup, tak cukuplah. Tapi bila tak cuti pun dia balik cuti jugak. Bila yang mereka yang patut belajar, mereka pergi melancong ke Turki. Melancong ke mana tempat. Jadi, susah kita nak cakap Dato' Dipertua. Tinggal lagi *rest-assured* ataupun yakinlah Dato' Yang Dipertua, bahawa kebajikan pelajar kita di luar negara, yang di bawah Pengajian Islam, yang di bawah naungan Majlis Agama Islam, memang kita utamakan. Sehingga saya katakan, buatlah penyelidikan, buatlah siasatan bahawa Negeri Sembilan-lah negeri yang paling banyak sekali, yang paling tinggi sekali *portion* zakatnya kepada pelajar kita. Sehingga *ratio*-nya, nisbahnya dah menjadi 20 pinjaman, 80 zakat, Dato' Yang Dipertua. Itu, itu, itu telah pun berlaku. Dan anak-anak Negeri Sembilan tak mempunyai masalah, Dato' Yang Dipertua, ya.

Berkenaan dengan peluang pekerjaan tak banyak di Negeri Sembilan. Ini yang nak kita buat ni Dato' Yang Dipertua. Ini yang nak kita bukak Negeri Sembilan ni. Ini nak kita majukan Negeri Sembilan ni. Kita nak bukak kawasan perindustrian lebih kurang 6,000. *The industrial* punya *cluster* Dato' Dipertua, kluster industri yang nak kita bukak dalam *Malaysian Vision Valley* ni lebih kurang 5 ke 6,000 ekar yang akan mewujudkan beratus-ratus ribu pekerjaan, Dato' Yang Dipertua. Jadi ini yang kita buat. Jadi kita mesti memulakan satu langkah. Kita mesti merancang. Kita tak boleh duduk diam dan *we are pointing fingers*, bukan itu cara kita bekerja di zaman. Kita mesti menggunakan akal kita, menggunakan otak kita dan *we plan what is the next step, what is beyond 2020. Are we going to stop our show by 2020 and what is next*, dengan izin. Ini yang kita nak kita buat supaya perancangan ini perlu kita lakukan dan kita nak buat supaya ianya dilakukan secara komprehensif.

Mahu tak mahu Dato' Yang Dipertua, ada ke tak ada *Malaysian Vision Valley*, kawasan Nilai, Seremban, PD akan membangun. Ia pun dah membangun dah sekarang ni tanpa *Malaysian Vision Valley*. Apakah tidak kita mahu melihat supaya kawasan yang besar ini, yang akan dibangunkan ini secara bertompok-tompok, ber-*pocket-pocket*, *pocket of development* akhirnya nanti menjadi sebagai kawasan yang macam, Senawang selalu masalah, ataupun di Sikamat selalu masalah. Di mana pembangunan 5 ekar sana, 6 ekar sana, 3 ekar sana, 2 ekar sana, akhirnya longkang tah apa, atau ke mana.

Jadi adalah lebih baik untuk kita rancang, kita letakkan semua tuan punya tanah dalam kawasan yang kita sebut ini, dan kita letakkan mereka bersama sebagai satu kawasan pembangunan yang baru, *Malaysian Vision Valley*, dan kita mengambil peluang menawarkan kawasan ini kepada Kerajaan Pusat. Kerajaan Pusat kita katakan, mengapa perlu berbelanja begitu tinggi di satu kawasan yang sempit di Kuala Lumpur yang telah penuh sesak. Apakah tak boleh melihat bahawa di sini, ada satu kawasan yang besar, yang kita boleh tawarkan 40 ke 50 minit ataupun 1 jam perjalanan daripada Kuala Lumpur. Haa ini yang kita buat dan rundingan kita dengan Kerajaan Pusat dan mendapat, mendapat persetujuan daripada Kerajaan Pusat. Haa itu sebabnya Kerajaan Pusat menolong kita untuk berbelanja, perbelanjaan pembangunan, infrastruktur air dan macam-macam, dan jugak telekomunikasi Dato' Yang Dipertua.

Tetapi apa yang kita buat adalah untuk kita merancang untuk kita memikirkan, ya saya setuju dengan Sikamat bahawa sekarang banyak. Tadi pun Lukut kata banyak, banyak yang tak bekerja. Ini yang nak kita buat. Ini yang nak kita sediakan kepada anak-anak kita yang keluar daripada universiti, baik yang baru, baik yang lama, baik yang berkelayakan, baik tak berkelayakan untuk ada peluang pekerjaan. Waima di peringkat apa jua. Ini yang kita nak buat ya. Dan mengambil peluang yang sama jugak, *proceeds from revenue* yang kita dapat ini, akan kita, dengan izin, akan kita bawak ke kawasan luar bandar, untuk kita bangunkan. Kalau tidak, negeri kita kecil. Kita tak naikkan sumber hasil kita Dato' Yang Dipertua. Kita tak naikkan cukai. Dari mana kita nak dapat *revenue* untuk kita berbelanja, untuk kita membangunkan luar bandar. Daripada pembangunan inilah. Jadi jangan kita mempunyai syak wasangka yang tinggi. Cuma Seremban, PD, Nilai saja yang akan dibangunkan, apa jadi dengan kawasan lain.

Seperti yang pernah saya selalu sebutkan. Bukan semua tempat boleh kita bangunkan Dato' Yang Dipertua. Saya pernah sebut dalam Dewan yang mulia ini, 20 lebih tahun satu kawasan di Juasgeh, bukak kawasan industri, sampai sekarang satu industri pun tak ada. Sehingga kita buat kawasan tersebut untuk jadi kawasan perumahan. Jadi, kita kena buat

strategic thinking dan jugak *strategic planning* untuk kita pastikan bahawa pembangunan betul setempat, tapi *what is beyond that*, dengan izin Dato' Yang Dipertua, ini yang kita buat ya. Memang betul peluang pekerjaan tapi kita akan, kita akan, kita akan perbanyakkan peluang pekerjaan dengan kita mewujudkan pembangunan yang ada ini.

Judi haram siber ni, semua cakap. Saya dah cakap pun tadi. Status, tadi ada sebut tanya status, siapa tadi tanya. Memanglah YB tak dengar apa saya cakap pagi tadi. Saya dah kata dah, kita punya jawatankuasa pembanterasan judi haram ini merupakan jawatankuasa yang sama tarafnya dengan judi, dengan jawatankuasa bencana alam. Semua ketua-ketua agensi, ketua jabatan bertugas. Dan macam-macam telah kita buat.

Itu sebabnya saya katakan, kita sedang memantau dan memantau. Tadi Guna kata, kita mesti tengok, sebab bukannya lagi pusat hiburan keluarga. Tak, tak ada lagi lesen, tapi dia merupakan kafe. Dia akan terus berubah dan kita macam kucing dengan tikus. Kita terpaksa mengejar tikus yang badannya kecil, yang boleh lari mana-mana tetapi akhirnya tikus akan dapat kita tangkap dengan kita, bila jadi, bila *bill* dibawak dalam Parlimen nanti, saya mintak Yang Berhormat Chennah sama-sama sokong supaya kita pusatkan satu kuasa. Agensi mana, itu kita belum tahu. Tapi ada yang mengatakan supaya dinaikkan penalti, kompaun dan macam-macam. Itu semua akan masuk, akan tergolong dalam satu *bill* yang begitu komprehensif, Akta Parlimen yang baru, akan kita rangka dan akan kita buat supaya kita dapat pastikan judi haram ini dapat kita tangani dengan lebih berkesan.

Y.B. ADUN Chennah: Terima kasih. Yang Amat Berhormat, untuk rekod, memang kita menyokong penuh. Di Dewan Rakyat baru-baru ini memang kita telah cadangkan satu jawatankuasa bersama kepada Timbalan Perdana Menteri, merangkap Menteri Dalam Negeri. Dan Yang Amat Berhormat Menteri Dalam Negeri pun telah bersetuju untuk mewujudkan satu fokus bersama supaya kita bersama-sama mengkaji dan melihat apakah penambahbaikan kepada rang undang-undang yang, rang undang-undang yang sedia ada. Dan kita sedia untuk memberikan sokongan penuh untuk meluluskan satu undang-undang baru untuk menangkis ataupun membanteras judi siber ini.

Sebab undang-undang yang sedia ada memang ketinggalan zaman. Undang-undang yang sedia ada itu, dia tak dapat membanteras judi ini kerana dia fasal, dia undang-undang yang sedia ada hanya berkenaan dengan apa ni, loteri, dia bukannya judi siber. Jadi kita, untuk rekod, kita akan menyokong penuh apa-apa cadangan untuk mengetatkan undang-undang menangani judi siber. Terima kasih.

Y.A.B. ADUN Rantau: Terima kasih Chennah. *I think* dalam masalah memerangi judi haram, dadah ini kita perlu bersama untuk kita pastikan satu rang undang-undang yang benar-benar baik, yang boleh berkesan untuk kita berjaya ya.

Jadi, masalah gelandangan tadi, saya setuju dengan Sikamat. Kita akan keluarkan dalam, arahan memang telah keluar. Pihak JKM sentiasa memantau, Jabatan Agama Islam pun memantau penguatkuasanya. Tetapi yelah, orang Malaysia ni Dato' Yang Dipertua kan, memang murah hati kan. Jadi banyak yang datang, daripada Kemboja, daripada apa kadang-kadang memang merimaskan kita. Kadang-kadang dia akan melambangkan satu keadaan yang tidak baik. Orang yang daripada luar, dia ingatkan rakyat kita yang mengemis. Padahalnya mereka bukan rakyat tempatan. Mereka ini adalah rakyat luar, negara luar yang datang mengemis, dan Dato' Yang Dipertua, kita akan terus memantau dan menguatkuasakanlah ya.

Kutip derma memang tak boleh kutip derma, dia mesti mendapat kebenaran. Kalau nak buat masjid ke apa ke, daripada kebenaran Jabatan Agama Islam ya.

Medan Ampangan ni seperti yang, Yang Berhormat YB sendiri dah jawab. Dia ada yang berniaga malam, ada yang berniaga siang. Saya pun tak faham Dato', Yang Berhormat Dato' Yang Dipertua. Ada yang dia nak berniaga malam saja. Ada yang nak berniaga siang saja. Kita lupa nak *interview* dia hari tu, masa di-*interview*, "kau nak berniaga 24 jam ke macam mana?" ya. Dia cuma minat. Tapi sebenarnya yang, yang kita bagi kat situ, adalah semua mereka yang berniaga asal daripada situ ya. Yang berniaga asal di situ tetapi kita dah kurangkan jumlahnya. Dulu suami isteri ada 2 lot, kita *kasi* 1 lot saja. Ada jugak orang baru yang masuk yang nampaknya meniaga bagus. Apa yang perlu dibuat ialah mempromosikan, membuatkan aktiviti-aktiviti promosi di situ. Macam jualan-jualan lambak apa-apa supaya orang boleh datang. Dan, tapi nampaknya, kadang-kadang nampak penuh jugak Yang Berhormat ya.

Lukut, haa ni tadi saya katakan, kita keluar, kita buat peluang pekerjaan ya. Ramai yang tak bekerja, dibeban dengan hutang PTPTN. Faktor Bahasa Inggeris lemah, setuju. Tapi Yang Berhormat pun lemah dalam Bahasa Malaysia. Tak boleh bercakap, "mahasiswa" pun tak boleh sebut. Jadi Yang Berhormat sepatutnya pergi belajar lagi komunikasi yang lemah.

Kerajaan dan universiti mesti melatih. Memang kita buat. Itu sebabnya kadang-kadang Dato' Yang Dipertua, bukan semua orang boleh dapat 15A. Bukan orang semua boleh dapat 12A Dato' Dipertua. Itu

sebabnya TVET. Pelajaran TVET ini diperkenalkan, diperkasakan dan akan diberikan diberikan peringkat awalan lagi. Sekolah-sekolah Vokasional akan masuk daripada Tingkatan 1, kalau boleh kita cadangkan. Kalau dulu masuk Tingkatan 4.

Jadi kemahiran ini memang penting. Dan kemahiran, kalau nak dibandingkan antara IPTA di Negeri Sembilan ini, keluaran IPTA ijazahnya ramai yang menganggur, ataupun ramai yang belum bekerja. Kalau nak dibandingkan dengan di ILP, Dato' Yang Dipertua, di ILP (Institut Latihan Perindustrian) di Pedas, lebih kurang 2-300 orang, satu *badge*, belum keluar lagi orang dah ambil dia kerja. Dan kita buat *tracking* dan mereka mempunyai kerjaya yang cemerlang. Jadi maknanya kemahiran macam TVET ini memang perlu kita perkasakan supaya ramai anak-anak muda kita. Kita jangan semua keluar universiti ni masuk kerja kerajaan. Berapa banyak kerajaan boleh bukak peluang pekerjaan satu tahun? Jadi tak, tak mungkin. Jadi yang pentingnya ialah kita buat tadi, kita katakan kita nak buat pembangunan supaya pembangunan yang kita buat ini nanti, akan dapat diisi oleh anak-anak daripada Negeri Sembilan.

Yang lain-lain pasal siber kafe, judi internet. Itu saya telah jawab tadi. Kes melepak, kan. "Melepak" pun payah nak cakap tadi. Melepak ya. Bukan melepak tu perempuan, *very* putih. Melepak adalah melepak ya. Kes melepak ini perlu penguatkuasa. PIBG perlu mainkan peranan. Peranan PIBG jugak bukan setakat setahun sekali tapi anak-anak, kes disiplin di sekolah, kes-kes seperti ponteng sekolah, kes-kes *gangsterism*, PIBG perlu mainkan peranan. Dan setiap sekolah kita telah mintak pasukan Polis Diraja Malaysia (PDRM) untuk ada pegawai-pegawai perhubungan awam dia, ataupun pegawai yang menjadi, bertanggungjawab sebuah sekolah. Tapi PIBG mainkan peranan Dato' Dipertua supaya kes ponteng sekolah, memang susah, cikgu setakat sampai pagar saja, lepas tu kuasa mereka dah tak ada. Jadi, kita harap supaya ini dapat ditangani bersama.

YB Senawang, SJKT bising. Nanti kita, kita mintak sama apalah *highway*, ya. Banjir berlumpur. Papan tanda MPN, tapi saya ingatkan dah lulus dah. Dah buat tender ya. Nanti saya tengok ya, pasal di Bukit Emas ya. Lampu jalan yang sering rosak, pasar malam Seremban Jaya. Ambil maklum ya. Kita mintak MPN tengok ya.

YB Rahang, tindakan perlu diambil. Saya setuju, ya. Memang arahan, aduan rakyat. Tetapi kadang-kadang aduan tu kita ikut *priority* ya. Aduan memang banyak, beratus, beribu kita terima. Kadang-kadang aduannya kita ikut dia punya *priority* iaitu kalau yang masalah, kita ikut dia punya berapa berat masalah dulu. Kita kena *attend to that first*. Baru kita pergi. Tapi, percayalah bahawa setiap aduan memang diteliti

dan akan diambil tindakan akhirnya. Tetapi jangka masa tindakan yang diambil itu sahaja yang kadang-kadang yang membuatkan kita ingat bahawa kerajaan ataupun PBT tidak mengambil tindakan. Ambil tindakan YB ya, inshaa Allah. YB siber, judi siber dan keluarga masyarakat musnah, itu setuju ya.

YB Chuah, jangan terlalu fokus kepada *Malaysian Vision Valley*. Kita tak fokus kepada *Malaysian Vision Valley* saja. Itu sebabnya kita punya dasar pembangunan 30 tahun ini, dia punya dasar tu menyeluruh. Seperti yang saya sebut tadi, boleh jadi, Dato' Yang Dipertua, saya tak berani nak cakap, sama ada betul tidak, nanti, di, di, di, tetapi, Dato' Dipertua, dalam sama 10 ke 15 tahun, negeri kecil, Negeri Sembilan ini besar kemungkinan kita akan dapat membuatkan kita punya bajet antara 7 ke 800 juta, Dato' Dipertua. Hasil daripada kalau *we planed it properly*. Bayangkan dengan kos operasi kita yang tak besar kerana kita punya jumlah kakitangan awam tak besar.

Bayangkan 1 tahun kita boleh *plowback* ataupun kita boleh keluarkan semula untuk kita belanja kepada rakyat. Katakan dalam masa 10 – 15 tahun, kata 15 tahun, kos operasi kita lebih kurang 100 ataupun 200 juta. Sekarang ni, tak sampai, sekarang 100 lebih juta saja 1 tahun kos operasi. *Taking* ikut *calculation*, dengan izin Dato' Yang Dipertua, 5 peratus kenaikan kos ataupun katakan 10 peratus, kata 200 juta. Kita akan ada 600 ke 650 juta ataupun 700 juta, Dato' Yang Dipertua, untuk kita berbelanja untuk kita memperkasakan institusi masyarakat, terutamanya di luar bandar. Itu akan kita buat dengan syarat bahawa kita akan terus dapat mengikut kita punya cadangan pembangunan tersebut dengan, dengan, dengan terbaik yang mungkin. Jangan risau pasal *Malaysian Vision Valley*. Saya katakan tadi *Malaysian Vision Valley* adalah kita punya teras pembangunan. Tapi, falsafah kita lebih besar pada itu.

Tanah status GS, GSA itu terpulang kat sana. Kita dalam kita punya *Malaysian Vision Valley* ini, kita bukan masukkan tanah-tanah orang kampung, kita tak masukkan tanah orang kampung. Kita tanah masukkan tanah-tanah estet-estet orang-orang yang besar-besaran. Dan segala pembangunan di sana, jika ada pulak rasa was-was, segala pembangunan di sana adalah termaktub untuk menepati ataupun dengan mesti mengikut syarat-syarat Dasar Perumahan Negeri Sembilan. So, tidak timbul soal nanti, "oh *Malaysian Vision Valley* ini dikecualikan", tak. Semua kena ikut ya, Dato' Dipertua ya.

Naik taraf jalan, Mambau ke Rantau. Terima kasihlah kerana nak mintak Rantau apa, tinggal lagi telah pun diluluskan iaitu naik taraf jalan Mambau ke Rantau lebih kurang 5 juta untuk pastikan ianya dinaiktaraflah ya.

Perkasakan Adat Perpatih. Baru lepas 2 hari itu hari, kita buat di, di Rembau, kita tukar, kita pergi ke Rembau, Adat Perpatih ni, tapi dalam keadaan tadi pagi ada disentuh tentang situasi semasa. Kerajaan rasakan sampai masanya Dato' Dipertua, untuk kita, kita bukukan, kita dokumentasikan ya, supaya tidak timbul soal nanti, orang tu layak, orang ni tak layak, apa semua kan. Kita pernah berusaha ke arah itu dulu, tetapi dia padam begitu saja, Dato' Dipertua. Tapi memandangkan isu-isu yang ada kebelakangan ini, kerajaan berasa kita sudah sampai masanya untuk kita serius untuk kita jadikan sebagai sitem Adat Perpatih ini satu sistem yang dibukukan, yang dijilidkan sebagai sumber rujukan. Terutamanya anak-anak muda sekarang yang tidak mengambil, yang, yang tak mahu orang kata, mengambil tahu tentang sistem adat ni, Dato' Dipertua, saya, kita takut nanti ia akan luput begitu saja, ya.

Jambatan Sungai Chuah. Haa, sebelum itu, universiti Negeri Sembilan. Kita tak cadang nak bina universiti. Kita tak bercadang Dato' Dipertua, orang nak cakap apa, cakaplah. Orang kata satu-satunya negeri yang tak ada universiti sendiri, tak apa. *We are not short of universities*, ya, dengan izin. Kita bukannya kekurangan universiti, Dato' Dipertua. universiti banyak dalam negara ni, kan. Cumanya kita perlu mengeluarkan bijak pandai. Anak-anak yang cemerlang yang boleh masuk universiti. Kita, nak bergaya ego kita sahaja, nak ada universiti Negeri Sembilan, buat apa kan? Tak ada masalah pun, kan. Banyak negeri lain yang ada universiti tapi hari ini ke mana mereka?

Buat universiti 400 – 500 juta, boleh buat, dengan izin Allah. Tapi macam mana nak mengurus? Siapa yang akan datang? Ini yang kita perlu soalkan. Jadi yang pentingnya ialah duit yang patutnya kita bina universiti itu lebih baik kita gunakan untuk kita menyara ataupun kita membawak ataupun memberi peluang kepada anak-anak yang cerdik pandai, yang *pass* periksa, yang bagus-bagus ni kita hantar mereka keluar. Kita bukan kekurangan universiti, kita tak kurang universiti pun dalam negara, bahkan dah terlampau banyak pun universiti dah, kan. Banyak universiti. Dekat sana universiti, dekat sini universiti. Bahkan satu tahun keluar dari universiti begitu ramai, dah tak tahu nak buat apa pulak dah. Jadi Dato' Dipertua, inilah yang kita katakan, *we are not looking at the quantity but*, dengan izin, kita lihat pada kualiti dia. Jadi tak ada. Kita tak akan bina. Tak tahulah selepas saya nanti, ada orang nak bina universiti, itu terpulang kepada dia.

Jambatan Sungai Chuah. Itu dalam permohonan kita. Tapi nampaknya dalam Rancangan Malaysia Ke-11 tak, tak diluluskan.

Mambau, perkhidmatan myBAS, saya dah sebut tadi. Kita akan melihatnya.

Penjaja makanan jual, penjaja, memang, mereka mengambil saya punya ucapan Dato' Dipertua, kita bukannya bagi dia siapa nak bermiaga, boleh bermiaga sesuka hati. Apa yang telah pun diluluskan oleh kerajaan ialah kita kata tak perlu bayar permit selama 2 tahun. So, dia putar pulak kata, "oh boleh bermiaga mana-mana", kata, "MB suruh" dia kata. Haa dah pening pulak kepala. Boleh bermiaga Dato' Yang Dipertua, boleh bermiaga, bermiagalalah. Ada yang kena buang kerja, anak nak membesar tak tahu nak buat apa, bermiagalalah. Tapi berpadapadalah. Janganlah duduk dekat *traffic light* nak bermiaga, duduk depa, rumah orang nak bermiaga. Susahlah. Cari tempat yang sesuai ya, Dato' Dipertua.

Daripada Temiang, tanah runtuh, itu, itu akan diambil tindakanlah ya. Saya mintak supaya diambil tindakan.

Temiang kata MPS 25 tingkat. Itu cadangan. Kita mesti ada cita-cita ya. Jangan marah, jangan cepat melenting. Dulu kata nak bukak hal ehwal pentadbiran Negeri Sembilan di Sendayan, kita cuma bukak akaun saja 1.00 ringgit, cuma ada Kepala. Bila ada Kepala besok, nak buat senang, kita tak payah cari Kepala. Nak pakai kepala Temiang, tak boleh pakai. Jadi, kita bercita-cita. Dah ada jadi bandar raya, tak kanlah YB Temiang tak nak melihat satu menara Majlis Bandaraya Seremban. Sekarang ni, kakitangan Majlis Perbandaran Seremban menyewa merata-merata. Dekat Seremban Parade ada, dekat sana ada, dekat sini ada, tak lama tu, Dato' Yang Dipertua, mintak pulak Kerajaan Negeri nak gunakan rumah lama kita dekat dengan Jalan Rahang, dekat padang yang sedang di, di, di, dinaik taraf tersebut. Adalah lebih baik kita gunakan satu kawasan untuk kegunaan mereka. Dan kita, kita buat menara supaya ianya menjadi sebagai lambang. Itu pun mengikut kemampuan ya.

Saman kompaun kesalahan letak kereta ambil masa 5 tahun. Saya tak tahu. Memang tak patut 5 tahun.

Paras air di semua empangan. Paras air ni Dato' Yang Dipertua, ada empangan paras air dia okay, di empangan di Rembau, iaitu di Ulu Sepri okay. Tapi kita tak ambil dari *direct* dari empangan Dato' Dipertua, satu satunya empangan yang kita ambil *direct* airnya daripada empangan ialah di Gemencheh, Dato' Dipertua, di Gemencheh. Empangan lain adalah empangan yang menjadi *regulation* ataupun haa ni dia, Sungai Terip sekalilah Dato' Dipertua ya, kita ambil ya. Dulu kita ambil air untuk loji Ngori-Ngori daripada Empangan Teriang kerana paip belum siap lagi. Sekarang paip dah siap, kita tak ambil pada sana, paras air dah mula meningkat ya. Tapi kita ambil air daripada rumah pam di

Petaseh. Haa itu sebabnya sekarang Dato' Dipertua, paras empangan tu, pada pandangan kita punya jabatan-jabatan teknikal kita, pakar-pakar kita, kita boleh bertahan Dato' Dipertua. Tapi ini semua kuasa Allah taala, saya tak mahu cakapkan hari ini kita tak ada masalah, besok pagi masalah, orang akan salahkan saya.

Tetapi dalam keadaan *taking to consideration what we have today*, Dato' Yang Dipertua, dengan izin, *we should not be on the water rationing* punya isu. Tak perlu, ya. Kerana kita dah buat sambungkan *grid-grid* Dato' Dipertua. Dulu macam Jelebu – Kuala Pilah ataupun Jempol – Kuala Pilah, satu *grid*. Seremban satu *grid*. PD satu *grid*. Rembau – Tampin satu *grid*. Dia tak bersambung. Dia *stand alone* punya *grid*. Tapi sekarang kita dah sambung-sambungkan. Bahkan Rembau kita sambungkan ke Tampin. Sekarang ni kita tengah tanam paip 300 milimeter dari Repah ke, daripada Inas ke Repah. Nak sambungkan *grid* Jempol – Kuala Pilah ke *grid* Rembau – Tampin.

Maknanya Dato' Dipertua, dengan 5 juta gelen air bersih, 2 juta gelen air bersih daripada, daripada Inas, kita tak memerlukan begitu banyak lagi air daripada Empangan Gemencheh. Maknanya kita boleh. Tadi YB Gemencheh kata, ucap terima kasih, kita pam, kita ada 3 rumah pam di Sungai Jelai dekat kampung, kampung, kampung apa? Gudhom? Guduham? Geduhum? Kampung Geduhum, 3 pam berkapasiti 12 juta gelen air mentah satu hari. Tapi kita tak pam semualah, kita pakai satu pam ya.

Jadi macam Jelebu dah bagi air, kita pun dah salurkan pulak air daripada Sungai Teriang sampai ke Empangan Terip, Dato' Yang Dipertua, semua dah paip dah siap dah. Dan sekarang kita tengah mintak untuk ada satu loji besar, 500 juta liter 1 hari, di sebelah Loji Ngoi-Ngoi yang sedia ada untuk kita buat pembersihan air. Dan kita mintak untuk kita *supply* di kawasan Seremban, inshaa Allah, Dato' Yang Dipertua ya.

Yang tadi mana, sampai mana tadi ya? Saya di mana? Mambau, Temiang. Temiang ya. Mesin judi, sama. Kos pembayaran bil air tu, terpulanglah kepada kemampuan untuk mereka membina ya. Rumah pusat sinaran terbengkalai tu, dia dalam tender, proses tender YB Temiang ya. Tu Pusat punya projek, saya pun tak dapat nak komen. *Off-hand* saya tahu, dia adalah merupakan dalam proses tender untuk membina satu kompleks rumah penjagaan orang-orang tua-tua di sana ya.

YB Bahau, kita bukan tak memandang kepada Sekolah Jenis Kebangsaan Cina. Bahkan di Sendayan kita bagi semua, bagi tanah semua *free, free* tau. Sekolah Jenis Kebangsaan Cina, Sekolah Jenis

Kebangsaan Tamil, Sekolah Kebangsaan, masjid pun bagi, kuil bagi *free*. Kita bagi jugak dekat Gurdwara kita bagi, semua kita bagi. Lepas tu dekat *church* pun kita bagi. Jangan risau, tapi kalau ada yangterlepas pandang macam di Bahau tu, tak payah perlu tandatangan, kita boleh mintak. Tapi ini semua permohonan kita perlu ajukan kepada Kementerian Pelajaran ya. Jangan ada perasaan mengatakan kita menganak tiri ke tidak. Kita tak ada begitu.

Kualiti air ini, itu hari kita nak buat pembersihan, nak ajak YB, ada yang nak ajak YB, tapi saya tak kasi, mengapa nak ajak YB kan. Ajak sayalah. Haa? [Percakapan oleh YB. ADUN Bahau tidak dapat dicatat berikutan alat pembesar suara beliau tidak diaktifkan] Haa itu kita tukar sebab YB nak datang, kita tutuplah. Jangan risau pasal kualiti air. Jangan risau pasal kualiti air. Sebab kualiti air kita, kita ada ramai jurutera-jurutera muda YB, yang mana kerja mereka setiap hari di loji-loji pembersihan air, kita ambil air, kualiti dia 3 kali sehari. Pagi sekali, tengah hari sekali, petang sekali.

Dan kita mengikuti standard yang dikeluarkan oleh Suruhanjaya Pengurusan Air Negara iaitu *E-coli content* dia berapa, kadar kekeruhan dia berapa, kadar, kadar apa amonia berapa. Semua-semua kita, kita dah capai tahap, dalam lima tu, 3 kita dapat 100%. Cuma *E.coli content* dan *ammonia level*. *E.coli content* lebih kurang 99 peratus kita dah capai. *E.coli content* ini, Dato' Dipertua, dia, dia jauh nanti daripada loji tu, kalau tidak ada orang kata pe, pengamonian ataupun klorin yang baru, *E.coli* ni dia akan bertambah. Jadi itu sebabnya sekarang kita buat, di kawasan yang jauh, di kawasan jari-jari yang jauh, kita buat pengklorian semula supaya *E.coli content* dapat kita kurangkan. Yang lain kita dah *almost there*, Dato' Yang Dipertua dengan izin.

Mesin judi, inshaa Allah kita buat. Sistem perparitan di Bahau. Itu, kalau nak tahu pasal perparitan ni, banjur kilat Dato' Dipertua, saya cakap seluruh Negeri Sembilan-lah ya. Kita ada 92 *hot spot* yang telah pun kita kaji. 92 *hot spot*, kawasan yang selalu kena banjur kilat. Dan dengan jumlah 23.9 juta. Kita perlu ada. Yang kita ada duit sekarang inilah dalam lebih kurang 3.2 juta. Kita akan ikut *priority* ya, kita akan buat, dan kita akan pastikan supaya ianya dibuat. Dan kita jugak akan mintak daripada Kerajaan Pusat, kementerian pembangunan, apa ni, Kementerian Perumahan Kerajaan Tempatan untuk menolong kita untuk kita dapatkan bajet-bajet. 92 *hot spot* termasuk tempat dekat Senawang, yang lain-lain ya. Bukan kita tak tahu, kita tahu tapi kita buatkan *priority* dia, keutamaan-keutamaan dia supaya kita dapat buat penyelesaian secara komprehensif dan menyeluruh, Dato' Dipertua.

Pemetaan tu kita buat, Dato' Dipertua, pemetaan sedang dibuat di peringkat akhir sekarang ini apa yang dipanggil sebagai GIS ya. Di

bawah GIS ya, semua kita buat. Kita punya jalan, kita punya, semua kita buat. Kemudahan-kemudahan asas, perparitan, semua kita buat.

YB Lobak, jenayah meningkat kawasan Lobak. Polis akan terus memantau Dato' Dipertua. Judi haram, seperti saya kata. Kompaunnya ringan, kita akan buat di peringkat Parlimen.

Pemaju yang dah bankrap pemilik tak dapat hak strata, itu akan sedang kita lihat. Kita sedang lihat apa cara kita boleh tololong ya, kepada mereka yang mempunyai masalah, belum dapat hak milik strata, pemaju dah tak ada, pemaju dah bankrap dan macam-macam lagi ya. Termasuklah yang 7 buah rumah kedai tadi, yang disebut oleh di kawasan, di kawasan dekat Sekolah Chung Hwa tadi ya. Itu, saya pun tak tahu, baru hari ini saya dengar. 11 ya. Itu saya tak tahu. *This, not in my radar, I will lead into that.*

Pemohon JKM, tadi dah jawab oleh Yang Berhormat sahabat saya. Jalan berlubang di Lobak, kita ambil maklum. Tapi ini masanya untuk kita buat. Untuk pengetahuan Dato' Yang Dipertua, MARRIS, jalan-jalan untuk PBT-PBT ni telah pun diluluskan oleh jawatankuasa yang dipengerusikan oleh Yang Berhormat Dato' Pegawai Kewangan. Semua pun telah diluluskan. Ada beratus-ratus projek telah diluluskan yang menelan belanja, *so far* berapa Dato' ya? 190 lebih juta. Tahun lepas Dato' Dipertua, kita berbelanja lebih daripada Wang Amanah yang kita terima daripada Pusat. Kerajaan Negeri tambah duit kita. Tahun ini saja kita dah luluskan, tapi dalam proses penyediaan tender, macam-macamlah ya. Boleh jadi sekarang ni akan sedang bermula, jawatankuasa akan bersidang dan kerja akan dilakukan.

YB Nilai, kutipan *fees* tanah kubur. Ini telah dijawab oleh sahabat saya tadi ya. Ini kita, akan kita lihat. Kualiti perkhidmatan telefon, internet Desa Jasmin. Ini bukan YB saja bawak, saya dalam Mesyuarat Tindakan Negeri pun, kita kerajaan pun bawak kerana keluhan orang ramai. Ada taman-taman yang tak ada langsung, belum ada langsung lagi ya, kemudahan *internet access* dan lain-lain. Dan kita mintak SKMM meneliti. Dan pemaju-pemaju jugak mesti melihatlah siapa dia Telcos yang dia nak jadikan dia punya *partner* dalam dia punya telekomunikasi. Kerana pemilihan ini dia bukan dibuat oleh kerajaan, dia dibuat oleh pemaju itu sendiri.

Perkhidmatan ambulans, kita ambil maklum. Persimpangan Semarak – Nilai, kita ambil maklum jugak kerana, beransur-ansur sekarang ni kita buat, kerana dia menelan belanja. Bayaran tol pokok buah-buahan, itu kita, saya katakan tadilah kita lihat macam mana ya, berapa yang patut kita buat.

Rebah, demonstrasi Baju Merah, tak boleh sebut. Ceramah Doktor Zakir menimbulkan kemarahan rakyat, itu terpulanglah. Boleh jadi tajuk ceramah ni pun tak betul. Dia penceramah biasa. Tapi yang buat di Melaka di kan, ceramah dia kata, persamaan Hindu dan Islam. *I think we should not, we should not do that.* Kalau tanya jugak, saya pun, banyak perkara tajuk lain yang perlu boleh kita bincang untuk menyeru orang bekerjasama dan lain-lain ya. Tak perlu menyentuh agama orang lain.

Masalah rakyat di Tampin, ramai yang berminat nak berniaga tapi tak dapat. Tak tahuhah saya. Itu, Dato' Yang Dipertua, kadang-kadang nampak tak ada orang, tapi orang dah, dah, dah berpunya tempat tu Dato' Dipertua. Itu saya nak nasihatkan jugak PBT, mana-mana orang yang dah dapat gerai, tapi dia tak bukak, dalam masa 3 bulan ambil baliklah. Kita ambil baliklah sebab ramai orang nak berniaga. Kadang-kadang dia buat sebagai stor, kan. Tempat stor yang murah. Jadi pun tak boleh jugak begitu. Saya setuju jugak dengan padangan daripada Rebah tu.

MVV saya dah katakan tadi, kita bukan fokus satu kawasan saja. Dasar Perumahan Negeri Sembilan, *so far* okay. Semua kita tak kasi, mana-mana yang dulu kita luluskan di bawah 30 peratus rumah murah, Rumah Kos Rendah, mereka boleh *convert* kepada Dasar Perumahan iaitu rumah mampu milik tapi mereka tak boleh bina rumah melebihi 80 ribu. Semua *subject* kepada 80 ribu ke bawah, Dato' Yang Dipertua ya. Keselamatan, polis, saya percaya akan terus melihatnya.

YB PD, pengalaman sangat baik. Terima kasihlah, sejuk hati ini. YB PD menyejukkan hati saya. Selepas tuduhan-tuduhan yang melulu yang tidak berasas kepada saya ya, macam-macam, tapi YB PD cakap tadi, *you're my brother-lah ya. Yenna ya, nadri vanakkam*, dengan izin.

Judi haram, saya dah cakap tadi dah. Pemaju yang bankrap, saya pun dah cakap. Penyelenggaraan lif, kemudahan asas tak terurus, kita mintak, ini semuanya adalah masalah, masalah kalau rumah, rumah apa orang kata, kos rendah, memang tak mampu nak menubuhkan *joint management corporation* dia. Nak bayar, ada yang bayar, ada yang 20 peratus, yang lain tak nak bayar, macam-macam. Apa yang telah kita buat ialah kita telah mintak jasa baik PBT-PBT, mana-mana kawasan, kawasan bersama tu, kalau tak dapat diurus dengan baik, daripada kita lihat ianya mencemarkan, kita mintak PBT untuk membersihkan dan jugak menguruskan kawasan-kawasan tersebut.

Highway Sirusa – Pasir Panjang. Dah sudah okay dah selesai ya. Tapi dia simpang-simpang dekat Taman Politeknik-lah ya. Tanah perkuburan Islam alaf baru. Oh apa tu? Saya pun baru tahu alaf baru.

Masuk kubur, masuk kubur sajalah, apa hal. Ada internet dalam ke? Mahu cakap ke? Haa cakaplah.

Y.B. ADUN Port Dickson: Bukan, kubur yang Batu 7 ni sudah hampir nak habis. So kita mintak tanah barulah.

Y.A.B. ADUN Rantau: Ya sudah bagi, kita akan mintak, cari. Ada satu kawasan kita mintak, tapi kawasan tak sesuai. Tapi yang YB kata alaf baru ni, apahal? Saya Pengurus Majlis Agama Islam tau. Kau apa tau? Pembinaan masjid, okay.

Pokok yang tak sesuai ditanam, ya, kadang-kadang ada pokok yang tak sesuai. Kadang-kadang nampak pokok *palm*, pokok *palm* ni satu kadang-kadang satunya 1,000 ribu Dato' Dipertua. Lebih baik kita tanam pokok yang lain, pokok yang boleh berbunga. Kalau di luar-luar negara kita tengok dalam musim bunga, berbunga semua kan. Kat sini kita sentiasa panas. Mengapa kita tak tanam pokok yang boleh keluarkan bunga kan, pokok yang berbunga, yang sejuk mata kita. Tanam pokok palm, betul, tapi tak berapa cantik, tapi mahal, kan. Macam-macam. Kalau Royal Palm lagi mahal, yang besar, Royal Palm-nya yang besar sama dengan Ravi-lah, YB Ravi.

Kereta lambang, haa. YB kena saman, tempat lain tak kena saman, di PD sendiri kena saman. Itu menandakan YB, pilihan raya akan datang jangan bertanding. Itu tanda-tanda awal tau. Orang India kata *you going to polchick*, dengan izin ya. Tak, kadang-kadang budak-budak, pegawai muda, pekerja-pekerja muda, YB maafkanlah okay. Tapi tunjuklah lain kali, pakai sini, ini YB PD kan.

YB Kepayang, bekalan air bersih. Seperti saya katakan tadi, setakat yang kita lihat, setakat yang kita kaji hari ini, Dato' Dipertua, kita mempunyai bekalan yang boleh sampai 3 ke 4 bulan. Tapi kita tak tahu kerana wap yang panas, dia punya proses pemewapan tu kadang-kadang banyak, Dato' Dipertua, pun boleh mengeringkan air, ya. Kita dah nak mengeluarkan air daripada Empangan Talang ke Ulu Sungai Muar. Minggu lepas, tapi hujan ada 2 – 3 hari, air dah naik balik. Kalau tidak Dato' Yang Dipertua, kita akan lepaskan air, air yang menjadi kita punya simpanan daripada Empangan Talang, 20 juta gelen satu hari ke Sungai Muar untuk memungkinkan ada 5 loji daripada Jelai, Jempol sampai ke, ke sampai ke Gemas untuk dapat air. Tapi tak perlu kerana hujan dah mula turun dan paras air boleh dipam lagi. Tapi kalau masih kering lagi, kita akan lepaskan 20 juta gelen satu hari, 3 kali 1 minggu ke, kita tengok macam mana. Kita mempunyai cukup, di Talang kita cukup air kita untuk kita lepaskan ke dalam sungai.

Tapi, saya mintak maaf, kerajaan mintak maaf kepada penanam padi. Penanam padi yang terpaksa menanggung, sepatutnya mereka menanam padi sekarang. Tapi kerana musim yang tidak menentu, kerana tempat-tempat pam air yang dibina untuk mengepam air ataupun memasukkan air untuk masuk ke parit-parit untuk sawah padi, dah rendah Dato' Dipertua, kerana kita buat *pumping* air yang begitu banyak untuk bekalan air minuman. Kita lihat kepada keperluan jugak Dato' Dipertua, minuman kita dulu yang kita dulukan, tanam padi kemudian. Kalau tanam padi pun, Dato' Yang Dipertua, dengan keadaan cuaca yang begitu panas, saya rasa dia tidak akan membawaikan ataupun menghasilkan buah yang baik.

Dia belum rugi lagilah, dia melainkan kalau macam banjir, dia rugilah. Kalau ditiup angin lebat, ataupun hujan lebat, padi nak masak, rugi. Dia belum menanam lagi, cuma kita mintak supaya Jabatan Pertanian menasihatkan petani-petani supaya melengahkan jadual untuk menanam semula di sawah-sawah mereka. Ini banyak terjadi di kawasan Jelebu dan kawasan Jempol, Dato' Dipertua ya.

Dasar Perumahan Negeri Sembilan ini memang kita telah jalankan sejak daripada pertengahan tahun lepas. Yang baru-baru ni, masing-masing akur, masing-masing tak ada masalah dengan kita punya dasar iaitu mengenakan 50 peratus rumah-rumah mampu milik kepada pemaju yang memajukan 10 ekar ke atas. Dan jugak dengan dasar yang sedia ada ini, mana-mana pemaju yang dulunya dikenakan 30 peratus Rumah Kos Rendah, mereka boleh mintak Kerajaan Negeri untuk membina *on case-to-case basis*, tetapi mereka cuma boleh membina Rumah Mampu Milik kategori A saja iaitu 80 ribu ke bawah. Rumah teres, bukan rumah dalam bentuk rumah pangsa. Tak ada masalah.

Kita bekerjasama dengan pihak REDHA, Dato' Dipertua, iaitu Persatuan Pemaju Perumahan di Negeri Sembilan untuk kita apa-apa jua masalah yang dihadapi oleh pemaju-pemaju, dapat kita tangani. Setakat ini Dato' Dipertua, ia berjalan lancar ya. Kita belum lagi buat kita punya analisis kerana dia belum sampai 1 tahun. Tetapi setakat ini tak ada masalah, Dato' Dipertua ya.

Status 11 buah rumah kedai tadi, saya dah sebut, saya akan tengok. *Strata title* projek terbengkalai, saya dah sebut tadi.

Dana harta ala Negeri Sembilan. Ini cuma kita punya, saya punya lontaran idea, Dato' Dipertua ya, untuk membeli. Tetapi bukan oleh Kerajaan Negeri, tetapi dibeli oleh Majlis Agama Islam kerana kemampuan duit zakat kita ya, yang ada. Tetapi kita nak melihat dari atas asnaf mana ya. Ataupun macam mana cara. Walau apa jua, Dato' Yang Dipertua, kita perlukan satu pemikiran dan kelulusan daripada,

kalau di Majlis Agama Islam, daripada Majlis Fatwa Negeri Sembilan ya. Ini kita buat ya, untuk kita pastikan mereka-mereka yang fakir, yang miskin, kita beli, kita tempatkan mereka di situ. Macam mana nanti ya.

Ada satu blok rumah misalnya, blok rumah yang tak boleh jual, rumah, rumah pangsa. Kita nak beli macam tu misalnya, dalam satu wakaf. Wakaf kita boleh bina baru, ataupun wakaf kita beli rumah yang telah siap atas, di atas dana wakaf yang kita ambil daripada Majlis Agama Islam ataupun mereka-mereka yang sudi untuk mewakafkan. Kita kadang-kadang pun kita boleh mintak orang wakaf, Dato' Yang Dipertua ya. Dan kita kumpulkan di bawah Perbadanan Wakaf Negeri Sembilan. Ini tak ada kena mengena dengan Kerajaan Negeri Sembilan ya. Ini *more off*, ataupun atas dasar Majlis Agama Islam. Cuma di peringkat, masih lagi di peringkat perancangan. Belum buat lagi.

Pasar Warisan, saya akan mintak MPS untuk tengok. Cukai tanah taksir pun, saya pun tak, saya mintak notis Dato' Dipertua ya, supaya kita bagi notis, kerana memang tidak ada kelulusan kepada semua PBT, semua Pejabat Tanah tidak ada kelulusan menaikkan cukai tanah, walaupun pada awal tahun lepas, kita telah pun dapat masuk ke tahun yang ke-10. Dia kajian, kajian cukai tanah dibuat 10 tahun sekali. Kita ambil maklum saja. Tapi kita tak naikkan cukai tanah di Negeri Sembilan. Dan semua PBT telah buatkan penilaian harta mereka di kawasan mereka, tapi kita juga mengambil maklum dan tidak ada kenaikan cukai. Tapi kalau ada, itu boleh jadi ada beberapa perkara agaknya, yang tertentu di atas tanah tersebut. Boleh kita *check* ya.

Sungai Lui, selekoh merbahaya. Itu saya, akan kita tengok daripada apa, dengan JKR. Lanskap dari Pahang, boleh jugaklah pintu masuk ya, waktu masuk "Selamat Datang Ke Negeri Sembilan" ya, untuk kita buatkan.

DUN Johol, Desa Amaya ini, memang kita, itu hasrat kitalah. Itulah hasrat kita, Dato' Dipertua, Desa Amaya ini adalah desa yang lengkap. Desa yang mana anak-anak orang desa tak perlu keluar ke bandar. Desa yang mana semuanya ada. Baik dari segi infrastruktur, alam nyata ataupun infrastruktur alam maya. Sekarang ni orang dah duduk dalam alam maya, Dato' Yang Dipertua, dia tak *sompek-sompek* masuk dalam alam barzakh, dia masuk *copek*. Jadi, dia masuk alam maya segera. Dia lebih banyak berada di alam maya daripada alam yang nyata, anak-anak muda sekarang. Jadi infrastruktur yang lengkap, kemudahan yang lengkap, pengangkutan awam yang lengkap, seperti yang saya sebutkan tadi, *proceed from the development*, ya, akan kita buat, bawak ke luar bandar.

YB Paroi, Rumah Mampu Milik, PR1MA. Di Paroi rasanya ada PR1MA yang telah pun dipohon untuk kelulusan. Rumah Mampu Milik, ini di bawah Jabatan Perumahan Negara. MyBAS, itu saya dah sebut, tadi, kita akan lihat kerana banyak sangat rungutan daripada orang ramai dan jugak YB.

Pembayaran gaji tak seimbang, itu kita akan mintak nanti Tenaga Kerja lihat. Bantuan untuk mangsa ribut, okay.

YB Linggi, "Memakmurkan Negeri Mensejahterakan Rakyat". Itu falsafah utama kita ya. Rakyat, haa itu saya setuju. Itu kadang-kadang Dato' Yang Dipertua, kita terlampau *straight* sangat, kepada mereka yang benar-benar layak, tapi akhirnya mereka tak layak nak beli rumah. Seliau tu rumah 130 ribu. Dibina oleh Kementerian Perumahan Kerajaan Tempatan. Jual 35 ribu. Nak pinjam bank 35 ribu pun mereka tak layak Dato' Dipertua. Dah semua datang balik kepada kerajaan mintak supaya tolong. Kita tak bolehlah sampai begitu sekali kan. Kerana suatu perkara yang amat baik, rumah 130 ribu, dapat beli 35 ribu, tapi disebabkan oleh kelayakan mereka. Mereka pekerja estet dulu, sekarang dah tak kerja lagi, dah tua. Ini jugak kita kena kaji semulalah Dato' Yang Dipertua ya.

Gemencheh. Banjir di Gemencheh, itu saya sebutkan tadi ya. Kita lihat, rasanya Gemencheh ni, dulu masa Gemencheh banjir besar dulu kan, kita dah buatkan mendalamkan sungai. Boleh jadi sungai tersebut dah banyak, dulu banyak pokok-pokok yang jatuh dalam sungai. Macam-macam. Jadi, salah satu dia. Dan yang keduanya *lak*, di kawasan hiliran tu, di kawasan Melaka dan kawasan Johor, mereka tak buat. Jadi bila air laju turun, dia naik balik, itu yang banjir kilat. Itu pun kita tengok Dato' Dipertua.

Dan akhir sekali ialah, daripada Juasseh. Keputusan pelajaran. Nak bukak satu Maahad tu, tak tau lagilah. Tapi yang Maahad yang ada ni kan, Dato' kan, kita kena, kita kena perkasakan. Memang kita dah perkasakan. Saya bersama pengurusan pentadbir pergi, kita pergi hostel dia, semua kita dah tengok kan. Baik yang Maahad di belah atas, Maahad yang bawah, *stump* dia, *stump* dia pun kita dah tengokkan. Dia punya surau kita buat baru. Surau lama kita *repair* jugak. Dewan makannya baru diluluskan satu jumlah yang besar untuk dewan yang baru yang tidak ada perkakasan, dapur-dapur dan macam-macam lagi. Semua kabinet-kabinet untuk menyimpan pakaian kita dah tukar daripada kayu pergi ke besi. Banyak belanja kita keluarkan ya.

Masalah air di DUN Juasseh, haa itu rasanya paip pecah kan, sebab, dan jugak untuk kita menyambung paip yang baru. Dan mesin judi, kelayakan pinjam bank dan rumah wakaf. Rumah wakaf ni Dato'

Dipertua, saya dah katakan tadi jugak dalam proses pertimbangan kita ya, Dato' Yang Dipertua. Jadi itulah sepintas lalu yang dapat

Y.B. ADUN Nilai: Dato' Dipertua

Y.A.B. ADUN Rantau: YB Nilai?

Y.B. ADUN Nilai: ada satu jalan, ada satu soalan belum jawab. Iaitu mengenai larangan pengoperasian lori-lori pada hari Sabtu.

Y.A.B. ADUN Rantau: Oh keluar pasir pada Sabtu kita dah pertimbangkan. Kita pertimbangkan supaya boleh buat hari Sabtu tetapi kita akan buat pemantauan ya. Kita memandangkan bahawa, kita memandangkan kepada keselamatan, Dato' Dipertua. Dan jugak masalah hari Sabtu ni, masalah kenderaan yang banyak. Tapi dalam masa yang sama, kita tidak dapat menafikan bahawa dia menjelaskan pendapatan keluarga, pendapatan pemandu-pemandu.

Lagi satu Dato' Dipertua, kita punya permit dulu, dalam kita punya Pejabat Tanah ataupun dalam kita punya peraturan, kita keluarkan masa hari kerja saja. Kita lupa bahawa hari Sabtu kita dah tak kerja. Jadi, jalan macam dulu. Dulu hari Sabtu kerja. Jadi, bila hari Sabtu, tak kerja, tak ada orang memantau. Saya, Dato' Dipertua, ataupun kerajaan melihat ini sebagai satu kehilangan punca hasil Kerajaan Negeri yang amat banyak. Jadi, sekarang ni kita memerlukan kerjasama yang baik di antara orang yang empunya lesen supaya mereka mestilah seorang yang amanah. Dan jika didapati mereka ini melanggar syarat Dato' Dipertua, kita akan *cancel* lesen itu. Itu saja, ya.

So saya harap supaya, saya ulangi Dato' Dipertua ya, hari Sabtu kita akan bagi sampai pukul 2:00. Tetapi jika didapati mereka melanggar syarat-syarat permit, dan jugak mereka tidak buat deklarasi hasil, kita tidak akan teragak-agak untuk kita membatalkan permit masing-masing okay. Kerana kita tak mahu, kerajaan kehilangan hasil. Kerajaan hilang hasil banyak, Dato' Yang Dipertua. Hari Sabtu, kadang-kadang buat hari minggu, hari malam, keluar pasir, keluar granite, macam-macam, keluar, keluar. Saya nak, dan bahkan kita telah buat NBOS dengan jabatan-jabatan lain, kita jugak akan pastikan supaya kita nak kenakan tindakan jugak kepada tuan punya kuari, ataupun tuan punya permit pasir ya.

Y.B. ADUN Bukit Kepayang: Yang Amat Berhormat, tadi ada satu berkenaan perkara yang perlu pengesahan daripada Yang Amat Berhormat berkenaan dengan gerai di tepi jalan. Kalau di kawasan perumahan tu macam mana. Kalau di kawasan komersial dengan industri saya rasa *shouldn't be any problem*-lah, dengan izin. Tapi kalau perumahan tu, Yang Amat Berhormat, depan rumah orang.

Y.A.B. ADUN Rantau: Dia kalau depan rumah orang sangat, tak elok kan. Itu sebabnya saya katakan tadi, berpada-padalah ya. Nak cari rezeki betul, kita ramai orang susah sekarang. Ramai orang susah YB. Orang yang tak cukup pendapatan, terpaksa berniaga hari malam. Dia cukup untuk pendapatan dia, dia tak akan berniaga YB. Mereka tidak akan susah payah untuk berniaga. Mereka tak cukup. Mereka terpaksa berniaga. Apakah kita nak lihat mereka ni jadi perompak, ataupun menjadi pencuri kerana nak menyara anak. Itu kita kena soal diri kita. Kita senang buat keputusan. Sebagai kerajaan, sebagai Yang Berhormat, haa okay tak boleh berniaga, runtuhkan semua. Tetapi impak dia, kan. Kita, kita tak tahu dia nak membesar anak, dapat berniaga pun bukan banyak satu hari. Habis banyak pun 30 – 40.00 ringgit dengan harga barang yang mahal, kan. Tetapi 30 – 40.00 ringgit ni Yang Berhormat boleh membesar anak 5 orang.

Jadi, pemikiran yang begini perlu ada jugak pada kita yang membuat dasar, pada kita yang berkuasa kerana kita jangan lihat daripada perspektif kita. Kita mesti letakkan jugak diri kita di tempat mereka. Buat apa orang nak susah-susah kan, nak berniaga. Bukan, bukan senang berniaga sekarang pun, bukan tentu laku pun. Kadang-kadang hari hujan, langsung habis, macam-macam. Tapi kerana nak menyara anak, nak menyara keluarga dan hendak, untuk menyara kehidupan.

Tapi, pada masa yang sama pulak, kita mintaklah ya, kita mintak supaya mereka janganlah membukak gerai secara *somborono* saja, ya. Tak mengira di kawasan depan ruamh orang apa semua. Itu tak baiklah. Dan jika ini berlaku, saya rasa pihak berkuasa akan mengambil tindakan. Berniagalah tempat-tempat yang dirasakan sesuai. Bahkan saya dah nasihatkan kepada PBT terutamanya di MPN dan MPS, pilihlah mana-mana kawasan, letakkan, buatkan tapak yang baik. Kita akan buat satu, di satu kawasan dalam MPN. Saya lihat dekat 20 – 30 gerai dibina di tepi jalan, saya mintak supaya YDP simenkan saja tempat tu, supaya dia tak becak, dan supaya dia lebih nampak, nampak bersih dan lain-lain.

Y.B. ADUN Bukit Kepayang: Terima kasih Dato' Yang Dipertua. Terima kasih Yang Amat Berhormat. Yang Amat Berhormat, satu lagi berkenaan dengan jalan plaza tu, apa, tol baru ke, ke arah *PLUS highway* tu. Apa status.

Y.A.B. ADUN Rantau: Itu kita dah mintak, dia punya penilaian terlampau tinggi Yang Berhormat sebab tanah tu dah jadi tanah pembangunan, tanah pemajuan. Jadi saya sekarang saya dah mintak pulak JKR kalau boleh tak usahlah kita ambil banyak sangat, kita ambil sikit. Tapi dari segi keselamatan pulak dia punya, dia punya *corner*, dia punya *bend* tu terlampau, terlampau apa sangat, tajam sangat, dia akan boleh menyebabkan kemalangan. Jadi kita sekarang serba salah, kita mintak, sebab ini kita mintak daripada kementerian ya, kita mintak pada EPU. Dia, dia punya jumlah terlampau besar untuk mengambil tanah yang sikit. Jadi itu sedang kita, kita

Y.B. ADUN Bukit Kepayang: Dia status komersial ke Yang Amat Berhormat?

Y.A.B. ADUN Rantau: Tinggi, status komersial, dulu tanah, tanah rizab jalan tu kita dah ambil dah. Tapi kita kena *mark*-kan, bahkan mereka terpaksa ubah suai semula Kebenaran Merancang yang telah kita luluskan kerana kita terpaksa ambil tanah tersebut. Itu salah satu sebabnya mengapa kita jugak ber, bagikan kelonggaran kepada pemaju situ kita tambah dia punya *plot ratio*. Kalau tidak 1:3, kita bagi 1:4.5, kerana kita benarkan dia bina tinggi, kerana tanahnya kita dah ambil.

Tapi sekarang ni, isu dia ialah, Dato' Yang Dipertua, ialah dia punya kos terlampau tinggi dan kita sedang memohon daripada Kerajaan Pusat untuk membantu kita. Kalau tidak semua dah okay. *Design* semua dah okay, *everything* okay. Cuma duitnya yang kita perlu runding, untuk kita dapatkan ya.

Itu saja Dato' Yang Dipertua, dan saya mengucapkan syabas

Y.B. ADUN Seri Menanti: Yang Berhormat Dato' Yang Dipertua, tadi saya ada apa ni, ucapan saya tadi, iaitu kualiti *coverage* ni, jalur lebar di kawasan Seri Menanti khususnya jalan laluan daripada Seremban - Kuala Pilah. Daripada Paroi sampailah Kuala Pilah. Kualiti dia tu terlampau, terlampau, terlampau teruk sangat.

Y.A.B. ADUN Rantau: Saya pun nak jawab jugak, ada jugak yang bertanya pasal kualiti *internet access* dan macam-macam. Dato' Yang Dipertua, dalam Majlis Agama Islam yang bersidang baru-baru ini, kita telah pun meluluskan, meluluskan satu pelan untuk kita buat *jump-start* punya isu kerana nak bina menara baru, lambat dan jugak ada orang nak bina menara tempat yang ada *traffic volume* tinggi. Jadi, kita

telah meluluskan supaya semua menara di masjid di seluruh Negeri Sembilan boleh dibenarkan untuk dijadikan sebagai menara telekomunikasi. Jadi, tak payah belanja lagi dah. Jadi, menara dah ada, letak dia punya *disc* kat situ, tapi dengan syarat bahawa masjid tersebut dan kawasan *compound* dia, keluar dia mesti dibagi kemudahan wifi secara percuma, dan jugak dibagi sedikit apa, imbuhan kepada masjid tersebut untuk mereka, duit imbuhanlah secara bulanan.

Jadi, secara automatik Dato' Dipertua, kita ada 394 masjid seluruh Negeri Sembilan. Di kampung pun sekali. Dan ini akan menjadi sebagai kita katakan sebagai *jump-start* punya *internet penetration* yang sekarang ni terlampaui rendah di satu kawasan-kawasan tertentu. Ada kawasan yang lain. Dalam masa yang sama Dato' Dipertua, dalam kita punya *smarter NS* punya program, yang telah pun diluluskan oleh Kerajaan Negeri untuk kita buat, pun kita ada apa yang kita panggil sebagai, kita letakkan dalam saluran-saluran yang berunsurkan *fast track*. Kalau tidak kita nak panggil 2G, lepas tu 3G, sampai 2020, lepas tu besok baru 4G. Ada kawasan-kawasan yang perlu 4G terus, kita *jump-start* 4G. Jadi, untuk kita buat macam kawasan di perindustrian dan kawasan memerlukan kemudahan internet macam di Nilai dan yang lain-lain Dato' Yang Dipertua. Jadi ini sedang kita buat dan kita masukkan dalam satu program bersepada rancangan *Smarter NS* untuk memperkasakan kita punya ICT di Negeri Sembilan, Dato' Yang Dipertua.

Dan akhir sekali Dato' Yang Dipertua, terima kasih. Dan saya ingin menyatakan kekesalan sayalah di atas isu di mana salah seorang daripada ahli Yang Berhormat membuat tuduhan yang begitu liar, dan saya telah katakan tadi, kalau dia nak mintak saya bersumpah Quran sama dia, saya boleh sumpah. Sumpah laknat. Dan kalau boleh dia nak laporkan kepada SPRM, dengan rela, sila buat buat pemeriksaan kerana *March that I want to see*, Dato' Yang Dipertua, kita menggunakan, meng, *we are applying a good corporate covenant* di Negeri Sembilan.

Tetapi tuduhan-tuduhan begini tak perlu ada. Janganlah kerana disebabkan oleh sakit hati, kita buat tuduhan-tuduhan yang liar. Tuduhan mesti berasas. Dalam Dewan in kita tak boleh buat tuduhan. Tuduhan mesti ada bukti. Kalau berani, ada bukti, buat ya, Dato' Dipertua. Jangan jadi macam orang yang tidak ada, yang tidak mempunyai jati dirilah ya. Dan Dato' Yang Dipertua, seperti mana rakan-rakan yang lain bercakap, bahasa menunjukkan bangsa, Dato' Dipertua. Orang tua-tua kata bahasa itu menunjukkan bangsa. Bangsa ni keturunanlah ya. Jadi, *it shows clearly who you are*, dengan izin, *thank you very much*, dengan izin. Terima kasih Dato' Yang Dipertua.

Y.B. Yang Dipertua Dewan: Terima kasih kepada Yang Amat Berhormat mewakili kerajaan dalam menjawab dalam penggulungan perbahasan kita. Ahli-ahli Yang Berhormat saya berasa amat sukacitalah pada penggulungan kali ini, tertib. Siapa nak bangun, mintak izin, lepas tu dibenarkan izin oleh penggulung sebentar tadi ialah Yang Amat Berhormat sendiri. Jadi perjalanan kita amat baik, tenang, semua persoalan dapat dijawab dengan baik. Saya ucapkan tahniah kepada Yang Amat Berhormat dan semua ahli-ahli Yang Berhormat kerana tatatertib ni. Rupa-rupanya kadang-kadang kena tempik jugaklah, baru nak dengarlah kepada, pada pandangan daripada Yang Dipertua. Jadi saya harap pada masa akan datang, *address me*, *address* kepada saya, inshaa Allah kita akan buat, beri pertimbangan yang sewajarnya.

Ahli-ahli Yang Berhormat, usul ini telah dicadang, telah pun disokong. Kemudian telah kita bahas dan telah pun dijawab oleh pihak kerajaan. Oleh itu saya buka untuk undi. Ahli-ahli Yang Berhormat yang bersetuju dengan Usul ini, sila angkat tangan [semua 34 orang ahli Yang Berhormat bersetuju]. Yang tidak bersetuju, yang berkecuali, Usul ini diluluskan.

[Y.B. ADUN Lenggeng tiada di dalam Galeri Persidangan ketika undian dijalankan].

7. PENANGGUHAN MESYUARAT

Setiausaha Dewan: Perkara ketujuh, Penangguhan Mesyuarat.

Y.A.B. ADUN Rantau: Dato' Yang Dipertua, saya bangun mohon untuk cadangkan supaya sidang kita yang bersidang selama 1 hari ini ditangguhkan dengan ucapan bagi pihak semua rakan-rakan Yang Berhormat, terima kasih banyak-banyak di atas kelincinan perjalanan sidang kita yang berlangsung pada hari ini. Dan tahniah di atas kecekapan Dato' Yang Dipertua mengendalikan mesyuarat. Terima kasih.

Y.B. ADUN Jeram Padang: Yang Berhormat Dato' Yang Dipertua, saya bangun menyokong cadangan itu.

Y.B. Yang Dipertua Dewan: Ahli-ahli Yang Berhormat sekalian, cadangan untuk menangguhkan Persidangan Dewan telah pun dibuat

dan telah mendapat sokongan. Sementara itu, saya ada menerima 7 permohonan daripada ahli-ahli Yang Berhormat untuk membuat Ucapan Penangguhan bagi persidangan kali ini.

Walau bagaimanapun, permohonan daripada Yang Berhormat adung, ADUN Lenggeng dan Yang Berhormat ADUN Lukut terpaksa ditolak mengikut Peraturan 29(1)(a) Peraturan-Peraturan Dan Perintah-Perintah Tetap Bagi Dewan Perhimpunan undang, Undangan Negeri Sembilan.

Oleh itu, saya ada lagi baki 5 yang akan saya panggil seorang perseorangan. Dan saya tak benarkan lebih daripada 10 minit. Dipersilakan Yang Berhormat ADUN Juasseeh.

Y.B. ADUN Juasseeh: Yang Berhormat Dato' Yang Dipertua, saya mohon menarik diri daripada Ucapan Penangguhan memandangkan masa hampir jam 7:00. Terima kasih.

Y.B. Yang Dipertua Dewan: Dipersilakan Yang Berhormat ADUN Sungai Lui.

Y.B. ADUN Sungai Lui: Yang Berhormat Dato' Yang Dipertua, saya pun menarik diri.

Y.B. Yang Dipertua Dewan: Apa dia?

Y.B. ADUN Sungai Lui: Menarik diri.

Y.B. Yang Dipertua Dewan: Dipersilakan Yang Berhormat ADUN Johol.

Y.B. ADUN Johol: Yang Berhormat Yang Dipertua, Johol juga menarik untuk berucap dalam penangguhan.

Y.B. Yang Dipertua Dewan: Dipersilakan Yang Berhormat ADUN Paroi.

Y.B. ADUN Paroi: Dato' Yang Dipertua, saya pun menarik diri daripada Ucapan Penangguhan.

Y.B. Yang Dipertua Dewan: Dipersilakan Yang Berhormat ADUN Gemencheh.

Y.B. ADUN Gemencheh: Yang, Dato' Yang Dipertua, saya menarik diri.

Y.B. Yang Dipertua Dewan: Terima kasih kepada ahli Berhormat menarik diri memandangkan masa yang tidak mengizinkan. Saya juga ucap terima kasih sebab ahli Yang Berhormat tarik diri memandangkan saya yang dah lama duduk di depan ni. Jadi kepada ahli Yang Berhormat, saya juga nak ambil kesempatan ni nak ucap berbanyak-banyak terima kasih kepada ahli-ahli Yang Berhormat kerana mengambil bahagian dalam persidangan kita kali ini. Walaupun kita bersidang sehari, tapi sungguh bermakna. Dan pertama kali saya ingat dalam persidangan di mana saya tidak begitu *straight* menetapkan waktu. Saya nak tengok ahli Yang Berhormat apakah boleh mendisiplinkan diri dalam waktu yang kita ada, untuk menghabiskan persidangan kita. Saya ucapkan tahniah kepada ahli Yang Berhormat.

Ahli-ahli Yang Berhormat sekalian, sebelum saya tangguhkan persidangan kali ini, saya juga nak mengambil kesempatan ini untuk mengucapkan terima kasih dan setinggi-tinggi per, penghargaan kepada Yang Amat Berhormat, Yang Berhormat, ketua-ketua jabatan, media massa dan urusetia persidangan yang telah sama-sama menjayakan persidangan kita kali ini. Dewan ditangguhkan.

[Persidangan Dewan ditangguhkan pada jam 6.40 petang]